

064  
P. P A P I N I I  
S T A T I I  
O P E R A

EX RECENSIONE  
IO. FRIDERICI GRONOVII.

TOMVS PRIOR



MANNHEMII  
Cura & Sumptibus Societatis literatae





## ELOGIA STATII.

**P.** PAPINIUS STATIUS, patre  
nominis ejusdem, earundemque artium,  
Neapolitanus, Romæ floruit imperante  
Domitiano, P. Virgilio Maronis cultor,  
& quantum licet, æmulus, omnium cer-  
te heroïcorum post illum, Jul. Scaligero  
teste, facile princeps. Scripsit præter  
Thebaida & Achilleida Sylvas, poë-  
matia varia & extemporali calore, quo  
neminem parem habuit, effusa, in qui-  
bus Epithalamia, Epicedia, Dedicatio-  
nes, Laudes, Epistolæ, Lyricon etiam

unum & alterum. Memorat & Agauen  
 ejus Juvenalis, quæcumque illa fuerit.  
 Carus Cæsari & comitibus ejus vixit,  
 liberalitatibus illorum, si non locuples,  
 at parvi beatus ruris possessor. Ter in  
 agone Albano coronas tulit. In agone  
 Capitolino superatus est, sua an judi-  
 cum culpa, incertum.

Juvenalis *Sat.* VII, 82.

*Curritur ad vocem jucundam & carmen amicum  
 Thebaicos, lætam fecit cum Statius urbem,  
 Promisitque diem: tanta dulcedine captos  
 Adficit ille animos, tantaque libidine vulgi  
 Auditur.*

Sidonius Apollin. *Carm.* IX, 227.

*Non quod Papinius tuus meusque*

*Inter Labdacios sonat furores:*

*Vel cum forte pedum minore rhythmo*

*Pingit gemmea prata Silularum.*

Idem ad *Carm.* XXII.

“Si quis carmen prolixius eatenus du-  
 „xerit esse culpandum, quod epigram-  
 „matis excesserit paucitatem, istum li-  
 „quido patet, neque balneas Etrusci,  
 „neque Herculem Surrentinum, neque  
 „comas Flavii Earini, neque Tibur Vo-  
 „pisci, neque omnino quicquam de Pa-  
 „pinii nostri Silvulis lectitasse: quas

VIII ELOGIA STATII.

„omnes descriptiones vir ille præjudica-  
„tissimus non distichorum aut retrasti-  
„chorum stringit angustiis, sed potius,  
„ut lyricus Flaccus in artis poëticæ  
„volumine præcipit, multis iisdemque  
„purpureis locorum communium pan-  
„nis semel inchoatas materias decen-  
„ter extendit”.



P. STA.

P. P A P I N I I  
S T A T I I  
T H E B A I D O S  
LIBRI XII.

ARGUMENTA  
*Librorum duodecim*  
THEBAIDOS.

*Ex vetustissimo codice Toletano.*

Solvitur in *Primo* fratrum concordia libro.  
Denegat & foedus, repetitaque regna *Secundus*.  
*Tertius* in Thebas inflammat Dorica castra.  
In *Quarto* Mavors bello rapit undique Grajos.  
*Quintus* & Hyfiphiles luctus, narratque dolores.  
Archemori *Sextus* ludos ad funera ducit.  
*Septimus* obsessas Thebas, vatisque sepulchrum.  
Occidit *Oktavo* Menalippi cuspide Tydeus.  
Hippomedonta solo dat *Nonus* & Arcada telo.  
Cuspide fulminea *Decimus* Capanea terebat.  
*Undecimus* parili germanos funere jungit.  
*Ultimus* Ogygias dat vincere Thesea Thebas.

P. PAPINII STATII  
THEBAIDOS  
LIBER I.

FRATERNAS acies, alternaque regna profanis  
Decertata odiis, fontesque evolvere Thebas,  
Pierius menti calor incidit. Unde jubetis  
Ire Deae? gentisne canam primordia dirae?  
Sidonios raptus, & inexorabile pactum 5  
Legis Agenoreae? scrutantemque aequora Cadmum?  
Longa retro series, trepidum si Martis operti  
Agricolam infandis condentem praelia fulcis  
Expeditam, penitusque sequar quo carmine muris  
Jusserit Amphion Tyrios accedere montes. *archu 10*  
Unde graves irae cognata in moenia Baccho,  
Quod faevae Junonis opus, cui sumpserit arcum  
Infelix Athamas, cur non expaverit ingens  
Jonium, socio castra Palaemone mater.  
Atque adeo jam nunc gemitus, & prospera Cadmi

Praeteriisse finam: limes mihi carminis esto 16

Oedipodae confusa domus: quando Itala nondum

*Spirare?* Signa, nec Arctoo's ausim sperare triumphos,

Bisque jugo Rhenum, bis adactum legibus Istrum,

Et conjurato dejectos vertice Dacos: 20

Aut defensa prius vix pubescentibus annis

Bella Jovis. Tuque o Latiae decus addite famae,

Quem nova maturi subeuntem exoria parentis

Aeternum sibi Roma cupit: licet arctior omnes

Limes agat stellas, & te plaga lucida coeli 25

Pleiadum, Boreaeque, & hiulci fulminis expers

Sollicitet; licet ignipedum frenator equorum

Ipsae tuis alte radiantem crinibus arcum

Imprimat, aut magni cedat tibi Juppiter aequa

Parte poli; maneat hominum contentus habenis, 30

Undarum terraeque potens, & sidera dones.

Tempus erit, cum Pierio tua fortior oestro

Facta canam: nunc tendo chelyn. Satis arma referre

Aonia, & geminis sceptrum exitiale tyrannis

Nec furiis post fata modum, flammisque rebelles

Seditione rogi, tumulisque carentia regum 36

Funera, & egestas alternis moribus urbes.

Coerula cum rubuit Lernaeo sanguine Dirce,

Et Thetis arentes assuetum stringere ripas,

Horrui ingenti venientem Ismenon acervo. 40

Quem prius heroum Clio dabis? immodicum irae

Tydea? laurigeri subitos an vatis hiatus!

Urget & hostilem propellens caedibus amnem

Turbidus Hippomedon, plorandaque bella protevi

Arcados, atque alio Capaneus horrore canendus. 45

Impia jam merita scrutatus lumina dextra,

Merferat aeterna damnatum nocte pudorem

Oedipodes, longaque animam sub morte tenebat.

Illum indulgentem tenebris, imaeque recessu

Sedis, inaspectos coelo, radiisque penates 50

Servantem, tamen assiduis circumvolat alis

Saeva dies animi, scelerumque in pectore Dirae.

Tunc vacuos orbes, crudum ac miserabile vitae

Supplicium, ostentat coelo, manibusque cruentis

Pulsat inane solum, saevaue ita voce precatur: 55

Di fontes animas, angustaue Tartara poenis

Qui regitis, tuque umbrifero Styx livida fundo,

Quam video, multumque mihi consueta vocari

Annue Tisiphone, <sup>voc</sup>perversaue <sup>accus</sup>vota secunda:

Si bene quid merui, si me de matre cadentem 60  
 Fovisti gremio, & trajectum vulnere plantas  
 Firmasti: si stagna petii Cyrrhaea bicorni  
Interfusa jugo, possem cum degere falso  
 Contentus Polybo, trifidaeque in Phocidos arcto  
 Longaevum implicui regem, secuique trementis 65  
 Ora senis, dum quaero patrem: si Sphyngos iniquae  
 Callidus ambages te praemonstrante resolvi:  
 Si dulces furias, & lamentabile matris  
 Connubium gavissus inii; noctemque nefandam  
 Saepe tuli, natosque tibi (scis ipsa) paravi: 70  
 Mox avidus poenae digitis cedentibus ultro  
Incubui, miseraque oculos in matre reliqui;  
 Exaudi, si digna precor, quaeque ipsa furenti  
 Subjiceres: Orbem visu, regnisque, parentem  
 Non regere, aut distis moerentem flectere adorti 75  
 Quos genui, quocunque toro: quin ecce superbi  
 (Pro dolor) & nostro jamdudum funere reges  
 Insultant tenebris, gemitusque odere paternos.  
 Hisne etiam funestus ego? & videt ista deorum  
 Ignavus genitor? tu saltem debita vindex 80  
 Huc ades, & totos in poenam ordire nepotes.

Indue quod madidum tabo diadema cruentis  
 Unguibus arripui, votisque instincta paternis  
 I media in fratres, generis consortia ferro  
 Dissiliant: da Tartarei regina barathri 85  
 Quod cupiam vidisse nefas. Nec tarda sequetur  
 Mens juvenum, modo digna veni, mea pignora nosces.  
 Talia jactanti crudelis Diva severos  
 Advertit vultus. Inamoenum forte sedebat  
 Cocyton juxta resolutaque vertice crines, 90  
 Lambere sulfureas permiserat anguibus undas.  
 Illicet igne Jovis, lapsisque citatior astris  
 Trifibus exiluit ripis. Discedit inane  
 Vulgus, & occurfus dominae pavet. illa per umbras  
 Et caligantes animarum examine campos, 95  
 Tenariae limen petit irremeabile portae.  
 Sensit adesse dies: piceo nox obvia nimbo  
 Lucentes turbavit equos. Procul arduus Atlas  
 Horruit, & dubia coelum cervice remisit.  
 Arripit extemplo Maleae de valle resurgens 100  
 Notum iter ad Thebas. Neque enim velocior ulla  
 Itque reditque vias, cognataque Tartara mavult. *petit*  
 Centum illi stantes umbrabant ora cerastae,

Turba minor diri capitis: sedet intus abactis

Ferrea lux oculis. qualis per nubila Phoebes 105

*maejica* Atracia rubet arte labor: suffusa veneno

Tenditur, ac sanie gliscit cutis: igneus atro

Ore vapor. quo longa fitis, morbique, famelque,

Et populis mors una venit. Riget horrida tergo

Palla, & coerulei redeunt in pectore nodi. 110

Atropos hos, atque ipsa novat Proserpina cultus.

Tum geminas quatit illa manus. Naec igne rogali

Fulgurat, haec vivo manus aëra verberat hydro.

Ut stetit, abrupta qua plurimus arce Cithaeron

Occurrit coelo, fera sibila crine virenti 115

Congeminat, signum terris, unde omnis Achaei

Ora maris late, Pelopejaque regna resultant.

Audit & medius coeli Parnassus, & asper

Eurotas, dubiamque jugo fragor impulit Oeten

In latus, & geminis vix fluctibus obstitit Isthmos. 120

Ipsa suum genitrix, curvo delphine vagantem

Arripuit frenis, gremioque Palaemona pressit.

Atque ea Cadmaeo praeceps ubi limine primum

Constitit, assuetaque infecit nube penates:

Protinus attoniti fratrum sub pectore motus, 125

Gentilisque animos subiit furor, aegraque laetis

Invidia, atque parens odii metus. Inde regendi

Saevus amor: ruptaeque vices, jurisque secundi

Ambitus impatiens, & summo dulcius unum

Stare loco, sociisque comes discordia regnis. 130

Sic ubi delectos per torva armenta juvenco

Agricola imposito sociare affectat aratro:

Illi indignantes quis nondum vomere multo

Ardua nodosos cervix descendit in armos,

In diversa trahunt, atque aequis vincula laxant 135

Viribus, & vario confundunt limite fulcos:

Haud fecus indomitos praeceps discordia fratres

Asperat. Alterni placuit sub legibus anni

Exilio mutare ducem. Sic jure maligno

Fortunam transire jubent, ut sceptrum tenentem 140

Foedere praecipiti semper novus angeret haeres.

Haec inter fratres pietas erat: haec mora pugnae

Sola, nec in regem perdurata secundum.

Et nondum crasso laquear' a fulva metallo,

<sup>Columinis</sup> Montibus aut alte Grajis effulta nitebant 145

Atria, congestos fatis explicitura clientes.

Non impacatis regum advigilantia somnis



Pila, nec alterna ferri statione gementes  
 Excubiae, nec cura mero committere gemmas,  
 Atque aurum violare cibis. Sed nuda potestas 150  
 Armavit fratres: pugna est de paupere regno.  
 Dumque uter angustae squalentia jugera Dirces  
 Verteret, aut Tyrii folio non altus ovaret  
 Exulis, ambigitur; periit jus, fasque, bonumque,  
 Et vitae, mortisque pudor. Quo tenditis iras  
 Ah miseri? quid si peteretur crimine tanto 156  
 Limes uterque <sup>mundi</sup> poli, quem Sol emissus Eoo  
 Cardine, quem porta vergens prospectat Ibera?  
 Quasque procul terras obliquo sidere tangit  
Ayius, aut Borea gelidas, madidive tepentes 160  
 Igne Noti? Quid si Tyriae Phrygiaeve sub unum  
Convectentur opes? loca dira, arcesque nefandae  
 Suffecere odio, furtisque immanibus emptum est  
 Oedipodae sedisse loco. Jam forte carebat  
 Dilatus Polynicis honos. Quis tum tibi, saeve, 165  
 Quis fuit ille dies? vacua cum solus in aula  
 Respiceres jus omne tuum, cunctosque minores,  
 Et nusquam par stare caput? Jam murmura serpunt  
 Plebis Echioniae, tacitumque a principe vulgus

Dissidet, & (qui mos populis) venturus amatur. 170  
 Atque aliquis, cui mens humili laesisse veneno  
 Summa, nec impositos unquam cervice volenti  
 Ferre duces: hancne Ogygiis, ait, aspera rebus  
 Fata tulere vicem? toties mutare timendos,  
 Alternoque jugo dubitantia subdere colla! 175  
 Partiti versant populorum fata, manuque  
 Fortunam fecere levem. Semperne vicissim  
 Exulibus servire dabor? tibi, summe deorum  
 Terrarumque fator, fociis hanc addere mentem  
 Sedit? an inde vetus Thebis extenditur omen, 180  
 Ex quo Sidonii nequicquam blanda juveni  
 Pondera, Carpathio jussus sale quaerere Cadmus  
 Exul Hyanteos invenit regna per agros:  
 Fraternalque acies foetae telluris hiatu  
 Augurium, seros dimisit adusque nepotes? 185  
 Cernis ut erectum torva sub fronte minetur  
 Saevior assurgens dempto consorte potestas?  
 Quas gerit ore minas? quanto premit omnia fastu?  
 Hicne unquam privatus erit? tamen ille precanti  
 Mitis, & affatu bonus & patientior aequi. 190  
 Quid mirum? non solus eram. Nos vilis in omnes

Prompta manus casus domino cuicunque parati.  
 Qualiter hinc gelidus Boreas, hinc nubifer Eurus  
 Vela trahunt, nutat mediae fortuna carinae.  
 Heu dubio suspenſa metu, tolerandaque nullis 195  
 Aspera fors populis! hic imperat: ille minatur.  
 At Jovis imperiis rapidi ſuper atria coeli  
 Lectus concilio divum convenerat ordo  
 Interiore polo. Spatiis hinc omnia iuxta  
 Primaque occiduaeque domus, effuſa ſub omni 200  
 Terra atque unda die. Mediis ſeſe arduus infert  
 Ipſe deis, placido quatiens tamen omnia vultu,  
 Stellantique locat folio. Nec protinus auſi  
 Coelicolae, veniam donec pater ipſe ſedendi 204  
 Tranquilla jubet eſſe manu. Mox turba vagorum  
 Semideum, & ſummis cognati nubibus amnes,  
 Et compreſſa metu ſervantes murmura venti  
 Aurea teſta replent, mixta convexa deorum  
 Maieſtate tremunt: radiant majore ſereno  
 Culmina, & arcano florentes lumine poſtes. 210  
 Poſtquam juſſa quies, ſiluitque exterritus orbis,  
 Incipit ex alto: (grave & immutabile ſanctis  
 Pondus aedeſt verbis, & vocem Fata ſequuntur)

Terrarum delicta, nec exuperabile Diris 214  
 Ingenium mortale queror. Quonam uſque nocentum  
 Exigar in poenas? taedet ſaevire coruſco  
 Fulmine. Jam pridem Cyclopum operoſa fatiſcunt  
 Brachia, & Aeoliis deſunt incudibus ignes.  
 Atque ideo tuleram falſo reſtore ſolutos  
 Solis equos, coelumque rotis errantibus uri, 220  
 Et Phaëtontaea mundum ſquallere favilla.  
 Nil actum eſt: neque tu valida quod cuſpide late  
 Ire per illicitum pelago germane dediſti.  
 Nunc geminas punire domos, quis ſanguinis autor  
 Ipſe ego, deſcendo. Perſeos alter in Argos 225  
 Scinditur, Aonias fluit hic ab origine Thebas.  
 Mens cunctis impoſta manet: quis funera Cadmi  
 Neſciat? & toties excitam a ſedibus imis  
 Eumenidum bellaeſſe aciem? mala gaudia matrum,  
 Erroresque feros nemorum, & reticenda deorum 230  
 Crimina? vix lucis ſpatio, vix noctis abactae  
 Enumerare queam mores, gentemque profanam.  
 Scandere quin etiam thalamos hic impius haeres  
 Patris, & immeritae gremium inceſtare parentis  
 Appetit, proprios monſtro revolutus in ortus.

Ille tamen Superis aeterna piacula solvit, 236  
 Projecitque diem: nec jam amplius aethere nostro  
 Vescitur, at nati (facinus sine more!) cadentes  
 Calcavere oculos. Jam jam rata vota tulisti,  
 Dire fenex: meruere tuae, meruere, tenebrae 240  
 Ultorem sperare Jovem. Nova fontibus arma  
 Injiciam regnis, totumque a stirpe revellam  
 Exitiale genus. Belli mihi femina sunt  
 Adraustus focer, & Superis adjuncta sinistris  
 Connubia. Hanc etiam poenis incessere gentem 245  
 Decretum. Neque enim arcano de pectore fallax  
 Tantalus, & saevae periit injuria mensae.  
 Sic pater omnipotens. Ast illi faucibus dicitis  
 Flammato versans inopinum corde dolorem  
 Talia Juno refert: Mene, ô justissime divum, 250  
 Me bello certare jubes? scis semper ut arces  
 Cyclopum, magnique Phoroneos inclyta fama  
 Sceptra viris, opibusque juvem, licet improbus illic  
 Custodem Phariae, somno letoque juvencae  
 Extinguas, septis & turribus aureus intres. 255  
 Mentitis ignosco toris: illam odimus urbem,  
 Quam vultu confessus adis: ubi conscia magni

Signa tori, tonitrus agis, & mea fulmina torques.  
 Facta luant Thebae: cur hostes eligis Argos?  
 Quin age, si tanta est thalami discordia sancti, 260  
 Et Samon, & veteres armis excinde Mycenae.  
 Verte solo Sparten. Cur usquam sanguine festo  
 Conjugis ara tuae, cumulo cur thuris Eoi  
 Laeta calet? melius votis Mareotica fumat  
 Coptos, & aerisoni lugentia flumina Nili. 265  
 Quod si prisca luant auctorum crimina gentes,  
 Subvenitque tuis fera haec sententia curis,  
 Percensere aevi senium, quo tempore tandem  
 Terrarum furias abolere, & secula retro  
 Emendare sat est? jam dudum ab sedibus illis 270  
 Incipe, fluctivaga qua praeterlabitur unda  
 Sicanos longe relegens Alpheus amores.  
 Arcades hic tua (nec pudor est?) delubra nefastis  
 Imposuere locis: illic Mavortius axis 274  
 Oenomai, Geticoque pecus stabulare sub Aemo  
 Dignius: abruptis, etiamnum inhumata procorum  
 Reliquiis trunca ora rigent. Tamen hic tibi templi  
 Gratus honos. Placet Ida nocens, mentitaque manes  
 Creta tuos. Me Tantaleis consistere tectis, 279

Quae tandem invidia est? belli defleste tumultus,  
 Et generis miseresce tui. Sunt impia late  
 Regna tibi, melius generos passura nocentes.  
 Finierat miscens precibus convicia Juno. 283  
 At non ille gravis, dictis, quanquam aspera, motus  
 Reddidit haec: Equidem haud rebar te mente secunda  
 Laturam, quodcumque tuos (licet aequus) in Argos  
 Confulerem, neque me (detur si copia) fallit  
 Multa super Thebis Bacchum, aufuramque Dionem  
 Dicere, sed nostri reverentia ponderis obstat.  
 Horrendos etenim latices, Stygia aequora fratris 290  
 Obtestor, mansurum & non revocabile verum,  
 Nil fore quo dictis flectar. Quare impiger ales  
 Portantes praecede Notos, Cyllenia proles:  
 Aëra per liquidum, regnisque illapsus opacis  
 Dic patruo: superas senior se tollat ad auras 295  
 Læius, extinctum nati quem vulnere nondum  
 Ulterior Lethes accepit ripa, profundi  
 Lege Erebi: ferat haec diro mea iussa nepoti:  
 Germanum exilio fretum, Argolicisque tumentem  
 Hospitiis, quod sponte cupit, procul impius aula  
 Arceat, alternum regni inficiatus honorem: 301  
 Hinc

Hinc causae irarum. Certo reliqua ordine ducam.  
 Paret Atlantiades dictis genitoris, & inde  
 Summa pedum propere plantaribus illigat alis,  
 Obnubitque comas, & temperat astra galero. 305  
 Tum dextrae virgam inferuit, qua pellere dulces  
 Aut suadere iterum somnos, qua nigra subire  
 Tartara, & exangues animare assueverat umbras.  
 Desiluit; tenuique exceptus inhorruit aura.  
 Nec mora, sublimes raptim per inane volatus 310  
 Carpit, & ingenti designat nubila gyro.  
 Interea patris olim vagus exul ab oris  
 Oedipodionides furto deferta pererrat  
 Aoniae. Jam jamque animis male debita regna  
 Concipit, & longum signis cunctantibus annum 315  
 Stare gemit. Tenet una dies noctesque recursans  
 Cura virum, si quando humilem decedere regno  
 Germanum, & semet Thebis, opibusque potitum  
 Cerneret, hac aevum cupiat pro luce pacisci.  
 Nunc queritur ceu tarda fugae dispendia: sed mox  
 Attollit flatus ducis, & sedisse superbum 321  
 Dejecto se fratre putat, spes anxia mentem  
 Extrahit, & longo consumit gaudia voto.

Tunc sedet Inachias urbes, Danaeique arva,  
 Et caligantes abrupto sole Mycenae, 325  
 Ferre iter impavidum. seu praeuia ducit Erinnyes,  
 Seu fors illa viae, sive hac immota vocabat  
 Atropos. Ogygiis ululata furoribus antra  
 Deserit, & pingues Bacchaeo sanguine colles.  
 Inde plagam, qua molle sedens in plana Cithaeron 330  
 Porrigitur, lapsumque inclinat ad aequora montem  
 Praeterit. Hinc arcte scopuloso in limite pendens,  
 Infames Scyrone petras, Scyllaeaque rura  
 Purpureo regnata seni, mitemque Corinthon  
 Linqvit, & in mediis audit duo littora campis. 335  
 Jamque per emeriti surgens confinia Phoebi  
 Titanis, late mundo subvecta silenti  
 Rorifera gelidum tenuaverat aëra biga.  
 Jam pecudes volucresque tacent: jam somnus avaris  
 Inserpit curis, pronusque per aëra nutat, 340  
 Grata laboratae referens obliviam vitae.  
 Sed nec puniceo rediturum nubila coelo  
 Promifere jubar, nec rarefcentibus umbris  
 Longa repercusso nituere crepuscula Phoebus.  
 Denfior a terris, & nulli pervia flammae 345

Subtexit nox atra polos. Jam claustra rigentis  
 Aeoliae percussa fonant, venturaque rauco  
 Ore minatur hyems, venti transverfa frementes  
 Configunt, axemque emoto cardine vellunt, 349  
 Dum coelum sibi quisque rapit. Sed plurimus Auster  
 Inglomerat noctem, & tenebrosa volumina torquet,  
 Defunditque imbres. sicco quos asper hiatu  
 Perfolidat Boreas. Nec non abrupta tremiscunt  
 Fulgura, & attritus subita face rumpitur aether.  
 Jam Nemea, jam Taenareis contermina lucis 355  
 Arcadiae capita alta madent. Ruit agmine facto  
 Inachus, & gelidas surgens Erasinus ad Arctos.  
 Pulverulenta prius, calcandaque flumina nullae  
 Aggeribus tenuere morae, stagnoque refusa est  
 Funditus, & veteri spumavit Lerna veneno. 360  
 Frangitur omne nemus: rapiunt antiqua procellae  
 Brachia sylvarum, nullisque aspecta per aevum  
 Solibus umbrosi patuere aestiva Lycaei.  
 Ille tamen modo saxa jugis fugientia ruptis  
 Miratur, modo nubigenas e montibus amnes 365  
 Aure pavens, passimque infano turbine raptas  
 Pastorum pecorumque domos. Non segnius amens,

Incertusque viae, per nigra silentia, vastum  
 Haurit iter. Pulsat metus undique, & undique frater.  
 Ac velut hyberno deprensus navita ponto, 370  
 Cui neque temo piger, neque amico sidere monstrat  
 Luna vias, medio coeli, pelagique tumultu  
 Stat rationis inops: jam jamque aut saxa malignis  
 Expectat submersa vadis, aut vertice acuto  
 Spumantes scopulos erectae incurere prorae: 375  
 Talis opaca legens nemorum Cadmeius heros,  
 Accelerat, vasto metuenda umbone ferarum  
 Excutiens stabula, & prono virgulta refringit  
 Pectore: dat stimulos animo vis moesta timoris,  
 Donec ab Inachiis victa caligine tectis 380  
 Emicuit lucem devexa in moenia fundens  
 Larissaeus apex. Illo spe concitus omni  
 Evolat. Hinc celsae Junonis templa Prosymnae  
 Levus habet, hinc Herculeo signata vapore  
 Lernaesi stagna atra vadi. tandemque reclusis 385  
 Infertur portis. actutum regia cernit  
 Vestibula. Hic artus imbri, ventoque rigentes  
 Projicit, ignotaeque acclinis postibus aulae  
 Invitat tenues ad dura cubilia somnos.

Rex ibi tranquillae medio de limite vitae 390  
 In senium vergens populos Adraustus habebat,  
 Dives avis, & utroque Jovem de sanguine ducens.  
 Hic sexus melioris inops, sed prole virebat  
 Foeminea, gemino natarum pignore fultus.  
 Cui Phoebus generos (monstrum exitiabile dictu!  
 Mox adaperta fides) aevo ducente canebat 396  
 Setigerumque suem, & fulvum adventare leonem.  
 Haec volvens, non ipse pater, non docte futuri  
 Amphiaræ vides, etenim vetat auctor Apollo.  
 Tantum in corde sedens aegrescit cura parentis. 400  
 Ecce autem antiquam fato Calydonia relinquens  
 Olenius Tydeus (fraterni sanguinis illum  
 Conscius horror agit) eadem sub nocte sopora  
 Lustra terit, similesque Notos dequestus & imbres,  
 Infusam tergo glaciem, & liquentia nimbis 405  
 Ora, comasque gerens, subit uno tegmine, cujus  
 Fusus humo gelida partem prior hospes habebat.  
 Hic vero ambobus rabiem fortuna cruentam  
 Attulit, haud passi sociis defendere noctem  
 Culminibus. Paulum alternis in verba minasque  
 Cunctantur: mox ut jactis sermonibus irae 311

Intumuere satis, tum vero erectus uterque  
 Exertare humeros, nudamque laceffere pugnam.  
 Celsior ille gradu procera in membra, simulque  
 Integer annorum, sed non & viribus infra 415  
 Tydea fert animus, totosque infusa per artus  
 Major in exiguo regnabat corpore virtus.  
 Jam crebros ictus ora & cava tempora circum  
 Obnixi ingeminant, telorum aut grandinis instar  
 Rhipheae, flexoque genu vacua ilia tundunt. 420  
 Non aliter quam Pisaeo sua lustra Tonanti  
 Cum redeunt, crudisque virum sudoribus ardet  
 Pulvis, at hinc teneros caveae dissensus ephebos  
 Concitat, exclusaeque expectant praemia matres.  
 Sic alacres odio, nullaque cupidine laudis 425  
 Accensi incurrunt, scrutatur & intima vultus  
 Unca manus, penitusque oculis cedentibus instat.  
 Forfan & accinctos lateri (sic ita ferebat)  
 Nudassent enses, meliusque hostilibus armis  
 Lugendus fratri juvenis Thebane, jaceres, 430  
 Ni rex insolitum clamorem, & pectore ab alto  
 Stridentes gemitus, noctis miratus in umbris,  
 Movisset gressus, magnis cui sobria curis

Pendebat somno jam deteriore senectus.  
 Isque ubi progrediens numerosa luce, per alta 435  
 Atria, dimotis adverso limine claustris  
 Terribilem dictu faciem, lacera ora, putresque  
 Sanguineo videt imbre genas: quae causa furoris  
 Externi juvenes? (neque enim meus audeat istas  
 Civis in usque manus) quisnam implacabilis ardor  
 Exturbare odiis tranquilla silentia noctis? 441  
 Usque adeone angusta dies? & triste, parumper  
 Pacem animo, somnumque pati? sed prodite tandem  
 Unde orti? quo fertis iter? quae jurgia? nam vos  
 Haud humiles tanta ira docet, generisque superbi  
 Magna per effusum clarescunt signa cruorem. 446  
 Vix ea, cum mixto clamore obliqua tuentes  
 Incipiunt una: Rex ô mitissime Achivum,  
 Quid verbis opus? ipse undantes sanguine vultus  
 Aspicias, haec passim turbatis vocis amarae 450  
 Confudere sonis. Inde orsus in ordine Tydeus  
 Continuat: moesti cupiens solatia casus.  
 Monstriferae Calydonis opes, Acheloïaque arva  
 Deserui: vestris hic me ecce in finibus ingens  
 Nox operit. Testo coelum prohibere quis iste 455

Arcuit? an quoniam prior haec ad limina forte  
 Molitur gressus? pariter stabulare bimembres  
 Centauros, unaque ferunt Cyclopas in Aetna  
 Compositos, sunt & rabidis jura insita monstis,  
 Fasque suum: nobis sociare cubilia terrae? 460  
 Sed quid ego? aut hodie spoliis gavifus abibis,  
 Quisquis es, his; aut me, si non effoetus oborto  
 Sanguis hebet luctu, magni de stirpe creatum  
 Oeneos, & Marti non degenerare paterno  
 Accipies. Nec nos animi, nec stirpis egemus, 465  
 Ille refert contra, sed mens sibi conscia facti  
 Cunctatur proferre patrem. Tunc mitis Adrastus,  
 Immo agite, & positis, quas nox, inopinaque suavit  
 Aut virtus, aut ira, minis, succedite testis. 469  
 Jam pariter coeant animorum in pignora dextrae.  
 Non haec incassum, divisque absentibus acta:  
 Forfan & has venturus amor praemiserit iras,  
 Ut meminisse juvet. Nec vana voce locutus  
 Fata senex: siquidem hanc perhibent post vulnera  
 junctis  
 Esse fidem, quanta partitum extrema protervo  
 Thesea Pirithoo, vel inanem mentis Orestem 476

Opposito rabidam Pylade vitasse Megaeram.  
 Tunc quoque mulcentem dictis corda aspera regem  
 Jam faciles (ventis ut decertata residunt  
 Aequora, laxatisque diu tamen aura superstes 480  
 Immoritur velis) passi subiere penates.  
 Hic primum lustrare oculis, cultusque virorum  
 Telaque magna vacat, tergo videt hujus inanem  
 Impexis utrinque jubeis horrere leonem,  
 Illius in speciem, quem per Theumesia Tempe 485  
 Amphitryoniades fractum juvenilibus armis  
 Ante Cleonaei vestitur praelia monstri.  
 Terribiles contra fetis, ac dente recurvo  
 Tydea per latos humeros ambire laborant  
 Exuviae, Calydonis honos. Stupet omine tanto  
 Defixus senior, divina oracula Phoebi 491  
 Agnoscens, monitusque datos vocalibus antris.  
 Obtutu gelida ora premit, laetusque per artus  
 Horror iit. Sensit manifesto numine ductos  
 Affore, quos nexis ambagibus augur Apollo 495  
 Portendi generos, vultu fallente ferarum,  
 Ediderat. Tunc sic tendens ad sidera palmas:  
 Nox, quae terrarum coelique amplexa labores



Ignea multivago transmittis sidera lapsu, 499  
 Indulgens reparare animum, dum proximus aegris  
 Infundat Titan agiles animantibus ortus,  
 Tu mihi perplexis quaesitam erroribus ultro  
 Advehis alma fidem, veterisque exordia fati  
 Detegis. Assistas operi, tuaque omina firmes.  
 Semper honoratam dimensis orbibus anni 505  
 Te domus ista colet: nigri tibi, diva, litabunt  
 Electa cervice greges, lustraliaque exta  
 Lacte novo perfusus edet Vulcanius ignis.  
 Salve prisca fides tripodum, obscurique recessus,  
 Deprendit Fortuna, deos. Sic fatus; & ambos 510  
 Innectens manibus tecta ulterioris ad aulae  
 Progreditur. Canis etiamnum altaribus ignes  
 Sopitum cinerem, & tepidi libamina sacri  
 Servabant: adolere focos, epulasque recentes  
 Instaurare jubet. Dictis parere ministri 515  
 Certatim accelerant. Vario strepit ista tumultu  
 Regia: pars ostro tenues, auroque sonantes  
 Emunire toros, altosque inferre tapetas,  
 Pars teretes levare manu, ac disponere mensas.  
 Ast alii tenebras & opacam vincere noctem 520

Aggressi, tendunt auratis vincula lychnis.  
 His labor inferto torrere exanguia ferro  
 Viscera caesarum pecudum: his cumulare canistris  
 Perdomitam saxo Cererem. Laetatur Adraustus  
 Obsequio fervere domum; jamque ipse superbis  
 Fulgebat stratis, folioque effultus eburno. 526  
 Parte alia juvenes siccati vulnera lymphis  
 Discumbunt: simul ora notis foedata tuentur,  
 Inque vicem ignoscunt. Tunc rex longaevis Acestes  
 (Natarum haec alatrix, eadem & fidissima custos 530  
 Lecta sacrum justae Veneri occultare pudorem)  
 Imperat acciri, tacitaque immurmurat aure.  
 Nec mora praeceptis; cum protinus utraque virgo  
 Arcano egressae thalamo (mirabile visu)  
 Pallados armifonae, pharetrataeque ora Dianae 535  
 Aequa ferunt, terrore minus. Nova deinde pudori  
 Visa virum facies: pariter pallorque, ruborque  
 Purpureas hausere genas: oculique verentes  
 Ad sanctum rediere patrem. Postquam ordine mensae  
 Victa fames, signis perfectam auroque nitentem  
 Infides pateram famulos ex more poposcit, 541  
 Qua Danaus libare deis seniorque Phoroneus

Assueti. Tenet haec operum caelata figuras:  
 Aureus anguicomam praefecto Gorgona collo 544  
 Ales habet. jam jamque vagas (ita visus) in auras  
 Exilit: illa graves oculos, languentiaque ora  
 Paene movet, vivoque etiam pallefcit in auro.  
 Hinc Phrygius fulvis venator tollitur alis:  
 Gargara defidunt surgenti, & Troja recedit. 549  
 Stant moesti comites, frustra que sonantia laxant  
 Ora canes, umbramque petunt, & nubila latrant.  
 Hanc undante mero fundens, vocat ordine cunctos  
 Coelicolas: Phoebum ante alios, Phoebum omnis  
 ad aras  
 Laude ciet comitum, famulumque, evincta pudica  
 Fronde, manus: cui festa dies, largoque refecti  
 Thure, vaporatis lucent altaribus ignes. 556  
 Forsitan, ô juvenes, quae sint ea sacra, quibusque  
 Praecipuum causis Phoebi obtestemur honorem,  
 Rex ait, exquirunt animi. Non infcia suasit  
 Relligio: magnis exercita cladibus olim 560  
 Plebs Argiva litant: animos advertite, pandam:  
 Postquam coerulei sinuosa volumina monstri,  
 Terrigenam Pythona, deus septem orbibus atris

Amplexum Delphos, squammisque annosa terentem  
 Robora, Castaliis dum fontibus ore trifulco 565  
 Fufus hiat, nigro sitiens alimenta veneno,  
 Perculit, absumptis numerosa in vulnera telis,  
 Cyrrhaeique dedit centum per jugera campi  
 Vix tandem explicitum, nova deinde piacula caedi  
 Perquirens, nostri testa haud opulenta Crotopi 570  
 Attigit. Huic primis & pubem ineuntibus annis  
 Mira decore pio servabat nata penates  
 Intemerata toris. Felix, si Delia nunquam  
 Furta, nec occultum Phoebosociasset amorem.  
 Namque ut passa deum Nemeaei ad fluminis undam,  
 Bis quinos plena cum fronte refumeret orbis 576  
 Cynthia, fidereum Latonae foeta nepotem  
 Edidit: ac poenae metuens (neque enim ille coactis  
 Donasset thalamis veniam pater) avia rura  
 Eligit, ac natum septa inter ovilia furtim 580  
 Montivago pecoris custodi mandat alendum.  
 Non tibi digna, puer, generis cunabula tanti  
 Gramineos dedit herba toros, & vimine querno  
 Texta domus: clausa arbutei sub cortice libri  
 Membra tepent, suadetque leves cava fistula somnos,

Et pecori commune solum, sed fata nec illum 586  
 Concessere larem: viridi nam cespite terrae  
 Projectum temere & patulo coelum ore trahentem  
 Dira canum rabies, morsu depasta cruento,  
 Disjicit. Hic vero attonitas ut nuntius aures 590  
 Matris adit, pulsi ex animo genitorque, pudorque,  
 Et metus. Ipsa ultro saevis plangoribus amens  
 Tecta replet, vacuumque ferens velamine pectus  
 Occurrit confessa patri. Nec motus, & atro  
 Imperat, infandum! cupientem occumbere leto.  
 Sero memor thalami, moestae solatia morti 596  
 Phoebe paras. monstrum infandis Acheronte sub imo  
 Conceptum Eumenidum thalamis: cui virginis ora,  
 Pectoraque, aeternum stridens a vertice surgit  
 Et ferrugineam frontem discriminat anguis. 600  
 Haec tam dira lues nocturno squallida passu  
 Illabi thalamis, animasque a stirpe recentes  
 Abripere altricum gremiis, morsuque cruento  
 Devesci & multum patrio pinguescere luctu. 604  
 Haud tulit armorum praestans animique Coroebus,  
 Seque ultro lectis juvenum, qui robore primi  
 Famam posthabita faciles extendere vita,

Obtulit. Illa novos ibat populata penates  
 Portarum in bivio. Lateri duo corpora parvum  
 Dependent, & jam unca manus vitalibus haeret, 610  
 Ferratique unguis tenero sub corde tepescunt.  
 Obvius huic latus omne virum stipante corona  
 It juvenis, ferrumque ingens sub pectore diro  
 Condidit: atque imas animae mucrone corusco  
 Scrutatus latebras, tandem sua monstra profundo  
 Reddit habere Jovi. Juvat ire, & visere juxta 616  
 Liventes in morte oculos, uterique nefandam  
 Proluviem, & crasso squallentia pectora tabo,  
 Qua nostrae cecidere animae. Stupet Inacha pubes.  
 Magnaque post lachrymas etiamnum gaudia pallent.  
 Hi trabibus duris, solatia vana dolori, 621  
 Proterere exanimes artus, asprosq; molares  
 Deculcare genis, nequit iram explere potestas.  
 Illam & nocturno circum stridore volantes  
 Impastae fugistis aves, rabidanique canum vim, 625  
 Oraque sicca ferunt trepidorum inhiasse luporum.  
 Saevior in miseros fati ultricis ademptae  
 Delius insurgit, summaque biverticis umbra  
 Parnassi residens, arcu crudelis iniquo 629

Pestifera arma jacet, camposque, & celsa Cyclopium  
 Tecta, superjecto nebularam incendit amictu.  
 Labuntur dulces animae: mors fila fororum  
 Ense metit, captamque tenens fert Manibus urbem.  
 Quaerenti, quae causa, duci; quis ab aethere laevus  
 Ignis, & in totum regnaret Seirius annum? 635  
 Idem auctor Paeon rursus jubet ire cruento  
 Inferias monstro juvenes, qui caede potiti.  
 Fortunate animi, longumque in secula digne  
 Promeriture diem! non tu pia degener arma  
 Oculis, aut certae trepidas occurrere morti. 640  
 Cominus ora ferens, Cyrrhaei in limine templi  
 Constitit. & sacras ita vocibus asperat iras:  
 Non missus, Thymbraee, tuos supplexve penates  
 Advenio: mea me pietas, & conscia virtus  
 Has egere vias. Ego sum, qui caede subegi, 645  
 Phoebe, tuum mortale nefas, quem nubibus atris  
 Et squalente die, nigra quem tabe sinistri  
 Quaeris, inique, poli. Quod si monstra effera magnis  
 Cara adeo Superis, jacturaque vilior orbis, 649  
 Mors hominum, & faevo tanta inclementia coelo est:  
 Quid meruere Argi? me me, divum optime, solum

Obje-

Objecisse caput fatis praestabit. An illud  
 Lene magis cordi, quod desolata domorum  
 Tecta vides? ignique datis cultoribus omnis  
 Lucet ager? sed quid fando tua tela manusque 655  
 Demoror? expectant matres, supremaque fundunt  
 Vota mihi. Satis est: merui, ne parcere velles.  
 Proinde move pharetras, arcusque intende sonoros,  
 Insignemque animam leto demitte. Sed illum  
 Pallidus Inachiis qui desuper imminet Argis, 660  
 Dum morior, depelle globum. Fors aequa merentes  
 Respicit. Ardentem, tenuit reverentia, caedis  
 Latoïdem, tristemque viro summissus honorem  
 Largitur vitae. Nostro mala nubila coelo  
 Diffugiunt. At tu stupefacti a limine Phoebi 665  
 Exoratus abis. Inde haec statuta sacra quotannis  
 Solennes recolunt epulae, Phoebeiaque placat  
 Tempa novatus honos: has forte invisitis aras  
 Vos quae progenies? quanquam Calydonius Oeneus,  
 Et Parthaoniae (dudum si certus ad aures 670  
 Clamor iit) tibi jura domus; tu pande quis Argos  
 Advenias, quando haec variis sermonibus hora est.  
 Dejecit moestos extemplo Ismenius heros

Staius. T. I.

C

In terram vultus, taciteque ad Tydea laesum  
 Obliquare oculos. Tum longa silentia movit: 675  
 Non super hos divum tibi sum quaerendus honores,  
 Unde genus, quae terra mihi: quis defluat ordo  
 Sanguinis antiqui, piget inter sacra fateri.  
 Sed si praecipitant miserum cognoscere curae,  
 Cadmus origo patrum, tellus Mavortia Thebe, 680  
 Et genitrix Jocaſta mihi. Tum motus Adraſtus,  
 Hoſpitiis (agnovit enim) quid nota recondis?  
 Scimus, ait. Nec ſic averſum fama Mycenis  
 Volvit iter. Regnum, & furias, oculosque pudentes  
 Novit, & Arctois ſi quis de folibus horret, 685  
 Quique bibit Gangem, aut nigrum occaſibus intrat  
 Oceanum, & ſi quos incerto littore Syrtes  
 Deſtituunt, ne perge queri, caſusque priorum  
 Annumerare tibi. Noſtro quoque ſanguine multum  
 Erravit pietas. Nec culpa nepotibus obſtat. 690  
 Tu modo diſſimilis rebus mereare ſecundis  
 Excufare tuos. Sed jam temore ſupino  
 Languet Hyperboreae glacialis portitor Urſae.  
 Fundite vina focus, ſervatoremque parentum  
 Latoiden votis iterumque iterumque canamus. 695

Phoebe parens, ſeu te Lyciae Pataraea nivoliſ  
 Exercent dumeta jugis, ſeu rore pudico  
 Caſtaliae flavos amor eſt tibi mergere crines:  
 Seu Trojam Thymbraeus habes, ubi fama volentem  
 Ingratis Phrygios humeris ſubiſſe molares: 700  
 Seu juvat Aegaeum feriens Latonius umbra  
 Cynthus, & aſſiduam pelago non quaerere Delon:  
 Tela tibi, longeque ſeros lentandus in hoſtes  
 Arcus, & aetherii dono ceſſere parentes  
 Aeternum florere genas. Tu doctus iniquas 705  
 Parcarum praenoſſe manus, fatumque quod ultra eſt,  
 Et ſummo placitura Jovi. quis letifer annus,  
 Bella quibus populis, mutant quae ſceptra Cometae.  
 Tu Phryga ſubmittis citharae. tu matris honori  
 Terrigenam Tityon Stygiis extendis arenis. 710  
 Te viridis Python, Thebanaque mater ovanem,  
 Horruit in pharetris. Ultrix tibi torva Megaera  
 Jejunum Phlegyam ſubter cava ſaxa jacentem  
 Aeterno premit accubitu, dapibusque profanis  
 Inſtimulat: ſed miſta famem ſaſtidia vincunt. 715  
 Adſis o memor hoſpitii, Junoniaque arva  
 Dexter ames. Seu te roſeum Titana vocari

Gentis Achaemeniae ritu, seu praestat Olyrin  
Frugiferum, seu Persei sub rupibus antri  
Indignata sequi torquentem cornua Mitram. 720



P. PAPINII STATII  
THEBAIDOS  
LIBER II.

INTEREA gelidis Maja fatus aliger umbris  
Jussa gerens magni remeat Jovis. Undique pigrae  
Ire vetant nubes, & turbidus implicat aër:  
Nec Zephyri rapuere gradum, sed foeda silentis  
Aura poli. Styx inde novem circumflua campis, 5  
Hinc objecta vias torrentum incendia cludunt,  
Pone senex trepida succedit Læus umbra  
Vulnere tardus adhuc. Capulo nam largius illi  
Transiit costas cognatis ictibus ensis  
Impius, & primas Furiarum pertulit iras. 10  
It tamen, & medica firmat vestigia virga.

Tum steriles luci, possessaque Manibus arva,  
Et ferrugineum nemus adstupet, ipsaque tellus  
Miratur patuisse retro, nec livida tabes  
Invidiae, functis quanquam & jam lumine cassis 15  
Defuit. Unus ibi ante alios, cui leva voluntas  
Semper, & ad Superos hinc est gravis exitus, aevi  
Insultare malis, rebusque aegrescere laetis:  
Vade, ait, ô felix quoscunque vocaris in usus,  
Sed Jovis imperio, seu major adegit Erinnyes 20  
Ire diem contra, seu te furiata sacerdos  
Thesſalis arcano jubet emigrare sepulchro,  
Heu dulces visure polos, solemque relictum,  
Et virides terras, & pueros fontibus amnes;  
Tristior has iterum tamen intrature tenebras. 25  
Illos ut caeco recubans in limine sensit  
Cerberus, atque omnes capitum subrexit hiatus;  
Saevus & intranti populo. Jam nigra tumebat  
Colla minax, jam sparsa solo turbaverat ossa;  
Ni Deus horrentem Lethaeo vimine mulcens 30  
Ferrea tergemino domuisset lumina somno.  
Est locus Inachiae, dixerunt Taenara gentes,  
Qua formidatum Maleae spumantis in auras

It caput, & nullos admittit culmine visus. 34  
 Stat sublimis apex, ventosque imbresque serenus  
 Despicit, & tantum fessis insiditur astris.  
 Illic exhausti posuere cubilia venti:  
 Fulminibusque iter est. Medium cava nubila montis  
 Insumpsere latus: summos nec praepetis alae  
 Plausus adit colles, nec rauca tonitrua pulfant. 40  
 Ast ubi prona dies, longos super aequora fines  
 Exigit, atque ingens medio natat umbra profundo.  
 Interiore sinu frangentia littora curvat  
 Taenaros, expositos non audax scandere fluctus.  
 Illic Aegaeo Neptunus gurgite fessos 45  
 In portum deducit equos: prior haurit arenas  
 Ungula; postremi solvuntur in aequora pisces.  
 Hoc (ut fama) loco pallentes devius umbras  
 Trames agit, nigrique Jovis vacua atria ditat  
 Mortibus: Arcadii perhibent si vera coloni, 50  
 Stridor ibi, & gemitus poenarum, atroque tumultu  
 Fervet ager. Saepe Eumenidum vocesque, manusque,  
 In medium sonuere diem, letique triformis  
 Janitor agricolas campis auditus abegit.  
 Hac & tunc fusca volucer deus obstitit umbra 55

Exiit ad Superos, infernaque nubila vultu  
 Discutit, & vivis afflatibus ora seremat.  
 Inde per Arcturum, mediaeque silentia Lunae  
 Arva super, populosque meat. Sopor obvius illi  
 Noctis agebat equos, trepidusque affurgit honori  
 Numinis, & recto decedit limite coeli. 61  
 Inferior volat umbra deo, praereptaque noscit  
 Sidera, principiumque sui. Jamque ardua Cyrrhae,  
 Pollutamque suo despectat Phocida busto.  
 Ventum erat ad Thebas: gemit prope limina nati  
 Laïus, & notos cunctatur inire penates. 66  
 Ut vero excelsis suamet juga nixa columnis  
 Vidit, & infectos etiamnum sanguine currus,  
 Paene retro turbatus abit. nec summa Tonantis  
 Jussa, nec Arcadiae retinent spiramina virgae. 70  
 Et tunc forte dies noto signata Tonantis  
 Fulmine, praecepti cum te, tener Evie, partus  
 Transmisere patri. Tyriis ea causa colonis  
 Infomnem ludo certatim educere noctem  
 Suaferat. Effusi passim per tecta, per agros, 75  
 Serta inter, vacuosque mero crateras anhelum  
 Proflabant sub luce deum. tum plurima buxus,

Aeraque taurinos fonitu vincentia pulfus.  
 Ipse etiam gaudens nemorosa per avia fanas  
 Impulerat matres Baccho meliore Cithaeron. 80  
 Qualia per Rhodopen rapido convivio coetu  
 Bistones, aut mediae ponunt convallibus Ossaee.  
 Illis semianimum pecus, excussaeque leonum  
 Ore dapes, & lacte novo domuisse cruorem  
 Luxus, at Ogygii si quando afflavit Jacchi 85  
 Saevus odor, tunc saxa manu, tunc pocula pulchrum  
 Spargere, & immerito sociorum sanguine fuso  
 Instaurare diem, festasque reponere mensas.  
 Nox ea, cum tacita volucer Cyllenius aura  
 Regis Echionii stratis adlapsus, ubi ingens 90  
 Fuderat Assyriis extracta tapetibus alto  
 Membra toro. Pro gnara nihil mortalia fati  
 Corda fui! capit ille dapes, habet ille soporem.  
 Tunc senior quae jussus agit, neu falsa videri  
 Noctis imago queat, longaevis opacos 95  
 Tiresiae vultus, vocemque, & vellera nota  
 Induitur. Mansere comae, propexaque mento  
 Canicies, pallorque suus. Sed falsa cucurrit  
 Infula per crines, glaucaeque innexus olivae

Vittarum provenit honos. Dehinc tangere ramo 100  
 Pectora, & has visus Fatorum expromere voces:  
 Non somni tibi tempus iners, qui nocte sub alta  
 Germani secure jaces: ingentia dudum  
 Acta vocant, rerumque graves, ignave, paratus.  
 Tu veluti, magnum si jam tollentibus Austris 105  
 Jonium nigra jaceat sub nube magister,  
 Immemor armorum, versantisque aequora clavi  
 Cunctaris. jamque ille novis (scit fama) superbus  
 Connubiis, viresque parat quis regna capeffat,  
 Quis neget. inque sua senium sibi destinat aula.  
 Dant animos focer augurio fatalis Adraustus, 111  
 Dotalesque Argi, nec non in foedera vitae  
 Pollutus placuit fraterno sanguine Tydeus.  
 Hinc tumor, & longus fratri promitteris exul.  
 Ipse deum genitor tibi me miseratus ab alto 115  
 Mittit. Habe Thebas, caecumque cupidine regni,  
 Ausurumque eadem germanum expelle; nec ultra  
 Fraternos inhiantem obitus sine fidere coeptis  
 Fraudibus, aut Cadmo dominas inferre Mycenae.  
 Dixit, & abscedens (etenim jam pallida turbant  
 Sidera lucis equi) ramos ac vellera fronti 121



Deripuit, confessus avum, dirique nepotis  
 Incubuit stratis: jugulum mox caedi patentem  
 Nudat, & undanti perfundit vulnere somnum.  
 Illi rupta quies, attollit membra, toroque 125  
 Erigitur plenus monstros, vanumque cruorem  
 Excutiens, simul horret avum, fratremque requirit.  
 Qualis ubi audito venantum murmure tigris  
 Horruit in maculas, somnosque excussit inertes;  
 Bella cupit. laxatque genas, & temperat ungues;  
 Mox ruit in turmas, natifque alimenta cruentis 131  
 Spirantem fert ore virum: sic excitus ira  
 Ductor, in absentem consumit praelia fratrem.  
 Et jam Mygdoniis elata cubilibus alto  
 Impulerat coelo gelidas Aurora tenebras, 135  
 Rorantes excussa comas, multumque sequenti  
 Sole rubens: illi roseus per nubila seras  
 Advertit flammam, alienumque aethera tardo  
 Lucifer exit equo, donec pater igneus orbem  
 Impleat, atque ipsi radios vetet esse forori. 140  
 Cum senior Talaonides, nec longa morati  
 Dircaeusque gradum pariterque Acheloius heros  
 Corripuere toris. Illos post verbera fessos,

Exceptamque hyemem cornu perfuderat omni  
 Somnus. At Inachio tenuis sub pectore regi 145  
 Tracta quies, dum mente deos, inceptaque versat  
 Hospitia, & quae sint generis adscita repertis  
 Fata movet. Postquam mediis in sedibus aulae  
 Congressi, inque vicem dextras junxere, locumque  
 Quo ferere arcanas aptum, atque evolvere curas,  
 Insidunt. Prior his dubios compellat Adrastus: 151  
 Egregii juvenum, quos non sine numine regnis  
 Invexit nox dextra meis, quibus ipse per imbres,  
 Fulminibus mixtos, intemptumque Tonantem  
 Has meus usque domos vestigia fecit Apollo: 155  
 Non equidem obscurum vobis, plebique Pelasgae  
 Esse reor, quantis connubia nostra procorum  
 Turba perant studiis. Geminae mihi namque, nepotum  
 Laeta fides, aequo pubescunt sidere natae.  
 Quantus honos, quantusque pudor (ne credite patri)  
 Et super hesternas licuit cognoscere mensas. 161  
 Has tumidi folio, & late dominantibus armis  
 Optavere viri, (longum enumerare Pharaeos  
 Oebaliosque duces) & Achaea per oppida matres,  
 Spem generis, nec plura tuus despexerat Oeneus

Foedera, Pifaeisque focer metuendus habenis. 166  
 Sed mihi nec Sparta genitos, nec ab Elide missos  
 Jungere fas generos, vobis hic sanguis, & aulae  
 Cura meae, longo promittitur ordine fati.  
 Di bene, quod tales stirpemque animosque venitis,  
 Ut responsa juvent. Hic durae tempore noctis 171  
 Partus honos: haec illa venit post verbera merces.  
 Audierant: fixosque oculos per mutua paulum  
 Ora tenent, visque inter sese ordine fandi  
 Cedere. Sed cunctis Tydeus audentior actis 175  
 Incipit: ô quam te parcum in praeconia famae  
 Mens agitat matura tuae, quantumque ferentem  
 Fortunam virtute domas! cui cedat Adraustus  
 Imperiis? quis te folio Sicyonis avitae  
 Excitum infrenos componere legibus Argos 180  
 Nesciat? atque utinam his manibus permittere gentes,  
 Juppiter aequae, velis, quas Doricus alligat undis  
 Isthmos, & alterno quas margine submovet infra:  
 Non fuget diras lux intercisa Mycenae,  
 Saeva nec Eleae gement certamina valles. 185  
 Eumenidesque aliis aliae sub regibus, & quae  
 Tu potior, Thebane, queri. nos vero volentes,

Expofitique animis. Sic interfatus, & alter  
 Subjicit: Anne aliquis foceros accedere tales  
 Abnuat? exulibus quanquam patriaque fugatis 190  
 Nondum laeta Venus, tamen omnis corde refedit  
 Tristitia, affixique animo cessere dolores.  
 Nec minus haec laeti trahimus solatia, quam si  
 Praecipiti convulsa Noto, prospectet amicam  
 Puppis humum. Juvat ingressos felicia regni 195  
 Omina, quod superest fati vitaeque laborum  
 Fortuna transire tua. Nec plura morati,  
 Confurgunt, dictis impensius aggerat omne  
 Promissum Inachus pater, auxilioque futurum  
 Et patriis spondet reduces inducere regnis. 200  
 Ergo alacres Argi, fuso rumore per urbem  
 Advenisse duci generos, primisque Hymenaeis  
 Egregiam Argian, nec formae laude secundam  
 Deipylen, tumida jam virginitate jugari, 204  
 Gaudia mente parant, focias it Fama per urbes:  
 Finitimisque agitur agris. procul usque Lyceos  
 Partheniosque super saltus, Ephyraeaeque rura.  
 Nec minus Ogygias eadem dea turbida Thebas  
 Infilat, & totis perfundit moenia pennis,

Labdaciumque ducem praemissae confona nocti 210  
 Territat, hospitia, & thalamos, & foedera regni,  
 Permixturemque genus. (quae tanta licentia monstro?  
 Quis furor est?) Jam bella canit. diffuderat Argos  
 Expectata dies. Laeto regalia coetu  
 Atria complentur, species est cernere avorum 215  
 Cominus, & vivis certantia vultibus aera.  
 Tantum ausae perferre manus. Pater ipse bicornis  
 In levum prona nixus sedet Inachus urna.  
 Hunc tegit Jafiusque senex, placidusque Phoroneus,  
 Et bellator Abas, indignatusque Tonantem 220  
 Acrifius; nudoque ferens caput ense Coroeus,  
 Torvaque jam Danaï facinus meditantis imago.  
 Exin mille duces: foribus cum immissa superbis  
 Unda fremit vulgi. Procerum manus omnis, & alto  
 Quis propior de rege gradus, stant ordine primi:  
 Interior sacris calet, & sonat aula tumultu 226  
 Foemineo. Casta matres cinxere corona  
 Argolides: pars virginibus circum undique fusae  
 Foedera conciliant nova, solanturque timorem.  
 Ibant insignes vultuque habituque verendo 230  
 Candida purpureum fusae super ora ruborem,

Dejectaeque genas. Tacite subit ille supremus  
 Virginitatis amor, primaeque modestia culpae  
 Confundit vultus. Tunc ora rigantur honestis  
 Imbribus, & teneros lachrymae juvere parentes.  
 Non secus ac supero pariter si cardine lapsae 236  
 Pallas & asperior Phoebi soror, utraque telis,  
 Utraque torva genis, flavoque in vertice nodo,  
 Illa suas Cyntho comites agat, haec Aracyntho:  
 Tunc, si fas oculis, non unquam longa tuendo 240  
 Expedias, cui major honos, cui gratior, aut plus  
 De Jove, mutatosque velint transfumere cultus,  
 Et Pallas deceat pharetras, & Delia cristas.  
 Certant laetitia, Superosque in vota fatigant  
 Inachidae, quae cuique domus, sacrique facultas.  
 Hi fibris, animaque litant, hi cespitem nudo: 246  
 Nec minus auditi, si mens accepta meretur  
 Thure deos, fractisque obtendunt limina sylvis.  
 Ecce metu subito (Lachesis sic dira jubebat)  
 Impulsae mentes; excussa gaudia patris, 250  
 Et turbata dies. Innuptam lumine adibant  
 Pallada; Munychiis cui non Argiva per urbes  
 Posthabita est Larissa jugis. Hic more parentum

Jasides, thalamis ubi casta adolesceret aetas,  
 Virgineas libare comas, primosque solebant 255  
 Excusare toros. Celsam subeuntibus arcem  
 In gradibus summi delapsum culmine templi  
 Arcados Evippi spoliū cadit aereus orbis;  
 Praemissasque faces, festum nubentibus ignem,  
 Obruit, eque adytis simul exaudita remotis 260  
 Nondum ausos firmare gradum, tuba terruit ingens.  
 In regem conversi omnes formidine prima,  
 Mox audisse negant: cunctos tamen omina rerum  
 Dira movent, variisque metum sermonibus augent.  
 Nec mirum: nam tu infaustos donante marito 265  
 Ornatus Argia geris, dirumque monile  
 Harmonies. Longa est series, sed nota malorum  
 Prosequar, unde novis tam saeva potentia donis.  
 Lemnius haec, ut prisca fides Mavortia longum  
 Furta dolens, capto postquam nihil obstat amori  
 Poena, nec ultrices castigavere catenae, 271  
 Harmonies dotale decus sub luce jugali  
 Struxerat. Hoc, docti quanquam majora, laborant  
 Cyclopes, notique operum Thelchines amica  
 Certatim juvare manu, sed plurimus ipsi 275

Sudor.

Sudor. Ibi arcano florentes igne smaragdos  
 Cingit, & infaustas percussam adamanta figuras,  
 Gorgoneosque orbes, Sriculaque incude relictos  
 Fulminis extremi cineres, viridumque draconum  
 Lucentes a fronte jubas: hic flebile germen 280  
 Hesperidum, & dirum Phryxaei velleris aurum.  
 Tum varias pestes, raptumque interplicat atro  
 Tisiphones de crine ducem, & quae pessima Ceston  
 Vis probat. Haec circum spumis Lunaribus ungit  
 Callidus, atque hilari perfundit cuncta veneno. 285  
 Non hoc Pasithea blandarum prima sororum,  
 Non decor, Idaliusque puer, sed Luctus, & Irae,  
 Et Dolor, & tota pressit Discordia dextra.  
 Prima fides operi, Cadmum comitata jacentem  
 Harmonie versis in sibila dira querelis, 290  
 Illyricos longo fulcavit pectore campos.  
 Inproba mox Semele, vix dona nocentia collo  
 Induit, & fallax intravit limina Juno.  
 Teque etiam, infelix, perhibent, Jocasta, decorum  
 Possedisse nefas. Vultus hac laude colebas, 295  
 Heu quibus, heu placitura toris! post longior ordo,  
 Tum donis Argia nitet, vilesque sororis

Staius. T. I.

D

Ornatus sacro praeculta supervenit auro.  
 Viderat hoc conjux perituri vatis, & aras  
 Ante omnes, epulasque trucem secreta coquebat 300  
 Invidiam, faevis detur si quando potiri  
 Cultibus, heu nihil auguriis adjuta propinquis.  
 Quos optat gemitus! quantas cupit impia clades!  
 Digna quidem, sed quid miseri decepta mariti  
 Arma? quid infantes nati meruere furores? 305  
 Postquam regales epulas, & gaudia vulgi  
 Biffeni clufere dies, Ifmenius heros  
 Refpicere ad Thebas, jamque & fua quaerere regna;  
 Quippe animum fubit illa dies, qua forte benigna  
 Fratris, Echionia fteterat privatus in aula: 310  
 Refpiciens defciffe deos, trepidoque tumultu  
 Dilapfos comites, nudum latus omne, fugamque  
 Fortunae. Namque una foror producere triftes  
 Exulis aufa vias, etiam hunc in limine primo  
 Liquerat, & magna lachrymas incluferat ira. 315  
 Tunc quos excedens hilares, quis cultus iniqui  
 Praecipuus ducis, & profugo quos ipfe notarat  
 Ingemiffe fibi, per noctem ac luce fub omni  
 Digerit. exedere animum dolor iraque demens:

Et qua non gravior mortalibus addita cura, 320  
 Spes, ubi longa venit. Talem fub peftore nubem  
 Confilio volvens, Dircen, Cadmique negatas  
 Apparat ire domos. veluti dux taurus, amata  
 Valle carens, pulfum folito quem gramine victor  
 Juffit ab erepta longe mugire juvenca: 325  
 Cum profugo placuere tori, cervixque recepto  
 Sanguine magna redit, fractaeque in pectora vires:  
 Bella cupit, faltusque, & capta armenta reposcit,  
 Jam pede, jam cornu melior, pavet ipfe reverfum  
 Victor, & attoniti vix agnovere magiftri. 330  
 Non alias tacita juvenis Theumefius iras  
 Mente acuit; fed fida vias, arcanaque conjux  
 Senferat. utque toris primo complexa jacebat  
 Aurorae pallore virum; quos callide motus,  
 Quamve fugam moliris? ait. Nil tranfit amantes.  
 Sentio, pervigiles acuunt fufpiria queftus, 336  
 Nunquam in pace fopor. Quoties haec ora natate  
 Fletibus, & magnas latrantia pectora curas  
 Admota deprendo manu! nil foedere rupto,  
 Connubiifve fuper moveor, viduaeque juvenca. 340  
 (Et fi crudus amor, nec dum poft flammea toti

Intepuere tori) tua me, properabo fateri,  
 Angit amata salus. Tunc incomitatus, inermis  
 Regna petes? poterisque tuis decedere Thebis,  
 Si neget? atque illum solers deprendere semper 345  
 Fama duces, tumidum narrat, raptoque superbum,  
 Difficilemque tibi. Nec dum consumserat annum.  
 Me quoque nunc vates, nunc exta minantia divos,  
 Aut avium lapsus, aut turbida noctis imago 349  
 Territat. Ah, memini, nunquam mihi falsa per umbras  
 Juno venit. Quo tendis iter? ni conscius ardor  
 Ducit, & ad Thebas melior focer. Hic breve tandem  
 Risit Echionius juvenis, tenerumque dolorem  
 Conjugis amplexu solatur, & oscula moestis 354  
 Tempestiva genis posuit, lachrymasque repressit:  
 Solve metus animo, dabitur, mihi crede, merentum  
 Consiliis tranquilla dies. Te fortior annis  
 Nondum cura decet. Sciat haec Saturnius olim  
 Fata parens, oculosque polo dimittere si quos  
 Justitia, & rectum terris defendere curat. 360  
 Fors aderit lux illa tibi, qua moenia cernes  
 Conjugis, & geminas ibis regina per urbes.  
 Sic ait, & caro raptim se limine profert.

Tydea jam focium coeptis, jam pectore fido  
 Aequantem curas (tantus post jurgia mentes 365  
 Vinxit amor) focerumque affatur tristis Adraflum.  
 Fit mora consilio: cum multa moventibus, una  
 Jam potior cunctis fedit sententia, fratris  
 Praetentare fidem, tutosque in regna precando  
 Explorare aditus. Audax ea munera Tydeus 370  
 Sponte subit. nec non & te, fortissime gentis  
 Aetolum, multum lachrymis conata morari  
 Deiphile, sed jussa patris, tutique regressus  
 Legato, justaeque preces vicere fororis.  
 Jamque emensus iter sylvis ac littore durum, 375  
 Qua Lerneae palus, ambustaque fontibus alte  
 Intepet Hydra vadis, & qua vix carmine raro  
 Longa sonat Nemea nondum pastoribus ausis,  
 Qua latus Eoos Ephyres quod vergit ad Euros,  
 Sisyphique sedent portus: irataque terrae 380  
 Curva Palaemonio secluditur unda Lechaeo.  
 Hinc praetervectus Nisum, & te mitis Eleusin  
 Laevus habet: jamque arva gradu Theumesia, & arces  
 Intrat Agenoreas, ibi durum Eteoclea cernit  
 Sublimem folio, septumque horrentibus armis. 385

Jura ferus populo trans legem, ac tempora regni  
 Jam fratris de parte dabat. Sedet omne paratus  
 In facinus, queriturque fidem tam sero reposci.  
 Constitit in mediis: ramus manifestat olivae  
 Legatum, causasque viae nomenque rogatus 390  
 Edidit: utque rudis fandi, pronusque calori  
 Semper erat, justis miscens tamen aspera, coepit:  
 Si tibi plana fides, & dicti cura maneret  
 Foederis, ad fratrem completo justius anno  
 Legatos hinc ire fuit; teque ordine certo 395  
 Fortunam exuere, & laetum descendere regno.  
 Ut vagus ille diu, passusque haud digna per urbes  
 Ignotas, pactae tandem succederet aulae.  
 Sed quia dulcis amor regni, blandumque potestas,  
 Posceris. Astriferum velox jam circulus orbem 400  
 Torfit, & amissae redierunt montibus umbrae,  
 Ex quo frater inops, ignota per oppida tristes  
 Exul agit casus, & te jam tempus aperto  
 Sub Jove ferre dies, terrenaque frigora membris  
 Ducere, & externos summissum ambire penates.  
 Pone modum laetis. Satis auro dives, & ostro 406  
 Conspicuis, tenuem germani pauperis annum

Risi. Moneo regnorum gaudia te met  
 Dedoceas, patiensque fugae mereare reverti.  
 Dixerat. Ast illi tacito sub pectore dudum 410  
 Ignea corda fremunt, jacto velut aspera saxo  
 Cominus erigitur serpens, cui subter inanes  
 Longa sitis latebras, totosque agitata per artus  
 Convocat in fauces & squammea colla venenum:  
 Cognita si dubiis fratris mihi jurgia signis 415  
 Ante forent, nec clara odiorum arcana paterent,  
 Sufficeret vel sola fides, qua torvus, & illum  
 Mente gerens, ceu septa novus jam moenia laxet  
 Fossor, & hostiles inimicent classica turmas,  
 Praefuris. In medios si cominus orsa tulisses 420  
 Bistonas, aut refugo pallentes sole Gelonos,  
 Parcior alloquio, & medii reverentior aequi  
 Inciperes. Neque te furibundae crimine mentis  
 Arguerim, mandata refers. Nunc, omnia quando  
 Plena minis, nec sceptrum fide, nec pace sequestra 425  
 Poscitis, & capulo propior manus: haec mea regi  
 Argolico, nondum aequa tuis, vice dicta reporta:  
 Quae fors justa mihi, quae non indebitus annis  
 Sceptra dicavit honos, teneo, longumque tenebo.

Te penes Inachiae dotalis regia dono 430  
 Conjugis: & Danaae (quid enim majoribus actis  
 Invideam?) cumulentur opes. Felicibus Argos  
 Auspiciis, Lernamque regas. Nos horrida Dirces  
 Pascua, & Euboicis arctatas fluctibus oras,  
 Non indignati miserum dixisse parentem 435  
 Oedipoden. Tibi larga (Pelops, & Tantalus auctor)  
 Nobilitas, propiorque fluat de sanguine juncto  
 Juppiter. Anne feret luxu consueta paterno  
 Hunc regina larem? nostrae cui jure sorores  
 Anxia pensa trahant? longo quam fordida luctu  
 Mater, & ex imis auditus forte tenebris 441  
 Offendat focer ille senex: jam pectora vulgi  
 Assuevere jugo. Pudet heu, plebisque, patrumque,  
 Ne toties incerta ferant, mutantque gementes  
 Imperia, & dubio pigeat parere tyranno. 445  
 Non parcat populis regnum breve. Respice quantus  
 Horror, & attoniti nostro in discrimine cives.  
 Hos ne ego, quis certa est sub te duce poena, re-  
 linquam?  
 Iratus, germane, venis. Fac velle, nec ipsi 449  
 (Si modo notus amor, meritique est gratia) patres

Reddere regna sinent. Non ultra passus, & orsa  
 Injecit mediis sermionibus obvia: Reddes  
 Ingeminat, reddes: non si te ferreus agger  
 Ambiat, aut triplices alio tibi carmine muros  
 Amphion auditus agat. Nil tela, nec ignes 455  
 Obstiterint, quin ausa luas, nostrisque sub armis  
 Captivo moribundus humum diademate pulses.  
 Tu merito: ast horum miseret, quos sanguine vilem  
 Conjugibus, natifque infanda ad praelia raptos  
 Projicis excidio, bone rex. O quanta Cithaeron 460  
 Funera, sanguineisque vadis, Ismene, rotabis!  
 Haec pietas, haec magna fides: nec crimina gentis  
 Mira equidem duco, sic primus sanguinis auctor,  
 Incestique patrum thalami, sed fallit origo:  
 Oedipodes tu solus eris: haec praemia morum 465  
 Ac sceleris, violente, feres. Nos poscimus annum.  
 Sed moror. Haec audax etiamnum in limine retro  
 Vociferans, jam tunc impulsa per agmina praeceps,  
 Evolat. Oeneae vindex sic ille Dianae  
 Erectus fetis, & aduncae fulmine malae, 470  
 Cum premeret Pelopea phalanx, saxa obvia volvens,  
 Fractaque perfossis arbuta Achelonia ripis;



Jam Telamona solo, jam stratum Ixiona linquens,  
 Te Meleagre subit. Ibi demum cuspide lata  
 Haesit, & obnixo ferrum laxavit in armo. 475  
 Talis adhuc trepidum liquit Calydonius heros  
 Concilium, infrendens ipsi ceu regna negentur:  
 Festinatque vias, ramumque precantis olivae  
 Abjicit. Attonitae tectorum ex culmine summo  
 Prospektant matres, faevoque infanda precantur  
 Oenidae, tacitoque simul sub pectore regi. 481  
 Nec piger ingenio scelerum, fraudisque nefandae  
 Rector eget. Juvenum fidos lectissima bello  
 Pectora nunc pretio, nunc ille hortantibus ardens  
 Sollicitat dictis, nocturnaque praelia saevus 485  
 Instruit, & sanctum populis per secula nomen  
 Legatum infidiis, tacitoque invadere ferro,  
 (Quid regnis non vile?) cupit: quas quaereret artes  
 Si fratrem fortuna dares? ô caeca nocentum  
 Consilia! O semper timidum scelus! exit in unum  
 Plebs ferro jurata caput. ceu castra subire 491  
 Apparet, aut celsum crebris arietibus urbis  
 Inclinare latus. Densi sic agmine facto  
 Quinquaginta altis funduntur in ordine portis.

Maeste animi, tantis dignus qui crederis armis, 495  
 Fert via per dumos propior, qua calle latenti  
 Praecelerant, densaeque legunt compendia sylvae.  
 Lecta dolis fedes: gemini procul urbe malignis  
 Faucibus urgentur colles, quos umbra superni  
 Montis, & incurvis claudunt juga frondea sylvis.  
 Infidias natura loco, caecamque latendi 501  
 Struxit opem. Medias arcte secat aspera rupes  
 Semita, quam subter campi, devexaque latis  
 Arva jacent spatiis. Contra importuna crepido  
 Oedipodioniae domus alitis. Hic fera quondam  
 Pallentes erecta genas, suffusaque tabo 506  
 Lumina, concretis infando sanguine plumis  
 Reliquias amplexa virum, femesaque nudis  
 Pectoribus stetit ossa premens, visuque trementi  
 Conlustrat campos, si quis concurrere dictis 510  
 Hospes inexplicitis, aut cominus ire viator  
 Audeat, & durae commercia jungere linguae.  
 Nec mora, quin acuens exertos protinus ungues,  
 Liventesque manus, fractosque in vulnere dentes;  
 Terribili applausu circum hospita surgeret ora. 515  
 Et latuere doli, donec de rupe cruenta

Heu simili deprensa viro, cessantibus alis  
 Tristis inexpletam scopulis adfligeret alvum.  
 Monstrat sylva nefas, horrent vicina juvenci  
 Gramina; damnatis avidum pecus abstinet herbis.  
 Non Dryadum placet umbra choris, non commoda  
 sacris 521  
 Faunorum, diraeque etiam fugere volucres  
 Prodigiale nemus. Tacitis huc gressibus acti  
 Deveniunt peritura cohors. hostemque superbum  
 Adnixi jaculis, & humi posita arma tenentes 525  
 Expectant, densaque nemus statione coronant.  
 Coeperat humenti Phoebum subtexere palla  
 Nox, & coeruleam terris infuderat umbram.  
 Ille propinquabat sylvis, & ab aggere celfo 529  
 Scuta virum, galeasque videt rutilare comantes,  
 Qua laxant rami nemus, adversaque sub umbra  
 Flammeus aeratis Lunae tremor errat in armis.  
 Obstupuit visis. Ibat tamen, horrida tantum  
 Spicula, & inclusum capulo tenus admovet enssem.  
 Ac prior, unde viri? quidve occultatis in armis?  
 Non humili terrore rogat. Nec reddita contra 536  
 Vox, fidamque negant suspecta silentia pacem.

Ecce autem vasto Chthonii contorta lacerto,  
 Quo duce freta cohors, fuscas intervalat auras  
 Hasta, sed audenti Deus & Fortuna recessit. 540  
 Per tamen Olenii tegimen suis, atraque fetis  
 Terga, super laevos humeros vicina cruori  
 Effugit, & viduo jugulum ferit irrita ligno.  
 Tunc horrere comae, sanguisque in corde gelari.  
 Huc ferus atque illuc animum, pallentiaque ira  
 Ora ferens, nec tanta putat sibi bella parari. 546  
 Ferte gradum contra, campoque erumpite aperto.  
 Quis timor audendi? quae tanta ignavia? solus,  
 Solus in arma voco. Neque in his mora; quos ubi  
 plures,  
 Quam ratus, innumeris videt excursare latebris,  
 Hos prodire jugis, illos e vallibus imis 551  
 Crescere, nec paucos campo, totumque sub armis  
 Conlucere iter (ut clausas indagine profert  
 In medium vox prima feras) quae sola medendi  
 Turbata ratione via est, petit ardua dirae 555  
 Sphingos, & abscisis infringens cautibus uncas  
 Exuperat juga dira manus, scopuloque potitus,  
 Unde procul tergo metus, & via prona nocendi,

Saxum ingens, quod vix plena cervice gementes  
 Vertere humo, murisque valent inferre juveni,  
 Rupibus avellit: dein toto sanguine nixus 561  
 Sustinet, immanem quaerens librare ruinam;  
 Qualis in adversos Lapithas erexit inanem  
 Magnanimus cratera Pholus. Stupet obvia leto  
 Turba super stantem, atque emissi turbine montis  
 Obruitur, simul ora virum, simul arma, manusque,  
 Fractaque commixto federunt pectora ferro. 567  
 Quattuor hic adeo dejecti mole sub una  
 Congemuere, fuga tremefactum protinus agmen  
 Excutitur coeptis. Neque enim temnenda jacebant  
 Funera, fulmineus Dorylas, quem regibus ardens  
 Aequabat virtus, Martisque e femine Theron 572  
 Terrigenas confusus avos. Nec vertere cuiquam  
 Frena secundus Halys, sed tunc pedes occubat arvis,  
 Pentheumque trahens nondum te Phaedimus aequo,  
 Bacche, genus: quorum ut subitis exterrita fati 576  
 Agmina, turbatam vidit laxare catervam:  
 Quae duo sola manu gestans acclinia monti  
 Fixerat, intorquet jacula, & fugientibus addit.  
 Mox in plana libens, nudo ne pectore tela 580

Inciderent, saltu praeceps defertur: & orbem,  
 Quem procul oppresso vidit Therone volutum,  
 Corripuit, tergoque, & vertice tegmine noto  
 Septus. & hostili propugnans pectora parma 584  
 Constitit. Inde iterum densi glomerantur in unum  
 Ogygiae, firmantque gradum. Trahit ocius enseni  
 Bistonium Tydeus. Mavortia munera magni  
 Oeneos: & partes pariter divisus in omnes  
 Hos obit, atque illos, ferroque micantia tela 589  
 Decutit; impeditant numero, seque ipsa vicissim  
 Arma premunt. nec vis conatibus ulla, sed ipsae  
 In socios errare manus, & corpora turba  
 Involvi prolapsa sua. Manet ille cruentis  
 Angustus telis, & inexpugnabilis obstat.  
 Non aliter (Geticae si fas est credere Phlegrae) 595  
 Armatum immensus Briareus stetit aethera contra,  
 Hinc Phoebi pharetras, hinc torvae Palladis angues,  
 Inde Pelethroniam praefixa cuspide pinum  
 Martis, at hinc lassio mutata Pyracmone temnens  
 Fulmina, cum toto nequicquam obsessus Olympo  
 Tot queritur cessare manus: non segnius ardet 601  
 Huc illuc clypeum objectans, seque ipse recedens

Circuit, interdum trepidis occurrit, & instat  
 Spicula divellens, clypeo quae plurima toto 604  
 Fixa tremunt, armantque virum, saepe aspera passum  
 Vulnera, sed nullum vitae in secreta receptum,  
 Nec mortem sperare valet. Rotat ipse furem  
 Deilochum, comitemque illi jubet ire sub umbras  
 Phegea, sublata minitantem bella securi, 609  
 Dircaeumque Gyan, & Echionium Lycophontem.  
 Jam trepidi sese quaerunt, numerantque, nec idem  
 Caedis amor, tantamque dolent rarefcere turbam.  
 Ecce Chromis Tyrii demissus origine Cadmi,  
 (Hunc utero quondam Dryope Phoenissa gravato  
 Rapta repente choris, onerisque oblita ferebat: 615  
 Dumque trahit prensis taurum tibi cornibus Evan  
 Procidit impulsus nimis conatibus infans)  
 Tunc audax jaculis, & capti pelle leonis  
 Pinea nodosa quassabat robora clava,  
 Increpitans: Unusne viri tot caedibus unus 620  
 Ibit ovans Argos? vix credet fama reverso.  
 Heu focii, nullaene manus? nulla arma valebunt?  
 Haec regi promissa Cydon, haec Lampe dabamus?  
 Dum clamat, subit ore cavo Theumesia cornus,  
 Nec

Nec prohibent fauces. Atque illi voce repleta 625  
 Intercepta natat prurpto in sanguine lingua.  
 Stabat adhuc, donec transmissa morte per artus  
 Labitur, immorfaque cadens obmutuit hasta.  
 Vos quoque Thespiadae, cur inficiatus honora  
 Arcuerim fama? fratris moribunda levabat 630  
 Membra solo Periphas (nil indole clarius illa,  
 Nec pietate fuit) laeva marcentia colla  
 Sustentans, dextraque latus. Singultibus arctum  
 Exhaurit thoraca dolor. nec vincla coercent  
 Undantem fletu galeam, cum multa gementi 635  
 Pone gravis curvas perfringit lancea costas.  
 Exit & in fratrem, cognataque pectora telo  
 Conserit. Ille oculos etiamnum in luce natantes  
 Sikit, & aspecta germani morte, resolvit.  
 At cui vita recens, & adhuc in vulnere vires, 640  
 Hos tibi complexus, haec dent, ait, oscula nati.  
 Procubuere pares fati (miserabile votum  
 Mortis) & alterna clauserunt lumina dextra.  
 Protinus idem ultro jaculo, parmaque Menoetem  
 Proterrebat agens, trepidis vestigia retro 645  
 Passibus urgentem, donec defecit iniqua

Statius. T. I.

E

Lapsus humo, pariterque manus distractus in ambas  
 Orat, & a jugulo nitentem sustinet hastam.  
 Parce per has stellas interlabentibus umbras, 649  
 Per Superos, noctemque tuam. Sine, tristia Thebis  
 Nuntius acta feram, vulgique per ora paventis  
 Contempto te rege canam. Sic irrita nobis  
 Tela cadant, nullique tuum penetrabile ferro  
 Pectus, & optanti victor reveharis amico.  
 Dixerat. Ille nihil vultum mutatus, inanes 655  
 Perdis, ait, lachrymas, & tu (ni fallor) iniquo  
 Pollicitus mea colla duci. Nunc arma, diemque  
 Projice. Quid sequeris timidæ compendia vitæ?  
 Bella manent. Simul hæc, & crassum sanguine telum  
 Jam redit. Ille super dictis infensus amaris 660  
 Prosequitur victos: non hæc Trieterica vobis  
 Nox patrio de more venit: non Orgia Cadmi  
 Cernitis, aut avidas Bacchum scelerare parentes.  
 Nebridæ & fragiles thyrsos portare putastis  
 Imbellem ad sonitum, maribusque incognita veris  
 Fœda Celenæa committere praelia luxo? 666  
 Hic alia caedes, alius furor: ite sub umbras  
 O timidi, paucique! Hæc intonat, ast tamen illi

Membra negant, lassusque ferit præcordia sanguis.  
 Jam sublata manus cassos defertur in ictus. 670  
 Tardatique gradus. Clypeum nec sustinet umbo  
 Mutatum spoliis. Gelidus cadit imber anhelos  
 Pectore, tum crines, ardentiaque ora cruentis  
 Roribus, & tetra morientum aspergine manant.  
 Ut leo, qui campis longe custode fugato 675  
 Massylas depastus oves, ubi sanguine multo  
 Luxuriata fames, cervixque, & tabe gravatae  
 Confedere jubæ, mediis in caedibus astat  
 Aeger hians, victusque cibus: nec jam amplius iræ  
 Crudescunt. Tantum vacuis ferit æra malis, 680  
 Molliaque ejecta delambit vellera lingua.  
 Ille etiam Thebas spoliis, & sanguine plenus  
 Iisset, & attonitis sese, populoque, ducique  
 Ostentasset ovans, ni tu Tritonia virgo  
 Flagrantem, multaque operis caligine plenum 685  
 Consilio dignata virum. Sate gente superbi  
 Oeneos, absentes, cui dudum vincere Thebas  
 Annuimus, jam pone modum, nimiumque secundis  
 Parce deis. huic una fides optanda labori.  
 Fortuna satis usus abi. Restabat acerbis 690

Funeribus, socioque gregi non sponte superstes  
 Hemonides (ille haec praeviderat, omina doctus  
 Aëros, & nulla deceptus ab alite) Maeon,  
 Nec veritus prohibere ducem. Sed fata monentem  
 Privavere fide; vita miserandus inertus 695  
 Damnatur, trepido Tydeus immitia mandat:  
 Quisquis es Aonidum, quem craftina munere nostro  
 Manibus exemptum mediis aurora videbit,  
 Haec jubeo perferre duci: cinge aggere portas:  
 Tela nova: fragiles aevo circumspecte muros: 700  
 Praecipue stipare viros, densasque memento  
 Multiplicare acies, fumantem hunc aspice late  
 Ense meo campum. tales in bella venimus.  
 Haec ait, & merita pulchrum tibi Pallas honorem  
 Sanguinea de strage parat, praedamque jacentem  
 Comportat gaudens, ingentiaque acta recenset. 706  
 Quercus erat tenerae jam longum oblita juventae  
 Aggere camporum medio, quam plurimus ambit  
 Frondibus incurvis & crudo robore cortex:  
 Huic leves galeas, perfossaque vulnere crebro 710  
 Inferit arma ferens, huic truncos ictibus enses  
 Subligat, & fractas membris spirantibus hastas.

Corpora tunc atque arma simul cumulata superstans  
 Incipit. oranti nox, & juga longa resultant.  
 Diva ferox, magni decus, ingeniumque parentis  
 Bellipotens, cui torva genis horrore decoro 716  
 Callis, & asperfo crudescit sanguine Gorgon.  
 Nec magis ardentem Mavors, hastataque pugnae  
 Impulerit Bellona tubas, huic annue sacro.  
 Seu Pandionio nostras invisere caedes 720  
 Monte venis, sive Aonia devertis Ithone  
 Laeta choris, seu tu Libyco Tritone repexas  
 Lota comas, qua te bijugo temone frementem  
 Intemeratarum volucer rapit axis equarum:  
 Nunc ibi fracta virum spolia, informesque dicamus  
 Exuvias. at si patriis Parthaonis arvis 726  
 Inferar, & reduci pateat mihi Martia Pleuron:  
 Aurea tunc mediis urbis tibi templa dicabo  
 Collibus, Jonias qua despectare procellas  
 Dulce sit, & flavo tollens ubi vertice pontum 730  
 Turbidus objectas Achelous Echinadas exit.  
 Hic ego majorum pugnas, vultusque tremendos  
 Magnanimum effingam regum, figamque superbis  
 Arma tholis: quaeque ipsae meo quaesita revexi

Sanguine, quaeque dabis captis Tritonia Thebis.

Centum ibi virgineis votae Calydonides aris 736

Actaeas tibi rite faces, & ab arbore casta

Nectent purpureas niveo discrimine vittas.

Pervigilemque focus ignem longaeva sacerdos

Nutriet, arcanum nunquam inspectura pudorem.

Tu bellis, tu pace feres de more frequentes 741

Primitias operum, non indignante Diana.

Dixerat; & dulces iter instaurabat ad Argos.



P. PAPINII STATII  
THEBAIDOS  
LIBER III.

AT non Aoniae moderator perfidus aulae,  
Nocte sub ancipiti, quamvis humentibus astris,  
Longus ad Auroram superet labor, otia somni  
Accipit. Invigilant animo, scelerisque parati  
Supplicium exercent curae. Tunc plurima versat 5  
Pessimus in dubiis augur timor; hei mihi clamat,  
Unde morae? (nam prona ratus, facilemque tot armis  
Tydea, nec numero virtutem, animumque rependit)  
Num regio diversa via? num missus ab Argis  
Subsidio globus? an sceleris data fama per urbes 10  
Finitimas? paucosne, pater Gradive, manuve  
Legimus indecores? at enim fortissimus illic  
Et Chromis, & Dorylas, & nostris turribus aequi  
Thespiadae totos raperent mihi funditus Argos.

Nec tamen ille meis reor impenetrabilis armis, 15  
 Aere gerens, folidoque datos adamante lacertos,  
 Venerat. Heu segnes, quorum labor haeret in uno,  
 Si conferta manus, Vario sic turbidus aestu  
 Angitur, ac sese culpat super omnia, qui non  
 Orantem in mediis legatum coetibus ense 20  
 Perculerit, foedaque palam satiaverit iras.  
 Jam pudet incepti, jam poenitet. Ac velut ille  
 Fluctibus Joniis Calabriae datus arbiter alno,  
 Nec rudis undarum, portus sed linquere amicos  
 Purior Olenii frustra gradus impulit astri: 25  
 Cum fragor hiberni subitus Jovis, omnia mundi  
 Claustra tonant, multusque polos inclinat Orion:  
 Ipse quidem mallet terras, pugnatque reverti,  
 Fert ingens a puppe Notus: tunc arte relicta  
 Ingemit, & caecas sequitur jam nescius undas. 30  
 Talis Agenoreus ductor, coeloque morantem  
 Luciferum, & feros moerentibus increpat ortus.  
 Ecce sub occiduas versae jam noctis habenas,  
 Astrorumque obitus, ubi primum maxima Tethys  
 Impulit Eoo cunctantem Hyperiona ponto, 35  
 Ima flagellatis, signum lugubre malorum,

Ponderibus trepidavit humus, motusque Cithaeron  
 Antiquas dedit ire nives. Tunc visa levare  
 Culmina, septemque jugo concurrere portae.  
 Et prope sunt causae: gelido remeabat Eoo 40  
 Iratus fati & tristis, morte negata  
 Hemonides. Nec dum ora patent, dubiusque notari  
 Signa dabat magnae longe manifesta ruinae,  
 Planctuque, & gemitu. Lachrymas nam protinus  
 omnes  
 Fuderat. Haud aliter saltu devertitur orbis 45  
 Pastor, ab agrestum nocturna strage luporum,  
 Cujus herile pecus sylvis inopinus abegit  
 Imber, & hibernae ventosa cacumina Lunae.  
 Luce patent caedes: domino perferre recentes  
 Ipse timet casus, haustaque informis arena 50  
 Questibus implet agros, stabulique silentia magni  
 Odit, & amissos longo ciet ordine tauros.  
 Illum congestae portarum ad limina matres  
 Ut solum videre (nefas!) nulla agmina circum,  
 Magnanimosque duces, nihil ausae quaerere, tollunt  
 Clamorem, bello qualis supremus apertis 56  
 Urbibus, aut pelago jam descendente carina.



Ut primum invisi cupido data copia regis:  
 Hanc tibi de tanto donat ferus agmine Tydeus  
 Infelicem animam, sive haec sententia divum, 60  
 Seu fortuna fuit: seu, quod pudet ire fateri,  
 Vis invicta viri. Vix credo & nuntius, omnes,  
 Procubere omnes. Noctis vaga lumina testor  
 Et focium manes, & te mala, protinus ales 64  
 Qua redeo: non hanc lachrymis meruisse, nec astu  
 Crudelem veniam, atque inhonoraè munera lucis.  
 Sed mihi iussa deum, placitoque ignara moveri  
 Atropos, atque olim non haec data janua leti  
 Eripuere necem. jamque ut mihi prodiga vitae  
 Pectora, & extremam nihil horrescentia mortem 70  
 Aspicias; bellum infandum omnibusque negatam  
 Movisti, funeste, aciem, dum pellere leges,  
 Et confanguineo gliscis regnare superbus  
 Exule. te series orbarum excisa domorum  
 Planctibus assiduis, te diro horrore volantes 75  
 Quinquaginta animae, circum noctesque diesque,  
 Adfluent. neque enim ipse moror. jam moverat iras  
 Rex ferus, & tristes ignescunt sanguine vultus.  
 Inde ultro Phlegyas, & non cunctator iniqui

Labdacus (hos regni ferrum penes) ire, manuque  
 Proturbare parant. Sed jam nudaverat ensem 81  
 Magnanimus vates; & nunc trucis ora tyranni,  
 Nunc ferrum aspectans, nunquam tibi sanguinis hujus  
 Jus erit, aut magno feries imperdita Tydeo  
 Pectora. Vado equidem exultans, ereptaque fata 85  
 Insequor, & comites feror expectatus ad umbras.  
 Te Superis, fratricum. & jam media orsa loquentis  
 Abstulerat plenum capulo latus. Ille dolori  
 Pugnat, & ingentem nixu duplicatus in istum  
 Corruit, extremisque animae singultibus errans 90  
 Alternus nunc ore venit, nunc vulnere sanguis.  
 Excussae procerum mentes, turbataque mussant  
 Concilia. Ast illum conjux, fidique parentes  
 Servantem vultus, & torvum in morte peracta,  
 Non longum reducem laetati, in tecta ferebant. 95  
 Sed ducis infandi rabidae non haecenus irae  
 Stare queunt. Vetat igne rapi, pacemque sepulchri  
 Impius, ignaris nequicquam manibus arcet.  
 Tu tamen egregius fati, mentisque, nec unquam  
 Indignum passure situm, qui cominus ausus 100  
 Vadere, contemptum regis: quaque ampla veniret

Libertas sancire viam: quo carmine dignam,  
 Quo satis ore tuis famam virtutibus addam,  
 Augur amate deis. Non te coelestia frustra  
 Edocuit, lauroque sua dignatus Apollo est, 105  
 Et nemorum Dodona parens, Cyrrhaeque virgo.  
 Audebit tacito populos suspendere Phoebus.  
 Nunc quoque Tartareo multum divisus Averno  
 Elysiis, i, carpe plagas: ubi manibus axis  
 Invis Ogygiis, nec fontis iniqua Tyranni 110  
 Jussa valent. Durant habitus, & membra cruentis  
 Inviolata feris, nudoque sub axe jacentem  
 Et nemus, & tristis volucrum reverentia servat.  
 At nuptae exanimes, puerique, aegrique parentes  
 Moenibus effusi per plana, per invia, passim 115  
 Quisque suas avidi ad lachrymas miserabile currunt  
 Certamen: quos densa gradu comitantur euntes  
 Millia solandi studio; pars visere flagrant  
 Unius acta viri, & tantos in nocte labores. 120  
 Fervet iter gemitu, & plangoribus arva reclamat.  
 Ut vero infames scopulos, sylvamque nefandam  
 Perventum, ceu nulla prius lamenta, nec attri  
 Manassent imbres, sic ore miserimus uno

Exoritur fragor, aspectuque accensa cruento  
 Turba furit. stat sanguineo discissus amictu 125  
 Luctus atrox, caesoque invitat pectore matres.  
 Scrutantur galeas frigentum, inventaque monstrant  
 Corpora, prociduae super externosque, suosque.  
 Hae pressant in tabe comas, hae lumina signant,  
 Vulneraque alta replent lachrymis. Pars spicula  
 dextra 130  
 Nequicquam parcente trahunt, pars molliter aptant  
 Brachia trunca loco, & cervicibus ora reponunt.  
 At vaga per dumos, vacuique in pulvere campi  
 Magna parens juvenum, gemini tunc funeris, Ide  
 Squallentem sublata comam, liventiaque ora 135  
 Vngue premens, nec jam infelix miserandaque, verum  
 Terror inest lachrymis, per & arma & corpora passim  
 Caniciem impexam dira tellure volutans,  
 Quaerit inops natos, omnique in corpore plangit.  
 Thessalis haud aliter bello gavisus recenti, 140  
 Cui gentile nefas hominem revocare canendo,  
 Multifida attollens antiqua lumina cedro,  
 Nocte subit campos, versatque in sanguine functum  
 Vulgus, & explorat manes, cui plurima busto

Imperet ad Superos: animarum moesta queruntur  
 Concilia, & nigri pater indignatur Avernī. 146  
 Illi in secessu pariter sub rupe jacebant  
 Felices, quos una dies, manus abstulit una  
 Pervia vulneribus media trabe pectora nexi.  
 Ut vidit, lachrymisque oculi patuere profusis: 150  
 Hofne ego complexus, genitrix? haec oscula, nati,  
 Vestra tuor? sic vos extremo in fine ligavit  
 Ingenium crudelē necis? quae vulnera tractem,  
 Quae prius ora premam? vosne illa potentia matris?  
 Vos uteri fortuna mei: qua tangere divos 155  
 Rébar, & Ogygias titulis anteire parentes.  
 At quanto melius, dextraque in sorte jugatae,  
 Quis steriles thalami, nulloque ululata dolore  
 Respexit Lucina domum. Mihi quippe malorum  
 Causa labor. Sed nec bellorum in luce patenti 160  
 Conspicui factis, aeternaque gentibus ausi,  
 Quaesistis miserae vulnus memorabile matri:  
 Sed mortem obscuram, miserandaque funera passi.  
 Heu quantus furto cruor, & sine laude jacetis?  
 Quin ego, non dextras miseris complexibus ausim  
 Dividere, & tanti consortia rumpere leti: 166

Ite diu fratres, indiscretique supremis  
 Ignibus, & caros urna confundite manes.  
 Nec minus interea digesta strage suorum 169  
 Hinc Chthonium conjux, hinc mater Penthea clamat  
 Astyoche, puerique rudes tua, Phaedime, proles  
 Amisum dēdicere patrem, Marpissaque pactum  
 Phylleā: sanguineumque lavant Acamanta forores.  
 Tunc ferro retegunt sylvas, collisque propinqui  
 Annosum truncant apicem, qui conscius actus 175  
 Noctis, & inspexit gemitus. Ibi grandior aevo  
 Ante rogos, dum quisque suo nequit igne revelli,  
 Concilium infaustum dictis mulcebat Alethes:  
 Saepe quidem infelix, varioque exercita ludo  
 Fatorum gens nostra ruit, Sidonius ex quo 180  
 Hospes in Aonios jecit sata ferrea sulcos:  
 Unde novi foetus, & formidata colonis  
 Arva suis. Sed nec veteris cum regia Cadmi  
 Fulmineum in cinerem monitis Junonis iniquae  
 Confedit, neque funerea cum laude potitus 185  
 Infelix Athamas trepido de monte veniret  
 Semianimem heu laeto referens clamore Learchum;  
 Hic gemitus Thebis: nec tempore clarius ille

Phoenissæ fonuare domus, cum lassâ furorem  
 Vicit, & ad comitum lachrymas expavit Agave, 190  
 Una dies similis fato specieque malorum  
 Aequa fuit, qua magniloquos luit impia flatus  
 Tantalus innumeris cum circumfusa ruinis  
 Corpora tot raperet terra, tot quaereret ignes.  
 Talis erat vulgi status, & sic urbe relicta, 195  
 Primaevique senes, & longo examine mätres  
 Invidiam planxere deis, miseroque tumultu  
 Bina per ingentes stipabant funera portas.  
 Meque ipsum, memini (nec dum apta doloribus aetas)  
 Fleße tamen, gemituque meos aequasse parentes.  
 Illa tamen Superi. nec quod tibi Delia castos 201  
 Prolapsum ad fontes, specula temerante profana,  
 Heu dominum infani non agnovere Molossi,  
 Deferim magis, aut verso quod sanguine fluxit  
 In subitos regina lacus. Sic dira fororum 205  
 Pensa dabant, visumque Jovi. Nunc regis iniqui  
 Ob noxam immeritos patriae tot culmina cives  
 Exuimus, nec adhuc calcati foedaris Argos  
 Fama subit, & jam bellorum extrema dolemus.  
 Quantus equis, quantusque viris in pulvere crasso

Sudor!

Sudor! io quanti crudele rubebitis amnes! 211  
 Viderit haec bello viridis manus, ast ego doner  
 Dum licet igne meo, terraque infernar avita.  
 Haec senior: multumque nefas Etheoclis acerbat,  
 Crudelem infandumque vocans, poenasque daturum.  
 Unde ea libertas? juxta illi finis & aetas 216  
 Tota retro, feraeque velit decus addere morti.  
 Haec fator astrorum jam dudum e vertice mundi  
 Prospectans, primoque imbutas sanguine gentes,  
 Gradivum acciri propere jubet. Ille furentes 220  
 Bistonas & Geticas populatus caedibus urbes,  
 Turbidus aetherias currus urgebat ad arces.  
 Fulmine cristatum galeae jubar, armaque in auro  
 Tristia, terrificis monstrorum animata figuris  
 Incutiens: tonat axe polus, clypeique cruenta 225  
 Lux rubet, & solem longe ferit aemulus orbis.  
 Hunc ubi Sarmaticos etiamnum efflare labores  
 Juppiter, & tota perfusum pectora belli  
 Tempestate videt: talis mihi, nate, per Argos,  
 Talis abi: sic ense madens, ac nubilus ira. 230  
 Exturbent residues frenos; & cuncta perosi  
 Te cupiant, tibi praecipites animasque, manusque

Staius. T. I.

F

Devoveant: rape cunctantes, & foedera turba,  
 Quae dedimus. Tibi fas ipfos incendere bello  
 Coelicolas, pacemque meam. Jam femina pugnae  
 Ipse dedi. Remeat portans immania Tydeus 236  
 Aufa ducis, scelus & turpis primordia belli,  
 Infidias, fraudesque, suis quas ultus in armis.  
 Adde fidem. Vos o Superi, meus ordine sanguis,  
 Ne pugnate odiis, neu me tentare precando 240  
 Certetis. Sic fata mihi, nigraeque sororum  
 Juravere colus. Manet haec ab origine mundi  
 Fixa dies bello, populique in praelia nati.  
 Quid ni me veterum poenas sancire malorum  
 Gentibus, & diros finitis punire nepotes, 245  
 Arcem hanc aeternam, mentis sacrae nostrae,  
 Testor, & Elyfios etiam mihi numina fontes,  
 Ipse manu Thebas, correptaque moenia fundo  
 Excutiam, versasque solo super Inacha tecta  
 Effundam turre, ac stagna in coerulea vertam 250  
 Imbre superjecto: licet ipsa in turbine rerum  
 Juno suos colles, templumque amplexa labore.  
 Dixit; & attoniti jussis (mortalia credas  
 Pectora) sic cuncti vocemque, animosque tenebant:

Non fecus ac longa ventorum pace solutum 255  
 Aequet, & imbelli recubant ubi littora fomno,  
 Sylvarumque comas, & abacta flamine nubes.  
 Mulcet iners aestas: tunc stagna, lacusque sonori  
 Detumere: tacent exhausti folibus amnes.  
 Gaudet ovans jussis, & adhuc temone calenti 260  
 Fervidus, in laevum torquet Gradivus habenas.  
 Jamque iter extremum, coelique abrupta tenebat,  
 Cum Venus ante ipfos nulla formidine gressum  
 Figit equos. Cessere retro, jam jamque rigentes  
 Suppliciter posuere jubar. Tunc pectora summo 265  
 Acclinata jugo, vultumque obliqua madentem,  
 Incipit: (interea dominae vestigia juxta  
 Spumantem proni mandunt adamanta jugales)  
 Bella etiam in Thebas, focer o pulcherrime, bella  
 Ipse paras, ferroque tuos abolere nepotes? 270  
 Nec genus Harmonies, nec te connubia coelo  
 Festa, nec hae quicquam lachrymae, furibunde,  
 morantur?  
 Criminis haec merces? hoc fama, pudorque relictus?  
 Hoc mihi Lemniacae de te meruere catena?  
 Perge libens. at non eadem Vulcania nobis 275

Obsequia, & laesi fervit tamen ira mariti.  
 Illum ego perpetuis mihi defudare caminis  
 Si jubeam, vigilesque operi transmittere noctes,  
 Gaudeat, ornatusque novos, ipsique laboret 279  
 Arma tibi. Tu! sed scopulos & athena precando  
 Flectere corda paro. Solum hoc tamen anxia, solum  
 Obtestor, quid me Tyrio sociare marito  
 Progeniem caram, infaustisque dabis Hymenaeis?  
 Dum fore praeclaros armis, & vivida rebus  
 Pectora vipereo Tyrios de sanguine jactas, 285  
 Demissumque Jovis ferie genus. Ah mea quanto  
 Sithonia mallet nupisset virgo sub Arcto  
 Trans Boream, Thracaeque tuos. Indigna parumne  
 Pertulimus, divae Veneris quod filia longum  
 Reptat, & Illyricas ejectat virus in herbas? 290  
 Nunc gentem immeritam. Lachrymas non pertulit  
 ultra  
 Bellipotens. Hastam laeva transsumit & alto  
 (Haud mora) defiluit curru: clypeoque receptam  
 Laedit in amplexu, distisque ita mulcet amicis:  
 O mihi, bellorum requies, & sacra voluptas, 295  
 Unaque pax animo; soli cui tanta potestas

Divorumque hominumque meis occurrere telis  
 Impune, & media quamvis in caede frementes,  
 Hos assistere equos, hunc ensen avellere dextra.  
 Nec mihi Sidonii genitalia foedera Cadmi, 300  
 Nec tua cara fides (ne falsa incessere gaude)  
 Exciderunt. Prius in patruis deus infera mergar  
 Stagna, & pallentes agar exarmatus ad umbras.  
 Sed nunc Fatorum monitus, mentemque supremi  
 Jussus obire patris, (neque enim Vulcania tali 305  
 Imperio manus apta legi) quo pectore contra  
 Ire Jovem? dictasque parem contemnere leges?  
 Cui modo, pro vires! terras, coelumque, fretumque,  
 Attremere oranti, tantosque ex ordine vidi  
 Delituisse deos. Sed ne mihi corde supremos 310  
 Concipe, cara, metus, quando haec mutare potestas  
 Nulla datur. Cum jam Tyriis sub moenibus ambae  
 Bellabunt gentes, adero, & socia arma juvabo.  
 Tunc me sanguineo late defervere campo  
 Res super Argolicas haud sic dejecta videbis: 315  
 Hoc mihi jus, nec Fata vetant. Sic orsus aperto  
 Flagrantes immisit equos. Non ocyus alti  
 In terras cadit ira Jovis, si quando nivalem

Othryn, & Arctoeae gelidum caput institit Ossaë,  
 Armavitque in nube manum. Volat ignea moles 320  
 Saeva dei mandata ferens, coelumque trifulca  
 Territat omne coma, jamdudum aut ditibus agris  
 Signa dare, aut ponto miseros involvere nautas.  
 Jamque remensus iter fesso Danaëia Tydeus  
 Arva gradu, viridisque legit devexa Profymnae  
 Terribilis visu. stant fulti pulvere crines. 326  
 Squallidus ex humeris cadit alta in vulnera sudor;  
 Infomesque oculos rubor excitat, oraue retro  
 Sorbet anhela sitis. mens altum spirat honorem  
 Conscia factorum; sic nota in pascua taurus 330  
 Bellator redit, adverso cui colla, suoque  
 Sanguine, proscissisque natant palearibus armi:  
 Tunc quoque lassata tumet virtus, multumque superbit  
 Pectore despecto. vacua jacet hostis arena  
 Turpe gemens, crudosque vetat sentire dolores.  
 Talis erat. Medias etiam non destitit urbes 336  
 Quicquid & Asopon, veteresque interjacet Argos  
 Inflammare odiis. multumque, & ubique retexens  
 Legatum sese Graja de gente petendis  
 Isse super regnis profugi Polynicis, at inde 340

Vim, noctem, scelus, arma, dolos, ea foedera passum  
 Regis Echionii, fratri sua jura negari.  
 Prona fides populis. Deus omnia credere suadet  
 Armipotens, geminatque acceptos fama pavores.  
 Utque introgressus portas (& forte verendos 345  
 Concilio pater ipse duces cogebat Adraustus)  
 Improvisus adest, jam illinc a postibus aulae,  
 Vociferans: Arma, arma viri, tuque optime Lernaë  
 Ductor, magnanimùm si quis tibi sanguis avorum,  
 Arma para. nusquam pietas, non gentibus aequum  
 Fas, aut cura Jovis. melius legatus adissem 351  
 Sauromatas avidos, servatoremque cruentum  
 Bebrycii nemoris. nec iussa incuso, pigetve  
 Officii. Juvat isse, juvat, Thebasque nocentes  
 Explorasse manu. Bello me, credite, bello, 355  
 Ceu turrim validam, aut arctam compagibus urbem  
 Delecti insidiis instructique omnibus armis  
 Nocte, doloque viri, nudum, ignarumque locorum  
 Nequicquam claufere. Jacent in sanguine mixti 359  
 Ante urbem vacuam. Nunc ô, nunc tempus in hostes,  
 Dum trepidi, exanguesque metu, dum funera portant:  
 Dum capulo nondam manus excidit. Ipse ego fessus

Quinquaginta illis heroum immanibus umbris,  
 Vulneraque ista ferens putri inficcata cruore  
 Protinus ire peto. Trepidi de sedibus astant 365  
 Inachidae, cunctisque prior Cadmeius heros  
 Accurrit vultum dejectus, &, En ego divis  
 Invisus, vitaeque nocens, haec vulnera cerno  
 Integer? hosne mihi reditus, germane, parabas?  
 In me haec tela dabas? pro vitae foeda cupido!  
 Infelix, facinus fratri tam grande negavi. 371  
 Et nunc vestra quidem maneant in pace serena  
 Moenia, nec vobis tanti sim causa tumultus  
 Hospes adhuc. Scio, nec me adeo res dextra levavit  
 Quam durum natis, thalamo quam triste revelli, 375  
 Quam patria. Non me ullius domus anxia culpet,  
 Respectentque truces obliquo lumine matres.  
 Ibo libens certusque mori; Licet optima conjux  
 Auditusque iterum revocet focer. Hunc ego Thebis  
 Hunc germane tibi jugulum, & tibi maxime Tydeus  
 Debeo. Sic variis praetentat pectora dictis, 381  
 Obliquatque preces. Commotae questibus irae  
 Et mixtus lachrymis caluit dolor. Omnibus ultro  
 Non juvenum modo, sed gelidis & inertibus aevo

Pectoribus mens una subit, viduare penates, 385  
 Finitimas adhibere manus: jamque ire. Sed altus  
 Consiliis pater, imperiique haud flectere molem  
 Inscius: Ista quidem Superis, curaeque medenda  
 Linquite quaeso meae, nec te germanus inulto 389  
 Sceptra geret, neque vos avidi promittere bellum.  
 At nunc egregium tantoque in sanguine ovantem  
 Excipite Oeniden, animosque & pectora laxet  
 Sera quies, nobis dolor haud rationis egebit.  
 Turbati extemplo comites, & pallida conjux,  
 Tydea circum omnes fessum bellique, viaeque 395  
 Stipantur. Laetus mediis in sedibus aulae  
 Constitit, ingentique exceptus terga columna,  
 Vulnera dum lymphis Epidaurius eluit Idmon,  
 Nunc velox ferro, nunc ille potentibus herbis  
 Mitior. Ipse alta seductus mente renarrat 400  
 Principia irarum, quaeque orsus uterque vicissim,  
 Quis locus insidiis, tacito quae tempora bello,  
 Qui contra, quantique duces, ubi maximus illi  
 Sudor, & indicio servatum Maeona tristi, 404  
 Exponit. Cui fida manus proceresque, focerque  
 Astupet oranti, Tyriusque incenditur exul.



Solverat Hesperii devexo margine ponti  
 Flagrantes sol pronus equos, rutilamque lavabat  
 Oceani sub fonte comam, cui turba profundi  
 Nereos, & rapidis accurrunt passibus Horae: 410  
 Frenaque, & auratae textum sublime coronae  
 Deripiunt. Laxant roseis humentia loris  
 Pectora. Pars meritos vertunt ad molle jugales  
 Gramen, & erecto currum temone supinant. 414  
 Nox subiit, curasque hominum, motusque ferarum  
 Composuit, nigroque polos involvit amictu,  
 Illa quidem cunctis, sed non tibi mitis, Adraсте,  
 Labdacioque duci. Nam Tydea largus habebat  
 Perfusum magna virtutis imagine somnus.  
 Et jam noctivagas inter deus armiger umbras 420  
 Desuper Arcadiae fines, Nemeaeaque rura,  
 Taenariumque cacumen, Apollineasque Therapnas  
 Armorum tonitru ferit, & trepidantia corda  
 Implet amore sui. Comunt Furor Iraque cristas,  
 Frena ministrat equis Pavor armiger. At vigil omni  
 Fama sono varios rerum succincta tumultus 426  
 Ante volat currum, flatuque impulsa gementum  
 Alipedum, trepidas denso cum murmure plumas

Excutit. Urget enim stimulis auriga cruentis  
 Facta, infecta loqui, curruque infectus ab alto 430  
 Terga, comasque deae Scythica pater increpat hasta.  
 Qualis ubi Aeolio dimissos carcere ventos  
 Dux prae se Neptunus agit, magnoque volantes  
 Injicit Aegaeo, tristis comitatus eunti  
 Circum lora fremunt, nimbique, hyemesque pro-  
 fundae, 435  
 Nubilaque & vulso terrarum fordida fundo  
 Tempestas. dubiae motis radicibus obstant  
 Cyclades. Ipsa tua Mycono, Gyaroque revelli,  
 Dele, times, magnique fidem testaris alumni.  
 Septima jam nitidum terris Aurora deisque 440  
 Purpureo vehit ore diem: Perseus heros  
 Cum primum arcana senior sese extulit aula,  
 Multa super bello, generisque tumentibus amens  
 Incertusque animi, daret armis jura, ferosque  
 Gentibus incuteret stimulos, an frena teneret 445  
 Irarum, & motos capulis astringeret enses.  
 Hinc pacis tranquilla movent, atque inde pudori  
 Foeda quies, flectique nova dulcedine pugnae  
 Difficiles populi. Dubio sententia tandem

Sera placet, vatū mentes, ac provida veri 450  
 Sacra movere deūm. Solers tibi cura futuri,  
 Amphiaræ, datur, juxtaque Amythaone cretus  
 Jam senior, sed mente virens Phoeboque Melampus  
 Affociat passus: dubium cui dexter Apollo,  
 Oraque Cyrrhaea satiarit largius unda. 455  
 Principio fibris pecudumque in sanguine divos  
 Explorant. Jam tum pavidis maculosa bidentum  
 Corda negant, diraque nefas minitanti vena.  
 Ire tamen, vacuoque sedet petere omina coelo.  
 Mens erat audaci seductus in aethera dorso, 460  
 (Nomine Lernaei memorant Aphefanta coloni)  
 Gentibus Argolicis olim facer: inde ferebant  
 Nubila, suspensō celerem temerasse volatu  
 Persea, cum raptos pueri perterrita mater  
 Prospexit de rupe gradus, ac paene secuta est. 465  
 Huc gemini vates sanctam canentis olivae  
 Fronde comam, & niveis ornati tempora vittis  
 Evadunt pariter. madidos ubi lucidus agros  
 Ortus, & argentes laxavit sole pruinas.  
 Ac prior Oeclides solita prece numen amicat. 470  
 Juppiter omnipotens, nam te pernicibus alis

Addere consilium, volucresque implere futuri,  
 Ominaque, & causas coelo deferre latentes  
 Accipimus: non Cyrrha deum promiserit antro  
 Certius, aut frondes lucis quas fama Molossis 475  
 Chaonias sonuisse tibi! licet aridus Hammon  
 Invideat, Lyciaeque parent contendere fortes,  
 Niliacumque pecus, patrioque aequalis honori  
 Branchus, & undosae qui rusticus accola Pisae  
 Pana Lycaonia nocturnum exaudit in umbra. 480  
 Ditiōr ille animi. cui tu, Dictae, secundas  
 Impuleris manifestus aves. mirum unde, sed olim  
 Hic honor alitibus: superae seu conditor aulae  
 Sic dedit, effusum Chaos in nova femina texens;  
 Seu quia mutatae, nostraque ab origine versis 485  
 Corporibus subiere Noros: seu purior axis,  
 Amotumque nefas, & rarum insistere terris  
 Vera docent. Tibi summa, sator terraeque deūmque,  
 Scire licet. Nos Argolicae primordia pugnae,  
 Venturumque finas coelo praenosse laborem. 490  
 Si datur, & duris sedet haec sententia Parcis  
 Solvere Echionias Lernaea cuspide portas,  
 Signa feras, laevusque tones. Tunc omnis in astris

Consonet arcana volucris bona murmura lingua.  
 Si prohibes, hic nocte moras: dextrisque profundum  
 Alitibus praetexe diem. Sic fatus, & alto 496  
 Membra locat scopulo. Tunc plura, ignotaque jungit  
 Numina, & immensi fruitur caligine mundi.  
 Postquam rite diu partiti sidera, cunctas  
 Perlegere animis, oculisque sequacibus auras: 500  
 Tunc Amythaonius longo post tempore vates,  
 Nonne sub excelfo spirantis limite coeli,  
 Amphiaræ, vides, cursus ut nulla serenos  
 Ales agat? liquidoque polum complexa meatu  
 Pendeat? aut fugiens placabile planxerit omen? 505  
 Non comes obscurus tripodum, non fulminis ardens  
 Vector adest, flavaeque sonans avis unca Minervæ,  
 Non venit auguriis melior, quam vultur, & altis  
 Desuper accipitres exultavere rapinis. 509  
 Monstra volant, diræ strident in nube volucres,  
 Nocturnæque gemunt striges, & feralia bubo  
 Damna canens. Quæ prima deûm portenta se-  
 quemur?  
 His ne dari, Thymbraee, polum? Simul ora recurvo  
 Ungue secant rabidæ, planctumque imitantibus alis

Exagitant Zephyros, & plumea pectora caedunt. 515  
 Ille sub hæc: Equidem varii, pater, omina Phoebi  
 Saepe tuli; jam tunc prima cum pube virentem  
 Semideos inter pinus me Thessala reges  
 Duceret. Hic casus terræque marisque canentem  
 Obstupuere duces: nec me ventura locuto 520  
 Saepius, in dubiis auditus Iafone Mopfus.  
 Sed similes non ante metus, aut astra notavi  
 Prodigiola magis; quanquam majora parantur.  
 Huc adverte animum. clara regione profundi  
 Aetheros, innumeri statuerunt agmina cygni; 525  
 Sive hos Strymonia Boreas ejecit ab Arcto,  
 Seu foecunda refert placidi clementia Nili.  
 Fixerunt cursus, hac rere in imagine Thebas.  
 Nam sese immoti gyro, atque in pace filentes,  
 Ceu muris, valloque tenent. Sed fortior ecce 530  
 Adventat per inane cohors. Septem ordine fulvo  
 Armigeros summi Jovis exultante caterva  
 Intuor. Inachii sunt hi tibi (concipe) reges.  
 Invasere globum nivei gregis, uncaque pandunt  
 Caedibus ora novis, & strictis unguibus instant. 535  
 Cernis inexperto rorantes sanguine ventos,

Et plumis stillare diem? quam faeva repente  
 Victores agitat leto Jovis ira sinistra?  
 Hic excelsa petens subita face Solis inarfit,  
 Summisque animos. illum vestigia adortum 540  
 Majorum volucrum tenerae deponitis alae.  
 Hic hosti implicitus pariter ruit. hunc fuga retro  
 Volvit agens sociae linquentem fata catervae.  
 Hic nimbo glomeratus obit. hic praepete viva 544  
 Pascitur immoriens. spargit cava nubila sanguis.  
 Quid furtim lachrymas? illum, venerande Melampu,  
 Qui cadit, agnosco. trepidos sic mole futuri,  
 Cunctaque jam rerum certa sub imagine passos  
 Terror habet vates. piget irrupisse volantum  
 Concilia, & coelo mentem infertasse vetanti. 550  
 Auditique odere deos. Unde iste per orbem  
 Primus venturi miseris animantibus aeger  
 Crevit amor? divum ne feras hoc munus, an ipsi  
 Gens avida, & parto non unquam stare quieti?  
 Eruimus quae prima dies, ubi terminus aevi, 555  
 Quid bonus ille deum genitor, quid ferrea Clotho  
 Cogitet: hinc fibrae, & volucrum per nubila sermo,  
 Astrorumque vices, numerataque semita Lunae,

Theffa-

Theffalicumque nefas. At non prior aureus ille 559  
 Sanguis avum, scopulisque fatae vel robore genteis  
 Mentibus hoc ausae. Sylvas amor unus, humumque  
 Edomuisse manu. Quid craftina volveret aetas  
 Scire nefas homini. nos pravum ac debile vulgus  
 Scrutati penitus Superos. Hinc pallor & irae,  
 Hinc scelus, infidiaeque, & nulla modestia voti. 565  
 Ergo manu vittas, damnataque vertice ferta  
 Deripit, abjectaque inhonorus fronde sacerdos  
 Inviso de monte redit. Jam bella tubaeque  
 Cominus, absentesque fremunt sub pectore Thebae.  
 Ille nec aspectum vulgi, nec fida tyranni 570  
 Colloquia, aut coetus procerum perferre, sed atra  
 Sede tegi, & Superum clausus negat acta fateri.  
 Te pudor & curae retinent per rura, Melampu.  
 Bissenno premit ora die, populumque ducesque  
 Extrahit incertis. & jam suprema Tonantis 575  
 Jussa fremunt, agrosque viris, annosaque vastant  
 Oppida. Bellipotens prae se deus agmina passim  
 Mille rapit. Liquere domos, dilectaue laeti  
 Connubia, & primo plorantes limine natos: 579  
 Tantus in attonitos cecidit deus. Arma paternis

Statius. T. I.

G

Postibus, & fixos Superum ad penetralia currus  
 Vellere amor. Tunc fessa putri rubigine tela,  
 Horrentesque situ gladios in saeva recurvant  
 Vulnera, & attrito cogunt juvenescere saxo.  
 Hi teretes galeas, magnorumque aerea futa 585  
 Thoracum, & tunicas chalybum squallore crepantes  
 Pectoribus tentare, alii Gortynia lentant  
 Cornua. Jam falces avidis & aratra caminis,  
 Rastraque, & incurvi saevum rubuere ligones.  
 Caedere nec validas sanctis e stirpibus hastas, 590  
 Nec pudor emerito clypeum vestisse juvenco.  
 Irrupere Argos, moestique ad limina regis  
 Bella animis, bella ore fremunt. it clamor ad auras,  
 Quantus Tyrrheni gemitus falis, aut ubi tentat  
 Enceladus mutare latus. Procul igneus antris 595  
 Mons tonat: exundant apices, fluctusque Pelorus  
 Contrahit, & sperat tellus abrupta reverti.  
 Atque hic ingenti Capaneus Mavortis amore  
 Excitus, & longam pridem indignantia pacem 599  
 Corda tumens (huic ampla quidem de sanguine prisco  
 Nobilitas. sed enim ipse manu praegressus avorum  
 Facta, diu tuto Superum contemptor, & aequi

Impatiens, largusque animae, modo suaserit ira.)  
 Unus ut e sylvis Pholoës habitator opacae  
 Inter & Aetnaeos aequus confurgere fratres. 605  
 Ante fores, ubi turba ducum, vulgique frementis,  
 Amphiaræ, tuas, quae tanta ignavia, clamat,  
 Inachidae? vosque ô focio de sanguine Achivi  
 Unius (heu pudeat) plebeja ad limina civis,  
 Tot ferro accinctae gentes, animisque paratae 610  
 Pendemus? non si ipse cavo sub vertice Cyrrhae,  
 Quisquis is est timidus, famaeque ita visus, Apollo  
 Mugiat, infano penitus seclusus in antro,  
 Expectare queam, dum pallida virgo tremendas  
 Nuntiet ambages. Virtus mihi numen, & ensis, 615  
 Quem teneo. Jamque huc timida cum fraude sa-  
 cerdos  
 Exeat, aut hodie volucrum quae tanta potestas  
 Experiar. Laetum fremit, assensuque furentem  
 Implet Achaea manus. Tandem prorumpere adactus  
 Oeclides, alio curarum agitante tumultu: 620  
 Non equidem effreno juvenis clamore profani,  
 Dictorumque metu, licet hic insana minetur,  
 Elicior tenebris. Alio mihi debita fato

Summa dies, vetitumque dari mortalibus armis.  
 Sed me vester amor, nimiusque arcana profari 625  
 Phoebus agit. Vobis ventura, atque omne, quod  
 ultra est,  
 Pandere moestus eo. Nam te, vesane, moneri  
 Ante nefas, unique filet tibi noster Apollo.  
 Quo miseri, Fatis Superisque obstantibus, arma,  
 Quo rapitis? quae vos Furiarum verbera caecos 630  
 Exagitant? adeone animarum tedet? & Argos  
 Exosi? nil dulce domi? nulla omina curae?  
 Quid me Perfei secreta ad culmina montis  
 Ire gradu trepido superosque irrumpere coetus  
 Egistis? potui pariter nescire, quis armis 635  
 Casus, & atra dies, quae fati exordia cunctis,  
 Quae mihi. Consulti testor penetralia mundi,  
 Et volucrum affatus, & te, Thymbraee, vocanti  
 Non alias tam saeve mihi, quae signa futuri  
 Pertulerim. Vidi ingentis portenta ruinae. 640  
 Vidi hominum, divamque nefas, hilaremque Me-  
 gaeram,  
 Et Lachesim putri vacuantem secula penso.  
 Projicite arma manu. deus ecce furentibus obstat:

Ecce deus. miseri, quid pulchrum sanguine victo  
 Aoniam & diri saturare novalia Cadmi? 645  
 Sed quid vana cano? quid fixos arceo casus?  
 Ibimus. Hic presso gemuit simul ore sacerdos.  
 Illum iterum Capaneus: Tuus o furor, augur, & uni  
 Ista tibi, ut ferves vacuos inglorius Argos,  
 Et tua non unquam Tyrrhenus tempora circum 650  
 Clangor eat. Quid vota virum meliora moraris?  
 Scilicet ut vanis avibus, natoque, domoque,  
 Et thalamis potiare jacens, fileamus inulti  
 Tydeos egregii perfoffum pectus? & arma  
 Foederis abrupti? quod si bella effera Grajos 655  
 Ferre vetas, i Sidonias legatus ad urbes.  
 Haec pacem tibi ferta dabunt. tua prorsus inani  
 Verba polo causas, abstrusaque femina rerum  
 Eliciunt? miseret Superum, si carmina curae, 659  
 Humanaeque preces. Quid inertia pectora terres?  
 Primus in orbe deos fecit timor. Et tibi tuto  
 Nunc eat iste furor. sed prima ad classica cum jam  
 Hostilem Ismenon galeis Dircenque bibemus:  
 Ne mihi tunc, moneo, lituos atque arma volenti,  
 Obvius ire pares, ventisque aut alite visa 665

Bellorum proferre diem. procul haec tibi mollis  
 Infula, terrificique aberit dementia Phoebi.  
 Illic augur ego & mecum quicumque parati  
 Insanire manu. Rursus fragor intonat ingens  
 Hortantum, & vasto subter volat astra tumultu. 670  
 Ut rapidus torrens, animos cui verna minifrant  
 Flamina, & exuti concreto frigore colles,  
 Cum vagus in campos frustra prohibentibus exit  
 Objicibus, resonant permixto turbine testæ,  
 Arva, armenta, viri, donec stetit improbus alto 675  
 Colle minor, magnoque invenit in aggere ripas.  
 Haec alterna ducum nox interfusa diremit.  
 At gemitus Argia viri non amplius aequo  
 Corde ferens, sociumque animo miserata dolorem,  
 Sicut erat pridem laceris turbata capillis, 680  
 Et fletu signata genas, ad celsa verendi  
 Ibat testæ patris, parvumque sub ubere caro  
 Thessandrum portabat avo, jam nocte suprema  
 Ante novos ortus, ubi sola superstite plastro  
 Arctos ad Oceanum fugientibus invidet astris. 685  
 Utque fores iniit, magnoque affusa parenti est:  
 Cur tua cum lachrymis moesto sine conjugè supplex

Limina nocte petam, cessem licet ipsa profari,  
 Scis genitor. Sed jura deum genitalia testor, 689  
 Teque pater, non ille jubet; sed pervigil angor,  
 Ex quo primus Hymen, movitque infausta sinistram  
 Juno facem, semper lachrymis, gemituque propinquo  
 Exturbata quies. non si mihi tigridis horror,  
 Aequoreaeque super rigeant praecordia cautes, 694  
 Ferre queam. Tu solus opem, tu summa medendi  
 Jura tenes. da bella pater, generique jacentis  
 Aspice res humiles, atque hanc, pater, aspice prolem  
 Exulis. huic olim generis pudor. obvia prima  
 Hospitia, & junctae testato numine dextrae. 699  
 Hic certe est, quem Fata dabant, quem dixit Apollo.  
 Non egomet tacitos Veneris furata calores,  
 Culpatamve facem, tua jussa verenda, tuosque  
 Dilexi monitus. Nunc qua feritate dolentis  
 Despiciam questus? nescis, pater optime, nescis,  
 Quantus amor causae misero nupsisse marito. 705  
 Et nunc moesta quidem grave & illaetabile munus  
 Ut timeam, dole. mque, rogo. Sed cum oscula rumpet  
 Moesta dies, cum rauca dabunt abeuntibus armis  
 Signa tubae, saevoque genas fulgebitis auro,

Hei mihi, care parens, iterum fortasse rogabo. 710  
 Illius humenti carpens pater oscula vultu,  
 Non equidem has unquam culparim, nata, querelas,  
 Pone metus: laudanda rogas, nec digna negari.  
 Sed mihi multa dei (nec tu sperare, quod urges,  
 Desine) multa metus, regnique volubile pondus 715  
 Subjiciunt animo. Veniet, qui debitus istis,  
 Nata, modus. nec te incassum fleuisse quereris,  
 Tu solare virum, neu sint dispendia justæ  
 Dura moræ, magnos cunctamur, nata, paratus.  
 Proficitur bello. Dicentem talia nascens 720  
 Lux movet, ingentesque jubent assurgere curæ.



P. PAPINII STATII  
 THEBAIDOS  
 LIBER IV.

TERTIVS horrentem Zephyris laxaverat annum  
 Phæbus, & angustum cogeat limite verno  
 Longius ire diem, cum fracta, impulsaque fatis  
 Consilia, & tandem miseris data copia belli.  
 Prima manu rutilam de vertice Larissæo 5  
 Ostendit Bellona facem, dextraque trabalem  
 Hastam intorsit agens: liquido quæ fridula cælo  
 Fugit, & adversæ cælo stetit aggere Dirces.  
 Mox & castra subit, ferroque, auroque coruscis  
 Mixta viris, turmale fremit: dat euntibus enses: 10  
 Plaudit equos: vocat ad portas. Hortamina fortes  
 Præveniunt, timidisque etiam brevis addita virtus,  
 Dista dies aderat. Cadit ingens rite Tonanti  
 Gradivoque pecus, nullisque secundus in extis



Pallet, & armatis simulat sperare sacerdos. 15  
 Jamque suos circum pueri, innuptæque, patresque,  
 Funduntur mixti, summisque a postibus obstant.  
 Nec modus est lachrymis. rorant clypei que, jubæque  
 Triste salutantum, & cunctis dependet ab armis  
 Suspiranda domus. galeis juvat oscula clausis 20  
 Inferere, amplexuque truces deducere conos.  
 Illi, quis ferrum modo, quis mors ipsa placebat,  
 Dant gemitus, fractæque labant singultibus iræ.  
 Sic ubi forte viris longum super æquor ituris, 24  
 Cum jam ad vela Noti, & scisso redit anchora fundo,  
 Hæret amica manus: certant innectere collo  
 Brachia, manantesque oculos. Hinc oscula turbant,  
 Hinc magni caligo maris: tandemque relictæ  
 Stant in rupe tamen: fugientia carbasa visu 29  
 Dulce sequi, patriosque dolent crebrescere ventos:  
 Stant tamen, & notam puppem de rupe salutant.  
 Nunc mihi, fama prior, mundique arcana vetustas,  
 Cui meminisse ducum, vitasque extendere curæ,  
 Pande viros. tuque ô nemoris regina sonori,  
 Calliope, quas ille manus, quæ moverit arma 35  
 Gradius, quantas populis solaverit urbes,

Sublata molire lyra. nec enim altior ulli  
 Mens hausto de fonte venit. Rex tristis, & æger  
 Pondere curarum, propiorque abeuntibus annis,  
 Inter adhortantes vix sponte incedit Adrastus, 40  
 Contentus ferro cingi latus: arma manipuli  
 Pone ferunt: volucres portis auriga sub ipsis  
 Comit equos, & jam inde jugo luctatur Arion.  
 Huic armat Larissa viros: huic celsa Profymne,  
 Aptior armentis Midea, pecorosaque Phyllos, 45  
 Quæque pavet longa spumantem valle Charadron  
 Neris, & ingenti turritæ mole Cleonæ,  
 Et Lacedæmonium Thyre lectura cruorem.  
 Junguntur memores transmissi ab origine regis,  
 Qui Drepani scopulos, & olivifera Sicyonis 50  
 Culta ferunt, quos pigra vado Langia tacenti  
 Lambit, & amfractu riparum incurvus Elifos.  
 Sævus honos fluvio: Stygias lustrare severis  
 Eumenidas perhibetur aquis; huc mergere suetæ  
 Ora, & anhelantes tuto Phlegethonte cerastas: 55  
 Seu Thracum vertere domos, seu tecta Mycenis  
 Impia, Cadmeumve larem. fugit ipse natantes  
 Annis, & innumeris livescunt itagna venenis.

It comes Inoas Ephyre folata querelas, 59  
 Cenchrææque manus, vatum qua confcius amnis  
 Gorgoneo percussus equo, quaque objacet alto  
 Isthmos, & a terris maria inclinata repellit.  
 Hæc manus Adrastum numero ter mille secuti  
 Exultant. Pars gesa manu, pars robora flammis  
 Indurata diu (non unus namque manipulis 65  
 Mos, neque sanguis inest) teretes pars vertere fundas  
 Assueti, vacuoque diem præcingere gyro.  
 Ipse annis sceptrisque subit venerabilis æque,  
 Ut possessa diu taurus meat arduus inter  
 Pascua, jam laxa cervice, & inanibus armis, 70  
 Dux tamen: haud illum bello attentare juvenis  
 Sunt animi, nam trunca vident de vulnere multo  
 Cornua, & ingentes plagarum in pectore nodos.  
 Proxima longævo profert Diræus Adrasto  
 Signa gener, cui bella favent: cui commodat iras  
 Cuncta cohors. Huic & patria de sede volentes 76  
 Advenere viri; seu quos movet exul, & hæsit  
 Tristibus aucta fides, seu quis mutare potentes  
 Præcipuum: multi, melior quos causa querenti  
 Conciliat. Dederat nec non focer ipse regendas 80

Aegion, Arenenque, & quas Theseia Træzen  
 Addit opes, ne rara movens inglorius iret  
 Agmina, neu raptos patriæ sentiret honores.  
 Idem habitus, eadem arma viro, quæ debitus hospes  
 Hiberna sub nocte tulit. Theumesius implet 85  
 Terga leo. gemino lucent hastilia ferro:  
 Aspera vulnifico subter latus ense riget Sphynx.  
 Jam regnum, matrisque sinus, fidasque sorores  
 Spe, votisque tenet: tamen & de turre suprema  
 Attonitam, totoque extantem corpore longe 90  
 Respicit Argian. Hæc mentem, oculosque reducit  
 Conjugis, & dulces avertit pectore Thebas.  
 Ecce inter medios patriæ ciet agmina gentis  
 Fulmineus Tydeus: jam lætus, & integer artus,  
 Ut primum strepuere tubæ. Ceu lubricus alta 95  
 Anguis humo verni blanda ad spiramina folis  
 Erigitur liber senio, & squallentibus annis  
 Exutus, lætisque minax interviret herbis:  
 Ah miser, agrestum si quis per gramen hianti  
 Obvius, & primo siccaverit ora veneno. 100  
 Huic quoque præstantes Aetolis urbibus affert  
 Belli fama viros. sensit scopulosa Pylene

Fletaque cognatis avibus Meleagria Pleuron.  
 Et præceps Calydon, & quæ Jove provocat Iden  
 Olenos, Joniis & fluctibus hospita portu 105  
 Chalcis, & Herculeæ turpatus gymnade vultus  
 Amnis. Adhuc imis vix truncam attollere frontem  
 Aufus aquis, glaucoque caput summersus in antro  
 Mæret, anhelantes ægrefcunt pulvere ripæ.  
 Omnibus æratæ propugnant pectora crates, 110  
 Pilaque sæva manu, patrius stat casside Mavors.  
 Undique magnanimum pubes delecta coronant  
 Oeniden, hilarem bello, notisque decorum  
 Vulneribus. non ille minis Polynicis, & ira  
 Inferior, dubiumque adeo, cui bella gerantur. 115  
 Major at inde novis it Doricus ordo sub armis,  
 Qui ripas, Lyciæ, tuas, tua littora multo  
 Vomere suspendunt, fluviorum ductor Achivum  
 Inache: Perseæ neque enim violentior exit 119  
 Amnis humo, cum Taurum, aut Pliadas hausit aquosâs  
 Spumeus, & genero tumuit Jove, quos celer ambit  
 Asterion, Dryopumque trahens Erastinus aristas.  
 Et qui rura domant Epidauria: dexter Jaccho  
 Collis (at Ennææ Cereri negat) avia Dyme.

Mittit opes, densasque Pylos Neleia turmas. 125  
 Nondum nota Pylos, juvenisque ætate secunda  
 Nestor, & ire tamen peritura in castra negavit.  
 Hos agitat, pulchræque docet virtutis amorem  
 Arduus Hippomedon. capiti tremit ærea cassis,  
 Ter nivea scandente juba. latus omne sub armis  
 Ferrea suta terunt: humeros ac pectora late 131  
 Flammeus orbis habet, perfecta que vivit in auro  
 Nox Danaï. fontes furiarum lampade nigra  
 Quinquaginta ardent thalami: pater ipse cruentis  
 In foribus laudatque nefas, atque inspicit enses.  
 Illum Palladia sonipes Nemeæus ab arce 136  
 Devehit arma pavens, umbraque immane volanti  
 Implet agros, longoque attollit pulvere campum.  
 Non aliter sylvas humeris, & utroque refringens  
 Pectore, montano duplex Hyleus ab antro 140  
 Præcipitat, pavet Ossa vias, pecudesque, feræque  
 Procubere metu: non ipsis fratribus horror  
 Abfuit, ingenti donec Peneïa saltu  
 Stagna subit, magnumque objectus detinet amnem.  
 Quis numerum ferri, gentesque, & robora dicto  
 Aequarit mortale sonans? suus excipit in arma 146

Antiquam Tirynta deus. Non fortibus illa  
 Infœcunda viris, famaue immanis alumni  
 Degenerat: sed lapsa situ fortuna, neque addunt  
 Robur opes. Karus vacuis habitator in arvis 150  
 Monstrat Cyclopum ductas fudoribus arces.  
 Dat tamen hæc juvenum tercentum pectora, vulgus  
 Innumerum bello, quibus haud amenta, nec enses  
 Triste micant. flavent capiti, tergoque leonum  
 Exuviæ, gentilis honos, & pineus armat 155  
 Stipes, inexhaustis arctantur tela pharetris.  
 Herculeum Pæana canunt, vastataque monstis  
 Omnia: frondosa longum deus audit ab Oeta.  
 Dat Nemea comites, & quas in prælia vires  
 Sacra Cleonæi cogunt vineta Molorchi. 160  
 Gloria nota casæ, foribus simulata salignis  
 Hospitis arma dei, parvoque ostenditur arvo,  
 Robur ubi & laxos qua reclinaverit arcus  
 Ilice, qua cubiti sedeant vestigia terra.  
 At pedes, & toto despectans vertice bellum, 165  
 Quattuor indomitis Capaneus erepta juvencis  
 Terga, superque rigens injectu molis ahene  
 Versat onus: squallet triplici ramosa corona

Hydra

Hydra recens obitu: pars anguibus aspera vivis  
 Argento cælata micat: pars arte reperta 170  
 Conditur, & fulvo moriens ignescit in auro.  
 Circum amnis torpens, & ferro cœrula Lerne.  
 At laterum tractus, spatiosaue pectora servat  
 Nexilis innumero chalybum subtemine thorax,  
 Horrendum, non matris opus, galeæque corusca  
 Prominet arce gygas, atque uni missilis illi 176  
 Cuspide præfixa stat frondibus orba cupressus.  
 Huic parere dati quos fertilis Amphigenia,  
 Planaque Messene, montanaque nutrit Ithome,  
 Quos Thrion, & summis ingestum montibus Aepy,  
 Quos Helos, & Pteleon, Getico quos flebile vati  
 Dorion. Hic fretus doctas anteire canendo 182  
 Aonidas, mutos Thamyris damnatus in annos  
 Ore simul, citharaque (quis obvia numina temnat?)  
 Conticuit præceps, qui non certamina Phœbi 185  
 Noffet, & illustres Satyro pendente Celenas.  
 Jamque & fatidici mens expugnata fatiscit  
 Auguris; ille quidem casus, & dira videbat  
 Signa, sed ipsa manu cunctanti injecerat arma  
 Atropos, obrueratque deum, nec conjugis absunt

Statius. T. I.

H

Infidiæ, vetitoque domus jam fulgurat auro. 191  
 Hoc aurum vati fata exitiale monebant  
 Argolico, scit & ipse nefas, sed perfida conjux  
 Dona viro mutare velit, spoliisque potentis  
 Imminet Argiæ, raptoque excellere cultu. 195  
 Illa libens (nam regum animos, & pondera belli  
 Hac nutare videt, pariter ni providus heros  
 Militet) ipsa sacros gremio Polynicis amati  
 Deposuit nexus haud mœsta, atque insuper addit:  
 Non hæc apta mihi nitidis ornatibus, inquit, 200  
 Tempora, nec miseræ placeant insignia formæ  
 Te sine. sat dubium cœtu solante timorem  
 Fallere, & incultos aris adverrere crines.  
 Scilicet (heu superi) cum tu cludare minaci  
 Casside, ferratusque sones, ego divitis aurum 205  
 Harmoniæ dotale geram? dabit aptior ista  
 Fors deus, Argolicasque habitu præstabo maritas,  
 Cum regis conjux, cum te mihi sospite, templa  
 Votivis implenda choris: nunc induat illa,  
 Quæ petit, & bellante potest gaudere marito. 210  
 Sic Eriphylæos aurum fatale penates  
 Irrupit, icelerumque ingentia femina movit,

Et grave Tisiphone risit gavisa futuris.  
 Tænareis hic celsus equis, quam dispare cœtu  
 Cyllarus, ignaro generarat Castore prolem, 215  
 Quassat humum. vatem cultu Parnassia monstrant  
 Vellera, frondenti crinitur cassis oliva,  
 Albaque puniceas interplicat infula cristas.  
 Arma simul, prensasque jugo moderatur habenas.  
 Hinc atque inde moræ jaculis, & ferrea curru 220  
 Sylva tremit. procul ipse gravi metuendus in hasta  
 Eminent, & clypeo victum Pythona coruscant.  
 Hujus Apollineæ currum comitantur Amyclæ,  
 Quos Pylos, & dubiis Malea vitata carinis,  
 Plaudentique habiles Caryæ resonare Dianæ, 225  
 Quos Pharis, volucrumque parens Cythereia Messe,  
 Taygetique phalanx, & oliviferi Eurotæ  
 Dura manus. Deus ipse viros in pulvere crudo  
 Arcas alit, nudæque modos virtutis, & iras 229  
 Ingenerat: vigor inde animis, & mortis honoræ,  
 Dulce sacrum. Gaudent natorum in fata parentes,  
 Hortanturque mori: deflet jamque omnis ephebum  
 Turba, coronato contenta est funere mater.  
 Frena tenent, duplexque inserto missile nodo, 234

Exerti ingentes humeros: chlamys horrida pendet,  
 Et cono Ledæus apex. non hi tibi solum,  
 Amphiaræ, merent. auget resupina maniplos  
 Elis. depressæ populus subit incola Pifæ,  
 Qui te, flave, natant terris, Alpheæ, Sicani 239  
 Advena tam longo non unquam infecte profundo.  
 Curribus innumeris late putria arva laceffunt,  
 Et bellis armenta domant. Ea gloria genti  
 Infando de more, & fractis durat ab usque  
 Axibus Oenomai. strident spumantia morfu  
 Vincula, & effossas niveus rigat imber arenas. 245  
 Tu quoque Parrhasias ignara matre catervas  
 Ah rudis annorum (tantum nova gloria suadet)  
 Parthenopææ, rapis. Tum saltus forte remotos  
 Torva parens (neque enim hæc juveni foret ire  
 potestas)  
 Pacabat cornu, gelidique averfa Licei. 250  
 Pulchrior haud ulli triste ad discrimen ituro  
 Vultus, & egregiæ tanta indulgentia formæ.  
 Nec defunt animi, veniat modo fortior ætas.  
 Quas non ille duces nemorum, fluviiisque dicata  
 Numina, quas magno non impulit igne Napæas?

Ipsam, Mænalia puerum cum vidit in umbra, 256  
 Dianam, tenero signantem gramina passu,  
 Ignovisse ferunt comiti, Dictæaque tela  
 Ipsam, & Amyclæas humeris aptasse pharetras.  
 Profilit audaci Martis percussus amore, 260  
 Arma, tubas audire calens, & vulvere belli  
 Flaventem fordere comam, captoque referri  
 Hostis equo. tædet nemorum, titulumque nocentem  
 Sanguinis humani, pudor est nescire sagittas.  
 Igneus ante omnes auro micat, igneus ostro, 265  
 Undantemque sinum nodis irrugat Iberis,  
 Imbelli parma pictus Calydonia matris  
 Prælia. trux læva sonat arcus, & aspera plumis  
 Terga, Cydonæa corytos arundine pulsat,  
 Electro pallens, & jaspide clarus Eoa. 270  
 Cornipedem trepidos suctum prævertere cervos  
 Velatum geminæ dejectu lyncis, & arma  
 Mirantem gravioris heri sublimis agebat,  
 Dulce rubens, viridique genas spectabilis ævo.  
 Arcades huic veteres astris Lunaque priores, 275  
 Agmina fida datis. nemorum vos stirpe rigenti  
 Fama fatos, cum prima pedum vestigia tellus

Admirata tulit. nondum arva, domusque, nec urbes,  
 Connubiisque modus. Quercus, laurique ferebant  
 Cruda puerperia, ac populos umbrosa creavit 280  
 Fraxinus, & facta viridis puer excidit orno.  
 Hi lucis stupuisse vices, noctisque feruntur  
 Nubila, & occiduum longe Titana secuti  
 Desperasse diem. rarefcunt alta colonis 284  
 Mænala: Parthenium fugitur nemus: agmina bello  
 Rhipeque, & Stratie, ventosaque donat Enispe.  
 Non Tegea, non ipsa Deo vacat alite felix  
 Cyllene, templumque Aleæ nemorale Minervæ,  
 Et rapidus Cliton, & qui tibi, Pythie, Ladon  
 Pæne focer, candensque jugis Lampia nivosis, 290  
 Et Pheneos nigro Styga mittere credita Diti.  
 Venit & Idæis ululatibus æmulus Azan,  
 Parrhasique duces, & quæ resistis, Amores,  
 Grata pharetrato Nonacria rura Tonanti. 294  
 Dives & Orchomenos pecorum, & Cynofura ferarum.  
 Aepyrios idem ardor agros, & Psophida celsam  
 Vastat, & Herculeo vulgatos robore montes,  
 Monstriferumque Erymanthon, & ærisonum Stym-  
 phalon.

Arcades hi, gens una viris, sed difsona cultu  
 Scinditur, hi Paphias myrtos a stirpe recurvant,  
 Et pastorali meditantur prælia trunco: 301  
 His arcus, his tela fudes, hic casside crines  
 Integit: Arcadii morem tenet ille galeri:  
 Ille Lycaoniæ ricu caput asperat urfæ.  
 Hos belli cœtus, jurataque pectora Marti, 305  
 Milite vicinae nullo juvere Mycenæ.  
 Funereae tum namque dapes, medique recursus  
 Solis, & hic alii miscebant prælia fratres.  
 Jamque Atalantæas implerat nuntius aures  
 Ire ducem bello, totamque impellere natum 310  
 Arcadium. tremuere gradus, elapsaque juxta  
 Tela. fugit sylvas perniciosior alite vento  
 Saxa per, & plenis obstantia flumina ripis,  
 Qualis erat, correpta sinus, & vertice flavum  
 Crinem sparsa noto. raptis velut aspera natis 315  
 Prædatoris equi sequitur vestigia tigris.  
 Ut stetit, adversisque impegit pectora frenis:  
 (Ille ad humum pallens.) Unde hæc furibunda cupido,  
 Nate, tibi? teneroque unde improba pectore virtus?  
 Tu bellis aptare viros? tu pondera ferre 320

Martis, & ensiferas inter potes ire catervas?  
 Quanquam utinam vires! nuper te pallida vidi,  
 Dum premis obnixo venabula cominus apro,  
 Poplite succiduo refupinum ac pæne ruentem:  
 Et ni curvato torfifsem spicula cornu, 325  
 Nunc ubi bella tibi? nil te mea tela juvabunt,  
 Nec teretes arcus, maculis nec discolor atris  
 Hic, cui fidis, equus. magnis conatibus infas  
 Vix Dryadum thalamis, Erymanthiadumque furori  
 Nympharum mature puer. sunt omina vera: 330  
 Mirabar cur templa mihi tremuisse Dianæ  
 Nuper, & inferior vultu dea visa, facrisque  
 Exuviæ cecidere tholis. hinc segnior arcus,  
 Difficilesque manus, & nullo in vulnere certæ.  
 Expecta dum major honos, dum firmitus ævum, 335  
 Dum roseis venit umbra genis, vultusque recedunt  
 Ore mei: tunc bella tibi, ferrumque, quod ardes,  
 Ipsa dabo, & nullo matris revocabere fletu.  
 Nunc refer arma domum. Vos autem hunc ire sinetis,  
 Arcades? O saxis nimirum, & robore nati. 340  
 Plura cupit, fusi circum natusque, ducesque  
 Solantur, minuuntque metus, & jam horrida clangunt

Signa tubæ. Nequit illa pio dimittere natum  
 Complexu, multumque duci commendat Adrasto.  
 At parte ex alia Cadmi Mavortia plebes, 345  
 Mœsta ducis furiis, nec belli territa fama,  
 (Quando his vulgatum descendere viribus Argos)  
 Tardius illa quidem, regis, causæque pudore,  
 Verum bella movet. nulli diftringere ferrum  
 Impetus, aut humeros clypeo clausisse paterno 350  
 Dulce, nec alipedum juga comere, qualia belli  
 Gaudia: dejecti trepidas sine mente, sine ira,  
 Promifere manus. Hic ægra in forte parentem  
 Unanimum, hic dulces primævæ conjugis annos  
 Ingemit, & gremio miseros accrescere natos. 355  
 Bellator nulli caluit deus: ipsa vetusto  
 Mœnia lassâ situ, magnæque Amphionis arces,  
 Jam fessum senio nudant latus, & fide sacra  
 Aequatos cœlo, sardum, atque ignobile, muros  
 Firmat opus. tamen & Bœotis urbibus ultrix 360  
 Aspirat ferri rabies, nec regis iniqui  
 Subsidio, quantum sociâ pro gente moventur.  
 Ille velut pecoris lupo expugnator opimi,  
 Pectora tabenti sanie gravis, hirtaque setis



Ora cruentata deformis hiantia lana, 365  
 Decedit stabulis, huc, illuc turbida versans  
 Lumina, si duri comperta clade sequantur  
 Pastores, magnique fugit non incius ausi.  
 Accumulat crebros turbatrix fama pavores.  
 Hic jam dispersos errare Afopide ripa 370  
 Lernæos equites: hic te, bacchate Cithæron,  
 Ille rapi Theumeson, ait, noctisque per umbras  
 Nuntiat excubiis vigiles arfisse Plateas.  
 Nam Tyrios sudasse lares, & sanguine Dircen  
 Irriguum, fœtusque novos, iterumque locutam 375  
 Sphynga petris, cui non & scire licentia passim,  
 Et vidisse fuit? Novus his super anxia turbat  
 Corda metus. Sparfis subito correpta canistris  
 Sylvestris regina chori, decurrit in æquum  
 Vertice ab Ogygio, trifidamque huc tristis, & illuc,  
 Lumine sanguineo pinum dejectat, & ardens 381  
 Erectam attonitis implet clamoribus urbem:  
 Omnipotens Nisæe pater, cui gentis avitæ  
 Pridem lapsus amor, tu nunc horrente sub arcto  
 Bellica ferrato rapidus quatis Ismara thyrsos, 385  
 Pampineumque jubes nemus irreptare Lycurgo,

Aut tumidum Gangen, aut claustra novissima rubræ  
 Tethyos, Eoasque domos flagrante triumpho  
 Perfuris, aut Hermi de fontibus aureis exis.  
 At tua progenies, positis gentilibus armis 390  
 Quæ tibi festa litat, bellum, lachrymasque, metumque  
 Cognatumque nefas, injusti munera regni,  
 Pendimus. æternis potius me Bacche pruinis  
 Trans & Amazoniis ululatum Caucaſon armis,  
 Siste ferens, quam monstra ducum stirpemque pro-  
 fanam 395  
 Eloquar. En urges: alium tibi, Bacche, furorem  
 Juravi. Similes video concurrere tauros:  
 Idem ambobus honos, unusque ab origine sanguis:  
 Ardua collatis obnixi cornua miscent  
 Frontibus, alternaque truces moriuntur in ira. 400  
 Tu peior, tu cede nocens, qui solus avita  
 Gramina, communemque petis defendere montem.  
 Ah miseri morum! bellatis sanguine tanto,  
 Et saltus dux alter habet. Sic fata gelatis  
 Vultibus, & Baccho jam demigrante quievit. 405  
 At trepidus monstro, & variis terroribus impar  
 Longævi rex vatis opem, tenebrasque sagaces

Tiresiæ (qui mos incerta parentibus) æger  
 Consultit. Ille deos non larga cæde juvencùm,  
 Non alacri penna, aut verum spirantibus extis, 410  
 Nec tripode implicito, numerisque sequentibus astra,  
 Thurea nec supra volitante altaria fumo,  
 Tam penitus, duræ quam mortis limite manes  
 Elicitos patuisse, refert, Lethæaque sacra  
 Et mersum Ismeni subter confinia ponto 415  
 Miscantis, parat ante ducem, circumque bidentum  
 Visceribus laceris, & odori sulfuris aura,  
 Graminibusque novis, & longo murmure purgat.  
 Sylva capax ævi, validaque incurva senecta.  
 Aeternum intonsæ frondis stat pervia nullis 420  
 Solibus. haud illam brumæ minuere, Notusve  
 Jus habet, aut Getica Boreas impactus ab Urfa.  
 Subter opaca quies, vacuusque silentia servat  
 Horror, & exclusæ pallet mala lucis imago.  
 Nec caret umbra deo. nemori Latonia cultrix 425  
 Additur. Hanc piceæ, cedrique, & robore in omni  
 Effictam, sanctis occultat sylva tenebris.  
 Hujus inaspectæ luco stridere sagittæ,  
 Nocturnique casum gemitus, ubi limina patrai

Effugit, inque novæ melior redit ora Dianæ. 430  
 Ast ubi fessa jugis, dulcesque altissima somnos  
 Lux movet, hic late jaculis circum undique fixis,  
 Effusam pharetra cervicem excepta quiescit.  
 Extra immane patent, tellus Mavortia, campi,  
 Fœtus ager Cadmo, durus qui vomere primo 435  
 Post confanguineas acies, fulcosque nocentes,  
 Ausus humum versare, & patria sanguine prata  
 Eruit: ingentes infelix terra tumultus  
 Lucis adhuc medio, solaque in nocte per umbras  
 Expirat, nigri cum vana in prælia surgunt 440  
 Terrigenæ. fugit incepto tremebundus ab arvo  
 Agricola, infanisque domum rediere juveni.  
 Hic senior vates, (Stygiis accomoda quippe  
 Terra sacris, multoque placent sola pingua tabo)  
 Velleris obscuri pecudes, armentaque sisti 445  
 Atra monet. quæcunque gregum pulcherrima cervix  
 Ducitur. ingemuit Dirce, mœstusque Citharon,  
 Et nova clamosæ stupuere silentia valles.  
 Tum fera cœruleis intexit cornua fertis  
 Ipse manu tractans, notæque in limine sylvæ, 450  
 Principio largos novies tellure cavata

Inclinat Bacchi latices, & munera verni  
 Lactis, & Aëæos imbres, suadumque cruorem 453  
 Manibus: aggeritur, quantum bibit arida tellus.  
 Trunca dehinc nemora advolvit, mæstusque sacerdos  
 Tres Hecatæ, totidemque fatis Acheronte nefasto  
 Virginibus jubet esse focos. tibi rector averni  
 Quanquam infossus humo, superat tamen agger in  
 auras

Pineus. hunc juxta cumulo minor ara profundæ  
 Erigitur Cereri. frontes, atque omne cupressus 460  
 Intexit plorata latus. jamque ardua ferro  
 Signati capita, & frugum libamine puro  
 In vulnus cecidere greges. Tunc innuba Mantho  
 Exceptum pateris prælibat sanguinem, & omnes  
 Ter circum acta pyras sancti de more parentis 465  
 Semineces fibras, & adhuc spirantia reddit  
 Viscera. nec rapidas cunctatur frondibus atris  
 Subjectare faces. atque ipse sonantia flammis  
 Virgulta, & tristes crepuisse ut sensit acervos  
 Tiresias (illi nam plurimus ardor anhelat, 470  
 Ante genas, impletque cavos vapor igneus orbes)  
 Exclamat: (tremuere rogi, & vox impulit ignem)

Tartareæ sedes, & formidabile regnum  
 Mortis inexpletæ, tuque, ô sævissime fratrum,  
 Cui servire dati Manes, æternaque fontum 475  
 Supplicia, atque imi famulatur regia mundi,  
 Solvite pulsanti loca muta, & inane severæ  
 Persephones, vulgusque cava sub nocte repostum  
 Elicite, & plena redeat Styga portitor alno.  
 Ferte simul gressus; nec simplex Manibus esto 480  
 In lucem remeare modus. Tu sepere cœtu  
 Elysiis Persei Pios, virgaque potenti  
 Nubilus Arcas agat. contra per crimina functis  
 Qui plures Erebo, pluresque e sanguine Cadmi,  
 Angue ter excusso, & flagranti prævia taxo, 485  
 Tifiphone, dux pande diem, nec lucis egentes  
 Cerberus occurfu capitum retorqueat umbras.  
 Dixerat. & pariter senior, Phæbeaque virgo  
 Erexere animos. Illi formidine nulla,  
 (Quippe in corde deus) solum tremor, obruit ingens  
 Oedipodioniden, vatisque horrenda canentis 491  
 Nunc humeros, nunc ille manus, & vellera pressat  
 Anxius, inceptisque velit desistere sacris.  
 Qualis Gætulæ stabulantem ad confraga sylvæ

Venator longo motum clamore leonem 495  
 Expectat, firmans animum & sudantia nisu  
 Tela premens, gelat ora pavor, gressusque tremiscunt  
 Quis veniat, quantusque, sed horrida signa frementis  
 Accipit, & cæca metitur murmura cura. 499  
 Atque hic Tiresias nondum adventantibus umbris:  
 Testor, ait, divæ, quibus hunc faturavimus ignem,  
 Laevaue convulsæ dedimus carthesia terræ,  
 Jam nequeo tolerare moram. cassus ne sacerdos  
 Audior? an rabido jubeat si Thessala cantu  
 Ibitis? & Scythicis quoties armata venenis 505  
 Colchis aget, trepido pallebunt tartara motu?  
 Nostri cura minor si non attollere bustis  
 Corpora, nec plenas antiquis ossibus urnas  
 Egerere, & mixtos cœlique, erebique sub unum  
 Funestare deos libet? aut exanguia ferro 510  
 Ora sequi, aut ægras functorum carpere fibras?  
 Ne tenues annos, nubemque hanc frontis opacæ,  
 Spernite ne, moneo, & nobis favire facultas.  
 Scimus enim & quicquid dici, noscique timetis,  
 Et turbare Hecaten, ni te, Thymbræe, vererer: 515  
 Et triplicis mundi summum, quem scire nefastum est.

Illum

Illum sed taceo. prohibet tranquilla senectus.  
 Jamque ego vos. avidè subicit Phœbeia Manto,  
 Audiris genitor, vulgusque exangue propinquat.  
 Panditur Elysiùm Chaos, & telluris opertæ 520  
 Dissilit umbra capax, sylvæque, & nigra patefcunt  
 Flumina, liventes Acheron ejetat arenas.  
 Fumidus atra vadis Phlegethon incendia volvit,  
 Et Styx discretis interflua Manibus obstat.  
 Ipsum pallentem folio, circumque ministras 525  
 Funestorum operum Eumenides, Stygiæque severos  
 Junonis thalamos, & mœsta cubilia cerno.  
 In speculis Mors atra fedet, dominisque silentis  
 Adnumerat populos: major supereminet ordo.  
 Arbiter hos dura versat Gortynius urna, 530  
 Vera minis poscens, adigitque expromere vitas  
 Usque retro, & tandem pœnarum lucra fateri.  
 Quid tibi monstra Erebi, Scyllas, & inane furentes  
 Centauros, solidoque intorta adamante gigantum  
 Vincula, & angustam centeni Aegæonis umbram?  
 Immo, ait, ô nostræ regimen, viresque senectæ, 536  
 Ne vulgato mihi. Quis enim remeabile saxum,  
 Fallentesque lacus, Tytionque alimenta volucrum,

Statius. T. I.

I

Et caligantem longis Ixiona gyris 539  
 Nesciat? Ipse etiam melior cum sanguis, opertas  
 Inspexi fedes, Hecate ducente, priusquam  
 Obruit ora Deus, totamque in pectora lucem  
 Detulit. Argolicas magis huc appelle precando,  
 Thebanasque animas. alias avertere gressus  
 Lacte quater sparsas mœstoque excedere luco, 545  
 Nata, jube. tum quis vultus, habitusque, quis ardor  
 Sanguinis adfusi, gens utra superbior adfit,  
 Dic agedum, nostramque mone per singula noctem.  
 Jussa facit, carmenque ferit, quo dissipet umbras,  
 Quo regat & sparsas. qualis si crimina demas 550  
 Colchis, & Aëzo simulatrix littore Circe.  
 Tunc his sacrificum dictis adfata parentem:  
 Primus sanguineo summittit inertia Cadmus  
 Ora lacu, juxtaque virum Cythereia proles.  
 Effluit amborum geminus de vertice serpens. 555  
 Terrigenæ comites illos, gens Martia, cingunt.  
 His ævi mensura dies: manus omnis in armis,  
 Omnis & in capulo. prohibent, obstantque, ruuntque  
 Spirantum rabie. nec tristi incumbere sulco  
 Cura, sed alternum cuperent haurire cruorem. 560

Proxima natarum manus est, fletique nepotes.  
 Hic orbam Autonoen, & anhelam cernimus Ino  
 Respectantem arcus, & ad ubera dulce prementem  
 Pignus, & oppositis Semelen a ventre lacertis.  
 Penthea jam fractis genitrix Cadmeia thyrsis, 565  
 Jam demissa deo, pectusque adaperata cruentum  
 Insequitur planctu. fugit ille per avia Lethes,  
 Et Stygios, superosque lacus, ubi mitior illum  
 Flet pater, & lacerum componit corpus Echion.  
 Tristem nosco Lycum, dextramque in terga reflexum  
 Aeoliden, humero jactantem funus onusto. 571  
 Nec dum ille aut habitus, aut versæ crimina formæ  
 Mutat Aristæo genitus: frons aspera cornu,  
 Tela manu, rejicitque canes in vulnus hiantes.  
 Ecce autem magna subit invidiosa caterva 575  
 Tantalus, & tumido percenset funera luctu,  
 Nil dejecta malis. juvat effugisse deorum  
 Numina, & insanæ plus jam permittere linguæ.  
 Talia dum patri canit intemerata sacerdos,  
 Illius elatis tremefacta adfurgere vittis 580  
 Canicies, tenuique impelli sanguine vultus.  
 Nec jam firmanti baculo, nec virgine fida

Nititur, erectusque solo. Desiste canendo,  
 Nata, ait, externæ fatis est mihi lucis, inertes  
 Discedunt nebula, & vultum niger exiit aër. 585  
 Umbrisne, an supero me missus Apolline complet  
 Spiritus? en video quæcunque audita. sed ecce  
 Mærent Argolici dejecto lumine manes.  
 Torvus Abas, Prætusque nocens, mitisque Phoroneus  
 Truncatusque Pelops, & sævo pulvere fordens 590  
 Oenomaus, largis humectant imbribus ora.  
 Auguror hinc Thebis belli meliora. quid autem  
 Hi grege condenso (quantum arma & vulnera mon-  
 strant,  
 Pugnaces animæ) nobis in sanguine multo  
 Oraque, pectoraque & falso clamore levatas 595  
 Intendunt sine pace manus? rex, fallor, an hi sunt  
 Quinquaginta illi? cernis Chthoniumque Chrominque,  
 Phægeaque, & nostra præsignem Mæona lauro.  
 Ne sævite duces. nihil hic mortalibus ausum  
 Credite consiliis. hos ferrea neverat annos 600  
 Atropos, existis casus. bella horrida nobis,  
 Atque iterum Tydeus, dixit, vittaque ligatis  
 Frondibus instantes abigit, monstratque cruorem.

Stabat inops comitum Cocyti in littore mæsto  
 Læus, immitti quem jam deus ales Averno 605  
 Reddiderat, dirumque tuens obliqua nepotem,  
 (Noscit enim vultu) non ille aut sanguinis haustus  
 Cætera ceu plebes, aliumve accedit ad imbrem,  
 Immortale odium spirans. Sed prolicit ultro  
 Aonius vates: Tyriæ dux inclyte Thebes, 610  
 Cujus ab interitu non ulla Amphionis arces  
 Vidit amica dies. ô jam fatis ulte cruentum  
 Exitium, & multum placata minoribus umbra,  
 Quos miserande fugis? jacet ille in funere longo  
 Quem premis, & junctæ sentit confinia mortis, 615  
 Obfitus exhaustos pedore & sanguine vultus,  
 Ejectusque die. fors leto durior omni,  
 Crede mihi. quænam immeritum vitare nepotem  
 Causa tibi? confer vultum, & satiare litanti  
 Sanguine, venturasque vices, & funera belli 620  
 Pande vel infensus, vel res miserate tuorum.  
 Tunc ego. te optata vetitam transmittere Lethen  
 Puppe dabo, placidumque pia tellure reponam,  
 Et Stygiis mandabo deis. Mulcetur honoris  
 Muneribus, tingitque genas. dehinc talia reddit:

Cur tibi versanti manes, æquæve sacerdos, 626  
 Lectus ego augurio? tantisque potissimus umbris  
 Qui ventura loquar? fatis est meminisse priorum.  
 Nostrane præclari (pudeat) consulta nepotes  
 Poscitis? illum illum sacris adhibere nefastis, 630  
 Qui læto fodit ense patrem, qui semet in ortus  
 Vertit, & indignæ regerit sua pignora matri.  
 Et nunc ille deos, furiarumque atra fatigat  
 Concilia, & nostros rogat hæc in prælia manes.  
 Quod si adeo placui deslenda in tempora vates, 635  
 Dicam equidem, quo me Lachesis, quo torva Megæra  
 Usque finunt. Bellum innumero venit undique bellum  
 Agmine, Lernæosque trahit fatalis alumnos  
 Gradivus stimulis. Hos terræ monstra, deumque  
 Tela manent, pulchrique obitus, & ab igne supremo  
 Sontes lege moræ certa est victoria Thebis, 641  
 Ne trepida, nec regna ferox germanus habebit.  
 Sed furæ, geminumque nefas, miserisque per enses  
 (Hei mihi) crudelis vincet pater. Hæc ubi fatus,  
 Labitur, & flexa dubios ambage reliquit. 645  
 Interea gelidam Nemeen, & conscia laudis  
 Hercules damenta, vaga legionæ tenebant

Inachidæ jam Sidonias avertere prædas,  
 Sternere, ferre domos ardent, instantque. Quis iras  
 Flexerit, unde moræ, medius quis euntibus error  
 Phœbe, doce: nos rara manent exordia famæ. 651  
 Marcidus edomito bellum referebat ab Hæmo  
 Liber, ibi armiferos geminæ jam fidere brumæ  
 Orgia ferre Getas, canumque virefcere dorso  
 Othryn, & Icaria Rhodopen adsueverat umbra, 655  
 Et jam pampineos materna ad mœnia currus  
 Promovet: effrenæ dextra, lævaque sequuntur  
 Lynces, & uda mero lambunt retinacula tigres.  
 Post exultantes spolia armentalia portant  
 Seminecesque lupos, scissasque Mimallones urfas.  
 Nec comitatus iners: sunt illic Ira, Furorque, 661  
 Et Metus, & Virtus, & nunquam sobrius Ardor,  
 Succiduique gradus, & castra simillima regi.  
 Isque ubi pulverea Nemeen effervere nube  
 Conspicit, & solem radiis ignescere ferri, 665  
 Nec dum compositas belli in certamina Thebas:  
 Concussus visis, quanquam ore, & pectore marcet,  
 Aeraque tympanaque, & biforem reticere tumultum  
 Imperat, attonitas qui circum plurimus aures. 669

Atque ita: Me manus ista, meamque exscindere gentem  
 Apparat: & longe recalet furor: hoc mihi sævum  
 Argos, & indomitæ bellum ciet ira novercæ.  
 Usque adeone parum cineri data mater iniquo?  
 Natalesque rogi? quæque ipse micantia fensu  
 Fulgura? reliquias etiam, fuscæque sepulchrum 675  
 Pellicis, & residem ferro petit imbroba Theben.  
 Nectam fraude moras: illum, illum tendite campum  
 Tendite, io, comites. Hircana ad signa jugales  
 Intumere jubas, dicto prius adstitit arvis. 679  
 Tempus erat, medii cum solem in culmina mundi  
 Tollit anhela dies, ubi tardus hiantibus arvis  
 Stat vapor, atque omnes admittunt æthera luci.  
 Undarum vocat ille deas, mediisque silentum  
 Incipit: Agrestes fluviorum numina Nymphæ,  
 Et nostri pars magna gregis, perferte laborem, 685  
 Quem damus. Argolicos paulum mihi fontibus  
 amnes,  
 Stagnaque, & errantes obducite pulvere rivos.  
 Præcipuus Nemees, qua nostra in mænia bellis  
 Nunc iter, ex alto fugiat liquor, adjuvat ipse 689  
 Phæbus adhuc summo (cesset ni vestra voluntas)

Limite: vim cæptis indulgent astra, meæque  
 Aestifer Erigones spumat canis. Ita volentes,  
 Ite in operta foli. post vos ego gurgite pleno  
 Eliciam, & quæ dona meis amplissima sacris 694  
 Vester habebit honos: nocturna que furta licentum  
 Cornipedum, & cupidas Faunorum arcebo rapinas.  
 Dixerat. Ast illis tenuis percurrere visus  
 Ora situs, viridisque comis exhorruit humor.  
 Protinus Inachios haurit sitis ignea campos.  
 Diffugere undæ: squallent fontesque, lacusque, 700  
 Et cava ferventi durefcunt flumina limo.  
 Aegra solo macies, tenerique in origine culmi  
 Inclinata seges. deceptum margine ripæ  
 Stat pecus, atque amnes quærunt armenta natatos.  
 Sic ubi se magnis refluxus suppressit in antris 705  
 Nilus, & Eoæ liquentia pabula brumæ  
 Ore premit, fumant desertæ gurgite valles,  
 Et patris undosi sonitus expectat hiulca  
 Aegyptos, donec Phariis alimenta rogatus 709  
 Donet agris, magnumque inducat messibus annum.  
 Aret Lerna nocens, aret Lyrcius, & ingens  
 Inachus, adverrensque natantia saxa Charadrus.



Et nunquam in ripis audax Erasinus, & æquus  
 Fluctibus Asterion. ille alta per avia notus  
 Audiri, & longe pastorum rumpere somnos. 715  
 Una tamen tacitas (sed jussu numinis) undas,  
 Hæc quoque secreta, nutrit Langia, sub umbra.  
 Nondum illi raptus dederat lachrymabile nomen  
 Archemorus, nec fama deæ; tamen avia servat  
 Et nemus, & fluvium: manet ingens gloria nympham,  
 Cum tristem Hypsipylum ducibus sudatus Achæis 721  
 Ludus, & atra sacrum recolit trieteris Ophelten.  
 Ergo, nec ardentem clypeos vectare, nec arctos  
 Thoracum nexus (tantum sitis horrida torquet)  
 Sufficiunt. non ora modo, angustisque perusti 725  
 Faucibus, interior sed vis quatit: aspera pulsu  
 Corda. gelant venæ, & siccis cruor æger adhæret  
 Visceribus. Tunc sole putris, tunc pulvere tellus  
 Exhalat calidam nubem. non spumeus imber  
 Manat equum; siccis illidunt ora lupatis, 730  
 Ora catenatas procul exertantia linguas,  
 Nec legem dominosve pati, sed perfurit arvis  
 Flammatum pecus. Huc illuc impellit Adrastus  
 Exploratores, si stagna Lycimnia restent,

Si quis Amymones superet liquor. omnia cæcis 735  
 Ignibus hausta sedent. nec spes humentis Olympi,  
 Ceu flavam Libyen desertaque pulveris Afri  
 Conlustrent, nullaque umbratam nube Syenen.  
 Tandem inter sylvas (sic Evius ipse parabat)  
 Errantes, subitam pulchro in mœrore tuentur 740  
 Hypsipylum. illi quamvis & ab ubere Opheltes  
 Non suus, Inachii proles infausa Lycurgi  
 Dependet, neglecta comam, nec dives amictu;  
 Regales tamen ore notæ, nec merfus acerbis 744  
 Extat honos. tunc hæc adeo stupefactus Adrastus:  
 Diva potens nemorum (nam te vultusque, pudorque  
 Mortali de stirpe negant) quæ læta sub isto  
 Igne poli quæris aquas, succurre propinquis  
 Gentibus: arcitenens seu te Latonia casto 749  
 De grege transmittit thalamis, seu lapsus ab astris  
 Non humilis fecundat amor (neque enim ipse deorum  
 Arbitrator, Argolidum thalamis novus) aspice mœsta  
 Agmina, nos ferro meritas excindere Thebas  
 Mens tulit; imbelli sed nunc sitis anxia fato,  
 Summittitque animos, & inertia robora carpit. 755  
 Da fessis in rebus opem, seu turbidus amnis,

Seu tibi fœda palus. nihil hac in forte pudendum,  
 Nil humile est. Tu nunc ventis, pluvioque rogaris  
 Pro Jove, tu refugas vires, & pectora bello  
 Exanimata reple. sic hoc tibi fydere dextro 760  
 Crescat onus. tantum reduces det flectere gressus  
 Juppiter, O quanta belli donabere præda!  
 Dircaos tibi diva greges, numerumque rependam  
 Plebis, & hic magna lucus signabitur ara.  
 Dixit, & orantis media inter anhelitus ardens 765  
 Verba rapit, curfuque animæ labat arida lingua.  
 Idem omnes pallorque viros, flatufque soluti  
 Oris habet. reddit demisso Lemnia vultu:  
 Diva quidem vobis, & si cœlestis origo est,  
 Unde ego? mortales utinam haud transgressa fuiffem  
 Luctibus! altricem mandati cernitis orbam 771  
 Pignoris, at nostris an quis sinus, uberaque ulla,  
 Scit deus. & nobis regnum tamen, & pater ingens.  
 Sed quid ego hæc? fessofque optatis demoror undis?  
 Mecum age nunc: si forte vado Langia perennes  
 Servat aquas. solet & rapidi sub limite cancri 776  
 Semper, & Icarii quamvis juba fulgeret astri,  
 Ire tamen. simul hærentem, ne tarda Pelasgis

Dux foret, ah miserum vicino cespite alumnum  
 (Sic Parcæ voluere) locat, ponique negantem 780  
 Floribus aggestis, & amico murmure dulces  
 Solatur lachrymas. Qualis Berecynthia mater,  
 Dum circa parvum jubet exultare Tonantem  
 Curetas trepidos: illi certantia plaudunt  
 Orgia, sed magnis resonat vagitibus Ide. 785  
 At puer in gremio vernæ telluris, & alto  
 Gramine, nunc faciles sternit procurfibus herbas  
 In vultum nitens: caram modo lactis egeno  
 Nutricem clangore ciens, iterumque renidens,  
 Et teneris meditans verba illuctantia labris, 790  
 Miratur nemorum strepitus, aut obvia carpit,  
 Aut patulo trahit ore diem. nemorisque malorum?  
 Infcius, & vitæ multum securus inerrat.  
 Sic tener Odryfia Mavors nive, sic puer ales  
 Vertice Mænalio, talis per littora reptans 795  
 Improbis Ortygiæ latus inclinabat Apollo.  
 Illi per dumos, & opaca virentibus umbris  
 Devia pars cingunt, pars arcta plebe sequuntur,  
 Præcelerantque ducem. medium subit illa per agmen  
 Non humili festina modo. jamque amne propinquo

Rauca sonat vallis, saxosumque impulit aures 801  
 Marmor. ibi exultans conclamat ab agmine primo,  
 Sicut erat, levibus tollens vexilla manipulis  
 Argus, Aquæ. (longusque virum super ora cucurrit  
 Clamor) Aquæ. sic Ambracii per littora ponti 805  
 Nauticus in remis juvenum monstrante magistro  
 Fit sonus, inque vicem contra percussa reclamat  
 Terra, salutat cum Leucada pandit Apollo.  
 Incubere vadis passim discrimine nullo  
 Turba simul, primique; nequit secernere mixtos 810  
 Aequa fitis. frenata suis in curribus intrant  
 Armenta, & pleni dominis, armisque feruntur  
 Quadrupedes. Hos turbo rapax, hos lubrica fallunt  
 Saxa, nec implicitos fluvio reverentia reges  
 Proterere, aut meruisse vado clamantis amici 815  
 Ora. fremunt undæ, longusque a fontibus amnis  
 Diripitur, modo lene virens, & gurgite puro.  
 Perspicuus, nunc sordet aquis egestus ab imo  
 Alveus. Inde toros riparum, & proruta turbant  
 Gramina. Jam crassus cænoque & pulvere torrens  
 Quanquam expletâ fitis, bibitur tamen. agmina bello  
 Decertare putes, justumque in gurgite Martem 821

Perfurere, & captam tolli victoribus urbem.  
 Atque aliquis regum medio circumfluus amni:  
 Sylvarum, Nemeæ, longe regina virentum, 825  
 Lecta Jovi sedes, quam nunc, non Herculis actis  
 Dura magis, rabidi cum colla minantia monstri  
 Angeret, & tumidos animam angustaret in artus.  
 Hac sævisse tenus populorum incepta tuorum  
 Sufficiat: tuque ô cunctis insuete domari 830  
 Solibus, æternæ largitor corniger undæ,  
 Lætus eas. quacunque domo gelida ora resolvis  
 Immortale tumens. neque enim tibi cana repostas  
 Bruma nives, raptasque alio de fonte refundit  
 Arcus aquas: gravidæ indulgent nubila Cori. 835  
 Sed tuus, & nulli ruis expugnabilis astro.  
 Te nec Apollineus Ladon, nec Xanthus uterque,  
 Sperchiusque minax, centaureusque Lycormas  
 Præstiterint. Tu pace mihi, tu nube sub ipsa  
 Armorum, festasque super celebrabere mensas. 840  
 Ab Jove primus honos. bellis modo lætus ovantes  
 Accipias, fessisque libens iterum hospita pandas  
 Flumina, defensasque velis agnoscere turmas.

P. PAPINII STATII  
THEBAIDOS  
LIBER V.

PVLSA fitis fluvio, populataque gurgitis alveina?  
Agmina, linquebant ripas, amnemque minorem  
Aerior & campum sonipes rapit, & pedes arva  
Implet ovans. rediere viris animique, minæque,  
Votaque, sanguineis mixtum ceu fontibus ignem  
Hauissent belli, magnasque in prælia mentes.  
Dispositi in turmas rursus, legemque severi  
Ordinis, ut cuique ante locus, ductorque, monentur  
Instaurare vias. tellus jam pulvere primo  
Crescit, & armorum transmittunt fulgura sylvæ. 10  
Qualia trans Pontum Phariis defensa serenis  
Rauca Parætonio decedunt agmina Nilo,  
Cum fera ponit hyems. illæ clangore fugaci  
Vmbra fretis, arvisque volant; sonat avius æther,

Jam

Jam Borean imbresque pati, jam nare solutis 15  
Amnibus, & nudo juvat æstivare sub Hæmo.  
Hic rursus simili procerum vallante corona  
Dux Talaionides, antiqua ut forte sub orno  
Stabat, & admoti nixus Polynicis in hastam:  
At tamen ô quæcunque es ait, cui gloria tanta 20  
Venimus innumeræ fatum debere cohortes:  
Quem non ipse deûm fator aspernetur honorem,  
Dic age (quando tuis alacres adfistimus undis)  
Quæ domus, aut tellus, animam quibus hauseris astris?  
Dic quis & ille pater? neque enim tibi numina longe,  
Transierit fortuna licet, majorque per ora 26  
Sanguis, & afflicto spirat reverentia vultu.  
Ingemit, & paulum fletu cunctata modesto  
Lemniæ orsa refert: Immania vulnera, rector,  
Integrare jubes, Furias, & Lemnon, & artus 30  
Arma inferta toris, debellatosque pudendo  
Ense mares. Redit ecce nefas, & frigida cordi  
Eumenis. ô miseræ quibus hic furor additus! ô nox!  
O pater! illa ego sum (pudeat ne forte benignæ  
Hospitis) illa, duces, raptum quæ sola parentem  
Ocului. Quid longa malis exordia necto? 36

Staius. T. I.

K

Et vos arma vocant, magnique in corde paratus.  
 Hoc memorasse sat est; claro generata Thoante,  
 Servitium Hypsipyle vestri fero capta Lycurgi.  
 Advertere animos, majorque, & honora videri 40  
 Parque operi tanto. Cunctis tunc noscere casus  
 Ortus amor: pater ante alios hortatur Adrastus.  
 Imo age, dum primi longe damus agmina vulgi,  
 Nec facilis Nemeæ latas evolvere vires,  
 Quippe obtenta comis, & ineluctabilis umbra, 45  
 Pande nefas, laudesque tuas, gemitusque tuorum:  
 Unde hos advenias regno dejecta labores.  
 Dulce loqui miseris, veteresque reducere questus.  
 Incipit: Aegæo premitur circumflua Nereo  
 Lemnos, ubi ignifera fessus respirat ab Aetna 50  
 Mulciber. ingenti tellurem proximus umbra  
 Vestit Athos, nemorumque obscurat imagine pontum.  
 Thraces arant contra. Thracum fatalia nobis  
 Littora, & inde nefas. florebat dives alumnis  
 Terra, nec illa Samo fama, Deloive sonanti 55  
 Pejor, & innumeris quas spumifer adsilit Aegon.  
 Diis visum turbare domos. nec pectora culpa  
 Nostra vacant. nullos Veneri sacravimus ignes.

Nulla deæ sedes. movet & cœlestia quondam  
 Corda dolor, lentoque irrepunt agmine pœnæ. 60  
 Illa Paphon veterem, centumque altaria linquens  
 Nec vultu, nec crine prior, solvisse jugalem  
 Ceston, & Idalias procul ablegasse volucres  
 Fertur. erant certe mediæ quæ noctis in umbra,  
 Divam alios ignes, majoraque tela gerentem 65  
 Tartareas inter, thalamis, volitasse sorores  
 Vulgarent. utque implicitis arcana domorum  
 Anguibus, & faeva formidine cuncta replevit  
 Limina, nec fidi populum miserata mariti:  
 Protinus a Lemno teneri fugistis amores, 70  
 Motus Hymen, versæque faces, & frigida justî  
 Cura tori. nullæ redeunt in gaudia noctes,  
 Nullus in amplexu sopor est. odia aspera ubique,  
 Et Furor, & medio recubat Discordia lecto.  
 Cura viris tumidos adversa Thracas in ora 75  
 Eruere, & sævam bellando frangere gentem.  
 Cumque domus contra, stantesque in littore nati,  
 Dulcius Edonas hyemes, Arctonque frementem  
 Excipere, aut tandem tacita post prælia nocte  
 Fractorum subitas torrentum audire ruinas. 80

Illæ autem tristes (nam me tunc libera curis  
 Virginitas, annique tegunt) sub nocte, dieque  
 Assiduis ægræ lachrymis, solantia miscent  
 Colloquia, aut sævam spectant trans æquora Thracen.  
 Sol operum medius fummo librabat Olympo 85  
 Lucentes, ceu staret, equos: quater axe fereno  
 Intonuit, quater antra dei fumantis anhelos  
 Exerere apices: ventisque absentibus Aegon  
 Motus, & ingenti percussit littora ponto.  
 Cum subito horrendas ævi matura Polyxo 90  
 Tollitur in furias, thalamisque insueta relictis  
 Evolat. infano veluti Theumesia Thyas  
 Rapta deo, cum sacra vocant, Idæaque suadet  
 Buxus, & a fummis auditis montibus Evan:  
 Sic erecta genas, aciemque effusa, trementi 95  
 Sanguine, desertam rabidis clamoribus urbem  
 Exagitat, clausasque domos, & limina pulsans,  
 Concilium vocat. infelix comitatus eunti  
 Hærebant nati. atque illæ non segnus omnes  
 Erumpunt testis, summasque ad Pallados arces 100  
 Impetus. huc propere stipamur, & ordine nullo  
 Congestæ. stricto mox ense silentia jussit

Hortatrix scelerum, & medio sic ausa profari est:  
 Rem summam instinctu Superum, meritique doloris,  
 O viduæ (firmate animos & pellite sexum) 105  
 Lemniades, sancire paro. si tædet inanes  
 Aeternum servare domos, turpemque juventæ  
 Flore situm, & longis steriles in luctibus annos:  
 Inveni, promitto viam (nec numina defunt) 109  
 Qua renovanda Venus. modo par insumite robur  
 Luctibus; atque adeo primum hoc mihi noscere detur,  
 Tertia canet hyems, cui connubialia vincula,  
 Aut thalami secretus honos? quod conjugæ pectus  
 Intepuit? cujus vidit Lucina labores?  
 Dicite, vel justos cujus pulsantia menses 115  
 Vota tument? qua pace feras, volucresque jugari  
 Mos datus. heu segnes! potuitne ultricia Grajis  
 Virginibus dare tela pater, lætusque dolorum,  
 Sanguine securos juvenum perfundere fomnos?  
 At nos vulgus iners. quod si propioribus actis 120  
 Est opus, ecce animos doceat Rhodopeia conjux  
 Ultra manu thalamos, pariterque epulata marito.  
 Nec vos immunis scelerum, securave cogo.  
 Plena mihi domus atque ingens, en cernite, sudor.

Quattuor hos una decus, & solatia patris 125  
 In gremio (licet amplexu, lachrymisque morentur)  
 Transadigam ferro, saniemque & vulnera fratrum  
 Miscebo, patremque super spirantibus addam.  
 Ecqua tot in cædes animum promittit? agebat  
 Pluribus. adverso nituerunt vela profundo. 130  
 Lemnia classis erat. rapuit gavisâ Polyxo  
 Fortunam, atque iterat: Superisne vocantibus ultro  
 Desumus? ecce rates, deus hos, deus ultor in iras  
 Adportat, coëptisque favet. nec imago quietis  
 Vana meæ, nudo stabat Venus ense, videri 135  
 Clara mihi, somnosque super. Quid perditis ævum?  
 Inquit. age aversis thalamos purgate maritis.  
 Ipsa faces alias, melioraque fœdera jungam.  
 Dixit. & hoc ferrum stratis, hoc (credite) ferrum  
 Imposuit. quin ô miseræ, dum tempus agit rem,  
 Consulite. en validis spumant everfa lacertis 141  
 Aequora. Bistonides veniunt fortasse maritæ.  
 Hinc stimuli ingentes, magnusque advolvitur astris  
 Clamor. Amazonio Scythiam fervere tumultu,  
 Lunatumque putes agmen descendere, ubi arma 145  
 Indulget pater, & sævi movet ostia belli.

Nec varius fremor, aut studia in contraria rapti  
 Dissensus, ut plebe solet. furor omnibus idem,  
 Idem animus solare domos. juvenumque, senumque  
 Præcipitare colos, plenisque adfrangere parvos 150  
 Uberibus, ferroque omnes exire per annos.  
 Tunc viridis late lucus, juga celsa Minervæ  
 Propter, opacat humum niger ipse, sed insuper ingens  
 Mons premit, & gemina pereunt caligine soles:  
 Hic sanxere fidem, tu Martia testis Enyo, 155  
 Atque inferna Ceres, Stygiæque Acheronte recluso  
 Ante preces venere deæ. sed fallit ubique  
 Mixta Venus: Venus arma tenet: Venus admovet iras.  
 Nec de more cruor. natum Caropeia conjux  
 Obrulit. accingunt sese, & mirantia ferro 160  
 Pectora, congestisque avidæ simul undique dextris,  
 Perfringunt, ac dulce nefas in sanguine vivo  
 Conjurant, matremque recens circumvolat umbra.  
 Talia cernenti mihi quantus in ossibus horror?  
 Quisve per ora color? qualis cum cerva cruentis 165  
 Circumventa lupis, nullum cui pectore molli  
 Robur, & in volucris tenuis fiducia cursu,  
 Præcipitat suspenfa fugam: jam jamque teneri

Credit, & elufos audit concurrere morfus.  
 Illi aderant. primis jamque offendere carinæ 170  
 Littoribus. certant saltu contingere terram  
 Præcipites. miseri quos non aut horrida virtus  
 Marte sub Odryfio, aut medii inclementia ponti  
 Hauserit! alta etiam Superum delubra vaporant,  
 Promiffasque trahunt pecudes. niger omnibus aris  
 Ignis, & in nullis spirat Deus integer extis. 176  
 Tardius humenti noctem dejecit Olympo  
 Juppiter, & verfum miti reor æthera cura  
 Sustinuit, dum fata vetant: nec longius unquam  
 Ceffavere novae perfecto sole tenebræ. 180  
 Sera tamen mundo venerunt astra, fed illis  
 Et Paros, & nemorofa Thafos, crebræque relucet  
 Cyclades. una gravi penitus latet obruta cælo  
 Lemnos, in hanc triftes nebulæ, & plaga cæca superne  
 Texitur, una vagis Lemnos non agnita nautis. 185  
 Jam domibus fufi & nemorum per opaca facrorum  
 Ditibus indulgent epulis, vacuantque profundo  
 Aurum immane mero; dum quæ per Strymona pugnae,  
 Quis Rhodope, gelidove labor fudatus in Hæmo  
 Enumerare vacat. nec non manus impia, nuptæ 190

Serta inter, feftasque dapes, quo maxima cultu  
 Quæque jacent. dederat mites Cytherea fuprema  
 Noctæ viros, longoque brevem poft tempore pacem  
 Nequicquam, & miferos perituro adflaverat igni.  
 Conticuere chori: dapibus, ludoque licenti 195  
 Fit modus, & primæ decrefcunt murmura noctis,  
 Cum confanguinei mixtus caligine leti  
 Rore madens Stygio, morituram amplectitur urbem  
 Somnus, & implacido fundit gravia otia cornu:  
 Secernitque viros. vigilant nuptæque, nurusque 200  
 In fcelus, atque hilares acuunt fera tela forores.  
 Invalere nefas, cuncto fua regnat Erinnyes  
 Pectore. non aliter Scythicos armenta per agros  
 Hircanæ claufere lææ, quas exigit ortu  
 Prima fames, avidique implorant ubera nati. 205  
 Quos tibi (nam dubito) fcelerum de mille figuris  
 Expediam cafus? Helimum temeraria Gorge  
 Evinctum ramis, altaque in mole tapetum  
 Efflantem fomno crefcentia vina, fupertans  
 Vulnera difjecta rimatur veftè, fed illum 210  
 Infelix fopor admota fub morte refugit.  
 Turbidus, incertumque oculis vigilantibus hoftem



Occupat amplexu, nec seignius illa tenentis  
 Pone adigit costas, donec sua pectora ferro  
 Tangeret. is demum sceleri modus. ora supinat 215  
 Blandus adhuc, oculisque tremens & murmure Gorgem  
 Quærit, & indigno non solvit brachia collo.  
 Non ego nunc vulgi, quanquam crudelia, pandam  
 Funera, sed propria luctus de stirpe recordor.  
 Quod te, flave Cydon, quod te per colla refuis 220  
 Intactum, Crenæe, comis, (quibus ubera mecum  
 Obliquumque a patre genus) fortemque, timebam  
 Quem desponsa, Gyan, vidi lapsare cruentæ  
 Vulnere Mirmydonis: quodque inter ferta chorosque  
 Barbara ludentem fodiebat Opopea, mater? 225  
 Flet super æquævum soror exarmata Lycaste  
 Cydimon. heu similes perituro in corpore vultus  
 Aspiciens, floremque genæ, & quas finxerat auro,  
 Ipsa comas: tum sæva parens jam conjuge fuso  
 Adstitit, impellitque minis, atque inserit enses. 230  
 Ut fera, quæ placido rabiem defueta magistro  
 Tardius arma movet, stimulisque, & verbere crebro  
 In mores negat ire suos: sic illa jacenti  
 Incidit, undantemque sinu collapsa cruorem 234

Excipit, & laceros premit in nova vulnera crines.  
 Ut vero Alcimedem etiamnum in murmure truncos  
 Ferre patris vultus, & egentem sanguinis enses  
 Conspexi, riguere comæ, atque in viscera sævus  
 Horror iit. meus ille Thoas, mea dira videri 239  
 Dextra mihi. extemplo thalamis turbata paternis  
 Inferor. ille quidem dudum (quis magna tuenti  
 Somnus?) agit versans secum (etsi lata recessit  
 Urbe domus) quinam strepitus? quæ murmura noctis,  
 Cur fremebunda quies? trepido scelus ordine pando.  
 Quis dolor, unde animi. Vis nulla arcere furentes:  
 Hac sequere, ô miserande. premunt, aderuntque  
 moranti, 246  
 Et mecum fortasse cades. his motus, & artus  
 Erexit stratis. ferimur per devia vastæ  
 Urbis, ubi ingentem nocturnæ cædis acervum  
 Passim, ut quosque sacris crudelis vespera lucis 250  
 Straverat, occulta speculamur nube latentes.  
 Hic impressa toris ora, extantesque re luis  
 Pectoribus capulos, magnarum & fragmina trunca  
 Hastarum, & ferro laceras per corpora vestes,  
 Crateras pronos, epulasque in cæde natantes 255

Cernere erat, jugulisque modo torrentis apertis  
 Sanguine commixto redeuntem in pocula Bacchum.  
 Hic juvenum manus, & nullis violabilis armis  
 Turba senes, positique patrum super ora gementum  
 Semineces pueri, trepidas in limine vitæ 260  
 Singultant animas. gelida non sævius Ossa  
 Luxuriant Lapitharum epulæ, si quando profundo  
 Nubigenæ caluere mero: vix primus ab ira  
 Pallor, & impulsis surgunt ad prælia mensis.  
 Tunc primum sese trepidis sub nocte Thyoneus 265  
 Detexit, nato portans extrema Thoanti  
 Subsidia, & multa subitus cum luce refulsit.  
 Agnovi. non ille quidem turgentia fertis  
 Tempora, nec flava crinem distinxerat uva. 269  
 Nubilus, indignumque oculis liquentibus imbrem  
 Alloquitur: dum fata dabant tibi, nate, potentem  
 Lemnon, & externis etiam servare timendam  
 Gentibus, haud unquam justo mea cura labori  
 Desistit. absciderunt tristes crudelia Parcæ  
 Stamina, nec distis, supplex quæ plurima fudi 275  
 Ante Jovem frustra, lachrymisque avertere luctus  
 Contigit. infandum natæ concessit honorem.

Accelerate fugam. tuque ô mea digna propago  
 Hac rege, virgo, patrem, gemini qua brachia muri  
 Littus eunt, illa, qua, rara silentia, porta 280  
 Stat funesta Venus, ferroque accincta furentes  
 Adjuvat. (unde manus? unde hæc Mavortia divæ  
 Pectora?) tu lato patrem committe profundo.  
 Succedam curis. Ita fatus in aëra rursus  
 Solvitur: & nostrum visus arcentibus umbris, 285  
 Mitis iter longæ claravit limite flammæ.  
 Qua data signa sequor. dein curvo robore clausum  
 Diis pelagi, ventisque, & Cycladas Aegæoni  
 Amplexo, commendo patrem. nec fletibus unquam  
 Sit modus alternis: ni jam dimittat Eoo 290  
 Lucifer astra polo. tum demum littore rauco  
 Multa metu reputans, & vix confisa Lyæo  
 Dividor, ipsa gradu nitens, sed & anxia retro  
 Pectora, nec requies, quin & surgentia cælo  
 Flamina, & e cunctis prospectem collibus undas.  
 Exoritur pudibunda dies, cælumque retexens 296  
 Aversum Lemno jubar, & declinia Titan  
 Opposita juga nube refert. patuere furores  
 Nocturni, lucisque novæ formidine cunctis,

(Quamquam inter similes) habitus rubor. impia terræ  
 Infodiunt scelera, aut festinis ignibus urunt. 301  
 Jam manus Eumenidum, captasque refugerat arces  
 Exsaturata Venus. licuit sentire quid ausæ,  
 Et turbare comas, & lumina tingere fletu.  
 Insula dives agris, opibusque, armisque, virisque  
 Nota situ, & Getico nuper ditata triumpho, 306  
 Non maris incurfu, non hoste, nec æthere laevo,  
 Perdidit una omnes orbata, excisaque mundo  
 Indigenas, non arva viri, non æquora vertunt:  
 Conticuere domus: cruor altus, & oblita crasso 310  
 Cuncta rubent tabo: magnæque in mœnibus urbis  
 Nos tantum: & sævi spirant per culmina Manes.  
 Ipsa quoque arcanis tecti in penetralibus alto  
 Molior igne pyram, sceptrum super armaque patris  
 Injicio, & notas regum gestamina vestes, 315  
 Ac prope mœsta rogam confusis ignibus adsto  
 Ense cruentato, fraudemque & inania busta  
 Plango metu, si forte premant, cassumque parenti  
 Omen & hac dubios leti precor ire timores.  
 His mihi pro meritis, (ut falsi criminis astu 320  
 Parta fides) regno, & folio confidere patris

Supplicium datur. Anne illis obfessa negarem?  
 Accessi, sæpe ante Deos testata, fidemque,  
 Immeritasque manus. subeo (pro dira potestas!)  
 Exanguè imperium, & mœstam sine culmine Lemnon.  
 Jam magis atque magis vigiles dolor angere sensus,  
 Et gemitus clari, & paulatim invisæ Polyxo: 327  
 Jam meminisse nefas: jam ponere Manibus aras  
 Concessum, & multum cineres jurare sepultos.  
 Sic ubi ductorem trepidæ stabulique maritum, 330  
 Quem penes & saltus & adultæ gloria gentis,  
 Massylo frangi stupuere sub hoste juvencæ.  
 It truncum sine honore pecus, regemque peremptum  
 Ipse ager, ipsi amnes, & muta armenta queruntur.  
 Ecce autem ærata dispellens æquora prora 335  
 Pelias intacti late subit hospita ponti  
 Pinus: agunt Minyæ. geminus fragor ardua canet  
 Per latera. abruptam credas radicibus ire  
 Ortygiam, aut fractum pelago decurrere montem.  
 Ast ubi suspensis siluerunt æquora tonis, 340  
 Mitior & senibus cygnis & pectine Phœbi,  
 Vox media de puppe venit. maria ipsa carinæ  
 Accedunt (post nosse datum est) Oeagrius illic

Acclinis malo, mediis interfonat Orpheus  
 Remigiis, tantosque jubet nescire labores. 345  
 Illis in Scythicum Borean iter, oraque primum  
 Cyaneis arctata vadis, nos Thracia visu  
 Bella rata, vario tecta incurfare tumultu  
 Denfarum pecudum, aut fugientum more volucrum.  
 Heu ubi nunc furiae? portus, amplexaque littus 350  
 Mœnia, qua longe pelago despectus aperto  
 Scandimus, & celsas turres. huc faxa, sudisque,  
 Armaque mœsta virum, atque infectos cœdibus enses  
 Subvectant trepidæ. quin & squalentia texta  
 Thoracum, & vultu galeas intrare soluto 355  
 Non pudet. audaces rubuit mirata catervas  
 Pallas, & adverso risit Gradivus in Hæmo.  
 Tunc primum ex animis præceps amentia cessit.  
 Nec ratis illa falo, sed divum fera per æquor  
 Justitia, & pœnæ scelerum adventare videntur. 360  
 Jamque aderant terræ, quantum Gortynia currant  
 Spicula: cœruleo gravidam cum Juppiter imbri  
 Ipsa super nubem, ratis armamenta Pelasgæ  
 Sifit agens. Inde horror aquis, & raptus ab omni  
 Sole dies, miscet tenebras, quis protinus unda 365

Conco-

Concolor: obnixi lacerant cava nubila venti,  
 Diripiuntque fretum, nigris redit humida tellus  
 Vorticibus, totumque Notis portantibus æquor  
 Pendet, & æquato jam jam prope sidera dorso  
 Frangitur. incertæ jam nec prior imperus alno, 370  
 Sed labat, extantem rostris modo gurgite in imo,  
 Nunc cœlo Tritona ferens. nec robora profunt  
 Semideum heroum, puppemque insana flagellat  
 Arbor: & instabili procumbens pondere curvas  
 Raptat aquas, remique cadunt in pectus inanes. 375  
 Nos quoque per rupes, murorumque aggere ab omni,  
 Dum labor ille viris, fretaque indignantur, & Austri,  
 Desuper invalidis fluitantia tela lacertis  
 (Quid non ausa manus?) Telamona, & Pelea contra  
 Spargimus, & nostro petitur Tirynthius arcu. 380  
 Illi quippe simul bello, pelagoque laborant.  
 Pars clypeis munire ratem: pars æquora fundo  
 Egerere: ast alii pugnant, sed inertia motu  
 Corpora, suspensæque carent conamine vires.  
 Instamus jactu telorum, & ferrea nimbis 385  
 Certat hyems: vastæque sudes, fractique molares,  
 Spiculaque, & multa crinitum missile flamma,

Staius. T. I.

L

Nunc pelago, nunc puppe cadunt. dat opera  
fragorem

Pinus, & abjunctis regemunt tabulata cavernis.

Talis Hyperborea virides nive verberat agros 390

Juppiter; obruitur campis genus omne ferarum,

Deprensæque cadunt volucres, & messis amaro

Strata gelu: fragor inde jugis, inde amnibus iræ.

Ut vero elisit nubes Jove tortus ab alto

Ignis, & ingentes patuere in lumine nautæ, 395

Diriguere animi, manibusque horrore remissis

Arma aliena cadunt: redeunt in pectora sexus.

Cernimus Aeacidas, murisque immane minantem

Ancæum, & longa pellentem cuspide rupes

Iphiton. attonito manifestus in agmine supra est 400

Amphitryonides, puppemque alternus utrinque

Ingravat, & medias ardet descendere in undas.

At levis, & miseræ nondum mihi notus Iason

Transtra per & remos, impressaque terga virorum

Nunc magnum Oeniden, nunc ille hortatibus Idam,

Et Talaum, & cana rorantem aspergine ponti 406

Tyndariden iterans, gelidique in nube parentis

Vela laborantem Calain subnectere malo

Voce, manumque rogat. quatiunt impulsibus illi

Nunc freta, nunc muros. sed nec spumantia cedunt

Aequora, & incussæ redeunt a turribus hastæ. 411

Ipse graves fluctus, clavumque audire negantem

Lassat agens Tiphys, palletque, & plurima mutat

Imperia, ac laevas, dextraque obtorquet in undas

Proram, navifragis avidam concurrere faxis. 415

Donec ab extremæ cuneo ratis, Aesone natus

Palladios oleæ, Mopsi gestamina, ramos

Extulit, & socium turba prohibente poposcit

Fœdera. præcipites vocem involvere procellæ.

Tunc modus armorum, pariterque exhausta quierant

Flamina, confusoque dies respexit Olympo. 421

Quinquaginta illi trabibus de more revinctis

Eminus abrupto quatiunt nova littora salu.

Magnorum decora alta patrum, jam fronte sereni,

Noscendique habitu, postquam timor, iraque cessit

Vultibus. arcana sic fama erumpere porta 426

Cœlicolas, si quando domus, litrusque rubentum

Aethiopum, & mensas amor est intrare minores.

Dant fluvii montesque locum: tum terra superbit

Gressibus, & paulum respirat cœlifer Atlas. 430

Hic & ab adferto nuper Marathone superbum  
 Thesea & Ismarios Aquilonia pignora fratres,  
 Utraque quis rutila stridebant tempora penna,  
 Cernitur. Hic Phœbo non indignante priorem 434  
 Admetum, & duræ similem nihil Orpheæ Thracæ.  
 Tunc prolem Calydone fatam, generumque profundi  
 Nereos. ambiguo visus errore laceffunt  
 Oebalidæ gemini: chlamys huic, chlamys ardet & illi:  
 Ambo hastile gerunt: humeros exertus uterque,  
 Nudus uterque genas, simili coma fulgurat astro. 440  
 Audet iter, magnique sequens vestigia mutat  
 Herculis, & tarda quamvis se mole ferentem,  
 Vix cursu tener æquat Hylas, Lernæaque tollens  
 Arma, sub ingenti gaudet sudare pharetra. 444  
 Ergo iterum Venus, & tacitis corda aspera flammis  
 Lemniadum pertentat amor. tunc regia Juno  
 Arma, habitusque virum, pulchræque insignia gentis  
 Mentibus insinuat, certatimque ordine cunctæ  
 Hospitibus patuere fores. Tunc primus in aris  
 Ignis, & infandis venere obliviam curis. 450  
 Tunc epulæ, felixque sopor, noctesque quietæ.  
 Nec Superùm sine mente reor, placuere fatentes.

Forfitan & nostræ fatum excusabile culpæ  
 Noscere cura, duces. cinerem, furiasque meorum  
 Testor, ut externas non sponte aut crimine tedeas 455  
 Attigerim (scit cura deùm) etsi blandus Iason  
 Virginibus dare vincla novis. sua jura cruentum  
 Phasin habent: alios Colchi generatis amores.  
 Jamque exuta gelu tepuerunt sidera longis  
 Solibus, & velox in terga revolvitur annus. 460  
 Jam nova progenies, partusque in vota soluti,  
 Et non speratis Lemnos clamatur alumnis.  
 Nec non ipsa tamen, thaliami monumenta coacti,  
 Enitor geminos, duroque sub hospite mater  
 Nomen avi renovo. nec quæ fortuna relictis 465  
 Nosse datum. Jam plena quater quinquennia pergunt,  
 Si modo fata sinunt, aluitque rogata Lycaete.  
 Detumuerè animi maris, & clementior Auster  
 Vela vocat. ratis ipsa moram, portusque quietos  
 Odit, & adfueti tendit retinacula faxi. 470  
 Inde fugam Minyæ, fociosque appellat Iason  
 Efferus, ô utinam jam tum mea littora rectis  
 Prætervectus aquis, cui non sua pignora cordi,  
 Non promissa fides. certe stat fama remotis.

Gentibus, æquorei redierunt vellera Phryxi. 475  
 Ut stata lux pelago, venturumque æthera sensit  
 Tiphys, & occidui rubuere cubilia Phœbi:  
 Heu iterum gemitus, iterumque novissima nox est.  
 Vix referata dies, & jam rate celsus Iason  
 Ire jubet, primoque ferit dux verbere pontum. 480  
 Illos e scopulis, & summo vertice montis,  
 Spumea porrecti dirimentes terga profundi  
 Prosequimur visu, donec lassavit euntes  
 Lux oculos, longumque polo contexere visa est  
 Aequor, & extremi pressit freta margine cœli. 485  
 Fama subit portus, vectum trans alta Thoanta  
 Fraternal regnare Chio: mihi crimina nulla,  
 Et vacuos arsisse rogos. fremit impia plebes  
 Sontibus accensæ stimulis, facinusque reposcunt.  
 Quin etiam occultæ vulgo increbrescere voces. 490  
 Solane fida suis? nos autem in funera lætæ?  
 Non deus hæc, fatumque, quod imperat urbe nefanda.  
 Talibus exanimis dictis (& triste propinquat  
 Supplicium, nec regna juvant) vaga littora furto  
 Incomitata sequor, funestaque mœnia linquo, 495  
 Qua fuga nota patris; sed non iterum obvius Evan:

Nam me prædonum manus huc appulsa tacentem  
 Arripit, & vestras famulam transmittit in oras.  
 Talia Lernæis iterat dum regibus exul  
 Lemnias, & longa solatur damna querela, 500  
 Immemor absentis (sic Dii fuafistis) alumni.  
 Ille graves oculos, languentiaque ora comanti  
 Mergit humo, fessusque diu puerilibus actis,  
 Labitur in somnos: pressa manus hæret in herba.  
 Interea campis, nemoris facer horror Achæi, 505  
 Terrigena erigitur serpens, tractuque soluto  
 Immanem sese vehit, ac post terga relinquit.  
 Livida fax oculis: tumidi stat in ore veneni  
 Spuma virens, ter lingua vibrat, terna agmina adunci  
 Dentis, & auratæ crudelis gloria frontis 510  
 Prominet. Inachio sanctum dixere Tonanti  
 Agricolæ, cui cura loci, & sylvestribus aris  
 Pauper honos. nunc ille dei circumdare templa  
 Orbe vago labens, miseræ nunc robora sylvæ  
 Atterit, & vastas tenuat complexibus ornos. 515  
 Sæpe super fluvios geminæ jacet aggere ripæ  
 Continuus, squamisque incisus adæstuat amnis.  
 Sed nunc Ogygii jussis quando omnis anhelat

Terra dei, trepidæque latent in pulvere Nymphæ;  
 Sævior anfractu laterum sinuosa retorquens 520  
 Terga solo, ficcique nocens furit igne veneni.  
 Stagna per, arentesque lacus, fontesque repressos  
 Volvitur, & vacuis fluviorum in vallibus errat.  
 Incertusque sui liquidum nunc aëra lambit  
 Ore supinato, nunc arva gementia radens 525  
 Pronus adhæret humo, si quid viridantia sudent  
 Gramina. percussæ calidis afflatibus herbæ,  
 Qua tulit ora, cadunt, moriturque ad sibila campus.  
 Quantus ab Arctois discriminat æthera plaustris  
 Anguis ad usque Notos, alienumque exit in orbem,  
 Quantus & ille sacri spiris intorta movebat 531  
 Cornua Parnassi, donec tibi, Delle, fixus  
 Vexit arundineam centeno vulnere sylvam,  
 Quis tibi, parve, deus tam magni pondera fati  
 Sorte dedit? tunc hoc vix prima ad limina vitæ 535  
 Hoste jaces? an ut inde sacer per secula Grajis  
 Gentibus, & tanto dignus morerere sepulchro?  
 Occidis extremæ descriptus verberare caudæ  
 Ignaro serpente puer: fugit illicet artus  
 Somnus, & in solam patuerunt lumina mortem. 540

Cum tamen attonito moriens vagitus in auras  
 Excidit, & ruptis immutuit ore querelis,  
 (Qualia non totas peragunt infomnia voces.)  
 Audiit Hypsipyle, facilemque negantia cursum  
 Exanimis genua ægra rapit; jam certa malorum 545  
 Mentis ab augurio, sparsoque per omnia visu  
 Lustrat humum quærens, & nota vocabula parvo  
 Nequicquam ingeminans. Nusquam ille, & prata  
 recentes  
 Amifere notas. viridi piger accubat hostis  
 Collectus gyro, spatiosaque jugera complet. 550  
 Sic etiam obliqua cervicem expositus in alvo.  
 Horruit infelix visu, longoque profundum  
 Incendit clamore nemus: nec territus ille,  
 Sed jacet. Argolicas ululatus flebilis aures  
 Impulit. extemplo monitu ducis advolat ardens 555  
 Arcas eques, causamque refert. Tum squammea  
 demum  
 Torvus ad armorum radios, fremitumque virorum  
 Colla movet. rapit ingenti conamine saxum,  
 Quo discretus ager, vacuasque impellit in auras  
 Arduus Hippomedon, quo turbine bellica quondam



Librati saliant portarum in claustra molarea. 561  
 Cassa duci virtus: nam mollia colla refusus  
 In tergum serpens venientem exhauferat ictum.  
 Dat sonitum tellus, nemorumque per aëra densi  
 Dissultant nexus. at non mea vulnera clamat, 565  
 (Et trabe fraxinea Capaneus subit obuius,) unquam  
 Effugies, seu tu pavidus ferus incola luci,  
 Sive deis, utinamque deis concessa voluptas:  
 Non, si confertum super hæc mihi membra Giganta  
 Subveheres. volat hasta tremens, & hiantia monstri  
 Ora subit, linguæque fecat fera vincla trifulcæ. 571  
 Perque iugas stantes, capitisque infigne corusci  
 Emicat, & nigri sanie perfusa cerebri  
 Figitur alta solo. longus vix tota peregit  
 Membra dolor. rapido celer ille volumine telum  
 Circuit, avulsumque ferens in opaca refugit 576  
 Templâ dei. hic magno tellurem pondere mensus,  
 Implorantem animam dominis assibilat aris.  
 Illum & cognatæ stagna indignantia Lernæ,  
 Floribus & vernis adfuetæ spargere Nymphæ, 580  
 Et Nemees reptatus ager, lucosque per omnes  
 Sylvicolæ, fracta, gemuistis, arundine, Fauni.

Ipse etiam summa jam tela poposcerat aethra  
 Jupiter, & dudum nimbique hyemesque coibant,  
 Ni minor ira deo, gravioraque tela mereri 585  
 Servatus Capaneus. moti tamen aura cucurrit  
 Fulminis, & summas libavit vertice cristas.  
 Jamque pererratis infelix Lemnia campis,  
 Liber ut angue locus, modico super aggere longe  
 Pallida sanguineis infectas roribus herbas 590  
 Prospicit. huc magno cursum rapit effera luctu,  
 Agnoscitque nefas: tetræque illisa nocenti  
 Fulminis in morem, non verba in funere primo,  
 Non lachrymas habet. ingeminat misera oscula  
 tantum 594  
 Incumbens, animæque fugam per membra tepentem  
 Quærit hians. non ora loco, non pectora restant.  
 Rapta cutis, tenuia ossa patent nexuque madentes  
 Sanguinis imbre novi, totumque in vulnere corpus.  
 Ac velut aligeræ sedem, fœtusque parentis  
 Cum piger umbrosa populatus in ilice serpens, 600  
 Illa redit, querulæque domus mirata quietem  
 Stat super impendens, advestrosque horrida mæste  
 Excudit ore cibos: cum solus in arbore cara

Sanguis, & errantes per capta cubilia plama.  
 Ut laceros artus gremio miseranda recepit, 605  
 Intexitque comis, tandem laxata dolore  
 Vox invenit iter, gemitusque in verba soluti:  
 O mihi defertæ natorum dulcis imago  
 Archemore: ô rerum & patriæ solamen ademptæ,  
 Servitique decus, qui te, mea gaudia, fontes 610  
 Extinxere dei? modo quem digressa reliqui  
 Lascivum & prono vexantem gramina cursu?  
 Heu ubi fiderei vultus? ubi verba ligatis  
 Imperfecta sonis? risusque & murmura foli  
 Intellecta mihi? quoties tibi Lemnon, & Argo 615  
 Sueta loqui, & longa somnum suadere querela?  
 Sic equidem luctus solabar, & ubera parvo  
 Jam materna dabam, cui nunc venit irritus ori  
 Lactis, & infelix in vulnera liquitur imber.  
 Nosco deos. ô dura mei præfagia fomni, 620  
 Nocturnique metus, & nunquam impune per umbras  
 Attonitæ mihi visâ Venus. quos arguo divos?  
 Ipse ego te (quid enim timeam moritura fateri?)  
 Expofui fati. quæ mentem infania traxit?  
 Tantane me tantæ tenuere oblivia curæ? 625

Dum patrios casus, famæque exorsa retracto  
 Ambitiosa meæ, pietas hæc magna, fidesque!  
 Exfolvi tibi Lemne nefas. ubi letifer anguis,  
 Ferte duces; meriti siqua est mihi gratia duri,  
 Si quis honos dicitis. aut vos extinguite ferro, 630  
 Ne tristes dominos, orbamque inimica revifam  
 Eurydicen: quanquam haud illi mea cura dolendo  
 Cesserit. hocne ferens onus illætabile matris  
 Transfundam gremio? quæ me prius ima sub umbras  
 Mergat humus? simul hæc terraque, & sanguine vultum  
 Sordida, magnorum circa vestigia regum 636  
 Vertitur, & tacite mærentibus imputat undas.  
 Et jam sacrifici subitus per tecta Lycurgi  
 Nuncius impleat lachrymis ipsumque domumque,  
 Ipsum adventantem Persei vertice sancto 640  
 Montis, ubi averso dederat profecta Tonanti,  
 Et caput iratis rediens quassabat ab extis.  
 Hic sese Argolicis immunem servat ab armis  
 Haud animi vacuus, sed templa, aræque tenebant.  
 Nec dum etiam responsa deum, monitusque vetusti  
 Exciderant, voxque ex adytis accepta profundis,  
 Prima, Lycurge, dabis Dirçæo funera bello. 647

Id cavet, & mœstus vicini pulvere Martis  
 Angitur ad lituos, periturisque invidet armis.  
 Ecce fides Superum, laceras comitata Thoantis 650  
 Advenit exequias. contra subit obvia mater,  
 Fœmineos cœtus plangentiaque agmina ducens.  
 At non magnanimo pietas ignava Lycurgo:  
 Fortior ille malis, lachrymasque infana resorbet  
 Ira patris. longo rapit arva morantia passu 655  
 Vociferans. Illa autem ubi nam? cui parva cruoris  
 Lætave damna mei? vivit ne? impellite raptam,  
 Ferte citi comites. saxo omnis fabula Lemni  
 Et pater, & tumidæ generis mendacia sacri  
 Exciderint. ibat, letumque inferre parabat 660  
 Ense furens raptō. venienti Oeneius heros  
 Impiger objecta proturbat pectora parma.  
 Ac simul infrendens: Siste hunc vesane furorem  
 Quisquis es, & pariter Capaneus, acerque reducto  
 Affuit Hippomedon, rectoque Erymanthius ense, 665  
 Ac juvenem multo perfringunt lumine. at inde  
 Agrestum pro rege manus. quos inter Adrastus  
 Mitior, & sociæ veritus commercia vittæ  
 Amphiaras ait: Ne quæso: abstinate ferro,

Unus avam sanguis, neve indulgete furori. 670  
 Tuque prior. sed non sedato pectore Tydeus  
 Subjicit: Anne ducem, servatricemque cohortis  
 Inachiæ ingratis coram tot millibus audes  
 Mactare in tumulos? (quanti pro funeris ultor!)  
 Cui regnum, genitorque Thoas, & lucidus Evan 675  
 Stirpis avus. timidone parum quod gentibus actis  
 Undique in arma tuis, inter rapida agmina pacem  
 Solus habes? habeasque & te victoria Grajūm  
 Inveniat tumulis etiamnum hæc fata gementem.  
 Dixerat. & tandem cunctante modestior ira 680  
 Ille refert; equidem non vos ad mœnia Thebes  
 Rebar, & hostiles huc advenisse catervas.  
 Pergite in excidium focii si tanta voluptas.  
 Sanguinis, imbuite arma domi, atque hæc irrita dudum  
 Tempa Jovis (quid enim haud licitum?) ferat im-  
 pius ignis, 685  
 Si vilem, tanti premerent cum pectora luctus,  
 In famulam jus esse ratus, dominoque, ducique.  
 Sed videt hoc, videt ille deum regnator, & ausis  
 Sera quidem, manet ira tamen. sic fatus, & arces  
 Respicit, atque illic alio certamine belli 690

Tecta fremunt. volucres equitum præverterat alas  
 Fama recens, geminos alis amplexa tumultus.  
 Illi ad fata rapi, atque illi jam occumbere leto,  
 Sic meritam Hypsipylum iterant: creduntque, nec ira  
 Fit mora. jamque faces, & tela penatibus instant. 695  
 Vertere regna fremunt, raptumque auferre Lycurgum,  
 Cum Jove, cumque aris. resonant ululatus aedes  
 Fœmineis, versusque dolor dat terga timori.  
 Alipedum curru sed enim sublimis Adrastus 699  
 Secum ante ora virum fremebunda, Thoantida portans  
 It medius turmis, &, parcite, parcite, clamat.  
 Nil actum sæve: meritis nec tale Lycurgus  
 Excidium, gratique inventrix fluminis ecce.  
 Sic ubi diversis maria evertere procellis 704  
 Hinc Boreas, Eurisque, illinc niger imbribus Auster,  
 Pulsa dies, regnantque hyemes, venit æquoris alti  
 Rex sublimis equis, geminusque ad spumea Triton  
 Frena natans, late pelago dat signa cadenti:  
 Et jam plana Thetis, montesque, & littora crescunt.  
 Quis Superum tanto solatus funera voto 710  
 Pensavit lachrymas? inopinaque gaudia mœsta  
 Rettulit Hypsipylæ? tu gentis conditor Evan,  
 Qui

Qui geminos juvenes Lemni de littore vestos  
 Intuleras Nemeæ, mirandaque fata parabas.  
 Causa viæ genitrix, nec inhospita tecta Lycurgi 715  
 Præbuerant aditus, & protinus ille tyranno  
 Nuncius, extinctæ miserando vulnere prolis.  
 Ergo adsunt comites (pro fors, & cæca futuri  
 Mens hominum!) regique favent. sed Lemnos ad  
 aures 719  
 Ut primum, dictusque Thoas, per tela, manusque  
 Irruerunt, matremque avidis complexibus ambo  
 Diripiunt flentes, alternaque pectora mutant.  
 Illa velut rupes immoto faxea visu  
 Hæret, & expertis non audet credere divis.  
 Ut vero & vultus, & signa Argoa relictis 725  
 Ensis, atque humeris amborum intextus Iason,  
 Cesserunt luctus, turbataque munere tanto  
 Corruit, atque alio maduerunt lumina fletu.  
 Addita signa polo, lætoque ululante tumultu  
 Tergaque, & æra dei motas crepuere per auras. 730  
 Tunc pius Oeclides, ut prima silentia vulgi  
 Mollior ira dedit, placidasque accessit ad aures:  
 Audite ô ductor Nemeæ, lætisque potentes  
 Statius. T. I. M

Inachidæ, quæ certus agi manifestat Apollo.  
 Iste quidem Argolicis haud olim indebitus armis 735  
 Luctus adest. recto descendunt limite Parcæ.  
 Et sitis interitu fluviorum, & letifer anguis,  
 Et puer, heu nostri signatus nomine fati  
 Archemorus: cuncta hæc Superum demissa suprema  
 Mente fluunt. differte animos, festinaque tela 740  
 Ponite. mansuris donandus honoribus infans.  
 Et meruit. det pulchra suis libamina virtus  
 Manibus, atque utinam plures innectere pergas,  
 Phœbe, moras, semperque novis bellare vetemur  
 Casibus, & semper Thebe funesta recedat. 745  
 At vos magnorum transgressi fata parentum  
 Felices, longum quibus hinc per secula nomen,  
 Dum Lernæa palus, & dum pater Inachus ibit,  
 Dum Nemeæ tremulas campis jaculabitur umbras;  
 Ne fletu violate sacrum, ne plangite divos: 750  
 Nam deus iste, deus, Pylia nec fata senectæ  
 Maluerit, Phrygiis aut degere longius annis.  
 Vinierat, cœloque cavam nox induit umbram.



P. PAPINII STATII  
 THEBAIDOS  
 LIBER VI.

NUNCIA multivago Danaas perlabitur urbes  
 Fama gradu, sancire novo solennia busto  
 Inachidas, ludumque super, quo Martia bellis  
 Præfudare paret, seseque accendere virtus.  
 Grajum ex more decus. Primus Pisæa per arva 5  
 Hunc pius Alcides Pelopi certavit honorem,  
 Pulveremque fera crinem deterfit oliva.  
 Proxima vipereo celebravit libera nexu  
 Phocis Apollinæ bellum puerile pharetræ.  
 Mox circum tristes servata Palæmonis aras 10  
 Nigra superstio, quoties animosa resumit  
 Leucothoë gemitus, & amica ad littora festa  
 Tempestate venit. planctu conclamat uterque  
 Isthmos, Echioniæ responsant flebile Thebæ.

Et nunc eximii regum, quibus Argos alumnis 15  
 Connexum cælo, quorumque ingentia tellus  
 Aonis, & Tyriæ suspirant nomina matres,  
 Concurrunt, nudaque movent in prælia vires.  
 Ceu primum ausuræ trans alta ignota biremes  
 Seu Tyrrenam hyemem, seu stagna Aegea lacesunt;  
 Tranquillo prius arma lacu, clavumque, levesque 21  
 Explorant remos, atque ipsa pericula discunt:  
 At cum experta cohors: tum pontum irrumpere fretæ  
 Longius, ereptasque oculis non quærere terras.  
 Clara laboriferos cælo Tithonia currus 25  
 Extulerat, vigilesque deæ pallentis habenas  
 Et nox, & cornu fugiebat Somnus inani.  
 Jam plangore viæ, gemitu jam regia mugit  
 Flebilis, acceptos longe nemora avia frangunt,  
 Multiplicantque sonos. sedet ipse exutus honore 30  
 Vittarum nexu genitor, squalentiaque ora  
 Sparfus, & incultam ferali pulvere barbam.  
 Asperior contra, planctusque egressa viriles  
 Exemplo famulas premit, hortaturque volentes  
 Orba parens, lacerasque super procumbere nati 35  
 Reliquias ardet, totiesque avulsa refertur.

Arcet & ipse pater. mox ut moerentia dignis  
 Vultibus Inachii penetrarunt limina reges,  
 Ceu nova tunc clades, & primo faucius infans  
 Vulnere, letalisve irrumperet atria serpens: 40  
 Sic alium ex alio, quanquam lassata, fragorem  
 Pectora congeminant, integratoque resultant  
 Accensæ clamore fores. Sensere Pelasgi  
 Invidiam, & lachrymis excusant crimen abortis.  
 Ipse datum quoties, intercifoque tumultu 45  
 Conticuit stupefacta domus, solatur Adrastus  
 Alloquiis genitorem ultro: nunc fata recensens  
 Resque hominum duras, & inexorable pensum:  
 Nunc aliam prolem, mansuraque numine dextro  
 Pignora. nondum oris modus, & lamenta redibant.  
 Ille quoque affatus non mollius audit amicos, 51  
 Quam trucidis Jonii rabies clamantia ponto  
 Vota virum, aut tenues curant vaga fulmina nimbo.  
 Tristibus interea ramis, teneraque cupresso  
 Damnatus flammæ torus, & puerile pheretrum 55  
 Textitur: ima virent agresti stramina cultu.  
 Proxima gramineis operosior area fertis,  
 Et picturatus morituris floribus agger.

Tertius affurgens Arabum strue tollitur ordo  
 Eoas complexus opes, incanaque glebis 60  
 Thura, & ab antiquo durantia cinnama Belo.  
 Summa crepant auro, Tyrioque attollitur ostro  
 Molle supercilium, teretes hoc undique gemmæ  
 Irradiant, medio Linus intertextus acantho,  
 Letiferique canes. opus admirabile semper 65  
 Oderat, atque oculos fleſcebat ab omine mater.  
 Arma etiam, & veterum exuvias circumdat avorum  
 Gloria mixta malis, adſictæque ambitus aulae,  
 Ceu grande exequiis onus, atque immenſa ferantur  
 Membra toro: ſed caſſa tamen, ſteriliſque dolentes  
 Fama juvat, parvique augeſcunt munere manes. 71  
 Inde ingens lachrymis honor, & miſeranda voluptas,  
 Muneraque in cineres annis graviora feruntur.  
 Namque illi & pharetras, brevioraque tela dicarat  
 Feſtinus voti pater, infontesque ſagittas. 75  
 Jam tunc & nota ſtabulis de gente probatos  
 In nomen paſcebat equos, cinctusque ſonantes  
 Armaque majores expectatura lacertos.  
 Spes avidæ! quas non in nomen credula veſtes  
 Urgebat ſtudio? cultusque inſignia regni 80

Purpureos; ſceptrumque minus. cuncta ignibus atris  
 Damnatarox, ſuaque ipſe parens geſtamina ferri,  
 Si damnis rabidum queat exſaturare dolorem.  
 Parte alia gnari monitis exercitus inſtat  
 Auguris, æriam truncis nemorumque ruina 85  
 Montis onus cumulare pyram; quæ crimina caſſi  
 Anguis, & infauſti cremet atra piacula belli.  
 His labor acciſſam Nemeen, umbroſaque Tempe  
 Præcipitare ſolo, lucosque oſtendere Phœbo.  
 Sternitur extemplo veteres incidua ferro 90  
 Sylva comas, largæ qua non opulentior umbrae  
 Argolicos inter ſaltusque eduſta Lycæos  
 Extulerat ſuper aſtra caput. ſtat ſacra ſeneſtæ  
 Numine, nec ſolos hominum tranſgreſſa veterno  
 Fertur avos, Nymphas etiam muſaſſe ſuperſtes, 95  
 Faunorumque greges. aderat miſerabile luco  
 Excidium. fugere feræ, nidosque tepentes  
 Abſiliunt (metus urget) aves. cadit ardua fagus:  
 Chaoniumque nemus, brumæque inlæſa cupreſſus,  
 Procumbunt piceæ, flammis alimenta ſupremis, 100  
 Ornique, ilicæque trabes, metuendaque ſucco  
 Taxus, & infandos belli potura cruores

Fraxinus, atque situ non expugnabile robur.  
 Hinc audax abies, & odoro vulnere pinus  
 Scinditur, acclinant intonsa cacumina terræ 105  
 Alnus amica fretis, nec inhospita vitibus ulmus.  
 Dat gemitum tellus. non sic everfa feruntur  
 Ismara, cum fracto Boreas caput extulit antro.  
 Non grassante Noto citius nocturna peregit 109  
 Flamma nemus. relinquunt flentes dilecta locorum  
 Otia, cana Pales, Sylvanusque arbiter umbræ,  
 Semideumque pecus. migrantibus adgemit illis  
 Sylva, nec amplexæ dimittunt robora Nymphæ.  
 Ut cum possessas avidis victoribus arces 114  
 Dux raptare dedit, vix signa audita, nec urbem  
 Invenias; ducunt, sternuntque, abiguntque, feruntque  
 Immodici: minor ille fragor, quo bella geruntur.  
 Jamque pari cumulo geminas hanc tristibus umbris,  
 Ast illam Superis æquus labor auxerat aras,  
 Cum signum luctus cornu grave mugit adunco 120  
 Tibia, cui teneros suetum producere Manes  
 Lege Phrygum mœsta. Pelopem monstrasse ferebant  
 Exequiale sacrum, carmenque minoribus umbris  
 Utile, quo geminis Niobe consumpta pharetris

Squallida biffenas Sipylon deduxerat urnas. 125  
 Portant inferias, arfuraque fercula primi  
 Grajorum, titulisque pios testantur honores  
 Gentis quisque suæ. longo post tempore surgit  
 Colla super juvenum (numero dux legerat omni)  
 Ipse fero clamore torus. cinxere Lycurgum 130  
 Lernæi proceres, genitricem mollior ambit  
 Turba, nec Hypsipyle raro subit agmine: vallant  
 Inachidæ memores, sustentant livida nati  
 Brachia, & inventæ concedunt plangere matri.  
 Illic infaustos ut primum egressa penates 135  
 Eurydice, nudo vocem de pectore rumpit,  
 Planctuque, & longis præfata ululatus infit:  
 Non hoc Argolidum cœtu circumdata matrum  
 Speravi te nate sequi, nec talia demens  
 Fingebam votis annorum elementa tuorum, 140  
 Nil seivum reputans, etenim his in finibus ævi  
 Unde ego bella tibi Thebasque ignara timerem?  
 Cui Superum nostro committere sanguine pugnas  
 Dulce? quis hoc armis vovit scelus? at tua nondum,  
 Cadme, domus, nullus Tyrio grege plangitur infans.  
 Primitias egomet lachrymarum, & cædis acerbæ 146



Ante tubas ferrumque tuli. dum deside cura  
 Credo sinus fidos altricis, & ubera mando.  
 Quid ni ego? narrabat servatum fraude parentem,  
 Infantesque manus. En! quam ferale putemus 150  
 Abjurasse sacrum, & Lemni gentilibus unam  
 Immunem furiis. hæc illa, & creditis aufæ?  
 Hæc pietate potens? solis abjecit in arvis  
 Non regem, dominumve; alienos impia partus,  
 Hoc tantum, sylvæque infamis tramite liquit, 155  
 Quem non anguis atrox (quid enim hæc opus, hei  
 mihi, leti  
 Mole fuit?) tantum cæli violentior aura,  
 Impulsaque Noto frondes, cassusque valeret  
 Exanimare timor. Nec vos incessere luctu 159  
 Orba habeo. fixum matri, immotumque manebat  
 Hac altrice nefas. at quin & blandus ad illam,  
 Nate, magis, solam nosse, atque audire vocantem  
 Ignarusque mei: nulla ex te gaudia matri.  
 Illa tuos questus, lachrymososque impia risus  
 Audiit, & vocis decerpfit murmura primæ. 165  
 Illa tibi genitrix semper, dum vita manebat,  
 Nunc ego: sed miseræ mihi nec punire potestas

Sic meritam. quid dona, duces, quid inania fertis  
 Justa rogis? illam (nil poscunt amplius umbræ)  
 Illam (oro) cineri simul, excisæque parenti 170  
 Reddite, quæso, duces: per ego hæc primordia belli  
 Cui peperit: sic æqua gemant mihi funera matres  
 Ogygiæ. sternit crines, iteratque precando,  
 Reddite, nec vero crudelem, avidamque vocate  
 Sanguinis, occumbam pariter dum vulnere justo 175  
 Exsaturata oculos, unum impellamur in ignem.  
 Talia vociferans alia de parte gementem  
 Hypsipylum (neque enim illa comas nec pectora servat)  
 Agnovit longe, & socium indignata dolorem, 179  
 Hoc saltem, ô proceres, tuque ô cui pignore nostro  
 Partus honos, prohibete nefas. auferte supremis  
 Invisam exequiis. quid se funesta parenti  
 Miscet? & in nostris spectatur & ipsa ruinis?  
 Cui luget complexa suos? sic fata repente  
 Concidit, abruptisque obmutuit ore querelis. 185  
 Non secus ac primo fraudatum lacte juvencum,  
 Cui trepidæ vires, & solus ab ubere sanguis  
 Seu fera, seu duras avexit pastor ad aras;  
 Nunc vallem spoliata parens, nunc flumina questu

Nunc armenta movet, vacuosque interrogat agros: 190  
 Tunc piget ire domum, mœstoque novissima campo  
 Exit, & oppositas impasta avertitur herbas.  
 At genitor, sceptrique decus, cultusque Tonantis  
 Injicit ipse rogis, tergoque & pectore fulam  
 Casariam ferro minuit, festisque jacentis 195  
 Obnubit tenuia ora comis, ac talia fletu  
 Verba pio miscens: Alio tibi perfide pacto,  
 Juppiter, hunc crinem voti reus ante dicaram,  
 Si pariter virides nati libare dedisses  
 Ad tua templa genas; sed non ratus ore sacerdos,  
 Damnataque preces: ferat hæc, quæ dignior um-  
 bra est. 201  
 Jam face subjecta primis in frondibus ignis.  
 Exclamat. labor insanos arcere parentes.  
 Stant jussi Danaï, atque obtentis eminus armis,  
 Prospectu visus interclusere nefasto. 205  
 Ditantur flammæ: non unquam opulentior illic  
 Ante cinis, crepitant gemmæ, atque immane liquefcit  
 Argentum, & pictis exfudat vestibus aurum:  
 Nec non Assyriis pinguescunt robora succis,  
 Pallentique croco strident ardentia mella, 210

Spumantesque mero pateræ verguntur, & atri  
 Sanguinis & rapti gratissima cymbia lactis.  
 Tunc septem numero turmas (centenus ubique  
 Urget eques) versis ducunt insignibus ipsi  
 Grajugenæ reges, lufrantque ex more, sinistro 215  
 Orbe rogam, & stantes inclinant pulvere flammæ.  
 Ter curvos urgere sinus, illis que telis  
 Tela sonant. quater horrendum pepulere fragorem  
 Arma, quater mollem famularum brachia planctum.  
 Semianimes alter pecudes, spirantiaque ignis 220  
 Accipit armenta. Hic luctus abolere, novique  
 Funeris auspiciam, vates, (quanquam omina sentit  
 Vera) jubet, dextro gyro, & vibrantibus hastis  
 Hac redeunt, raptumque suis libamen ab armis 224  
 Quisque jacit, seu frena libet, seu cingula flammis  
 Mergere, seu jaculum, summæ seu cassidis umbram,  
 Multa gemunt contra raucis concentibus agri.  
 Et lituis aures circum pulfantur acutis:  
 Terretur clamore nemus. Sic Martia vellunt  
 Signa tubæ, nondum ira calet, nec sanguine ferrum  
 Irrubuit, primo bellorum comitur illo 231  
 Vultus, honoris opus. Stat adhuc incertus in alta

Nube, quibus sese Mavors indulgeat armis.  
 Finis erat, lapsusque putres jam Mulciber ibat  
 In cineres. instant flammis, multoque soporant 235  
 Imbre rogam, posito donec cum sole labores  
 Exhausti. seris vix cessit cura tenebris.  
 Roscida jam novies cælo dimiserat astra  
 Lucifer, & totidem Lunæ prævenerat ignes  
 Mutato nocturnus equo. nec conscia fallit 240  
 Sidera, & alterno deprenditur unus in ortu.  
 (Mirum opus accelerasse manus) stat saxea moles,  
 Templum ingens, cineri, rerumque effectus in illa  
 Ordo docet casus. Fessis hic flumina monstrat  
 Hypsipyle Danais, hic reptat flebilis infans, 245  
 Hic jacet, extremum tumuli circum asperat orbem  
 Squammeus: expectes morientis ab ore cruenta  
 Sibila, marmorea sic volvitur anguis in hasta,  
 Jamque avidum pugnas visendi vulgus inermes  
 Fama vocat. cunctis arvis, ac mœnibus adsunt 250  
 Exciti. illi etiam quis belli incognitus horror,  
 Quos effæta domi, quos prima reliquerat ætas,  
 Conveniunt. non aut Ephyræo in littore tanta  
 Unquam, aut Oenomai fremuerunt agmina circo.

Collibus incurvis, viridique obsessa corona 255  
 Vallis in amplexu nemorum sedet. hispida circum  
 Stant juga, & objectus geminis umbonibus agger  
 Campum exire vetat, longo quem tramite planum  
 Gramineæ frondes, sinuataque cespite vivo  
 Mollia non subitis augent fastigia clivis. 260  
 Illic conferti jam sole rubentibus arvis,  
 Bellatrix sedere cohors. ibi corpore mixto  
 Metiri numerum, vultusque, habitusque suorum  
 Dulce viris, tantique juvat fiducia belli.  
 Centum ibi nigrantes, armenti robora, tauros 265  
 Lenta mole trahunt, idem numerusque colorque  
 Matribus, & nondum lunatis fronte juvenis.  
 Exin magnanimum series antiqua parentum  
 Invehitur, miris in vultum animata figuris.  
 Primus anhelantem duro Tirynthius ingens 270  
 Pectoris attritu sua frangit in ossa leonem.  
 Haud illum impavidi, quamvis & in ære, suumque  
 Inachidæ videre decus. pater ordine juncto  
 Lævus arundineæ recubansque sub aggere ripæ  
 Cernitur, emissæque indulgens Inachus urnæ. 275  
 Io post tergum, jam prona, dolorque parentis

Spectat inocciduis stellatum visibus Argum.  
 Ast illam melior Phariis erexerat arvis  
 Juppiter, atque hospes jam tunc Aurora colebat.  
 Tantalus inde parens, non qui fallentibus undis 280  
 Imminet, aut refugæ sterilem rapit aëra sylvæ,  
 Sed pius, & magni vehitur conviva Tonantis.  
 Parte alia victor curru Neptunia tendit  
 Lora Pelops, pressatque rotas auriga natantes 284  
 Myrtilus, & volucris jam jamque relinquitur axe.  
 Et gravis Acrisius, speciesque horrenda Chorebi  
 Et Danaë culpata sinus. & in amne reperto  
 Trifidis Amygone, parvoque Alcmena superbit  
 Hercule, tergemina crinem circumdata Luna.  
 Jungunt discordes inimica in fœdera dextras 290  
 Belidæ fratres; sed vultu mitior astat  
 Aegyptus, Danaï manifestum agnoscere ficto  
 Ore nefas, pacisque malæ, noctisque futuræ.  
 Mille dehinc species. tandem satiata voluptas,  
 Præstantesque viros vocat ad sua præmia virtus. 295  
 Primus fudor equis. Dic, inclyte Phœbe, regentum  
 Nomina, dic ipsos (neque enim generosior unquam  
 Alipedum collata acies) ceu præpete cursu

Confi-

Configant densæ volucres, aut littora in uno  
 Aeolus infans statuatur certamina ventis. 300  
 Ducitur ante omnes rutilæ manifestus Arion  
 Igne jubæ. Neptunus equo (si certa priorum  
 Fama) pater. primus teneris læsisse lupatis  
 Ora, & littoreo domitasse in pulvere fertur  
 Verberibus parcens, etenim infatigatus eundi 305  
 Ardor, & hyberno par inconstantia ponto.  
 Sæpe per Jonium, Libycumque natantibus ire  
 Interjunctus equis, omnesque assuetus in oras  
 Cæruleum deferre patrem. stupuere relicta  
 Nubila, certantes Eurique, Notique sequuntur. 310  
 Nec minor in terris bella Eurysthea gerentem  
 Amphitryoniaden alto per gramina sulco  
 Duxerat: ille etiam ferus, indocilisque teneri.  
 Mox divûm dono regis dignatus Adraasti  
 Imperia, & multum mediis mansueverat annis. 315  
 Tunc rector genero Polynici indulget agendum  
 Multa monens, ubi fervor equo, qua fuetus ab arte  
 Mulceri, ne sæva manus, ne liber habenis  
 Impetus, urge alios, inquit, stimulisque, minisque;  
 Ille ibit, minus ipse volens. Sic ignea lora 320

Statius. T. I.

N

Cum daret, & rapido Sol natum imponeret axi,  
 Gaudentem lachrymans astra infidiosa docebat,  
 Nolentesque teri zonas, mediamque polorum  
 Temperiem. pius ille quidem, & formidine cauta,  
 Sed juvenem duræ prohibebant discere Parca. 325  
 Oebalios sublimis agit spes proxima palma  
 Amphiarus equos: tua furto lapsa propago  
 Cyllare, dum Scythici diversus ad ostia ponti  
 Castor, Amyclæas remo permutat habenas.  
 Ipse habitu niveus: nivei dant colla jugales: 330  
 Concolor est albis & cassis, & infula, cristis.  
 Quin & Theffalicis felix Admetus ab oris  
 Vix steriles compescit equas, Centaurica dicunt  
 Semina: credo, adeo sexum indignantur, & omnis  
 In vires adducta Venus, noctemque, diemque 335  
 Assimulant, maculis internigrantibus albæ;  
 Tantis uterque color. credi nec degener illo  
 De grege Castaliæ, stupuit qui sibila canne  
 Latus, & audito contempsit Apolline pasci.  
 Ecce & Jafonidæ juvenes, nova gloria matris 340  
 Hypsipyles subiere jugo, quo vectus uterque.  
 Nomen avo gentile Thoas, atque omine dictus

Euneos Argoo. geminis eadem omnia, vultus,  
 Currus, equi, vestes, par & concordia voti  
 Vincere vel solo cupiunt a fratre relinqui. 345  
 It Chromis, Hippodanusque, alter satus Hercule  
 magno,  
 Alter ab Oenomao. dubites uter efferat preffet  
 Frena magis. Getici pecus hic Diomedis; at ille  
 Pifæi juga patris habet, crudelibus ambo  
 Exuviis, diroque imbuti sanguine currus. 350  
 Metarum instar erat hinc nudo robore quercus  
 Olim omnes exuta comas, hinc faxeus umbo  
 Arbitrator agricolis. finem jacet inter utrumque;  
 Quale quater jaculo spatium, ter arundine vineas.  
 Interea cantu Musarum nobile mulcens 355  
 Concilium, citharæque manus infertus Apollo  
 Parnassi summo spectabat ab æthere terras,  
 Orsa deum (nam sæpe Jovem, Phlegramque, sui que  
 Anguis opus, fratrumque pius cantarat honores)  
 Tunc aperit, quis fulmen agat, quis sidera ducat 360  
 Spiritus, unde animi fluviis, quæ pabula ventis,  
 Quo fonte immensum vivat mare, quæ via soles  
 Præcipitet, noctem quæ porrigat, imane tellus,

An media, & rursus mundo succincta latenti.  
 Finis erat, differt avidas audire sorores: 365  
 Dumque chelyn lauro, textumque illustre corona  
 Subligat, & picto discingit pectora limbo,  
 Haud procul Herculeam Nemeen clamore reductus  
 Aspicit, atque illic ingens certaminis instar  
 Quadrijugi. noscit cunctos, & forte propinquo 370  
 Constiterant Admetus & Amphiaraus in arvo.  
 Tunc secum, quisnam iste duos, fidissima Phœbo  
 Nomina, commisit deus in discrimina reges?  
 Ambo pii, carique ambo. nequeam ipse priorem  
 Dicere. Peliacis hic cum famularer in arvis 375  
 (Sic Jovis imperia, & nigrae voluere sorores)  
 Thura dabat famulo, nec me sentire minorem  
 Ausus; at hic tripodum comes, & pius artis alumnus  
 Aethereæ. potior meritis tamen ille, sed hujus  
 Extrema jam fila colo: datur ordo senectæ 380  
 Admeto, serumque mori. tibi nulla supersunt  
 Gaudia, jam Thebæ juxta, & tenebrosa vorago.  
 Scis miser, & nostræ pridem cecinere volucres.  
 Dixit, & os fletu pene inviolabile tinctus  
 Extemplo Nemeen radiante per æthera saltu 385

Ocyor & patrio venit igne, suisque sagittis.  
 Ipse olim in terris, cælo vestigia durant,  
 Claraque per Zephyros etiamnum semita lucet.  
 Et jam fortitus Prothous versarat ahena 389  
 Casside. jamque loci cuique est, & liminis ordo.  
 Terrarum decora ampla viri, decora ampla jugales  
 Divam utrumque genus, stant uno margine clausi;  
 Spesque, audaxque una metus, & fiducia pallens:  
 Nil fixum cordi. pugnant exire, paventque,  
 Concurrit summos animosum frigus in artus. 395  
 Qui dominis, idem ardor equis. face lumina surgunt,  
 Ora sonant morfu, spumisque, & sanguine ferrum  
 Uritur, impulsi nequeunt obistere postes,  
 Claustraque, compressæ transfumat anhelitus ira:  
 Stare adeo miserum est. pereunt vestigia mille 400  
 Ante fugam, absentemque ferit gravis ungula campum.  
 Circumstant fidi, nexusque, & torta jubarum  
 Expediunt, firmantque animos, & plurima monstrant.  
 Insonuit contra Tyrrhenum murmur, & omnes  
 Exiluire loco. quæ tantum carbasa ponto? 405  
 Quæ bello sic tela volant? quæ nubila cælo?  
 Annibus hybernis minor est, minor impetus igni.

Tardius astra cadunt, glomerantur tardius imbres.  
 Tardius e summo decurrunt flumina monte.  
 Emissos videre, atque agnovere Pelasgi. 410  
 Et jam rapti oculis, jam cæco pulvere mixti  
 Una in nube latent, vultusque umbrante tumultu,  
 Vix inter sese clamore, & nomine noscunt.  
 Evolvere globum, & spatio quo quisque valebat  
 Diducti. delet fulcos iterata priores 415  
 Orbita. nunc avidi prono juga pectore tangunt,  
 Nunc pugnante genu pressis duplicantur habenis,  
 Colla toris crinita tument, stantesque repetit  
 Aura jubas. bibit albentes humus arida nimbos.  
 Fit sonus, immanisque pedum, tenuisque rotarum.  
 Nulla manus requies, densis insibilat aër 420  
 Verberibus. gelida non crebrior exilit Arcto  
 Grando, nec Oleniis manant tot cornibus imbres.  
 Senferat adductis alium prælagus Arion  
 Stare ducem loris, dirumque expaverat infons 425  
 Oedipodioniden; jam illinc a limine discors,  
 Iratusque oneri insolito truculentior ardet.  
 Inachidæ credunt accensum laudibus. ille  
 Aurigam fugit. aurigæ furiale minatur

Efferus, & campo dominum circumspicit omni. 430  
 Ante tamen cunctos. sequitur, longeque secundus  
 Amphiarus agit, quem Theſſalus æquat eundem  
 Admetus, juxta gemini, nunc Euneos ante, 435  
 Et nunc ante Thoas. cedunt, vincuntque, nec unquam  
 Ambitiosa pios collidit gloria fratres. 435  
 Postremum discrimen erant Chromis asper, & asper  
 Hippodamus, non arte rudes, sed mole tenentur  
 Cornipedum. Prior Hippodamus fert ora sequentum,  
 Fert gemitus, multaque humeros incenditur aura.  
 Speravit flexæ circum compendia metæ, 440  
 Interius ductis Phœbeius augur habenis,  
 Anticipasse viam, nec non & Theſſalus heros  
 Spe propiore calet: dum non cohibente magistro  
 Spargitur in gyros, dexterque exerrat Arion.  
 Jam prior Oeclides, & jam non tertius ibat 445  
 Admetus, laxo cum tandem ex orbe reductus  
 Aequoreus sonipes premit, evaditque parumper  
 Gavilos. subit astra fragor, cælumque tremiscit,  
 Omniaque excusso patuere sedilia vulgo.  
 Sed nec lora regit, nec verbera pallidus addit 450  
 Labdacides. lasſa veluti ratione magister

In fluctus, in saxa ruit; nec jam amplius astra  
 Respicit, & victam projecit casibus artem.  
 Rursus præcipites in recta ac devia campi 454  
 Obliquant, tenduntque vias, iterum axibus axes  
 Infiisti, radiisque rotæ. pax nulla, fidesque.  
 Bella geri ferro levius. bella horrida credas:  
 Is furor in laude est. trepidant, mortemque minantur,  
 Multaque transversis præstringitur ungula campis.  
 Nec jam sufficiunt stimuli, non verbera. voce 460  
 Nominibusque cienst Pholoën Admetus, & Irin  
 Funalemque Thoën; rapidum Danæius augur  
 Ascheton increpitans, meritumque vocabula Cygnum.  
 Audit & Herculeum Strymon Chromin. Euneon audit  
 Igneus Aethion. tardum Calydonæ laceffit 465  
 Hippodamus, variumque Thoas rogat ire Podarcem.  
 Solus Echionides errante silentia curru  
 Mæsta tenet, trepidaque timet se voce fateri.  
 Vixdum cæptus equis labor, & jam pulvere quarto  
 Campum ineunt, jamque & tepidis sudoribus artus  
 Effecti, & crassum rapit ejectatque vaporem 471  
 Cornipedum flammata sitis: nec jam integer illis  
 Impetus, & longi suspendunt ilia status.

Hic anceps fortuna diu decernere primum 474  
 Ausa venit. ruit, Hæmonium dum fervidus instat  
 Admetum superare, Thoas, nec prætulit ullam  
 Frater opem: velit ille quidem, sed Martius ante  
 Obsistit Hippodamus, mediasque immisit habenas.  
 Mox Chromis Hippodamum metæ interioris ad orbem  
 Viribus Herculeis, & toto robore patris 480  
 Axe tenet premo, luctantur abire jugales  
 Nequicquam, frenosque & colla rigentia tendunt.  
 Ut Siculas si quando rates tenet æstus, & ingens  
 Auster agit, medio stant vela tumentia ponto.  
 Tunc ipsum fracto curru deturbat, & issit 485  
 Ante Chromis; sed Thraces equi ut videre jacentem  
 Hippodamum, redit illa fames, jam jamque tre-  
 mentem  
 Partiti furis; ni frena, ipsosque frementes  
 Oblitus palmæ, retro Tirynthius heros  
 Torfisset, victusque, & collaudatus abisset. 490  
 At tibi promissos jam dudum Phœbus honores  
 Amphiaræ cupit. tandem ratus apta favori  
 Tempora, pulverei venit in spatia horrida Circi,  
 Cum jam in fine viæ, & summum victoria nutat.



Anguicomam monstri effigiem (sævissima visu 495  
 Ora movet, sive ille Erebo, seu finxit in astu  
 Temporis) innumera certe formidine cultum  
 Tollit in astra nefas: non illud janitor atræ  
 Impavidus Lethes, non ipsæ horrore sine alto  
 Eumenides vidisse queant; turbasset euntes 500  
 Solis equos, Martisque jugum. Nam flavus Arion  
 Ut vidit, saliere jubæ, atque erectus in armos  
 Stat, fociumque jugi, comitesque utrinque laboris  
 Secum alte suspendit equos. ruit ilicet exul  
 Aonius, nexuque diu per terga volutus 505  
 Exiit, abripitur longe moderamine liber  
 Currus, at hunc putri præter tellure jacentem  
 Tanarei currus, & Theſſalus axis, & heros  
 Lemnius, obliqua quantum vitare dabatur  
 Translabere fuga. tandem caligine mersum 510  
 Erigit accursu comitum caput, ægraque tollit  
 Membra solo, & focero redit haud speratus Adraſto.  
 Quis mortis, Thebane, locus? nisi dura negasset  
 Tisiphone, quantum poterat dimittere bellum?  
 Te Thebæ, fraterque palam, te plangeret Argos,  
 Te Nemea: tibi Lerna comas, Larissaque supplex 516

Poneret, Archemori major colerere sepulchro.  
 Tunc vero Oecldes, quanquam jam certa sequenti  
 Præmia, cum vacuus domino præiret Arion,  
 Ardet adhuc cupiens vel inanem vincere currum. 520  
 Dat vires, refovetque deus. volat ocyor Euro,  
 Ceu modo carceribus dimissus in arva solutis  
 Verberibusque jubas, & terga laceſſit habenis,  
 Aſcheton increpitanſque levem, Cygnumque nivalem.  
 Nunc saltam dum nemo prior, rapit igneus orbes  
 Axis, & effoſſæ longe ſparguntur arenæ. 526  
 Dat gemitum tellus, & jam tunc ſæva minatur.  
 Forſitan & victo prior iſſet Arione Cygnus,  
 Sed vetat æquoreus vinci pater: hinc vice juſta  
 Gloria manſit equo, ceſſit victoria vati. 530  
 Huic pretium palmæ, gemini cratera ferebant  
 Herculeum juvenes. illum Tirynthius olim  
 Ferre manu ſola, ſpumantemque ore ſupino  
 Vertere, ſeu monſtri victor, ſeu Marte, ſolebat.  
 Centauros habet arte truces, aurumque figuris 535  
 Terribile: hic mixta Lapitharum cæde rotantur  
 Saxa, faces, aliique iterum crateres, ubique  
 Ingentes morientum iræ. tenet ipſe farentem

Hyleum, & torta molitur robora barba.  
 At tibi Mæonio fertur circumflua limbo, 540  
 Pro meritis Admete chlamys, repetitaque multo  
 Murice. Phryxei natat hic contemptor ephebus  
 Aequoris, & picta translucet cœrulæ unda;  
 In latus ire manus, mutaturusque videtur  
 Brachia, nec siccum speres in stamine crinem: 545  
 Contra autem frustra sedet anxia turre suprema  
 Sektias in speculis. moritur prope conscius ignis.  
 Has Adrastus opes dono victoribus ire  
 Imperat, at generum famula solatur Achæa.  
 Sollicitat tunc ampla viros ad præmia cursu 550  
 Præceleris. agile studium, & tenuissima virtus,  
 Pacis opus, cum sacra vocant, nec inutile bellis  
 Subsidium, si dextra neget. prior omnibus Idas,  
 Nuper Olympiacis umbratus tempora ramis,  
 Profilit. excipiunt plausu Pisæa juvenus 555  
 Eleæque manus. sequitur Sicyonius Alcon,  
 Et bis in Isthmiaca victor clamatus arena  
 Phædimus, alipedumque fugam prægressus equorum  
 Ante Dymas, sed tunc ævo tardante secutus,  
 Multi & quos variis tacet ignorantia vulgi 560

Hinc atque hinc subiere. sed Arcada Parthenopæum  
 Appellant, densique cient vaga murmura Circi.  
 Nota parens cursu. quis Mœnalæ Atalantes  
 Nesciat egregium decus? & vestigia cunctis  
 Indeprensâ procis? onerat celeberrima natum 565  
 Mater. & ipse procul falæa jam notus inermes  
 Narratur cervas pedes inter aperta Lycæi  
 Tollere, & emissum cursu deprendere telum.  
 Tandem expectatus volucris super agmina saltu  
 Emicat, & torto chlamyden diffibulat auro. 570  
 Effulgere artus, membrorumque omnis aperta est  
 Lætitiæ, insignesque humeri, nec pectora nudis  
 Deteriora genis, latuitque in corpore vultus.  
 Ipse tamen formæ laudem aspernatur, & arcet  
 Mirantes. tunc Palladios non inscius haustus 575  
 Incubuit, pinguique cutem fuscatur olivo.  
 Hoc Idas, hoc more Dymas, alique nitescunt.  
 Sic ubi tranquillo pellucet sidera ponto,  
 Vibraturque fretis cœli stellantis imago,  
 Omnia clara nitent: sed clarior omnia supra 580  
 Hesperos exercet radios, quantusque per altum  
 Aethera, cœruleis tantus monstratur in undis.

Proximus & forma, nec multum segnior Idas  
 Curſibus, atque ævo juxta prior. attamen illi  
 Jam tenuem pingues florem induxere palæſtræ, 585  
 Deſerpitque genis, nec ſe lanugo fatetur  
 Intonſæ ſub nube comæ, tunc rite citatos  
 Explorant, acuuntque gradus, variaſque per artes  
 Inſtimulant docto languentia membra tumultu.  
 Poplite nunc flexo ſidunt, nunc lubrica forti 590  
 Pectora collidunt plauſu: nunc ignea tollunt  
 Crura, breuemque fugam nec opino fine reponunt.  
 Jam ruit atque æquum ſummiſit regula limen,  
 Corripuere leves ſpatium, campoque refulſit  
 Nuda cohors. volucres iisdem modo tardius arvis  
 Iſſe videntur equi. credas e plebe Cydonum 596  
 Parthorumque fuga totidem exiſſiſſe ſagittas.  
 Non aliter celeres Hircana per avia cervi,  
 Cum procul impaſſi fremitum accepere leonis,  
 Sive putant: rapit attonitos fuga cæca, metuſque 600  
 Congregat, & longum dant cornua mixta fragorem.  
 Effugit hic oculos rapida puer ocyor aura  
 Mænalius, quem deinde gradu premit horridus Idas,  
 Inſpiratque humeros, flatuque, & pectoris umbra

Terga premit. poſt ambiguo diſcrimine tendunt 605  
 Phædimus atque Dymas. Illis celer imminet Alcon.  
 Flavus ab intonſo pendeſcit vertice crinis  
 Arcados, hoc primis Triviæ paſcebat ab annis  
 Munus, & Ogygio victor cum Marte rediſſet,  
 Nequicquam patriis audax promiſerat aris. 610  
 Tunc liber nexu, lateque in terga ſolutus  
 Occurſu Zephyri retro fugit, & ſimul ipſum  
 Impedit, infeſtoque volans oſtenditur Idæ.  
 Inde dolum juvenis, fraudique accommoda ſenſit  
 Tempora: jam finem juxta, dum limina victor 615  
 Parthenopæus init, correpto crine reductum  
 Occupat, & longæ primus ferit oſtia portæ.  
 Arcades arma fremunt, armis defendere regem,  
 Ni raptum decus, & meriti reddantur honores,  
 Contendunt, totoque parant decedere Circo. 620  
 Sunt & quis Idæ placeat dolus. ipſe regeſta  
 Parthenopæus humo vultumque oculosque madentes  
 Obruit. accēſſit lachrymarum gratia formæ.  
 Pectora nunc mærens, nunc ora indigna cruento  
 Ungue ſecat, meritamque comam. furit undique  
 clamor 625

Diffonus, ambiguumque senis cunctatur Adraffi  
 Consilium. tandem ipse refert: comescite litem,  
 O pueri! virtus iterum tentanda, sed ite  
 Limite non uno, latus hoc conceditur Idæ,  
 Tu diversa tene: fraus cursibus omnis abesto. 630  
 Audierant, dictoque manent. mox numina supplex  
 Affatu tacito juvenis Tegeæus adorat:  
 Diva potens nemorum (tibi enim hic tibi crinis  
 honori

Debitus, eque tuo venit hæc injuria voto)  
 Si bene quid genitrix, si quid venatibus ipse 635  
 Promerui, ne (quæso) finas hoc omine Thebas  
 Ire, nec Arcadiæ tantum meruisse pudorem.  
 Auditum manifesta fides; vix campus euntem  
 Sentit, & exilis plantis intervenit ær,  
 Raraque non fracto vestigia pulvere pendent. 640  
 Irrupit clamore fores, clamore recurrit  
 Ante ducem, prensaque levat suspiria palma.  
 Finiti cursus, operumque insignia præsto.  
 Arcas equum dono, clypeum gerit improbus Idas,  
 Cætera plebs Lyciis gaudet contenta pharetris. 645  
 Tunc vocat, emissio si quis discernere disco

Impi-

Impiger, & vires velit ostentare superbas.  
 It iustus Prærelas, & ænæ lubrica massæ  
 Pondera, vix toto curvatus corpore juxta 649  
 Dejecit. inspeçant taciti, expendantque laborem  
 Inachidæ. mox turba ruunt, duo gentis Achææ,  
 Tres Ephyreïadæ, Pifa satus unus, Acarnan  
 Septimus, & plures agitabat gloria, ni fe  
 Arduus Hippomedon cavea stimulante tulisset  
 In medios, lateque ferens sub pectore dextro 655  
 Orbem alium: hunc potius juvenes qui mœnia faxis  
 Frangere, qui Tyrias dejectum vaditis arces;  
 Hunc rapite: ast illud cui non jaculabile dextræ  
 Pondus, & abreptum nullo conamine jecit  
 In latus. absistunt procul, attonitique fatentur 660  
 Cedere, vix unus Phlegyas, acerque Menestheus  
 (Hos etiam pudor, & magni tenuere parentes)  
 Promisere manum. concessit cætera pubes  
 Sponte, & adorato rediit ingloria disco.  
 Qualis Bistonis clypeus Mavortis in arvis 665  
 Luce mala Pangæa ferit, solemque refulgens  
 Territat, incussaque dei grave mugit ab hasta.  
 Pifæus Phlegyas opus inchoat, & simul omnes

Staius. T. I.

O

Abstulit in se oculos exhausto corpore virtus 669  
 Promissa. ac primum terra, discumque, manumque  
 Asperat: excusso mox circum pulvere versat  
 Quod latus in digitos, mediæ quod certius ulnæ  
 Conveniat. non artis egens. hic semper amori  
 Ludus erat, patriæ non tantum ubi laudis obiret  
 Sacra, sed alternis Alpheon utrinque solebat 675  
 Metiri ripis, & qua latissima distant  
 Non unquam merso transmittere flumina disco.  
 Ergo operum fidens, non protinus horrida campi  
 Jugera, sed cælo dextram metitur, humique  
 Pressus utroque genu, collecto sanguine discum 680  
 Ipse super sese rotat, atque in nubila condit.  
 Ille citus sublime petit, similisque cadenti  
 Crescit in adversum, tandemque exhaustus ab alto  
 Tardior in terram redit, atque immergitur arvis.  
 Sic cadit, attonitis quoties avellitur astris 685  
 Solis opaca foror, procul auxiliantia gentes  
 Aera crepant, frustra que timent. at Theffala victrix  
 Ridet anhelantes audito carmine bigas.  
 Conlaudant Danaï. sed non tibi molle tuenti  
 Hippomedon, majorque manus speratur in æquo. 690  
 Atque illi extemplo, cui spes infringere dulce

Immodicas, Fortuna venit. quid numins contra  
 Tendere fas homini? spatium jam immane parabat,  
 Jam cervix conversa, & jam latus omne redibat:  
 Excidit ante pedes elapsum pondus, & ictus 695  
 Desistit, frustra que manum dimisit inanem.  
 Ingemuere omnes, rarisque ea visa voluptas.  
 Inde ad conatus timida subit arte Menestheus  
 Cautior, & multum te, Maja nate, rogato  
 Molis prægravidæ castigat pulvere lapsus. 700  
 Illa manu magna, & multum felicior exit,  
 Nec partem exiguam Circi transvecta quievit.  
 Fit sonus, & fixa signatur terra sagitta.  
 Tertius Hippomedon valida ad certamina tardos  
 Molitur gressus. Namque illum corde sub alto 705  
 Et casus Phlegyæ monet, & fortuna Menesthei.  
 Erigit adfuetum dextræ gestamen, & alte  
 Sustentans, rigidumque latus, fortesque lacertos  
 Consultit, ac vasto contorquet turbine, & ipse  
 Prosequitur; fugit horrendo per inania saltu, 710  
 Jamque procul meminit dextræ, servatque tenorem  
 Discus. nec dubia junctave Menesthea victum  
 Transabiit meta. longe super æmula signa

Confedit, viridesque humeros, & opaca Theatri  
 Culmina, ceu latæ tremefecit mole ruinæ. 715  
 Quale vaporifera saxum Polyphemus ab Aetna  
 Lucis egente manu, tamen in vestigia puppis  
 Audita, juxtaque inimicum exegit Ulysses.  
 Sic & Aloidae, cum jam celaret Olympum  
 Desuper Ossa rigens, ipsum glaciale ferebant 720  
 Pelion, & trepido sperabant jungere coelo.  
 Tunc genitus Talao victori tigrin inanem  
 Ire jubet, fulvo quæ circumfusa nitebat  
 Margine, & extremos auro mansueverat ungues.  
 Gnosfiacos arcus habet, & vaga tela Menestheus.  
 At tibi, ait, Phlegya, casu frustrate sinistro, 726  
 Hunc quondam nostri decus, auxiliumque Pelasgi  
 Ferre damus (neque enim Hippomedon inviderit)  
 enfem.  
 Nunc opus est animis infestos tollere cæstus  
 Cominus. Hæc bellis & ferro proxima virtus. 730  
 Constatit immanis cerni, immanisque timeri  
 Argolicus Capaneus. ac dum nigrantia plumbo  
 Tegmina cruda boum, non mollior ipse lacertis  
 Induitur: date tot juvenum de millibus unum

Huc ait; atque utinam potius de stirpe veniret 735  
 Aemulus Aonia, quem fas dimittere leto,  
 Nec mea crudelis civili sanguine virtus.  
 Obstupere animi, fecitque silentia terror.  
 Tandem insperatus nuda de Mebe Laconum  
 Proflit Alcidas: mirantur Dorica regum 740  
 Agmina: sed socii fretum Polluce magistro  
 Norant & sacras inter crevisse palæstras.  
 Ipse deus posuitque manus, & brachia finxit  
 Materiam (suadebat amor) tunc sæpe locavit  
 Cominus, & simili stantem miratus in ira 745  
 Sustulit exultans, nudumque ad pectora pressit.  
 Illum indignatur Capaneus, ridetque vocantem  
 Ut miserans, poscitque alium. tandemque coactus  
 Restitit, & stimulis jam languida colla tumescunt.  
 Fulmineas alte suspensi corpora plantis 750  
 Erexere manus. tuto procul ora recessu  
 Armorum in speculis, aditusque ad vulnera clusi.  
 Hic quantus Stygiis Tityos confurgat ab arvis  
 Si torvæ patiantur aves, tanta undique pandit  
 Membrorum spatia, & tantis ferus ossibus extat. 755  
 Hic paulo ante puer, sed enim maturius ævo

Robur, & ingentes spondet tener impetus annos,  
 Quem vinci haud quisquam, salvo nec sanguine tingi  
 Malit, & erecto timeant spectacula voto.  
 Ut sese permenſi oculis, & uterque priorem 760  
 Speravere locum, non protinus ira, nec ictus:  
 Alternus paulum timor, & permixta furori  
 Conſilia, inclinant tantum contraria jaſtu  
 Brachia, & explorant caſtus, hebetantque terendo.  
 Doctior hic differt animum, metuensque futuri 765  
 Cunctatus vires diſpenſat. at ille nocendi  
 Prodigus, incautusque ſui, ruit omnis, & ambas  
 Conſumit ſine lege manus, atque irrita frendit  
 Inſurgens, ſeque ipſe premit. ſed providus aſtu,  
 Et patria vigil arte Lacon, hos rejicit ictus, 770  
 Hos cavet. interdum nutu, capitique citati  
 Integer obſequio, manibus nunc obvia tela  
 Diſcutiens, inſtat grefſu, vultuque recedit.  
 Saepe etiam injuſtis collatum viribus hoſtem  
 (Is vigor ingenio, tanta experientia dextræ eſt) 775  
 Ultro audax animis intratque & obumbrat, & alte  
 Adſilit, ut præceps cumulo ſalutis unda minantes  
 In ſcopulos, & fracta redit, ſic ille furentem

Circuit expugnans. levat ecce, diuque minatur 779  
 In latus, inque oculos, illum rigida arma caventem  
 Avocat, & manibus necopinum interſerit ictum  
 Callidus, ac mediam designat vulnere frontem.  
 Jam cruor, & tepido ſignantur tempora rivo.  
 Nescit adhuc Capaneus, ſubitumque per agmina  
 murmur  
 Miratur: verum ut feſſam ſuper ora reduxit 785  
 Forte manum, & ſummo maculas in vellere vidit,  
 Non leo, non jaculo tantum indignata recepto  
 Tigris, agit toto cedentem fervidus arvo  
 Præcipitatque retro juvenem, atque in terga ſupinat.  
 Dentibus horrendum ſtridens, geminatque rotatas  
 Multiplicatque manus. rapiunt conamina venti, 791  
 Pars cadit in caſtus. motu Spartanus acuto  
 Mille cavet lapſas circum cava tempora mortes,  
 Auxilioque pedum: ſed, non tamen immemor artis,  
 Adverſus fugit, & fugiens tamen ictibus obſtat. 795  
 Et jam utrumque labor, ſuſpiriaque ægra fatigant.  
 Tardius ille premit. nec jam hic abſiſtere velox.  
 Deſectique ambo genibus, pariterque quierunt.  
 Sic ubi longa vagos laſſarunt æquora nautas,

Et signo de puppe dato posuere parumper 800  
 Brachia; vix requies, jam vox ciet altera remos.  
 Ecce iterum immodice venientem eludit, & exit  
 Sponte ruens, merfusque humeris. effunditur ille  
 In caput. adfurgentem alio puer improbus ictu  
 Perculit, eventuque impalluit ipse secundo. 805  
 Clamorem Inachidæ, quantum non littora tollunt,  
 Non nemora. Illum ab humo conantem ut vidit  
 Adraftus,  
 Tollentemque manus, & non toleranda parantem,  
 Ite, oro, focii, furit: ite, opponite dextras,  
 Festinate, furit, palmamque, & præmia ferte. 810  
 Non prius effraeto quam misceat ora cerebro,  
 Absistet, video. moriturum auferte Lacona.  
 Nec mora, prorumpit Tydeus, nec iussa recusat  
 Hippomedon. tunc vix ambo conatibus ambas 814  
 Restringunt, cohibentque manus, ac plurima suadent.  
 Vincis, abi. pulchrum est vitam donare minori.  
 Noster & hic, bellique comes. Nil frangitur heros,  
 Ramumque oblatumque manu thoraca repellit  
 Vociferans: liceat, non has ego pulvere crasso, 819  
 Atque cruore genas, meruit quibus iste favorem,

Semivir infodiam? mittamque informe sepulchro  
 Corpus? & Oebalio donem lugere magistro?  
 Dixit. at hunc focii tumidum & vicisse negantem  
 Avertunt. contra laudant insignis alumnum  
 Taygeti, longeque minas rifere Lacones. 825  
 Jam dudum variz laudes & conscia virtus  
 Tydea magnanimum stimulis ingentibus angunt.  
 Ille quidem & disco bonus, & contendere cursu,  
 Nec castu bellare minor. sed corde labores  
 Ante alios erat uncta Pale. sic otia Martis 830  
 Degere, & armiferas laxare adfueverat iras,  
 Ingentes contra ille viros, Acheloia circum  
 Littora, felicesque deo monstrante palæstras.  
 Ergo ubi luctandi juvenes animosa citavit  
 Gloria, terrificos humeris Aetolus amictus 835  
 Exuitur, patriumque suem. levat ardua contra  
 Membra, Cleonæ stirpis jactator Agylleus,  
 Herculea nec mole minor: sic grandibus alte  
 Insurgens humeris, hominem super improbus exit.  
 Sed non ille rigor, patriumque in corpore robur.  
 Luxuriant artus, effusaque sanguine laxo 841  
 Membra natant. inde hæc audax fiducia tantum



Oenidæ superare parem. quanquam ipse videri  
 Exiguus, gravia ossa tamen, nodisque lacerti  
 Difficiles nunquam hunc animum Natura minori  
 Corpore, nec tantas ausa est includere vires. 746  
 Postquam oleo gavisa cutis, petit æquor uterque  
 Procurfu medium, atque hausta vestitur arena.  
 Tum madidos artus alterno pulvere siccant,  
 Collaque demerere humeris, & brachia late 850  
 Vara tenent, jam tunc astu deducit in æquum  
 Callidus, & celsum procurvat Agyllea Tydeus  
 Summissus tergo, & genibus vicinus arenæ.  
 Ille autem Alpini veluti regina cupressus  
 Verticis, urgentes cervicem inclinat in Austros, 855  
 Vix sese radice tenens, terræque propinquat,  
 Jam dudum ætherias eadem reditura sub auras.  
 Non fecus ingentes artus præcelsus Agylleus  
 Sponte premit, parvumque gemens duplicatur in  
 hostem:  
 Et jam alterna manus, frontemque, humerosque,  
 latusque, 860  
 Collaque, pectoraque, & vitantia crura laceffit.  
 Interdumque diu pendent per mutua fulti

Brachia, nunc sævi digitorum vincula frangunt.  
 Non sic ductores gemini gregis horrida tauri  
 Bella movent, medio conjux stat candida prato 865  
 Victorem expectans, rumpunt obnixa furentes  
 Pectora, subdit amor stimulos, & vulnera sanat.  
 Fulminei sic dente sues, sic hispida turpes  
 Prælia villosis ineunt complexibus urfi.  
 Vis eadem Oenidæ. nec sole, aut pulvere fessa 870  
 Membra labant. riget arcta cutis, durisque laborum  
 Castigata toris. contra non integer ille  
 Flatibus alternis, ægroque effectus hiatu  
 Exiit ingestas fluvio fudoris arenas,  
 Ac furtim rapta sustentat pectora terra. 875  
 Instat agens Tydeus, fictumque in colla minatus  
 Crura subit. cæptis non evaluere potiri  
 Frustratæ brevitæ manus. venit arduus ille  
 Desuper, oppressumque ingentis mole ruina  
 Condidit. Haud aliter collis scrutator Iberi 880  
 Cum subiit, longeque diem, vitamque reliquit,  
 Si tremuit suspensus ager, subitumque fragorem  
 Rupta dedit tellus: latet intus monte soluto  
 Obrutus, ac penitus fractum obductumque cadaver

Indignantem animum propriis non reddidit astris. 885  
 Acrior hoc Tydeus, animisque & pectore supra est.  
 Nec mora, cum vinclis onerique elapsus iniquo  
 Circumit errantem, & tergo nec opinus inharet:  
 Mox latus, & firmo celer implicat ilia nexu;  
 Poplitibus genua inde premens evadere nodos 890  
 Nequicquam, & lateri dextram infertare parantem  
 Improbus, horrendum visu ac mirabile pondus  
 Sustulit. Herculeis pressum sic fama lacertis  
 Terrigenam sudasse Libyn, cum fraude reperta  
 Raptus in excelsum, nec jam spes ulla cadendi, 895  
 Nec licet extrema matrem contingere planta.  
 Fit sonus, & lætos attollunt agmina plausus.  
 Tunc alte librans inopinum sponte remisit.  
 Obliquumque dedit, procumbentemque secutus  
 Colla simul dextra, pedibus simul inguina vinxit. 900  
 Deficit obsessus, soloque pudore repugnat.  
 Tandem pectus humi, pronamque extensus in alvum  
 Sternitur, ac longo mœstus post tempore surgit,  
 Turpia signata linquens vestigia terra.  
 Palmam autem dextra, lævaque nitentia dono 905  
 Arma ferens Tydeus. quid si non sanguinis hujus

Partem haud exigua (scitis) Dirceus haberet  
 Campus, ubi hæ nuper Thebarum fœdera plagæ?  
 Hæc simul ostentans, quæsitæque præmia laudum  
 Dat fociis. sequitur neglectus Agyllea thorax. 910  
 Sunt & qui nudo subeant concurrere ferro.  
 Jamque aderant instructi armis Epidaurius Agreus,  
 Et nondum fati Dirceus agentibus exul.  
 Dux vetat Jasides; Manet ingens copia leti  
 O juvenes: servare animos, avidumque furorem 915  
 Sanguinis adversi. tuque ô quem propter avita  
 Jugera, dilectas cui desolavimus urbes,  
 Ne precor ante aciem, jus tantum casibus esse,  
 Fraternalque finas (abigant hoc numina) votis.  
 Sic ait. atque ambos aurata casside ditat. 920  
 Tunc genero ne laudis egens, jubet ardua neçi  
 Tempora, Thebarumque ingenti voce citari  
 Victorem. diræ retinebant omina Parcæ.  
 Ipsum etiam proprio certamina festa labore  
 Dignari, & tumulo supremum hunc addere honorem,  
 Hortantur proceres. ac ne victoria desit 926  
 Una ducum numero, fundat vel Lycia cornu  
 Tela rogant, tenui vel nubila transeat hasta.

Obsequitur gaudens, viridique ex aggere in æquum  
 Stipatus, summis juvenum descendit. at illi 930  
 Pone leves portat pharetras, & cornua iustus  
 Armiger. ingentem jactu transmittere circum  
 Eminus, & dictæ dare vulnera destinat orno.  
 Quis fluere occultis rerum neget omina caulis?  
 Fata patent homini, piget inservare, peritque 935  
 Venturi promissa fides. sic omina casum  
 Fecimus, & vires auxit Fortuna nocendi.  
 Campum emensa brevi fatalis ab arbore tacta  
 Horrendum visu, per quas modo fugerat auras,  
 Venit arundo retro, versumque a fine tenorem 940  
 Pertulit, & notæ juxta ruit ora pharetræ.  
 Multa duces errore ferunt, hi nubila, & altos  
 Occurrisse Notos. adverso roboris ictu  
 Tela repulsa alii. penitus latet exitus ingens,  
 Monstratumque nefas. uni remeabile bellum. 945  
 Et tristes domino spondebat arundo recursus.



P. PAPINII STATII  
 THEBAIDOS  
 LIBER VII.

ATQUE ea cunctantes Tyrii primordia belli  
 Juppiter haud æquo respexit corde Pelasgos,  
 Concussitque caput, motu quo celsa laborant  
 Sidera, proclamatque adici cervicibus Atlas.  
 Tunc ita velocem Tegees affatur alumnum: 5  
 I, medium rapido, Borean illabere saltu  
 Bistonias super usque domus, axemque nivosi  
 Sideris: Oceano vetitum qua Parrhæsis ignem  
 Nubibus hybernis, & nostro pascitur imbri.  
 Atque ibi seu posita respirat cuspide Mavors 10  
 (Quanquam invisâ quies) seu quod reor, arma  
 tubasque  
 Infatigatus habet, caræque in sanguine gentis  
 Luxuriat. propeere monitus, iramque parentis

Ede, nihil parcens. nempe olim accendere jussus;  
 Inachias acies, atque omne quod Isthmius umbo 15  
 Distinet, & raucæ circumtonat ira Maleæ.  
 Illi vix muros, limenque egressa juvenus  
 Sacra colunt. credas bello rediisse, tot instant  
 Plausibus, offensique sedent ad iusta sepulchri.  
 Hicne tuus, Gradive, furor? sonat orbe recusso 20  
 Discus, & Oebalii coeunt in prælia cæstus.  
 At si ipsi rabies, ferrique infana voluptas  
 Qua tumet; immeritas cineri dabit impius urbes  
 Ferrum, ignemque ferens, implorantesque Tonantem  
 Sternet humi populos, miserumque exhauriet orbem.  
 Nunc lenis belli, nostraque remittitur ira. 26  
 Quod nisi præcipitat pugnas, dictoque jubentis  
 Ocyus impingit Tyriis Danaa agmina muris,  
 (Nil equidem crudele minor) sit mite, bonumque  
 Numen, & effreni laxentur in otia mores. 30  
 Reddat equos, enssemque mihi, nec sanguinis ultra  
 Jus erit. aspiciam terras, pacemque jubebo  
 Omnibus, Ogygio sat erit Tritonia bello.  
 Dixerat, & Thracum Cyllenius arva subibat:  
 Atque illum Arctoæ labentem cardine portæ 35

Tem-

Tempestat æterna plagæ, prætentaque cælo  
 Agmina nimborum, primique Aquilonis hiatus  
 In diversa ferunt. crepat aures grandine multa  
 Palla, nec Arcadii bene protegit umbra galeri.  
 Hic steriles delubra notat Mavortia sylvas 40  
 Horrescitque tuens: ubi mille furoribus illi  
 Cingitur adverso domus immansueta sub Hæmo.  
 Ferrea compago laterum, ferro arcta teruntur  
 Limina, ferratis incumbunt testa columnis.  
 Læditur adversum Phœbi jubar, ipsaque sedem 45  
 Lux timet, & dirus contristat sidera fulgor.  
 Digna loco statio. primis salit Impetus amens  
 E foribus, cæcumque Nefas, Iræque rubentes,  
 Exanguesque Metus, occultisque ensibus astant  
 Insidiæ, geminumque tenens Discordia ferrum. 50  
 Innumeris strepit aula minis. tristissima Virtus  
 Stat medio, lætusque Furor, vultuque cruento  
 Mors armata sedet: bellorum solus in aris  
 Sanguis, & incensis qui raptus ab urbibus ignis.  
 Terrarum exuviæ circum, & fastigia templi 55  
 Captæ insignibant gentes, cælataque ferro  
 Fragmina portarum, bellatricesque carinæ,

Statius. T. I.

P

Et vacui currus, protritæque curribus ora.  
 Pæne etiam gemitus, adeo vis omnis, & omne  
 Vulnus. ubique ipsum, sed non usquam ore remisso  
 Cernere erat. talem divina Mulciber arte 61  
 Ediderat. nondum radiis monstratus adulter  
 Fœda catenato luerat connubia lecto.  
 Quærere templorum regem vix cœperat ales  
 Mænalius, tremit ecce solum, & mugire refractis 65  
 Corniger Hebrus aquis. tunc quod pecus utile bellis  
 Vallem infestabat, trepidas spumare per herbas,  
 Signa adventantis, clausæque adamante perenni  
 Dissiluire fores. Hircano in sanguine pulcher  
 Ipse subit curru, diraque aspergine latos 70  
 Mutat agros, spolia a tergo, flentesque catervæ.  
 Dant sylvæ, nixque alta locum. regit atra jugales  
 Sanguinea Bellona manu, longaque fatigat  
 Cuspide. dirigit visu Cyllenia proles,  
 Summisitque genas. ipsi reverentia patri, 75  
 Si prope sit, dematque minas, nec talia mandat.  
 Quod Jovis imperium? magno quid ab æthere portas?  
 Occupat Armipotens. neque enim hunc, germane,  
 sub axem

Sponte venis, hyemesque meas, cui rosca juxta  
 Mænala, & æstivi clementior aura Lycæi. 80  
 Ille refert consulta patris. nec longa moratus  
 Sicut anhelabant juncto sudore volantes  
 Mars impellit equos, residesque in prælia Grajos  
 Ipse etiam indignans. Vidit pater altus, & ira  
 Jam levior, tardo flestebat pondere vultum. 85  
 Ut si quando ruit, debellatasque reliquit  
 Eurus aquas, pax ipsa tumet, pontumque jacentem  
 Exanimis jam volvit hyems: nondum arma carinis  
 Omnia, nec toto respirant pectore nautæ.  
 Finierat pugnas honor exequialis inermes, 90  
 Nec dum aberant cœtus, cunctisque silentibus heros  
 Vina solo fundens, cinerem placabat Adrastus  
 Archemori: da, parve, tuum trieteride multa  
 Instaurare diem, nec faucius Arcadas aras  
 Malit adire Pelops, Elæaque pulset eburna 95  
 Tempa manu, nec Castaliis altaribus anguis,  
 Nec sua pinigero magis adnatet umbra Lechæo.  
 Nos te lugenti puer inficiamur Averno,  
 Mœstaque perpetuis solennia jungimus astris.  
 Nunc festina cohors. at si Bœotia ferro 100

Vertere tecta dabis, magnis tunc dignior aris,  
 Tunc deus; Inachias nec tantum culta per urbes  
 Numina, captivis etiam jurabere Thebis.  
 Dux ea pro cunctis: eadem sibi quisque vovebat.  
 Jam pronis Gradivus equis Ephyrae premebat 105  
 Littora, qua summas caput Acrocorinthus in auras  
 Tollit, & alterna geminum mare protegit umbra.  
 Inde unum dira comitum de plebe Pavorem  
 Quadrupedes anteire jubet. non alter anhelos  
 Insinuare metus, animumque avertere veris 110  
 Aptior. innumerae monstro vocesque, manusque,  
 Et facies quaecunque libet. bonus omnia credi  
 Auctor, & horrificis lymphare incurfibus urbes.  
 Si geminos soles, ruituraque suadeat astra,  
 Aut nutare solum, aut veteres descendere sylvas,  
 Ah miseri vidisse putent. tunc acre novabat 116  
 Ingenium. falso Nemeæum pulvere campum  
 Erigit. attoniti tenebrosam a vertice nubem  
 Respexere duces. falso clamore tumultum  
 Auget, & arma virum, pulsusque imitatur equorum,  
 Terribilemque vagas ululatum spargit in auras. 121  
 Exiluere animi, dubiumque in murmure vulgus

Pendet. ubi iste fragor? ni fallimur aure. sed unde  
 Pulvereo stant astra globo? num Ismenius ultro  
 Miles? ita est. veniunt. tanta autem audacia Thebis?  
 An dubitent? agedum inferias & busta colamus. 126  
 Hæc Pavor attonitis, variosque per agmina vultus  
 Induitur, nunc Pisæis e millibus unus,  
 Nunc Pylus, nunc ore Lacon, hostesque propinquos  
 Adjurat, turmasque metu consternat inani. 130  
 Nil falsum trepidis. ut vero amentibus ipse  
 Incidit, & sacrae circum fastigia vallis  
 Turbine prævectus rapido, ter sustulit hastam,  
 Ter concussit equos, clypeum ter pectore plaufit,  
 Arma, arma infani, sua quisque, ignotaque nullo  
 More rapit, mutant galeas, alienaque cogunt 136  
 Ad juga cornipedes: ferus omni in pectore sævit  
 Mortis amor, cædisque. nihil flagrantibus obstat.  
 Præcipitant, redimuntque moras. sic littora vento  
 Incipiente fremunt, fugitur cum portus ubique, 140  
 Vela fluunt, laxi jactantur ubique rudentes.  
 Jamque natant remi, natat omnis in æquore summo  
 Anchora, jam dulcis medii de gurgite ponti  
 Respicitur tellus, comitesque a puppe relictæ.

Viderat Inachias rapidum glomerare cohortes 145  
 Bacchus iter. gemit Tyriam conversus ad urbem,  
 Altricemque domum, & patrios reminiscitur ignes,  
 Purpureum tristi turbatus pectora vultum:  
 Non crines, non ferta loco, dextramque reliquit  
 Thyrsus, & intactæ ceciderunt cornibus uvæ. 150  
 Ergo ut erat lachrymis, lapsoque inhonorus amictu  
 Ante Jovem (& tunc forte polum secretus habebat)  
 Constat, haud unquam facie conspectus in illa,  
 (Nec causæ latuere patrem) supplexque profatur.  
 Exscindisne tuas divûm fator optime Thebas? 155  
 Sæva adeo conjux? nec te telluris amata,  
 Deceptique laris miseret, cinerumque meorum?  
 Esto, olim invitum jaculatus nubibus ignem,  
 Credimus. En iterum atra refers incendia terris,  
 Nec Styge jurata, nec pellicis arte rogatus. 160  
 Quis modus? an nobis pater iratusque bonusque  
 Fulmen habes? sed non Danaeïa limina talis,  
 Parrhasiumque nemus, Ledæasque ibis Amyclas.  
 Scilicet e cunctis ego neglectissima natis  
 Progenies? ego nempe tamen qui dulce ferenti 165  
 Ponderus eram, cui tu dignatus limina vita

Præreptumque iter, & maternos reddere menses.  
 Adde quod imbellis, rarisque exercita castris  
 Turba meas acies, mea tantum prælia norunt:  
 Nectere fronde comas, & ad inspirata rotari 170  
 Buxa, timent thyrsos nuptarum, & prælia matrum.  
 Unde tubas, Martemque pati? quin fervidus eccæ  
 Quanta parat? quid si ille tuos Curetas in arma  
 Ducat? & innocuis jubeat decernere peltis?  
 Quin etiam invisos (sic hostis defuit?) Argos 175  
 Elicis. ô ipsis genitor graviora periclis  
 Jussa, novercales ruimus ditare Mycenæ.  
 Cedo equidem, quo sacra tamen, ritusque peremptæ  
 Gentis? & in tumulos si quid male sæta reliquit  
 Mater, abire jubes? Thracen, sylvasque Lycurgi? 180  
 An ne triumphatos fugiam captivus ad Indos?  
 Da sedem profugo. potuit Latonia, frater  
 Saxa (nec invideo) defigere Delon, & imis  
 Commendare fretis. cara submovit ab arce  
 Hostiles Tritonis aquas. vidi ipse potentem 185  
 Gentibus Eois Epaphum dare jura, nec ullas  
 Cyllene secreta tubas, Minoave curat  
 Ida. quid heu tantum nostris offenderis aris?

Hic tibi (quando minor jam nostra potentia) noctes  
 Herculeæ, placitusque vagæ Nyctæidos ardor, 190  
 Hic Tyrium genus, & nostro felicior igne  
 Taurus: Agenoreos saltem tutare nepotes.  
 Invidiam risit pater, & jam poplite flexum,  
 Sternentemque manus tranquillus ad oscula tollit.  
 Inque vicem placida orsa refert. Non conjugis ista  
 Consiliis (ut rere) puer, nec sæva roganti 196  
 Sic expositus ego. immoto deducimur orbe  
 Fatorum, veteres, feræque in prælia causæ.  
 Nam cui tanta quies irarum? aut sanguinis usus  
 Parcior humani? videt axis, & ista per ævum 200  
 Mecum æterna domus, quoties jam torta reponam  
 Fulmina, quam rarus terris hic imperet ignis.  
 Quin etiam invitus magna, ulciscendaque passis  
 Aut Lapithas Marti, aut veterem Calydonæ Dianæ  
 Expugnare dedi. meaque est jactura, pigetque 205  
 Tot mutare animas, tot reddere corpora vitæ.  
 Labdacios vero, Pelopisque a stirpe nepotes  
 Tardum, abolere mihi. scis ipse ut crimina mittam  
 Dorica, quam promptæ Superos incessere Thebæ.  
 Te quoque, (sed quoniam vetus excidit ira) filebo. 210

Non tamen aut patrio respersus sanguine Pentheus,  
 Aut matrem scelerasse toris, aut crimine fratres  
 Progenuisse reus, lacero tua lustra replevit  
 Funere. ubi fletus? ubi tunc ars tanta precandi?  
 Ast ego non proprio diros impendo dolori 215  
 Oedipodionidas. rogat hoc tellusque, polusque,  
 Et pietas, & læsa fides, naturaque, & ipsi  
 Eumenidum mores. sed tu super urbe moveri  
 Parce tua. non hoc statui sub tempore rebus  
 Occasum Aoniis. veniet suspectior ætas, 220  
 Ultioresque alii. nunc regia Juno queretur.  
 His ille auditis, mentemque habitumque recepit.  
 Ut cum sole malo, tristisque rosaria pallent  
 Usta Noto, si clara dies, Zephyrique refecit  
 Aura polum, redit omnis honos, emissaque lucent  
 Germina, & informes ornat sua gloria virgas. 226  
 Nuncius attonitas jam dudum Etheoclis ad aures  
 Explorata ferens, longo docet agmine Grajos  
 Ire duces; nec jam Aoniis procul abfore campis:  
 Quacunque ingressi tremere, ac miserescere cunctos  
 Thebarum, qui stirpe refert, qui nomine, & armis.  
 Ille metum condens, audire exposcit, & odit 232



Narrantem. hinc dictis socios stimulare, suasque  
 Metiri decernit opes. exciverat omnem  
 Aoniam, Eubœamque, & Phocidos arva propinqua  
 Mars, ita dulce Jovi. longo fugit ordine velox 236  
 Tessera. propellunt acies, seseque sub armis  
 Ostentant, subeunt campo, qui proximus urbi  
 Damnatus bellis patet, expectatque furores.  
 Nondum hostis circa, trepido tamen agmine matres  
 Conscendunt muros, inde arma nitentia natis 241  
 Et formidandos monstrant sub casside patres.  
 Turre procul sola nondum concessa videri  
 Antigone populis, teneras defenditur atra  
 Veste genas, juxtaque comes, quo Læius ibat 245  
 Armigero, tunc virgo senem regina veretur.  
 Quæ sic orsa prior; Spesne obstat Pelasgis  
 Hæc vexilla, pater? Pelopis descendere totas  
 Audimus gentes. dic o precor exera regum 249  
 Agmina. Nam video, quæ noster signa Menceus,  
 Quæ noster gerat arma Creon, quam celsus æna  
 Sphynge per ingentes Homoloïdas exeat Hæmon.  
 Sic rudis Antigone. senior cui talia Phorbas:  
 Mille sagittiferos gelidæ de colle Tanagræ 254

Promovet ecce Dryas. hic cui nivea arma tridentem,  
 Atque auro rude fulmen habent, Orionis alti,  
 Non falsus virtute nepos, procul, oro, paternum  
 Omen, & innuptæ vetus excidat ira Dianæ.  
 Jungunt se castris, regisque in nomen adoptant  
 Ocaleæ, Medeonque, & confertissima lucis 260  
 Nyfa, Dionæisque avibus circumsona Thisbe.  
 Proximus Eurymedon, cui pastoralia Fauni  
 Arma patris, pinusque jubas imitatur equinas  
 Terribilis sylvis. reor & Mavorte cruento  
 Talis erit. dites pecorum comitantur Erythræ. 265  
 Qui Scolon, densamque jugis Eteonon iniquis,  
 Qui breve littus Hyles, Atalantæumque superbi  
 Schænon habent, notique colunt vestigia campi.  
 Fraxineas vibrant Macetum de more sarissas:  
 Sævaque difficiles excludere vulnera peltas. 270  
 Ecce autem clamore ruunt Neptunia plebes  
 Onchesti, quos pinigeris Mycalesfos in agris,  
 Palladiusque Melas, Hecataæque gurgite nutrit  
 Gargaphye: quorumque novis Haliartos aristis,  
 Invidet, & nimia fata læta supervenit herba. 275  
 Tela rudes trunci, galeæ vacua ora leonum,

Arborei dant scuta sinus. hos regis egenos  
 Amphion en noster agit (cognoscere pronum  
 Virgo) lyra galeam, tauroque insignis avito. 279  
 Maeste animo juvenis, medios parat ire per enses,  
 Nudaque pro caris opponere pectora muris.  
 Vos etiam nostris, Heliconia turba, venitis  
 Addere rebus opem. tuque, ô Permesse, canoris  
 Et, felix Olmie, vadis, armatis alumnos  
 Bellorum resides. patriis concentibus audis 285  
 Exultare gregem. quales cum pallida cedit  
 Bruma, renidentem deducunt Strymona cygni.  
 Ite alacres, nunquam vestri morientur honores,  
 Bellaque perpetuo memorabunt carmine Musæ.  
 Dixerat, & paulum virgo interfata docenti. 290  
 Illi autem, quam junguntur origine fratres?  
 Sic certe paria arma viris, sic exit in auras  
 Cassidis æquas apex. utinam hæc concordia nostris  
 Cui senior ridens: Non prima errore videndi  
 Falleris, Antigone. multi hos (nam decipit ætas)  
 Dixerunt fratres. pater est, natusque, sed ævi 296  
 Confudere modos, puerum Lapithonia nympa  
 Dirctis, expertem thalami, crudumque maritis

Ignibus, ante diem cupido violavit amore,  
 Improba connubii: nec longum & pulcher Alathreus  
 Editus, ac primæ genitorem in flore juventæ 301  
 Consequitur, traxitque notas, & miscuit annos.  
 Et nunc sic fratres mentito nomine gaudent:  
 Plus pater, hunc olim juvat, & ventura senectus.  
 Tercentum genitor, totidemque in prælia natus 305  
 Exercent equites. hæc deseruisse feruntur  
 Exilem Glifanta, Coroniamque, feracem  
 Messe Coronian, Baccho Glifanta colentes.  
 Sed potius celos umbrantem hunc aspice late  
 Hypsea quadrijugos, clypei septemplice tauro 310  
 Lava, ter infuto servantem ingentia ferro  
 Pectora: nam tergo nunquam metus. hasta vetustum  
 Sylvarum decus, emissæ cui pervia semper  
 Armaque, pectoraque, & nunquam manus irrita voti.  
 Afopos genuisse datur, dignusque videri 315  
 Tunc pater, abruptis cum torrentissimus exit  
 Pontibus, aut natæ tumidus cum virginis ultor  
 Flumina concussit, generum indignata Tonantem.  
 Namque ferunt raptam patriis Aeginan ab undis  
 Anplexu latuisse Jovis. furit amnis, & astris 320

Infensus bellare parat (nondum ista licebant  
 Nec Superis) stetit audaces effusus in iras,  
 Conferuitque manus, nec quem imploraret habebat,  
 Donec vi tonitrus fummotus, & igne trifulco  
 Cessit: adhuc ripis animosus gurgis anhelis, 325  
 Fulmineum cinerem, magnæque insignia pœnæ  
 Gaudet, & Aetneos in cœlum efflare vapores.  
 Talem Cadmeo mirabimur Hypseæ campo,  
 Si modo placavit felix Aegina Tonantem.  
 Ducit Itonæos & Alalcomenæa Minervæ 330  
 Agmina, quos Mide, quos humida suggerit Arne,  
 Aulida qui Græamque ferunt, viridesque Plateas,  
 Et fulco Peteona domant, refluxumque meatu  
 Euripum, qua noster abit, teque ultima tractu  
 Anthedon, ubi gramineo de littore Glaucus 235  
 Poscentes irrupit aquas, jam crine genisque  
 Cœrulus, & mixtos expavit ab inguine pisces.  
 Glandibus & torta Zephyros incidere funda  
 Cura: cydoneas anteibunt gesa sagittas.  
 Tu quoque præclarum forma, Cephisse, dedisses 340  
 Narcissum, sed Thespiacis jam pallet in agris  
 Trux puer. orbata florem pater alluit unda.

Quis tibi Phœbæas acies, veteremque revolvat  
 Phocida? qui Panopen, qui Daulida, qui Cyparissos,  
 Et valles Lebadea tuas, & Hyampolin acri 345  
 Subnixam scopulo, vel qui Parnasson utrumque  
 Aut Cyrrham tauris, Anemoriamque supinant  
 Coryciumque nemus? propellentemque Lilæam  
 Cephissi glaciale caput, quo fuetus anhelam  
 Ferre sitim Python, amnemque avertere ponto. 350  
 Omnibus immixtas cono super aspice lauros,  
 Armaque, vel Tityon, vel Delon habentia, vel quas  
 Hic deus innumera laxavit cæde pharetras.  
 Iphitus acer agit genitor, cui nuper adeptus  
 Naubolus Hippasides, tuus, ô mitissime Lai, 355  
 Hospes, adhuc currus, securaque lora tenebat,  
 Cum tua subter equos jacuit convulsa cruentis  
 Ictibus, ô utinam nostro cum sanguine, cervix.  
 Dicentis maduere genæ, vultumque per omnem  
 Pallor iit, vocisque repens singultus apertum 360  
 Intercepit iter. refovet frigentis amicum  
 Pectus alumna senis. redit, atque exile profatur:  
 O mihi sollicitum decus ac suprema voluptas  
 Antigone, feras tibi demoror improbus umbras,

Fors eadem scelera & cædes visurus avitas. 365  
 Donec te thalamis habilem, integramque resignem,  
 Hoc satis, & fessum vita dimittite Parcæ.  
 Sed dum labor iners, quanti nunc ecce reviso  
 Transfabiere duces. Clonium atque in terga comantes  
 Non ego Abantiadas, non te faxosa Caryste, 370  
 Non humiles Aegas, altumque Capharea dixi.  
 Et jam acies obrufa negat, cunctique resistunt:  
 Et tuus armatis jubet ecce silentia frater.  
 Vix ea turre senex, cum ductor ab aggere cœpit:  
 Magnanimi reges, quibus haud parere recusem 375  
 Ductor, & ipse meas miles defendere Thebas,  
 Non ego vos stimulare parem, (nam liber in arma  
 Impetus, & meritas ultro jurastis in iras)  
 Nec laudare satis, dignasque rependere grates  
 Sufficiam. referent Superi, vestraque subacto 380  
 Hoste manus. urbem focia de gente subistis  
 Tutari, quam non aliis populator ab oris  
 Belliger, externave fatus tellure, sed hostis  
 Indigena adsultat, cui castra adversa regenti 384  
 Hic pater, hic genitrix, hic junctæ stirpe sorores,  
 Hic erat & frater. cerne en ubicunque nefandus

Exci-

Excidium moliris avis. venere volentes  
 Aoniæ populi, nec sum tibi, sæve, relictus.  
 Quid velit ista cohors, & te sentire decebat.  
 Reddere regna vetant. Sic fatus, & omnia rite 390  
 Disponit, qui bella gerant, qui mœnia fervent,  
 Quas in fronte manus, medio quas robore sistat.  
 Perspicuas sic luce fores, & virgea pastor  
 Claustra levat, dum terra recens. jubet ordine primos  
 Ire duces, media stipantur plebe maritæ: 395  
 Ipse levat gravidas, & humum tactura parentum  
 Ubera, succiduasque adportat matribus agnas.  
 Interea Danaï noctemque diemque sub armis,  
 Noctem iterum rursusque diem (sic ira ferebat)  
 Ingeminant. contempta quies, vix aut sopor illis,  
 Aut epulæ fecere moram. properatur in hostem 401  
 More fugæ. nec monstra tenent, quæ plurima nescit  
 Prodigiale canens, certi fors prævia fati.  
 Quippe ferunt diros monitus, volucresque, feræque,  
 Sideraque, averisque suis decursibus amnes: 405  
 Infestumque tonat pater, & mala fulgura lucent.  
 Terrificæque adytis voces, clausæque deorum  
 Sponte fores. nunc sanguineus, nunc faxeus imber,

Staius. T. I.

Q

Et subiti Manes, flentumque occurfus avorum.  
 Tunc & Apollineæ tacuere oracula Cyrrhae, 410  
 Et non adfuetis pernox ululavit Eleufin  
 Menfibus, & templis Sparte præfaga reclusis,  
 Vidit Amyclæos (facinus!) concurrere fratres.  
 Arcades infanas latrare Lycaonis umbras  
 Noctæ ferunt tacita. fævo decurrere campo 415  
 Oenomaum fua Pifa refert. Acheloon utroque  
 Deformem cornu vagus infamabat Acarnan.  
 Perfeos effigiem mœftam exorantque Mycenæ.  
 Confufum Junonis ebur: mugire potentem  
 Inachon agricolæ, gemini maris incola narrat 420  
 Thebanum toto planxiffe Palæmona ponto.  
 Hæc audit Pelopea phalanx, fed bellicus ardor  
 Confiliis obftat divûm, prohibetque timeri.  
 Jam ripas, Afope, tuas, Bœotaque ventum  
 Flumina, non aufæ transmittere protinus alæ 425  
 Hoftilem fluvium. forte & trepidantibus ingens  
 Descendebat agris, animos five imbrifer arcus  
 Seu montana dedit nubes, feu fluminis illa  
 Mens fuit, objectusque vado pater arma vetabat.  
 Tunc ferus Hippomedon magno cum fragmine ripæ

Cunctantem dejecit equum, ducibusque relictis 431  
 Gurgite de medio frenis fufpenfus, & armis,  
 Ite viri, clamat: fic vos in mœnia primus  
 Ducere, fic claufas voveo perfringere Thebas.  
 Præcipitant cuncti fluvio, puduitque fecutos. 435  
 Ac velut ignotum fi quando armenta per amnem  
 Pastor agit, ftat triftæ pecus, procul altera tellus  
 Omnibus, & late medius timor: aft ubi ductor  
 Taurus init, fecitque vadum, tunc mollior unda,  
 Tunc faciles faltus, vifæque accedere ripæ. 440  
 Haud procul inde jugum, tutifque accommoda caftis  
 Arva notant, unde urbem etiam turrefque videre  
 Sidonias. placuit fedes, fidique receptus,  
 Colle per excelfum patulo, quem fubter aperto  
 Arva finu, nullique aliis a montibus obftant 445  
 Deftectus. nec longa labor munimina durus  
 Addidit; ipfa loco mirum Natura favebat.  
 In vallum elatæ rupes, devexaque foffis  
 Aequa, & fortuito ductæ quater aggere pinna.  
 Cætera dant ipfi, donec fol montibus omnis 450  
 Erepsit, rebusque dedit fopor otia fellis.  
 Quis queat attonitas dictis oftendere Thebas?

Urbem in conspectu belli suprema parantem  
 Territat infomnem nox atra, diemque minatur.  
 Discurrunt muris. nil septum horrore sub illo, 455  
 Nil fidum satis, invalidæque Amphionis arces.  
 Rumor ubique altus, pluresque annunciat hostes,  
 Majoresque timor. spectant tentoria contra  
 Inachia, externosque suis in montibus ignes.  
 Hi precibus, questuque deos: hi Martia tela 460  
 Belligerosque hortantur equos: hi pectora fletu  
 Cara premunt, miserique rogos, & crastina mandant  
 Funera. si tenuis demisit lumina somnus,  
 Bella gerunt: modo lucra moræ, modo tædia vitæ  
 Attonitis, lucemque timent, lucemque precantur. 465  
 It geminum excutiens anguem, & bacchatur utrisque  
 Tisiphone castris: fratrem huic, fratrem ingerit illi,  
 Aut utrique patrem. procul ille penetibus imis,  
 Excitus implorat furias, oculosque reposcit.  
 Jam gelidam Phœben & caligantia primus 470  
 Hauserat astra dies, cum jam tumet igne futuro  
 Oceanus, lateque novo Titane reclusum  
 Aequor, anhelantum radiis subsidit equorum.  
 Ecce truces oculos sordentibus obsita canis

Exanguisque Jocasta genas, & brachia planctu 475  
 Nigra ferens, ramumque olæ cum velleris atri  
 Nexibus, Eumenidum velut antiquissima, portis  
 Egreditur, magna cum majestate malorum.  
 Hinc atque hinc natæ melior jam sexus, aniles  
 Præcipitantem artus, & plusquam posset euntem 480  
 Sustentant. venit ante hostes, & pectore nudo  
 Claustra adversa ferit, tremulisque ululatus orat  
 Admitti. referare viam rogat impia belli  
 Mater, in his aliquod jus execrabile castris  
 Huic utero est. trepidi visam expavere Manipli, 485  
 Auditamque magis. remeat jam missus Adrasto  
 Nuncius. excipiunt jussi, mediosque per enses  
 Dant iter. illa duces ut primum aspexit Achivos,  
 Clamorem horrendum luctu furiata resolvit:  
 Argolici proceres, hei quis monstraverit hostem 490  
 Quem peperit? quam inveniam (mihi dicite) natum  
 Sub galea? venit attonitæ Cadmeius heros  
 Obvius, & raptam lachrymis gaudentibus implet,  
 Solaturque tenens, atque inter singula, matrem,  
 Matrem iterat: nunc ipsam urgens, nunc cara fororum  
 Pectora, cum mixta fletus anus asperat ira: 496

Quid molles lachrymas, venerandaque nomina fingis,  
 Rex Argive, mihi? Quid colla amplexibus ambis,  
 Invisamque teris ferrato pectore matrem?  
 Tunc ille exilio vagus? & miserabilis hospes? 500  
 Quem non permoveas? longe tua iussa cohortes  
 Expectant, multoque latus præfulgurat ense.  
 Ah miseræ matres! hunc te noctesque, diesque,  
 Dessebam si verba tamen, monitusque tuorum  
 Dignaris, dum castra silent, suspensaue bellum 505  
 Horrescit pietas, genitrix, jubeoque, rogoque,  
 I mecum, patriosque deos, arsuraque saltem  
 Tecta vide, fratremque (quid aufers lumina?) fratrem  
 Alloquere, & regnum jam me sub iudice posce.  
 Aut dabit aut ferrum causa meliore refumes. 510  
 Anne times, ne forte doli, & te conscia mater  
 Decipiam? non sic miseros fas omne penates  
 Effugiet: vix Oedipode ducente timeres.  
 Nupsi equidem, peperique nefas, sed diligo tales,  
 Ah dolor, & vestros etiamnum excuso furores. 515  
 Quod si adeo perstas, ultro tibi, sæve, triumphum  
 Detulimus, religa captas in terga sorores,  
 Injice vincla mihi. gravis huc, utcumque feretur:

Et pater. Ad vestrum gemitus nunc verto pudorem,  
 Inachidæ: liquistis enim parvosque senesque, 520  
 Et lachrymas has quisque domi, sua credite matri  
 Viscera. si vobis hic parvo in tempore carus  
 (Sitque precor) quid me, oro, decet? quidve ista,  
 Pelasgi,  
 Ubera? ab Hircanis hoc Odrysisque tulissem  
 Regibus, & siqui nostros vicere furores. 525  
 Annuite, aut natum complexa superstite bello  
 Hic moriar. Tumidas frangebant dicta cohortes  
 Nutantesque virum galeas, & sparsa videres  
 Fletibus arma piis. Quales ubi tela, virosque  
 Pectoris impulsu rapidi stravere leones: 530  
 Protinus ira minor, gaudentque in corpore capto  
 Securam differre famem. sic flexa Pelasgum  
 Corda labant, ferrique avidus mansueverat ardor.  
 Ipse etiam ante omnes nunc matris ad oscula versus,  
 Nunc rudis Ismenes, nunc flebiliora precantis 535  
 Antigones, variaque animum turbante procella  
 Exciderat regnum. cupit ire, & mitis Adrastus  
 Non vetat. Hic justæ Tydeus memor occupat iræ:  
 Me potius focii, qui fidum Etheoclea nuper

Expertus, (nec frater eram) me opponite regi, 540  
 Cujus adhuc pacem egregiam, & bona fœdera gesto  
 Pectore in hoc. ubi tunc fidei, pacisque sequestra  
 Mater eras, pulchris cum me nox vestra morata est  
 Hospitiis? nempe hæc trahis ad commercia natum?  
 Duc illum in campum, vestro qui sanguine pinguis  
 Spirat adhuc pinguisque meo. tu porro sequeris? 546  
 Heu nimium mitis, nimiumque oblite tuorum.  
 Scilicet infestæ cum te circum undique dextræ  
 Nudabant enses, hæc flebit, & arma quiescent?  
 Te ne ille, heu demens, semel intra mœnia clausum,  
 Possessumque odiis Argiva in castra remittet? 551  
 Ante hæc excusso frondescet lancea ferro,  
 Inachus ante retro, nosterque Achelous abibunt.  
 Sed mite alloquium, & fœvis pax quæritur armis,  
 Hæc quoque castra patent: nec dum meruere timeri.  
 An suspectus ego? abscedo, & mea vulnera dono. 556  
 Intret, & hic genitrix eadem, mediæque sorores.  
 Finge autem pactis evictum excedere regnis,  
 Nempe iterum reddes? Rursus mutata trahuntur  
 Agmina consiliis. subito ceu turbine cœli 560  
 Obvius adversum Boreæ Notus abstulit æquor,

Arma iterum, furiaque placent. fera tempus Erinny  
 Arripit, & primæ molitur femina pugna.  
 Errabant geminæ Dircaæ ad flumina tigres  
 Mite jugum, belli quondam vastator Lœi 565  
 Currus, Erythræis quas nuper victor ab oris  
 Liber, in Aonios meritas dimiserat agros.  
 Illas turba dei, seniorque ex more sacerdos  
 Sanguinis oblitus, atque Indum gramen olentes,  
 Palmite maturo variisque ornare corymbis 570  
 Curat, & alterno maculas interligat ostro.  
 Jamque ipsi colles, ipsa has (quis credat?) amabant  
 Armenta, atque ausæ circum mugire juvenca.  
 Quippe nihil grassata fames, manus obvia pascit,  
 Expectantque cibos, fusoque horrenda supinant 575  
 Ora mero, vaga rure quies. si quando benigno  
 Urbem iniere gradu, domus omnis, & omnia sacris  
 Tempa calent, ipsumque fides intrasse Lyæum.  
 Has ubi vipereo tactas ter utramque flagello  
 Eumenis in furias, animumque redire priorem 580  
 Impulit, erumpunt non agnoscentibus Argis.  
 Ceu duo diverso pariter si fulmina cœlo  
 Rupta cadant, longumque trahant per nubila crinem.



Non aliter cursu rapidæ, atque immane frementes  
 Transiliunt campos, aurigamque impete vasto, 585  
 Amphiaræ, tuum (nec defuit omen. heriles  
 Forte is primus equos stagna ad vicina trahebat)  
 Corripiunt. mox Tanarium qui proximus Idam  
 Aetolumque Acamanta premunt. fuga torva per agrôs  
 Cornipedum, visa donec flammatus Aconteus, 590  
 Strage virûm, cui sueta feras prosternere virtus  
 (Arcas erat) densis jam fida ad moenia versas  
 Insequitur telis, multumque hastile resumens  
 Ter, quater, adducto per terga, per ilia telo  
 Transigit. illæ autem longo cum limite fusi 595  
 Sanguinis, ad portas utrinque extantia ducunt  
 Spicula semianimes, gemituque imitante querelas,  
 Saucia dilectis acclinant pectora muris.  
 Tempa putes, urbemque rapi, facibusque nefandis  
 Sidonios ardere lares. sic clamor apertis 600  
 Exoritur muris. mallent cunabula magni  
 Herculis, aut Semeles thalamum, aut penetrare ruisse  
 Harmonies. cultor Bacchæus Acontea Phegeus  
 Jam vacuum telis, geminoque in sanguine oventem  
 Cominus ense petit. sateunt Tegea juvenus 605

Auxilio tardi. jam supra sacra ferarum  
 Corpora, mœrenti juvenis jacet ultio Baccho.  
 Rumpitur & Grajum subito per castra tumultu  
 Concilium. fugit externos Jocasta per hostes  
 Jam non ausa preces. natas, ipsamque repellunt 610  
 Qui modo tam mites, & præceps tempore Tydeus  
 Uritur. Ite age, nunc pacem sperate, fidemque  
 Nunc saltem differre nefas? potuitne morari  
 Dum genitrix dimissa redit? sic fatus aperto  
 Ense vocat socios. sævus jam clamor, & iræ 615  
 Hinc atque inde calent. nullo venit ordine bellum,  
 Confusique duces vulgo, & neglecta regentum  
 Imperia: una equites mixti, peditumque catervæ,  
 Et rapidi currus. premit indigesta ruentes  
 Copia, nec sese vacat ostentare, nec hostem 620  
 Noscere. sic subitis Thebana, Argivaque pubes  
 Confixere globis. retro vexilla, tubæque  
 Post tergum, & litui bellum invenero secuti.  
 Tantus ab exiguo crudescit sanguine Mavors.  
 Ventus uti primas struit inter nubila vires 625  
 Lenis adhuc, frondesque, & aperta cacumina gestat.  
 Mox rapuit nemus, & montes patefecit opacos.

Nunc age Pieriæ (non vos longinqua sorores  
 Consulimus) vestras acies, vestramque referte  
 Aoniam (vidistis enim) dum Marte propinquo 630  
 Horrent Tyrrhenos Heliconia plectra tumultus.  
 Sidonium Pterelan sonipes malefidus in armis  
 Rumpentem frenos, diversa per agmina raptat  
 Jam liber; sic fessa manus; venit hasta per armos  
 Tydeos, & levum juvenis transverberat inguen, 635  
 Labentemque adfigit equo. fugit ille perempto  
 Confertus domino: nec jam arma, aut frena tenentem  
 Portat adhuc. ceu nondum anima defectus utraque  
 Cum sua Centaurus moriens in terga recumbit.  
 Certat opus ferri. sternuntque alterna furentes 640  
 Hippomedon Sybarin Pylium, Periphanta Menceceus,  
 Parthonopæus Ityn; Sybaris jacet ense cruento,  
 Cuspide trux Periphas, Itys insidiante sagitta.  
 Cæneos Inachii ferro Mavortius Hæmon  
 Colla rapit. cui dividuum trans corpus hiantes 645  
 Truncum oculi quærunt, animus caput. arma jacentis  
 Jam rapiēbat Abas, cornu deprensus Achiva  
 Dimisit moriens clypeum hostilemque, suumque,  
 Quis tibi Bacchæos, Eunæ, relinquere cultus?

Quis lucos? vetitus quibus emanasse sacerdos 650  
 Suasit, & adfuetum Bromio mutare furorem?  
 Quem terrere queas? clypei penetrabile textum  
 Pallentes hederæ, Nysæaque ferta coronant.  
 Candida pampineo subnectitur inflata pilo:  
 Crine latent humeri: crescunt lanugine malæ, 655  
 Et rubet imbellis Tyrio subtemine thorax:  
 Brachiaque in maricis, & pictæ vincula plantæ,  
 Carbasseique sinus, & fibula rasilis auro  
 Tænariam fulva mordebat jaspide pallam,  
 Quam super a tergo velox corytus, & arcus 660  
 Pendentesque sonant aurata lynce pharetræ.  
 It lymphante deo media inter millia longum  
 Vociferans: Prohibete manus, hæc omine dextro  
 Mœnia, Cyrrhæa monstravit Apollo juvenca.  
 Parcite, in hæc ultro scopuli venere volentes. 665  
 Gens sacrata fumus: gener huic est Juppiter urbi,  
 Gradivusque focer: Bacchum haud mentimur alu-  
 mnum,  
 Et magnum Alciden. jactanti talia frustra  
 Turbidus aëria Capaneus occurrit in hasta.  
 Qualis ubi primam leo mane cubilibus atris 670

Erexit rabiem, & sævo speculatur ab antro  
 Aut cervam, aut nondum bellantem fronte juvenum;  
 It fremitu gaudens, licet arma, gregesque laceffant  
 Venantum: prædam videt, & sua vulnera nescit.  
 Sic tunc congressu Capaneus gavifus iniquo, 675  
 Librabat magna venturam mole cupressum.  
 Ante tamen, quid fœmineis ululatibus, inquit,  
 Terrificas moriture viros? utinam ipse veniret,  
 Cui furis; hæc Tyriis cane matribus, & simul hastam  
 Expulit. Illa volans, ceu vis non ulla moretur 680  
 Obvia vix sonuit clypeo, & jam terga reliquit.  
 Arma fluunt, longisque crepat singulibus aurum,  
 Eruptusque sinus vicit cruor. occidis audax,  
 Occidis Aonii puer altera cura Lyæi.  
 Mascida te fractis planxerunt Ismara thyrsis, 685  
 Te Tmolos, te Nyfa ferax, Theseaue Naxos,  
 Et Thebana metu juratus in Orgia Ganges.  
 Nec segnem Argolicæ sensere Etheoclea turmæ,  
 Parcior ad cives Polynicis inhorruit ensis.  
 Eminent ante alios jam formidantibus arva 690  
 Amphiaras equis, ac multo pulvere vertit  
 Campum indignantem. Famulo decus addit inane

Mœstus, & extremos obitus illustrat Apollo.  
 Ille etiam clypeum, galeamque incendit honore  
 Sidere, nec tarde fratri, Gradive, dedisti, 695  
 Nequa manus vatem, ne quid mortalia bello  
 Lædere tela queant, sanctum, & venerabile Diti  
 Funus erat. talis medios infertur in hostes  
 Certus & ipse necis. vires fiducia leti  
 Suggestit. inde viro majoraque membra, diesque 700  
 Lætior, & nunquam tanta experientia cœli,  
 Si vacet: avertit morti contermina Virtus.  
 Ardet inexploto sævi Mavortis amore,  
 Et fruitur dextra. atque anima flagrante superbit.  
 Hic hominum casus lenire, & demere fati 705  
 Jura frequens, quantum subito diversus ab illo  
 Qui tripodas, laurusque sequi, qui doctus in omni  
 Nube, salutato volucrum cognoscere Phœbo.  
 Innumeram ferro plebem, ceu letifer annus  
 Aut jubar adversi grave sideris immolat umbris 710  
 Ipse suis. Jaculo Phlegyam, jaculoque superbum  
 Phylea, falcato Chromin, & Cremetaona curru,  
 Cominus hunc stantem metit, hunc a poplite sectum,  
 Cuspide demissa Chromin, Iphinoumque, Sagenque,

Intonsumque Gyan, sacrumque Lycorea Phœbo 715  
 Invitus: jam fraxineum dimiserat hasta  
 Robur, & excussis apparuit infula cristis,  
 Alcathoum saxo, cui circum stagna Carysti  
 Et domus & conjux, & amantes littora nati.  
 Vixerat ille diu pauper scrutator aquarum: 720  
 Decepit tellus: moriens hyemesque Notosque  
 Laudat, & experti meliora pericula ponti.  
 Aspicit has longe jam dudum Asopius Hypseus  
 Palantum strages, ardetque avertere pugnam: 724  
 Quanquam haud ipse minus curru Tirynthia fundit  
 Robora, sed viso præsens minor augure sanguis.  
 Illum armis, animisque cupit, prohibebat iniquo  
 Agmine confertum cunei latus. inde superbus  
 Exeruit patriis electum missile ripis.  
 Ac prius, Aonidum dives largitor aquarum, 730  
 Clare Giganteis etiamnum, Alope, favillis,  
 Da numen dextræ: rogat hoc natusque, tuique  
 Quercus alumna vadi. fas & me spernere Phœbum,  
 Si tibi collatus divum fator. omnia mergam  
 Fontibus arma tuis, tristesque sine augure vittas.  
 Audierat genitor. vetat indulgere volentem 736

Phœbus,

Phœbus, & aurigam jaculum detorquet in Hersen.  
 Ille ruit. deus ipse vagis succedit habenis  
 Lernæum falso simulans Aliagmona vultu.  
 Tunc vero ardenti non ulla obfistere tentant 740  
 Signa, ruunt solo terrore, & vulnera citra  
 Mors trepidis ignava venit: dubiumque tuenti  
 Presserit infestos onus, impuleritne jugales.  
 Sic ubi nubiferum montis latus, aut nova ventis  
 Solvit hyems, aut victa situ non pertulit ætas; 745  
 Desilit horrendus campo timor, arma, virosque  
 Limite non uno, longævaque robora secum  
 Præcipitans, tandemque exhaustus turbine fesso,  
 Aut vallem cavat, aut medios intercipit amnes.  
 Non secus ingentique viro magnoque gravatus 750  
 Temo deo, nunc hoc, nunc illo in sanguine fervet.  
 Ipse sedens telis, pariterque ministrat habenis  
 Delius: ipse docet jactus, adversaque flectit  
 Spicula, fortunamque hastis venientibus aufert.  
 Sternuntur terræ, Menalas pedes, Antiphus alto 755  
 Nil defensus equo, genitusque Heliconide Nympha  
 Aethion, cæsoque infamis fratre Polites,  
 Conatusque toris vittatam attingere Manto

Staius. T. I.

R

Lampus: in hunc sacras Phœbus dedit ipse sagittas.  
 Et jam cornipedes trepida ac moribunda reslantes  
 Corpora, rimantur terras, omnisque per artus 761  
 Sulcus, & incisis altum rubet orbita membris.  
 Hos jam ignorantes terit impius axis, at illi  
 Vulnere semineces (nec devitare facultas)  
 Venturum super ora vident. jam lubrica tabo 765  
 Frena, nec infisti madidus dat temo, rotæque  
 Sanguine difficiles, & tardior ungula fossis  
 Visceribus. tunc ipse furens in morte relicta  
 Spicula, & e mediis extantes ossibus hastas  
 Avellit: stridunt animæ, currumque sequuntur. 770  
 Tandem se famulo summum confessus Apollo,  
 Utere luce tua, longamque, ait, indue famam,  
 Dum tibi me junctum mors irrevocata veretur.  
 Vincimur. immites scis nulla revolvere Parcas  
 Stamina. vade diu populis promissa voluptas 775  
 Elysiis, certe non perpeffure Creontis  
 Imperia, aut vetito nudus jaciture sepulchro.  
 Ille refert contra, & paulum respirat ab armis:  
 Olim te, Cyrrhæ pater, peritura sedentem  
 Ad juga (quis tantus miseris honor?) axe trementi 780

Sensimus, instantes quonam usque morabere manes?  
 Audio jam rapidæ cursum Stygis, atraque Ditis  
 Flumina, tergeminosque mali custodis hiatus.  
 Accipe commissum capiti decus, accipe laurus  
 Quas Erebo deferre nefas. nunc voce suprema 785  
 Si qua recessuro debetur gratia vati,  
 Deceptum tibi, Phœbe, larem, pœnasque nefandæ  
 Conjugis, & pulchrum nati commendo furorem.  
 Desiluit mœrens, lachrymasque avertit Apollo.  
 Tunc vero ingemuit currusque, orbique jugales.  
 Non aliter cæco nocturni turbine Cori 791  
 Scit peritura ratis, cum jam damnata fororis  
 Igne, Therapnæi fugerunt carbasa fratres.  
 Jamque recessuræ paulatim horrescere terræ,  
 Summaque terga quati; groviorque effervere pulvis  
 Cœperat. inferno mugit jam murmure campus. 796  
 Bella putant trepidi, bellique hunc esse fragorem.  
 Hortanturque gradus. Alius tremor arma, virosque  
 Mirantesque inclinat equos. jam frondea nutant  
 Culmina, jam muri, ripisque Ismenos apertis 800  
 Effugit. Exciderunt iræ, nutantia figunt  
 Tela solo, dubiasque vagi nituntur in hastas

Cominus, inque vicem viso pallore recedunt.  
 Sic ubi navales miscet super æquora pugnas  
 Contempto Bellona mari: si forte benigna 805  
 Tempestas; sibi quisque cavent, ensesque recondit.  
 Mors alia, & focii pacem fecere timores.  
 Talis erat campo belli fluitantis imago.  
 Sive laborantes concepto flamine terræ  
 Ventorum rabiem, & clausum ejecere furorem: 810  
 Exedit seu putre solum, carpfitque terendo  
 Unda latens: sive hac volventis machina cæli  
 Incubuit: sive omne fretum Neptunia movit  
 Cuspis, & extremas gravius mare torfit in oras:  
 Seu vati datus ille fragor, seu terra minata est 815  
 Fratribus, ecce alte præceps humus, ore profundo  
 Dissilit, inque vicem timuerunt sidera, & umbræ.  
 Illum ingens haurit specus, & transire parantes  
 Mergit equos. non arma manu, non frena remisit:  
 Sicut erat, rectos defert in Tartara currus, 820  
 Respexitque cadens cælum, campumque coire  
 Ingemuit. donec levior distantia rursus  
 Miscuit arva tremor, lucemque exclusit Averno.



P. PAPINII STATII  
 THEBAIDOS  
 LIBER VIII.

UT subitus vates pallentibus incidit Umbris,  
 Letiferasque domos, orbisque arcana sepulti  
 Rupit, & armato turbavit funere Manes;  
 Horror habet cunctos, Stygiis mirantur in oris  
 Tela & equos, corpusque novum; neque enim igni-  
 bus artus 5  
 Conditus, aut mœsta niger adventabat ab urna:  
 Sed belli sudore calens, clypeumque cruentis  
 Roribus, & scissi resperfus pulvere campi.  
 Necdum illum aut trunca lustraverat obvia taxo  
 Eumenis, aut furvo Proserpina poste notarat 10  
 Cœtibus adsumptum functis. quin cominus ipsa  
 Fatorum deprensa colus, visoque paventes  
 Augure, tunc demum rumpebant stamina Parca.

Illum & securi circumspexere fragorem  
 Elyfii, & si quos procul inferiore barathro 15  
 Altera nox, aliisque gravat plaga cæca tenebris.  
 Tunc regemunt pigrique lacus, ustæque paludes,  
 Umbriferæque fremit fulcator pallidus undæ,  
 Dissiluisse novo penitus telluris hiatu  
 Tartara, & admissos non per sua flumina Manes. 20  
 Forte sedens media regni infelicis in arce  
 Dux Erebi, populos poscebat crimina vitæ.  
 Nil hominum miserans, iratusque omnibus umbris,  
 Stant Furiæ circum, variæque ex ordine Mortes,  
 Sævaque multifonas exercet Pœna catenas. 25  
 Fata ferunt animas, & eodem pollice damnant.  
 Vincit opus. Juxta Minos cum fratre verendo  
 Jura bonus meliora monet, regemque cruentum  
 Temperat. Assistunt lachrymis atque igne tumentes  
 Cocytos Phlegetonque, & Styx perjuria divum 30  
 Arguit: ille autem supera compage soluta,  
 Nec solitus sentire metus, expavit oborta  
 Sidera, jucundaque offensus luce profatur:  
 Quæ Superum labes inimicum impēgit Averno  
 Aethera? quis rumpit tenebras? vitæque silentes 35

Admovet? unde minæ? uter hæc mihi prælia fratrum?  
 Congredior, pereant agedum discrimina rerum.  
 Nam cui dulce magis? magno me tertia victum  
 Dejecit fortuna polo, mundumque nocentem  
 Servo, nec iste meus, dirisque en pervius astris 40  
 Inspicitur. tumidufne meas regnator Olympi  
 Explorat vires? habeo jam quassa Gigantum  
 Vincula, & æthereum cupidos exire sub axem  
 Titanas, miserumque patrem. Quid me otia mœsta  
 Sævus, & implacidam prohibet perferre quietem? 45  
 Amissumque odisse diem? pandam omnia regna  
 Si placet, & Stygio prætextam Hyperiona cælo.  
 Arcada nec Superis (quid enim mihi nuncius ambas  
 Itque reditque domos?) emittam, & utrumque tenebo  
 Tyndariden. cur autem avidis Ixiona frango 50  
 Vorticibus? Cur non expectant Tantalum undæ?  
 Anne profanatum toties Chaos hospite vivo  
 Perpetiar? me Pirithoi temerarius ardor  
 Tentat, & audaci Theseus juratus amico.  
 Me ferus Alcides; tunc cum custode remoto 55  
 Ferrea Cerberæ tacuerunt limina portæ.  
 Odrysiis etiam pudet heu patuisse querelis

Tartara vidi egomet blanda inter carmina turpes  
 Eumenidum lachrymas, iterataque pensa fororum.  
 Me quoque. sed duræ melior violentia legis. 60  
 Ast ego vix unum, nec celsa ad sidera furto  
 Ausus iter, Siculo rapui connubia campo;  
 Nec licuisse ferunt: injustæque ab Jove leges  
 Protinus, & sectum genitrix mihi computat annum.  
 Sed quid ego hæc! i, Tartareas ulciscere sedes 65  
 Tiphone, & si quando novis asperrima monstros  
 Triste, infuetum, ingens, quod nondum viderit æther,  
 Ede nefas, quod mirer ego, invideantque sorores.  
 Atque adeo fratres (nostrisque hæc omina sunt)  
 Prima odiis) fratres alterna in vulnere læto 70  
 Marte ruant. sit, qui rabidarum more ferarum  
 Mandat atrox hostile caput, quique igne supremo  
 Arceat exanimes & manibus æthera nudis  
 Commaculet. juvet ista ferum spectare Tonantem.  
 Præterea ne sola furor mea regna lacestat, 75  
 Quare deis qui bella ferat, qui fulminis ignes,  
 Infestumque Jovem clypeo fumante repellat.  
 Faxo haud sit cunctis levior metus, atra movere  
 Tartara, frondenti quam jungere Pelion Ossæ.

Dixerat. atque illi jam dudum regia tristis 80  
 Attremittenti, suaque, & quæ desuper urget,  
 Nutabat tellus. non fortius æthera vultu  
 Torquet, & astriferos inclinat Juppiter axes.  
 At tibi quos (inquit) Manes, qui limite præceps  
 Non licito per inane ruis? subit ille minantem 85  
 Jam tenuis visu, jam vanescentibus armis,  
 Jam pedes. extincto tamen interceptus in ore  
 Augurii perdurat honos. obscuraque fronti  
 Vittæ manet, ramumque tenet morientis olivæ.  
 Si licet, & sanctis hic ora resolvere fas est 90  
 Manibus, ô cunctis finitor maxime rerum,  
 At mihi, qui quondam causas, elementaque noram,  
 Et fator, oro, minas, stimulatæque corda remulce,  
 Neve ira dignare hominem, & tua jura timentem.  
 Nam nec ad Herculeos (unde hæc mihi pectora?)  
 raptus, 95  
 Nec Venerem illicitam (crede his insignibus) ausi  
 Intramus Lethen; fugiat nec tristis in antrum  
 Cerberus, aut nostros timeat Proserpina currus.  
 Augur Apollineis modo dilectissimus aris,  
 Testor inane Chaos, (quid enim hic jurandus Apollo?)



Crimine non ullo subeo nova fata: nec alma 101  
 Sic merui de luce rapi. scit judicis urna  
 Dictæ, verumque potest deprendere Minos.  
 Conjugis infidiis, & iniquo venditus auro  
 Argolicas acies, unde hæc tibi turba recentum 105  
 Umbrarum, & nostræ veniunt quoque funera dextræ,  
 Non ignarus ini. subito me turbine mundi  
 (Horret adhuc animus) mediis e millibus hausit  
 Nox tua, quæ mihi mens? dum per cava viscera terræ  
 Vado diu pendens? & in aëre volvor operto? 110  
 Hei mihi nil ex me sociis, patriæque relictum,  
 Vel captum Thebis. non jam Lernæa videbo  
 Testa, nec attonito saltem cinis ibo parenti.  
 Non tumulo, non igne miser, lachrymisque meorum  
 Productus, toto pariter tibi funere veni, 115  
 Nil istis aufurus equis. nec deprecor umbram  
 Accipere, & tripodum jam non meminisse meorum.  
 Nam tibi prælagi, quisnam super auguris usus,  
 Cum Parcæ tua iussa trahant? sed pectora flectas,  
 Et melior sis, quæso, deis. si quando nefanda 120  
 Huc aderit conjux, illi funesta reserva  
 Supplicia; illa tua, rector bone, dignior ira.

Accipit ille preces, indignaturque moveri.  
 Ut leo Massyli cum lux stetit obvia ferri,  
 Tunc iras, tunc arma citat; si decimat hostis, 125  
 Ire super satis est, vitamque relinquere victo.  
 Interea vittis, lauruque insignis opima  
 Currus, & egregiis modo formidatus in armis,  
 Luce palam fufus nulli, nullique fugatus  
 Quæritur. absistunt turmæ, suspectaque tellus 130  
 Omnibus: infidi miles vestigia campi  
 Circumit, atque avidæ tristis locus ille ruinæ  
 Cessat, & inferni vitatur honore sepulchri.  
 Nuncius hortanti diversa in parte maniplos  
 Adrasto, vix ipse ratus vidisse Palæmon 135  
 Advolat, & trepidans (steterat nam forte cadenti  
 Proximus) inspectoque miser pallebat hiatu.  
 Verte gradum: fuge rector ait; si Dorica saltem  
 Terra loco, patriæque manent, ubi liquimus, arces.  
 Non armis, non sanguine opus. quid inutile ferrum  
 Stringimus in Thebas? currus humus impia sorbet,  
 Armaque bellantesque viros: fugere ecce videtur 142  
 Hic etiam, quo stamus, ager. vidi ipse profunda  
 Noctis iter, ruptaque soli compage ruentem,

Illum heu, præfagis quo nullus amicior astris, 145  
 Oecliden, frustra que manus cum voce tetendi.  
 Mira loquor, fulcos etiamnum Rector equorum,  
 Fumantemque locum, & spumis madida arva reliquit:  
 Nec commune malum est; tellus agnoscit alumnos,  
 Stat Thebana acies. Stupet hæc, & credere Adrastus  
 Cunctatur, sed Mopsus idem, trepidusque ferebat 151  
 Actor idem: nam fama novis terroribus audax  
 Non unum cecidisse refert. sponte agmina retro  
 Non expectato revocantum more tubarum  
 Præcipitant, sed torpet iter, falluntque ruentes 155  
 Genua viros, ipsique (putes sensisse) repugnant  
 Cornipedes, nulloque truces hortamine parent,  
 Nec celerare gradum, nec tollere lumina terra.  
 Fortius incurfant Tyrii: sed Vesper opacus  
 Lunares jam ducit equos. data fœdere parvo 160  
 Mœsta viris requies, & nox auctura timores.  
 Quæ tibi tunc facies, postquam permissa gemendi  
 Copia? qui fletus galeis cecidere solutis?  
 Nil solitum fessos juvat. abjecere madentes,  
 Sicut erant, clypeos: nec quisquam spicula terisit,  
 Nec laudavit equum, nitida nec cassidis altam 166

Compfit adornavitque jubam. vix magna levare  
 Vulnera, & efflantes libet internectere plagas.  
 Tantus ubique dolor. mensas alimenta que bello  
 Debita, nec pugnae fuasit timor. omnia laudes, 170  
 Amphiaræ, tuas, fœcunda que pectora veri  
 Commemorant lachrymis, & per tentoria sermo  
 Unus, Abisse deos, delapsaque numina castris.  
 Heu ubi laurigeri currus? solenniaque arma?  
 Et galeæ vittatus apex? hæc antra, lacusque 175  
 Castalii? tripodumque fides? sic gratus Apollo?  
 Quis mihi fidereos lapsus, mentemque sinistri  
 Fulguris, aut casis saliat quod numen in extis,  
 Quando iter, unde moræ, quæ sævis utilis armis,  
 Quæ pacem magis hora velit, quis jam omne  
 futurum 180  
 Proferet? aut cum quo volucres mea fata loquentur?  
 Hos quoque bellorum casus nobisque, tibi que,  
 Præscieras, & (quanta sacro sub pectore virtus?)  
 Venisti tamen, & miseris comes additus armis.  
 Et cum te tellus, fatalisque hora vocaret, 185  
 Tu Tyrias acies, adverfaque signa, vacasti  
 Sternere. tunc etiam media de morte timendum

Hostibus, infestaque abeuntem vidimus hasta.  
 Et nunc te quis casus habet? poterisne reverti  
 Sedibus a Stygiis altaque erumpere terra? 190  
 Anne sedes hilaris juxta tua numina Parcas?  
 Et vice concordi discis ventura, doceſque?  
 An tibi felices lucos miseratus Averni  
 Rector, & Elyſias dedit infervare volucres?  
 Quicquid es, æternus Phœbo dolor, & nova clades  
 Semper eris, mutisque diu plorabere Delphis, 196  
 Hic Tenedon, Cyrrhamque dies, partuque ligatam  
 Delon, & intonſi cludet penetralia Branchi.  
 Nec Clarias hac luce fores, Didymæaque quiſquam  
 Limina, nec Lyciam ſupplex conſultor adibit. 200  
 Quin & cornigeri vatis nemus, atque Moloffi  
 Quercus anhela Jovis, Trojanaque Thymbra tacebit.  
 Ipi amnes, ipſæque volent areſcere laurus.  
 Ipſe nihil certum ſagis clangoribus æther  
 Præcinet, & nulla ferientur ab alite nubes. 205  
 Jamque erit ille dies, quo te quoque conſcia fati  
 Tempa colant, reddatque tuus reſponſa ſacerdos.  
 Talia fatidico peragunt ſolennia regi,  
 Ceu flammas, ac dona rogo, triſteſque rependant

Exequias, mollique animam tellure reponant. 210  
 Fracta dehinc cunctis, averſaque pectora bello.  
 Sic fortes Minyas ſubito cum funere Tiphys  
 Deſtituit, non arma ſequi, non ferre videtur  
 Remus aquas, ipſique minus jam ducere venti.  
 Jam feſſis gemitu paulatim corda levabat 215  
 Exhaustus ſermone dolor, noxque addita curas  
 Obruit, & facilis lachrymis irrepere ſomnus.  
 At non Sidoniam diverſa in parte per urbem  
 Nox eadem, vario producunt ſidera ludo  
 Ante domos, intraque; ipſæque ad mœnia marcent  
 Excubiæ. gemina æra ſonant, Idæaque terga, 221  
 Et moderata ſonum vario ſpiramine buxus.  
 Tunc dulces Superos atque omne ex ordine alumnus  
 Numen, ubique ſacri reſonant Pæanes, ubique  
 Serta, coronatumque merum. nunc funera rident  
 Auguris ignari, contraque in pectore certant 226  
 Tireſiam laudare ſuum. nunc facta revoivunt  
 Majorum, veteresque canunt ab origine Thebas.  
 Hi mare Sidonium, manibusque attrita Tonantis  
 Cornua, & ingenti ſulcatum Nerea tauro: 230  
 Hi Cadmum, laſſamque bovem, foetorſque cruenti

Martis agros: alii Tyriam reptantia faxa  
 Ad chelyn, & duras animantem Amphiona cautes:  
 Hi gravidam Semelen: illi Cythereia laudant  
 Connubia, & multa deductam lampade fratrum 235  
 Harmonien: nullis deest sua fabula mensis.  
 Ceu modo gemmiferum thyrso populatus Hydaspem,  
 Eoasque domos, nigri vexilla triumphi  
 Liber, & ignotos populis ostenderet Indos. 239  
 Tum primum ad cœtus, sociæque ad fœdera mensæ  
 Semper inaspectum, diraque in fede latentem,  
 Oedipoden exisse ferunt, vultuque sereno  
 Caniciem nigram squallore, & fordida fulis  
 Ora comis laxasse manu, fociumque benignos  
 Adfatus, & abacta prius solatia passum. 245  
 Quin hausisse dapes, inficcatumque cruorem  
 Dejecisse genis. cunctos auditque, refertque,  
 Qui Ditem, & Furias tantum, & si quando regentem  
 Antigonem, mœstis solitus pulsare querelis.  
 Causa latet. non hunc Tyrii fors prospera belli; 250  
 Tantum bella juvant. natum hortaturque, probatque,  
 Nec vicisse velit; sed primos cominus enses  
 Et scelerum tacito rimatur femina voto.

Inde

Inde epulæ dulces, ignotaque gaudia vultu.  
 Qualis post longæ Phineus jejunia pœnæ, 255  
 Nil fridere domi volucres ut sensit abactas,  
 (Nec dum tota fides) hilaris, mensæque, torosque,  
 Nec turbata feris tractavit pocula pennis.  
 Cætera Grajorum curis armisque jacebat  
 Fessa cohors; alto castrorum ex aggere Adrastus 260  
 Lætificos tenui captabat corde tumultus,  
 Quanquam æger senio; sed agit miseranda potestas  
 Invigilare malis. illum æreus undique clamor  
 Thebanique urunt fonitus, & amara lacescit  
 Tibia, tum nimio voces marcore superbæ, 265  
 Incertæque faces, & jam male pervigil ignis.  
 Sic ubi per fluctus uno ratis obruta somno,  
 Conticuit, tantique maris secura juvenus  
 Mandavere animas; solus stat puppe magister  
 Pervigil, inscriptaque deus qui navigat alno. 270  
 Tempus erat, junctos cum jam soror ignea Phœbi  
 Sentit equos, penitusque cavam sub luce parata  
 Oceani mugire domum, seseque vagantem  
 Colligit, & moto leviter fugat astra flagello. 274  
 Concilium rex triste vocat: quæruntque gementes,

Statius. T. I.

S

Quis tripodas successor agat? quo prodita laurus  
 Transeat? atque orbum vittæ decus. Haud mora,  
 cuncti

Insignem fama, sanctoque Melampode cretum  
 Thiodamanta volunt; quicum ipse arcana deorum  
 Partiri, & visas uni sociare solebat 280

Amphiarus aves, tantæque haud invidus artis  
 Gaudebat dici similem, juxtaque secundum.  
 Illum ingens confundit honos, inopinaque turbat  
 Gloria, & oblatas frondes submissus adorat,  
 Seque oneri negat esse parem, cogique meretur. 285

Sicut Achæmenius solium, gentesque paternas  
 Excepit si forte puer, cui vivere patrem  
 Tutius, incerta formidine gaudia librat,  
 An fidi proceres, ne pugnet vulgus habenis:

Cui latus Euphratæ, cui Caspia limina mandet. 290  
 Sumere tunc arcus, ipsumque onerare veretur  
 Patris equum, visusque sibi nec sceptrâ capaci  
 Sustentare manu, nec adhuc implere tiaram.

Atque is ubi intorto signavit vellere crinem,  
 Convenitque deis, hilari per castra tumultu 295  
 Vadit ovans: ac, prima sui documenta, sacerdos

Tellurem placare parat: nec futile mœstis  
 Id visum Danais. geminas ergo illicet aras  
 Arboribus vivis, & adulto cespite texi  
 Imperat, innumerisque deæ sua munera flores. 300  
 Et cumulos frugum, & quicquid novat integer annus  
 Addit, & intacto spargens altaria lacte

Incipit: O hominum divûmque æterna creatrix,  
 Quæ fluvios, silvasque, animarum & semina mundi  
 Cuncta, Prometheasque manus, Pyrrhæaque saxa 305  
 Gignis, & impastis quæ prima alimenta dedisti,  
 Mutastique vices, quæ pontum ambisque, vehisque,  
 Te penes & pecudum gens mitis, & ira ferarum,  
 Et volucrum requies: firmum atque immobile mundi  
 Robur inoccidui. te velox machina cœli 310

Ære pendentem vacuo, te currus uterque  
 Circumit. O rerum media, indivisaque magnis  
 Fratibus. Ergo simul tot gentibus alma, tot altis  
 Urbibus, ac populis, subterque, ac desuper una  
 Sufficis, astriferumque domos Atlanta supernas 315  
 Ferre laborantem, nullo vehis ipsa labore,  
 Nos tantum portare negas? nos diva gravaris?  
 Quod precor ignari luimus scelus? an quia plebes

Externa, Inachiis huc adventamus ab oris?  
 Omne homini natale solum, nec te, optima, sævo 320  
 Tanquam humiles populos deceat distinguere fine,  
 Undique ubique tuos. maneat communis, & arma  
 Hinc, atque inde feras. liceat (precor) ordine belli  
 Pugnaces efflare animas, & reddere cælo.  
 Ne tape tam subitis spirantia corpora bustis, 325  
 Ne propera. veniemus enim quo limite cuncti,  
 Qua licet ire via. tantum exorata Pelasgis  
 Siste levem campum, celeres neu præcipe Parcas.  
 At tu care deis, quem non manus ulla, nec enses  
 Sidonii, sed magna sinu Natura soluto, 330  
 Ceu te Cyrrhæo meritum tumularet hiatu,  
 Sic amplexa coit, hilaris des, oro, precatus  
 Nosse tuos, cæloque, & vera monentibus aris  
 Concilies, & quæ populis proferre parabas,  
 Me doceas. tibi sacra feram præfaga, tuique 335  
 Numinis interpres, te Phæbo absente vocabo.  
 Ille mihi Delo Cyrrhaque potentior omni  
 Quo ruis, ille adytis melior locus. Hæc ubi dicta,  
 Nigrantes terra pecudes, obscuraque mergit  
 Armenta, ac vivis cumulos undantis arenæ 340

Aggerat, & vati mortis simulacra rependit.  
 Talia apud Grajos, cum jam Mavortia contra  
 Cornua, jam sævos fragor æreus excitat enses.  
 Addit acerba sonum Theumesi e vertice crinem  
 Incutiens, acuitque tubas & sibila miscet 245  
 Tisiphone: stupet insolito clangore Cithæron  
 Marcidus, & turres carmen non tale secuta.  
 Jam trepidas Bellona fores, armataque pulsat  
 Limina, jam multo laxantur cardine Thebæ, 349  
 Turbat eques pedites. currus properantibus obstant,  
 Ceu Danaï post terga premant: sic omnibus alæ  
 Arctantur portis, septemque excursibus hærent.  
 Ogygiis it forte Creon, Etheoclea mittunt  
 Neitæ, cellas Hamoloidas occupat Hæmon,  
 Hypsea Proetides, celsum fudere Dryanta 355  
 Electræ, quatit Hypsistas manus Eurymedontis,  
 Culmina magnanimus stipat Dircæa Menæceus.  
 Qualis ubi averfi secretus pabula cæli  
 Nilus, & Eoas magno bibit ore pruinas,  
 Scindit fontis opes, septemque patentibus arvis 360  
 In mare fert hyemes. penitus cessere fugatæ  
 Nereides, dulcique timent occurrere ponto.

Tristis at inde gradum tarde movet Inacha pubes  
 Præcipue Elææ, Lacedæmonizque cohortes  
 Et Pylîi. subitum nam Thiodamanta sequuntur 365  
 Augure fraudati, nec dum accessere regenti.  
 Nec tua te, princeps tripodum, sola agmina quarunt:  
 Cuncta phalanx sibi deesse putat. minor ille per alas  
 Septimus extat apex. liquido velut æthere, nubes  
 Invida Parrhasiis unum si detrahat astris 370  
 Truncus honor plauftri, nec idem nitet igne reciso  
 Axis, & incerti numerant sua sidera nautæ.  
 Sed jam bella vocant. alias nova suggere vires  
 Calliope, majorque chelyn mihi tendat Apollo.  
 Fatalem populis ultro poscentibus horam 375  
 Admoverat atra dies. Stygiisque emissa tenebris  
 Mors fruitur cælo, bellatoremque volando  
 Campum operit, nigroque viros invitat hiatu,  
 Nil vulgare legens. sed quæ dignissima vita  
 Funera, præcipuos annis, animisque cruento 380  
 Angue notat, jamque in miseros pensum omne  
 fororum  
 Scinditur, & Furia rapuerunt licia Parcis.  
 Stat medius campis etiamnum cuspide sicca

Bellipotens, jamque hos clypeum, jam vertit ad illos  
 Arma ciens, aboletque domos, conaubia, natos. 385  
 Pellitur & patriæ, & qui mente novissimus exit,  
 Lucis amor: tenet in capulis, hastisque paratas  
 Ira manus, animusque ultra thoracas anhelus  
 Conatur, galeæque tremunt horrore comarum. 389  
 Quid mirum caluisse viros? flammantur in hostem  
 Cornipedes, niveoque rigant sola putria nimbo,  
 Corpora ceu mixti dominis, irasque sedentum  
 Induerint: sic frena terunt, sic prælia poscunt  
 Hinnitu, tolluntque armos, equitemque supinant.  
 Jamque ruunt, primusque virum concurrere pulvis  
 Incipit, & spatiis utrinque æqualibus acti 396  
 Adventant, mediumque vident decreverat campum.  
 Jam clypeus clypeis, umbone repellitur umbo,  
 Ense minax ensis, pede pes, & cuspide cuspis.  
 Sic obnixa acies pariter suspiria firmant, 400  
 Admotæque nitent aliena in casside crista.  
 Pulcher adhuc belli vultus: stant vertice coni,  
 Plena armenta viris, nulli sine præfide currus,  
 Arma loco, splendent clypei, pharetræque decoræ,  
 Cingulaque, & nondum deforme cruoribus aurum:

At postquam rabies, & vitæ prodiga Virtus 405  
 Emisere animos, non tanta cadentibus Hædis  
 Aëriam Rhodopen solida nive verberat Arctos,  
 Nec fragor Ausoniæ tantus, cum Juppiter omni  
 Arce tonat, tanta quatitur nec grandine Syrtis, 410  
 Cum Libyæ Boreas Italos niger attulit imbres.  
 Excludere diem telis, stant ferrea cælo  
 Nubila, nec jaculis arctatus sufficit aër.  
 Hi pereunt missis, illi redeuntibus hastis:  
 Concurrunt per inane fudes, & mutua perdunt 415  
 Vulnera, concurrunt hastæ, stridentia fundæ  
 Saxa pluunt. volucres imitantur fulgura glandes,  
 Et formidandæ non nna morte sagittæ.  
 Nec locus ad terram telis: in corpora ferrum,  
 Omne cadit. sæpe ignari perimuntque, caduntque,  
 Casus agit Virtutis opus, nunc turba recedit, 421  
 Nunc premit, ac vicibus tellurem amittit, & aufert.  
 Ut ventis, nimbisque minax, cum solvit habenas  
 Juppiter, adfigitque alterno turbine mundum.  
 Stat cæli diversa acies, nunc fortior Austri, 425  
 Nunc Aquilonis hyems, donec pugnante procella  
 Aut nimiis hic vicit aquis, aut ille sereno.

Principium pugnae turmas Afopius Hypseus  
 Oebalias (namque hæc magnum, & gentile tumentes  
 Euboicum duris rumpunt umbonibus agmen) 430  
 Reppulit erepto cunei ductore Menalca.  
 Hic & mente Lacon, crudi torrentis alumnus  
 (Nec turpavit avos) hastam intra pectus euntem  
 (Ne pudor in tergo) per & ossa & viscera retro  
 Extrahit, atque hosti dextra labente remittit 435  
 Sanguineam. dilecta genis morientis oberrant  
 Taygeta, & pugnae, laudataque verbera matri.  
 Phædimon Iafiden arcu Dircaus Amyntas  
 Destinat. heu celeres Parca! jam palpitat arvis  
 Phædimus, & certi nondum tacet arcus Amyntæ. 440  
 Abstulit ex humero dextram Calydonius Agreus  
 Phegeos. illa suum terra tenet improba ferrum,  
 Et movet: extimuit sparsa inter tela jacentem  
 Progrediens, truncamque tamen percussit Acetes. 444  
 Iphin atrox Athamas, Argum ferus impulit Hypseus.  
 Stravit Abanta Pheres, diversaque vulnera flentes,  
 Guttur Iphis, latus Argus, Abas in fronte cruorem,  
 Iphis eques, pedes Argus, Abas auriga jacebant.  
 Inachidæ gemini geminos ex sanguine Cadmi



Occultos galeis (sæva ignorantia belli) 450  
 Perculerant ferro. sed dum spolia omnia cæsis  
 Eripiunt, videre nefas, & mæstus uterque  
 Respicit ad fratrem, pariterque errasse queruntur.  
 Cultor Ion Pisæ, cultorem Daphnea Cyrrhæ  
 Turbatis prostravit equis. hunc laudat ab alto 455  
 Juppiter, hunc tardus frustra miseratur Apollo.  
 Ingentes Fortuna viros illustrat utrimque  
 Sanguine in adverfo: Danaos Cadmæius Hæmon  
 Sternit, agitque furens. sequitur Tyria Agmina  
 Tydeus:  
 Hunc Pallas præfens, illum Tirynthius implet. 460  
 Qualiter hyberni summis duo montibus amnes  
 Franguntur, geminaque cadunt in plana ruina.  
 Contendisse putes, uter arva, arbustaque tollat,  
 Altius aut superet pontes. ecce una receptas  
 Confudit jam vallis aquas: sibi quisque superbus 465  
 Ire cupit, pontoque negant descendere mixti.  
 Ibat fumiferam quatiens Onchestius Idas  
 Lampada per medios, turbabaque agmina Grajum  
 Igne viam rumpens; magno quem cominus icu  
 Tydeos hasta feri, discussa casside fixit. 470

Ille ingens in terga jacet, stat fronte superstes  
 Lancea, collapsæ veniunt in tempora flammæ.  
 Prosequitur Tydeus: sævos ne dixeris Argos:  
 Igne tuo, Thebane, rogum concedimus, arde.  
 Inde velut primo Tigris gavisa cruore 475  
 Per totum cupit ire pecus, sic Aona saxo  
 Ense Pholum, Chromin ense, duos Helicaonas hasta  
 Tranfigit, Aegeæ Veneris, quos Mæra sacerdos  
 Ediderat, prohibente Dea. vos præda cruenti  
 Tydeos, it sævas etiamnum mater ad aras. 480  
 Nec minus Herculeum contra vagus Hæmona ducit  
 Sanguis, inexpleto rapitur per millia ferro.  
 Nunc tumidæ Calydonis opes, nunc torva Pylenes  
 Agmina, nunc mæstæ fundens Pleuronis alumnos.  
 Donec in Olenium fessâ jam cuspide Buten 485  
 Incidit hunc turmis obversum, & abire vetantem  
 Aggreditur. puer ille, puer, malaque comamque  
 Integer, ignaro cui tunc Thebana bipennis  
 In galeam librata venit. finduntur utrinque  
 Tempora, dividuique cadunt in brachia crines, 490  
 Et non hoc metuens inopino limite vita  
 Exiluit. tunc flavum Hypanin, flavumque Politen

(Ille genas Phœbo, crinem hic pascebat Iaccho:  
 Sævus uterque deus) victis Hyperenora jungit, 494  
 Conversumque fuga Damafum: sed lapsa per armos  
 Hasta viri trans pectus abit, parmamque tenenti  
 Excutit, & summa fugiens in cuspide portat.  
 Sterneret adversos etiamnum Ismenius Hæmon:  
 Inachidas (nam tela regit, viresque ministrat  
 Amphitryoniades) sævum sed Tydea contra 500  
 Pallas agit. jamque adverso venere favore  
 Cominus, & placido prior hæc Tiryntius ore:  
 Fida foror, quænam hunc belli caligine nobis  
 Congressum Fortuna tulit? num regia Juno  
 Hoc molita nefas? citius me fulmina contra 505  
 (Infandum) ruere, & magno bellare parenti  
 Aspiciat. genus huic, sed mitto agnoscere, quando  
 Tu diversa foves. nec si ipsum cominus Hyllum  
 Tydeos hasta tui, Stygioque ex orbe remissum  
 Amphitryona perat. teneo, æternumque tenebo 510  
 Quantum hæc diva manus, quoties sudaverit ægis  
 Ista mihi, duris famulus cum casibus omnes  
 Lustro vagus terras: ipsa heu comes, invia mecum  
 Tartara, ni superos Acheron excluderet, isfes.

Tu patrem, cælumque mihi. quis tanta relatu 515  
 Aequet? habe totas, si mens excindere, Thebas.  
 Cedo equidem, veniamque precor. sic orsus abibat.  
 Pallada mulcet honos. rediit ardore remisso  
 Vultus, & erecti sederunt pectoris angues.  
 Sentit abisse deum. levius Cadmeius Hæmon 520  
 Tela rotat, nulloque manum cognoscit in istu.  
 Tunc magis, atque magis vires animusque recedunt,  
 Nec pudor ire retro. cedentem Acheloïus heros  
 Impetit, & librans uni sibi missile telum,  
 Direxit jactus, summæ qua margine parmæ 525  
 Ima sedet galea, & juguli vitalia lucent;  
 Nec frustrata manus, mortemque invenerat hasta:  
 Sed prohibet, paulumque humeri libare sinistri  
 Præbuit, & merito parcit Tritonia fratri.  
 Ille tamen nec stare loco, nec cominus ire 530  
 Amplius, aut vultus audet perferre cruenti  
 Tydeos; ægra animo vis, ac fiducia cessit.  
 Qualis setigeram Lucana cuspide frontem  
 Strictus aper, penitus cui non infossa cerebro  
 Vulnera, nec felix dextræ tenor, in latus iras 535  
 Frangit, & expertæ jam non venit obvius hastæ.

Ecce, ducem turmæ, certa indignatus in hostem  
 Spicula, felici Prothoum torquere lacerto  
 Turbidus Oenides, una duo corpora pinu 539  
 Cornipedemque, equitemque ferit. ruit ille ruentem  
 In Prothoum, lapsasque manu quærentis habenas  
 In vultus galeam, clypeumque in pectora calcat,  
 Saucius extremo donec cum sanguine frenos  
 Respuit, & juncta domino cervice recumbit.  
 Sic ulmus, vitisque, duplex jactura coloni 545  
 Gaurano de monte cadunt: sed mæstior ulmus  
 Quærit utrumque nemus, nec tam sua brachia labens,  
 Quam gemit adsuetas, invitaque proterit uvas.  
 Sumpserat in Danaos Heliconius arma Choræbus  
 Antè comes Musis, Stygii cui conscia pensi 550  
 Ipsa diu inspectis letum prædixerat astris  
 Uranie; cupit ille tamen, pugnasque virosque  
 Forsitan ut caneret. longa jacet ipse canendus  
 Laude, sed amissum mutæ flere sorores.  
 Pactus Agenoream primis Atys ibat ab annis 555  
 Ismenen (Tyrii juvenis non advena belli.  
 Quamvis Cyrrha domus: foceros nec tristibus actis  
 Averſatus erat,) sponsam, cui castus amanti

Squallor, & indigni commendat gratia luctus.  
 Ipse quoque egregius, nec pectora virginis illi 560  
 Diversa, inque vicem, sineret Fortuna, placebant.  
 Bella vetant redas, juvenique hinc major in hostes  
 Ira: ruit primis immixtus, & agmina Lernæ  
 Nunc pedes ense vago, prensis nunc celsus habenis,  
 Ceu spectetur, agit. triplici velaverat ostro 565  
 Surgentes etiamnum humeros, & levia mater  
 Pectora. tunc auro phaleras, auroque sagittas  
 Cingulaque, & manicas (ne conjuge villior iret)  
 Presserat, & mixtum cono crispaverat aurum.  
 Talibus heu fidens vocat ultro in prælia Grajos. 570  
 Ac primum faciles grassatus cuspide turmas  
 Arma refert fociis, & in agmina fida, peracta  
 Cæde, redit. Sic Hircana Leo Caspius umbra  
 Nudus adhuc, nulloque jubæ flaventis honore  
 Terribilis, magnique etiamnum sanguinis infons,  
 Haud procul a stabulis captat custode remoto 576  
 Segne pecus, teneraque famem consumit in agna.  
 Mox ignotum armis, ac solo corpore mensus  
 Tydea non timuit: fragilique laceſſere telo  
 Sæpius infrendentem aliis, aliosque sequentem 580

Aufus erat. Tandem invalidos Aetolus ad ictus  
 Forte refert oculos, & formidabile ridens:  
 Jam dudum video, magnum cupis, improbe, leti  
 Nomen, ait. Simul audacem non ense, nec hasta  
 Dignatus, leviter digitis imbelle solutis 585  
 Abjecit jaculum: latebras tamen inguinis alte  
 Missile, ceu totis intortum viribus hausit.  
 Præterit haud dubium fati, & spoliare superbit  
 Oenides, Neque enim has Marti, aut tibi, bellica  
 Pallas,  
 Exuvias figemus, ait. procul arceat ipsum 590  
 Ferre pudor: vix si bellum comitata relictis  
 Deiphile thalamis, illi illudenda tuliffem.  
 Sic ait: & belli majora ad præmia mente  
 Ducitur. innumeris veluti Leo forte potitus  
 Cædibus, imbelles vitulos, mollesque juvencas 595  
 Transmittit, magno furor est in sanguine mergi,  
 Nec nisi regnantis cervice recumbere tauri.  
 At non semianimi clamore Menceæ lapsus  
 Fallit Atys. prævertit equos, curruque citato.  
 Desilit. instabat pubes Tegeæa jacenti, 600  
 Nec prohibent Tyrii: pudeat Cadmea juvenus

Terri-

Terrigenas mentita patres, quo tenditis, inquit,  
 Degeneres? meliusne jacet pro sanguine nostro  
 Hospes Atys? tantum hospes adhuc, & conjugis ultor  
 Infelix nondum iste suæ. nos pignora tanta 605  
 Prodimus? insurgunt iusto firmata pudore  
 Agmina, cuique suæ rediere in pectora curæ.  
 Interea thalami secreta in parte sorores,  
 Par aliud morum, miserique innoxia proles  
 Oedipodæ, varias miscent sermone querelas. 610  
 Nec mala quæ juxta, sed longa ab origine fati,  
 Hæc matris tedas, oculos aut illa paternos,  
 Altera regnantem, profugum gemit altera fratrem,  
 Bella ambæ: gravis hinc miseri cunctatio voti;  
 Nutat utroque timor, quemnam hoc certamine  
 victum, 615  
 Quem vicisse velint: tacite præponderat exul.  
 Sic Pandionæ repetunt ubi fida volucres  
 Hospitia, atque larem bruma pulsante relictum,  
 Stantque super nidos veterisque exordia fati  
 Enarrant testis, & truncum ac flebile murmur 620  
 Verba putant: voxque illa tamen non dissona verbis.  
 Atque ibi post lachrymas, & longa silentia rursus

Statius. T. I.

T

Inchoat Ismene: Quisnam hic mortalibus error?  
 Quæ decepta fides? curam invigilare quieti,  
 Claraque per somnos animis simulacra reverti? 625  
 Ecce ego, quæ thalamos, nec si pax alta maneret,  
 Tractarem, sensu (pudet heu) connubia vidi  
 Noctæ foror. sponsum (unde) mihi: sopor attulit

amens

Vix notum visu? Semel his in sedibus illum,  
 Dum mea nescio quo spondentur fœdera pacto 630  
 Respexi non sponte foror. turbata repente  
 Omina cernebam, subitusque intercidit ignis,  
 Meque sequebatur rabido clamore reposcens,  
 Mater Atyn. Quænam hæc dubiæ præfagia cladis?  
 Nec timeo, dum tuta domus, milesque recedat 635  
 Doricus, & tumidos liceat componere fratres.  
 Talia nesciebant, subito cum pigra tumultu  
 Expavit domus, & multo sudore receptus  
 Fertur Atys, servans animam jam sanguine nullo,  
 Cui manus in plaga, dependet languida cervix 640  
 Exterior clypeo, crinesque a fronte supini.  
 Prima videt, caramque tremens Jocasta vocabat  
 Ismenen. Namque hoc solum moribunda precatur

Vox generi: solum hoc gelidis jam nomen inerrat  
 Faucibus. exclamat famulæ. tollebat in ora 645  
 Virgo manus; tenuit sævus pudor: attamen ire  
 Cogitur, indulget summum hoc Jocasta jacenti.  
 Ostenditque offertque. quater jam morte sub ipsa  
 Ad nomen visus, dejectaque fortiter ora  
 Sustulit: illam unam neglecto lumine cœli 650  
 Aspicit, & vultu non exsatiatur amato.  
 Tunc quia nec genitrix juxta, positusque beata  
 Morte pater, sponsæ munus miserabile tradunt,  
 Declinare genas. Ibi demum teste remoto 654  
 Fassa pios gemitus, lachrymasque in lumina fudit.  
 Dumque ea per Thebas, aliis serpentibus ardens  
 Et face mutata bellum integrabat Enyo.  
 Arma volunt, primos veluti modo cominus ictus  
 Sustulerint, omnisque etiamnum luceat ensis.  
 Eminent Oenides; quamvis & arundine certa 660  
 Parthenopæus agat, morientumque ora furenti  
 Hippomedon proculcet equo, Capaneaue pinus  
 Jam procul Aoniis volet agnoscenda catervis.  
 Tydeos illa dies: illum fugiuntque, tremuntque,  
 Clamantem: Quo terga datis? licet ecce peremptos

Ulcisci socios, mœstamque rependere noctem. 666  
 Ille ego inexplētis solus qui cœdibus hausi  
 Quinquaginta animas: totidem, totidemque gregati  
 Ferte manus. nulline patres, nulline jacentum  
 Unanimi fratres? quæ tanta oblivia luctus? 670  
 Quam pudet Inachias contentum abiisse Mycenæ!  
 Hinc super Thebis? hæc robora regis? ubi autem  
 Egregius dux ille mihi? simul ordine lævo  
 Ipsum exhortantem cuneos, capitisque superbi  
 Insignem fulgore videt. nec segnius ardens 675  
 Accurrit, niveo quam flammiger ales olori  
 Imminet, & magna trepidum circumligat umbra.  
 Tunc prior: Aoniæ rex ô justissime gentis,  
 Imus in arma palam, tandemque ostendimus enses?  
 An noctem & solitas placet expectare tenebras? 680  
 Ille nihil contra, sed stridula cornus in hostem  
 It referens mandata ducis, quam providus heros  
 Jam jam in fine viæ percussam obliquat, & ipse  
 Telum ingens avide, & quanto non ante lacerto  
 Impulit: ibat atrox finem positura duello 685  
 Lancea. Convertere oculos utrimque faventes  
 Sidonii Grajique dei, crudelis Erinny's

Obstat, & infando differt Etheoclea fratri.  
 Cuspis in armigerum Phlegyam peccavit, ubi ingens  
 Pugna virum: stricto nam sævior irruit ense 690  
 Aetolus, retroque datum Thebana tegebant  
 Arma ducem. Sic densa lupum jam nocte sub atra  
 Arcet ab adpresso pastorum turba juvenco:  
 Improbus erigitur contra, nec cura vetantes  
 Impetere, illum illum, semel in quem venerat, urget.  
 Non secus objectas acies, turbamque minorem 696  
 Dissimulat, transiitque manu. tamen ora Thoantis  
 Pectora Deilochi, Clonii latus, ilia torvi  
 Perforat Hippotadæ. truncis sua membra remittit  
 Interdum, galeasque rotat per nubila plenas. 700  
 Et jam corporibus, sese, spoliisque cadentum  
 Clauferat. unum acies circum consumitur: unum  
 Omnia tela vovent. summis hæc ossibus hærent,  
 Pars frustrata cadunt, partem Tritonia vellit.  
 Multa rigent clypeo. densis jam consitus hastis 705  
 Ferratum quatit umbo nemus, tergoque fatiscit  
 Atque humeris gentilis aper, nusquam ardua coni  
 Gloria, quique apicem torvæ Gradivus habebat  
 Cassidis, haud lætum domino ruit omen. iniusta

Temporibus nuda æra sedent, circumque fonori 710  
 Vertice percusso, volvuntur in arma molares.  
 Jam cruor in galea, jam faucia proluit ater  
 Pectora permixtus sudore, & sanguine torrens.  
 Respicit hortantes socios, & Pallada fidam  
 Longius opposita celantem lumina parma, 715  
 Ibat enim magnum lachrymis inflectere patrem.  
 Ecce secat Zephyros, ingentem fraxinus iram  
 Fortunamque ferens, teli non eminet auctor.  
 Astacides Menalippus erat, nec prodidit ipse,  
 Et vellet latuisse manum: sed gaudia turmæ 720  
 Monstrabant trepidum. Nam flexus in ilia Tydeus  
 Submissum latus, & clypei laxaverat orbem.  
 Clamorem Aonii miscent gemitumque Pelasgi,  
 Obstantque manus, indignantemque tuentur.  
 Ille per oppositos, longe rimatus, amarum 725  
 Astaciden, totis animæ se cogit in istum  
 Reliquiis, telumque jacet, quod proximus Hoplaus  
 Præbuerat, perit expressus conamine sanguis.  
 Tunc tristes focii cupidum bellare, (quis ardor!)  
 Et poscentem hastas, mediaque in morte negantem  
 Exspirare, trahunt, summiq; in margine campi 732

Effultum gemina latera inclinantia parma  
 Ponunt, ac sævi redituro ad prælia Martis  
 Promittunt stentes. Sed & ipse recedere cœlum,  
 Ingentesque animos extremo frigore labi 735  
 Sensit, & inaixus terræ, Miserefcite, clamat,  
 Inachidæ. Non ossa precor referantur ut Argos,  
 Aetolumve larem: nec enim mihi cura supremi  
 Funeris. odi artus, fragilemque hunc corporis usum  
 Desertorem animi. Caput, ô caput, ô mihi si quis 740  
 Adportet, Menalippe, tuum. nam voveris arvis,  
 Fido equidem. nec me virtus suprema fefellit.  
 I precor, Atrei si quid tibi sanguinis unquam,  
 Hippomedon. vade, ô primis puer inclyte bellis  
 Arcas, & Argolicæ Capaneu jam maxime turmæ. 745  
 Moti omnes: sed primus abit, primusque re-  
 Astaciden medio Capaneus e pulvere tollit  
 Spirantem, lævaque super cervice reportat,  
 Terga cruentantem concussi vulneris unda.  
 Qualis ab Arcadio rediit Tirynthius antro, 750  
 Captivumque suem clamantibus intulit Argis.  
 Erigitur Tydeus, vultuque occurrit & amens  
 Lætitiæque, iraque, ut singultantia vidit

Ora, trahique oculos, seseque agnovit in illo:  
 Imperat abscesum porgi, lævaque receptum 755  
 Spectat atrox hostile caput, gliscitque tepentis  
 Lumina torva videns, & adhuc dubitantia figi.  
 Infelix contentus erat. Plus exigit ultrix  
 Tisiphone. Jamque inflexo Tritonia patre  
 Venerat, & misero decus immortale ferebat. 760  
 Atque illum effracti perfusum tabe cerebri  
 Aspicit, & vivo scelerantem sanguine fauces.  
 Nec comites auferre valent. stetit aspera Gorgo  
 Crinibus emissis, rectique ante ora Cerastræ  
 Velavere deam. fugit averfata jacentem, 765  
 Nec prius astra subit, quam mystica lampas, & infons  
 Illisos multa purgavit lumina lympha.



P. PAPINII STATII  
 THEBAIDOS  
 LIBER IX.

ASPERAT Aonios rabies audita cruenti  
 Tydeos. ipsi etiam minus ingemuere jacentem  
 Inachidæ, culpantque virum, & rupisse queruntur  
 Fas odii. quin te, divum implacidissime, quanquam  
 Præcipuum tunc cædis opus, Gradive, furebas, 5  
 Offensum virtute ferunt, nec cominus ipsum  
 Ora, sed & trepidos retro torfisse jugales.  
 Ergo profanatum Menalippi funus acerbo  
 Vulnere, non aliis ultum Cadmeia pubes  
 Insurgunt stimulis, quam si turbata sepulchris 10  
 Ossa patrum, monstrisque datæ crudelibus urnæ.  
 Accendit rex ipse super: quisquamne Pelasgis  
 Mitis adhuc, hominemque gerit? jam moribus uncis,  
 (Pro furor! usque adeo tela exfatiavimus?) artus



Dilacerant. Nonne Hyrcanis bellare putatis 15  
 Tigribus: aut savos Libyæ contraire leones?  
 Et nunc ille jacet (pulchra ô solatia leti)  
 Ore tenens hostile caput, dulcique nefandus  
 Immoritur tabo. Nos ferrum mite, facesque:  
 Illis nuda odia, & feritas jam non eget armis. 20  
 Sic peragant rabidi, claraque hac luce fruantur,  
 Dum videas hæc, summe pater. Sed enim hiscere  
 campos  
 Conquesti, terræque fugam miserantur. an istos  
 Vel sua portet humus? Magno sic fatus agebat  
 Procursu, fremituque viros. furor omnibus idem 25  
 Tydeos invisi spoliis, raptoque potiri  
 Corpore. Non aliter subtexunt astra catervæ  
 Incestarum avium, longe quibus aura nocentem  
 Aëra, desertasque tulit sine funere mortes:  
 Illo avidæ cum voce ruunt fonat arduus æther 30  
 Plausibus, & cœlo volucres cessere minores.  
 Fama per Aonium rapido vaga murmure campum  
 Spargitur in turmas, solito perniciosior index  
 Cum lugenda refert; donec cui maxima fando 34  
 Damna vehit, trepidas lapsa est Polynicis ad aures.

Dirigit juvenis, lachrymaque hæfere paratæ,  
 Et cunctata fides. nimium nam cognita Virtus  
 Oenidæ, credi letum suadetque vetatque.  
 Sed postquam haud dubio clades auctore reperta est,  
 Nox oculos, mentemque rapit. tum sanguine fixo 40  
 Membra simul, simul arma ruunt. madet ardua fletu  
 Jam galea, atque ocreæ clypeum excepere cadentem.  
 It mœstus genua ægra trahens. hastamque sequentem  
 Vulneribus ceu mille gravis, totosque per artus  
 Saucius. assistunt focii, monstrantque gementes. 45  
 Tandem ille adjectis, vix quæ portaverat, armis  
 Nudus in egregii vacuum jam corpus amici  
 Procidit, & tali lachrymas cum voce profudit.  
 Hæcne tibi, armorum spes ô suprema meorum,  
 Oenide, grates? hæc præmia digna rependi? 50  
 Nudus ut invisa Cadmi tellure jaceres  
 Sospite me? nunc exul ego æternumque fugatus,  
 Quando alius misero, ac melior mihi frater ademptus.  
 Nec jam fortitus veteres, regnique nocentis  
 Perjurum diadema peto. quo gaudia tanti 55  
 Empta mihi? aut sceptrum quod non tua dextera  
 tradet?

Ite viri, solumque fero me linquite fratri.  
 Nil opus arma ultra tentare, & perdere mortes:  
 Ite precor. quid jam dabitis mihi denique majus?  
 Tydea consumpsi, quam hoc ego morte piabo? 60  
 O focer, ó Argi! & primæ bona jurgia noctis,  
 Alternæque manus, & longi pignus amoris  
 Ira brevis. non me ense tuo tunc, maxime Tydeu,  
 (Et poteras) nostri mactatum in limine Adrafi?  
 Quin etiam Thebas me propter, & impia fratris 65  
 Tecta libens, unde haud alius remeasset, adisti:  
 Ceu tibimet sceptræ & proprios laturus honores.  
 Jam Telamona pium, jam Thesea fama tacebat.  
 Qualis & ecce jaces? quæ primum vulnera mirer?  
 Quis tuus hic, quis ab hoste cruor? quæ te agmina?  
 quive 70  
 Innumeri stravere globi? ni fallor, & ipse  
 Invidit pater, & tota Mars impulit hasta.  
 Sic ait, & mœrens etiamnum lubrica tabo  
 Ora viri tergit lachrymis, dextramque reponit.  
 Tune meos hostes hucusque exofus? & ultra 75  
 Sospes ego? Exuerat vagina turbidus enfem,  
 Aptabatque neci: comites tenuere, focerque

Castigat, bellique vices ac fata revolvens  
 Solatur tumidum, longeque a corpore caro  
 Paulatim, unde dolor, letique animosa voluntas, 80  
 Amovet, ac tacite ferrum inter verba reponit.  
 Ducitur, amisso qualis consorte laborum  
 Deserit inceptum media inter jugera fulcum  
 Taurus iners, colloque jugum deforme remisso  
 Parte trahit, partem lachrymans sustentat arator. 85  
 Ecce autem hortatus Eteoclis, & arma secuti  
 Lecta manus, juvenes, quos nec Tritonia bello,  
 Nec prope collata sprevisset cuspide Mavors  
 Adventant. Contra collecta ut pectora parmæ  
 Fixerat, atque hastam longe protenderat, hæret 90  
 Arduus Hippomedon. Ceu fluctibus obvia rupes,  
 Cui neque de cœlo metus, & fracta æquora cadunt,  
 Stat cunctis immota minis: timet ipse rigentem  
 Pontus, & ex alto miseræ novere carinæ.  
 Tunc prior Aonides: (validam simul elicit hastam)  
 Non pudet hos Manes, hæc infamantia bellum 96  
 Funera, diis coram, & cœlo inspectante tueri?  
 Scilicet egregius sudor memorandaque Virtus  
 Hanc tumulare feram? ne non mœrentibus Argos

Exequiis lachrymandus eat? mollique pheretro 100  
 Infandam eieciens faniem? dimittite curam.  
 Nullæ illum volucres, nulla impia monstra, nec ipse  
 Si demus, pius ignis edat. Nec plura: sed ingens  
 Intorquet jaculum, duro quod in ære moratum,  
 Transmissumque tamen clypei stetit orbe secundo.  
 Inde Pheres, acerque Lycus. sed cassâ Pheretis 106  
 Hasta redit, Lycus excelsa terrore comantem,  
 Perstrinxit galeam: convulsæ cuspide longe  
 Diffugere jubæ, patuitque ingloria cassis.  
 Ipse nec ire retro, nec in obvia concitus arma 110  
 Exilit, inque eadem sese vestigia semper  
 Obversus cunctis profert, recipitque, nec unquam  
 Longius indulget dextræ, motusque per omnes  
 Corpus amat: corpus fervans, circumque, supraque  
 Vertitur. Imbellem non sic amplexâ juvencum 115  
 Infestante lupo, cum primum fœta tuetur  
 Mater, & ancipiti circumfert cornua gyro:  
 Ipsa nihil metuens, sexusque oblita minoris  
 Spumat, & ingentes imitatur femina tauros.  
 Tandem intermissa jaculantum nube potestas 120  
 Reddere tela fuit. Namque & Sicyonius Alcon

Venerat auxilio, Pisæaque præpetis Idæ  
 Turba subit, cuneumque replent. His fretus in hostes  
 Lernæam jacit ipse trabem: volat illa sagittis  
 Aequa fuga, mediumque nihil cunctata Politen 125  
 Transabit, & juncti clypeum cavat improba Mopsi.  
 Phoeæ tunc Cydonæ, Tanagræumque Phalantum,  
 Atque Erycem, hunc retro conversum & tela pe-  
 tentem,  
 Dum spes nulla necis, crinito a vertice figit.  
 Faucibus illi cavis hastam non ore receptam 130  
 Miratur moriens, pariterque & murmure plenus  
 Sanguis, & expulsi salierunt cuspide dentes.  
 Ausus erat furto dextram injectare Leonteus  
 Pone viros atque arma latens, positumque trahebat  
 Prenso crine caput. Vidit, quanquam undique crebræ  
 Hippomedon ante ora minæ, sævoque proterviam 136  
 Abstulit ense manum; simul increpat: hanc tibi  
 Tydeus,  
 Tydeus ipse rapit, post & confecta virorum  
 Fata time, magnosque miser fuge tangere Manes.  
 Ter Cadmæa phalanx torvum abduxere cadaver, 140  
 Ter retrahunt Danaï. Siculi velut anxia puppis

Seditione maris, nequicquam obstante magistro,  
 Errat, & averfo redit in vestigia velo.  
 Non ibi Sidoniæ valuissent pellere cæpto  
 Hippomedonta manus. non illum impacta moverent  
 Tormenta oppositum, formidatique superbis 146  
 Turribus impulsus tentato umbone redissent.  
 Sed memor Elyfii regis, noxasque retexens  
 Tydeos. in medios astu subit impia campos  
 Tisiphone, sensere acies, subitusque cucurrit 150  
 Sudor equis, sudorque viris: quanquam ore remisso  
 Inachium fingebat Halyn: nusquam impius ignis,  
 Verberaque, & jussi tenere silentia crines.  
 Arma gerit, juxtaque feri latus Hippomedontis  
 Blanda genas, vocemque venit. tamen ille loquentis  
 Extimuit vultus, admiraturque timorem. 156  
 Ille autem lachrymans, tu nunc ait, inclyte, frustra  
 Exanimes socios, inhumataque corpora Grajum,  
 (Scilicet is nobis metus? aut jam cura sepulchri?)  
 Protegis, ipse manu Tyria tibi captus Adrastus 160  
 Raptatur, teque ante alios, te voce, manuque  
 Invocat. heu qualem lapsare in sanguine vidi  
 Exutum canos lacero diademate crines.

Nec

Nec procul hinc, adverte oculos: ubi plurimus ille  
 Pulvis, ubi ille globus. paulum stetit anxius heros,  
 Librabatque metus. premit aspera virgo: quid  
 hæres? 166  
 Imus? an hi retinent manes? & vilior ille  
 Qui superest? miserum sociis opus, & sua mandat  
 Prælia, & unanimi vadit desertor amici,  
 Respiciens tamen, & revocent si forte paratus. 170  
 Inde legens turbata trucidis vestigia divæ,  
 Huc illuc frustra ruit avius; impia donec  
 Eumenis ex oculis, rejecta cœrula parma  
 Fugit, & innumeri galeam rupere cerastæ.  
 Aspicit infelix discussa nube quietos 175  
 Inachidas, currumque nihil metuentis Adraffi.  
 Et Tyrii jam corpus habent. jam gaudia magnæ  
 Testantur voces: victorque ululatus aderrat  
 Auribus, occultoque ferit præcordia luctu.  
 Ducitur hostili (pro dura potentia fati) 180  
 Tydeus ille solo, modo cui Thebana sequenti  
 Agmina, sive gradum, seu frena effunderet, ingens  
 Limes utrimque datus: nusquam arma, manusque  
 quiescunt.

Statius. T. L.

V

Nulla viri feritas: juvat ora rigentia leto,  
 Et formidatos impune laceffere vultus. 185  
 Hic amor, hoc una timidi, fortesque sequuntur  
 Nobilitare manus, infectaque sanguine tela  
 Conjugibus servant, parvisque ostendere natis.  
 Sic ubi Maura diu populatum rura leonem  
 Quem propter, clausique greges, vigilantque magistri,  
 Pastorum lassæ debellavere cohortes; 191  
 Gaudet ager, magno fubeunt clamore coloni,  
 Præcerpuntque jubar, immaniaque ora recludunt,  
 Damnaque commemorant, seu jam sub culmine fixus  
 Excubat, antiquo seu pendet gloria luco. 195  
 At ferus Hippomedon quanquam jam sentit inane  
 Auxilium, & feram rapto pro corpore pugnam,  
 It tamen, & cæcum rotat irrevocabilis ensem.  
 Vix socios, hostemque nihil dum tardet euntem  
 Secernens, sed cæde nova jam lubrica tellus 200  
 Armaque, feminecesque viri, currusque soluti  
 Impediunt, lævumque femur, quod cuspide fixum  
 Regis Echionii, seu dissimulaverat ardens  
 Sive ibi nescierat. mœstum videt Hoplea tandem.  
 Tydeos hic magni fidus comes, & modo frustra 205

Armiger, alipedem prona cervice tenebat  
 Fatorum ignarum domini, solumque frementem  
 Quod vacet: inque acies audentior ille pedestres,  
 Hunc aspernantem tumido nova pondera tergo  
 (Unam quippe manum domitis expertus ab annis)  
 Corripit, affaturque: quid ò nova jussa recusas 211  
 Infelix sonipes? nusquam tibi dulce superbi  
 Regis onus: non jam Aetolo fatiabere campo,  
 Gaudentemque jubam per stagna Acheloia solves.  
 Quod superest, caros, i, saltem ulciscere manes, 215  
 Aut sequere; extorrem neu tu quoque læseris  
 umbram

Captivus, tumidumque equitem post Tydea portes.  
 Audisse, accensumque putes; hoc fulmine raptum  
 Abstulit, & similes minus indignatur habenas.  
 Semifer æria talis Centaurus ab Ossa 220  
 Desilit in valles: ipsum nemora alta tremiscunt,  
 Campus equum. trepidi cursu glomerantur anhelos  
 Labdacidæ, premit ille super, nec opinaque ferro  
 Colla metens, linquit trancos post terga cadentes.  
 Ventum erat ad fluvium, solito tunc plenior alveo,  
 Signa mali, magna se mole Ismenos agebat. 226

Illa brevis requies, illo timida agmina lassam  
 De campis egere fugam. stupet hospita belli  
 Unda viros, claraque armorum incenditur umbra.  
 Infiluere vadis. magnoque fragore solutus 230  
 Agger, & adversa latuerunt pulvere ripæ.  
 Ille quoque hostiles saltu majore per undas  
 Irruit attonitis (longum dimittere habenas)  
 Sicut erat, tantum viridi defixa parumper  
 Cespite, populeo commendat spicula trunco. 235  
 Tunc vero exanimes tradunt rapientibus ultro  
 Arma vadis, alii dimissa casside quantum  
 Tendere conatus animæ valere sub undis,  
 Turpe latent. multi fluvium transmittere nando  
 Aggressi, sed vincla tenent, laterique repugnat 240  
 Balteus, & madidus deducit pectora thorax.  
 Qualis cœruleis tumido sub gurgite terror  
 Piscibus, arcani quoties devexa profundi  
 Scrutantem delphina vident, fugit omnis in imos  
 Turba lacus, viridesque metu stipantur in algas: 245  
 Nec prius emerſi quam summa per æquora flexus  
 Emicet, & visis malit certare carinis.  
 Talis agit sparſos, mediisque in fluctibus heros

Frena manu pariter, pariter regit arma, pedumque  
 Remigio sustentat equum, consuetaque campo 250  
 Fluctuat, & mersas levis ungula quærit arenas.  
 Sternit Iona Chromis, Chromin Antiphos, Antiphon  
 Hypseus.  
 Hypseus Aſtyagen, evasurumque relicto  
 Amne Linum, ni fata vetent & stamine primo  
 Ablatum tellure mori. premit agmina Thebes 255  
 Hippomedon, turbat Danaos Afopius Hypseus:  
 Amnis utrumque timet: crasso vada mutat uterque  
 Sanguine, & a fluvio neutri fatale reverti.  
 Jam laceri pronis volvuntur cursibus artus,  
 Oraque, & abscisæ redeunt in pectora dextra. 260  
 Spicula jam clypeosque leves arcusque remissos  
 Unda vehit, galeasque vetant descendere crista.  
 Summa vagis late sternuntur flumina telis,  
 Ima viris. illic luctantur corpora leto,  
 Efflantesque animas retro premit obvius amnis. 265  
 Flumineam rapiente vado puer Agrius ulmum  
 Prenderat, insignes humeros ferus ense Menœceus  
 Amputat: ille cadens, nondum conamine adempto,  
 Truncus in excelsis spectat sua brachia ramis.

Hypseos hasta Sagen ingenti vulnere merfit: 270  
 Ille manet fundo, rediit pro corpore sanguis.  
 Defluit ripis fratrem rapturus Agenor  
 Heu miser, & tenuit; sed faucius ille levantem  
 Degravat amplexu. poterat resolutus Agenor  
 Emerfisse vadis, puduit sine fratre reverti. 275  
 Surgentem dextra Chaletum, vulnusque minantem  
 Sorbebat rapidus nodato gurgite vortex:  
 Jam vultu, jam crine latet, jam dextera nusquam,  
 Ultimus abruptas ensis descendit in undas.  
 Mille modis leti miseros mors una fatigat. 280  
 Induit a tergo Mycalesia cuspis Agyrten,  
 Respexit, nusquam auctor erat. sed concita tractu  
 Gurgitis, effugiens invenerat hasta cruorem.  
 Figitur & validos sonipes Aetolus in armos,  
 Exiluitque alte vi mortis, & aëra pendens 285  
 Verberat. Haud tamen est turbatus flumine ductor;  
 Sed miseratur equum, magnoque e vulnere telum  
 Exiit ipse gemens & sponte remisit habenas.  
 Inde pedes repetit pugnas; gressuque, manuque 289  
 Certior, & segnem Nomium, fortemque Mimanta,  
 Thisbæumque Lichan, Anthedoniumque Lycetum

Continuat ferro, geminisque e fratribus unum  
 Thespiaden: eadem poscenti fata Panemo  
 Vive superstes ait, diræque ad mœnia Thebes  
 Solus abi, miseros non decepture parentes. 295  
 Dii bene, quod pugnas rapidum dejecit in amnem  
 Sanguinea Bellona manu: trahit unda timentes  
 Gurgite gentili, nuda nec flebilis umbra  
 Stridebit vestros Tydeus inhumatus ad ignes.  
 Ibitis æquoreis crudelia pabula monstis, 300  
 Illum terra vehit, suaque in primordia solvit.  
 Sic premit adversos, & acerbat vulnere dictis.  
 Ac nunc ense furit, nunc tela natantia raptans  
 Ingerit: innuptæ comitem Therona Dianæ,  
 Ruricolamque Gyan, cum fluctivago Ergino, 305  
 Intonsumque Herfen, contemptoremque profundi  
 Crethea, nimbosam qui sæpe Caphareos arcem  
 Euboicasque hyemes, parva transfugerat alno.  
 Quid non fata queant? trajectus pectora ferro  
 Volvitur in fluctus: heu cujus naufragus undæ! 310  
 Te quoque sublimi transnantem flumina curru  
 Dum socios Pharsale petis, resupinat adeptis  
 Dorica cuspis equis, illos violentia sævi

Gurgitis, infelixque jugi concordia mergit. 314  
 Nunc age, quis tumidis magnum expugnaverit undis  
 Hippomedonta labor, cur ipse excitus in arma  
 Ismenos, doctæ nosse indulgete sorores:  
 Vestrum opus ire retro, & senium defendere famæ.  
 Gaudebat Fauno, nymphaque Ismenide natus  
 Maternis bellare tener Crenæus in undis: 320  
 Crenæus, cui prima dies in gurgite fido  
 Et natale vadum & virides cunabula ripæ.  
 Ergo ratus nihil Elyfias ibi posse sorores,  
 Lætus adulantem nunc hoc nunc margine ab illo  
 Transfit avum: levat unda gradus, seu defluus ille,  
 Sive obliquus eat, nec cum subit obvius ulla 326  
 Stagna dedere moras, pariterque revertitur amnis.  
 Non Anthedonii tegit hospitis inguina pontus  
 Blandior, æstivo nec se magis æquore Triton  
 Exerit, aut caræ festinus ad oscula matris 330  
 Cum remeat, tardumque ferit delphina Palæmon.  
 Arma decent humeros, clypeusque insignis, & auro  
 Lucidus, Aoniæ cælatur origine gentis.  
 Sidonis hic blandi per candida terga juveni  
 Jam secura maris, teneris jam cornua palmis 335

Non tenet: extremis alludunt æquora plantis.  
 Ire putes clypeo, fluctusque secare juvenum.  
 Adjuvat unda fidem, pelago nec discolor amnis.  
 Tunc audax pariter telis, & voce proterva  
 Hippomedonta petit: non hæc fecunda veneno 340  
 Lerna, nec Herculeis haustæ serpentibus undæ.  
 Sacrum amnem, sacrum, (& miser, experiere)  
 deumque  
 Altrices irrumpis aquas. nihil ille, sed ibat  
 Cominus, opposuit cumulo se densior amnis  
 Tardavitque manum: vulnus tamen illa retentum  
 Pertulit, atque animæ tota in penetralia fedit. 346  
 Horruit unda nefas: sylvæ flevistis utræque  
 Et graviora cavæ sonuerunt murmura ripæ.  
 Ultimus ille sonus moribundo emerfit ab ore:  
 Mater: in hanc miseri ceciderunt flumina vocem.  
 At genitrix cœtu glaucarum cincta sororum 351  
 Protinus icta malo, vitrea de valle solutis  
 Exiliit furibunda comis, ac verbere crebro  
 Oraque, pectoraque, & viridem scidit horrida vestem.  
 Utque erupit aquis, iterumque, iterumque trementi  
 Ingeminat, Crenæe, sono. nusquam ille, sed index 356



Desuper, ah miseræ nimium noscenda parenti,  
 Parma natat. jacet ipse procul, qua mixta supremum  
 Ismenon primi mutant confinia ponti.  
 Fluctivagam sic sæpe domum, madidosque penates  
 Halcyone deserta gemit, cum pignora sævus 364  
 Auster, & algentes rapuit Thetis invida nidos.  
 Mergitur orba iterum, penitusque occulta sub undis  
 Limite non uno, liquidum qua subter eunti  
 Lucet iter, miseri nequicquam funera nati 365  
 Vestigat, plangitque tamen. sæpe horridus amnis  
 Obstet, & obducto caligant fanguine visus.  
 Illa tamen præceps in tela offendit & enses,  
 Scrutaturque manu galeas, & prona reclinat  
 Corpora. nec ponto submota intrabat amaram 370  
 Dorida, possessum donec jam fluctibus altis  
 Nereidum miserata cohors, ad pectora matris  
 Impulit. illa manu ceu vivum amplexa reportat,  
 Insternitque toris riparum, atque humida siccant  
 Mollibus ora comis, atque hæc ululatibus addit: 375  
 Hoc tibi semidei munus tribuere parentes?  
 Nec mortalis avus? sic nostro in gurgite regnas?  
 Mitior heu misero discors, alienaque tellus,

Mitior unda maris, quæ juxta flumina corpus  
 Rettulit, & miseram visa expectasse parentem. 380  
 Hinc mei vultus? hæc torvi lumina patris?  
 Hi crines undantis avi? tu nobile quondam  
 Undarum, nemorumque decus, quo sospite major  
 Diva, & nympharum longe regina ferebar.  
 Heus ubinam ille frequens modo circa limina matris  
 Ambitus? orantesque tibi servire Napææ? 386  
 Cur nunc te melius sævo mansura profundo  
 Amplexu misero tumulis, Crenæe, reporto,  
 Non mihi? nec tantæ pudet (heu) miseretque ruinæ,  
 Dure parens? quæ te alta & ineluctabilis imo 390  
 Condidit amne palus? quo jam nec cruda nepotis  
 Funera, nec nostri valeant perrumpere planctus?  
 Ecce furit, jactatque tuo se in gurgite major  
 Hippomedon, illum ripæque undæque tremiscunt,  
 Illius impulsu nostrum bibit unda cruorem. 395  
 Tu piger, & trucibus facilis servire Pelasgis.  
 Ad cineres saltem, supremaque justa tuorum  
 Sæve veni, non hic solum accensure nepotem.  
 His miscet planctus, multumque indigna cruentat  
 Pectora, cœruleæ referunt lamenta forores. 400

Qualiter Isthmiaco nondum Nereïda portu  
 Leucothean planxisse ferunt, dum pectore anhelò  
 Frigidus in matrem favum mare respuit infans.  
 At pater arcano residens Ismenos in antro 404  
 Unde auræ, nubesque bibunt, atque imbrifer Arcus  
 Pascitur, & Tyrios melior venit annus in agros,  
 Ut lamenta procul (quanquam obstrepit ipse) no-  
 vosque  
 Accepit natæ gemitus, levat aspera musco  
 Colla, gravemque gelu crinem, ceciditque soluta  
 Pinus adulta manu, dimissaque volvitur urna. 410  
 Illum per ripas annofo scrupea limo  
 Ora exertantem sylvæ, fluviique minores  
 Mirantur, tantus tumido de gurgite surgit,  
 Spumosum attollens apicem, lapsuque sonoro  
 Pectora cœruleæ rivis manantia barbæ. 415  
 Obvia cognatos gemitus, casumque nepotis  
 Nympharum docet una patrem, monstratque cruen-  
 tum  
 Auctorem, dextramque premit. stetit arduus alto  
 Amne, manuque genas, & nexa virentibus ulvis  
 Cornua concutiens, sic turbidus ore profundo 420

Incipit: hunc ne mihi, superùm regnator, honorem,  
 Quod toties hospesque tuis & conscius actis,  
 (Nec memorare timor) falsa nunc improba fronte  
 Cornua, nunc vetitam currus disjungere Phœben,  
 Dotalesque rogos, deceptaque fulmina vidi 425  
 Præcipuosque alui natorum? an vilis & illis  
 Gratia? ad hunc certe respit Tirynthius amnem:  
 Hac tibi flagrantem Bromium restinximus unda.  
 Aspice quas fluvio cædes, quæ funera portem  
 Continuus telis, altoque adopertus acervo. 430  
 Omne vadum belli series tenet: omnis anhelat  
 Unda nefas, subterque animæ, supraque recentes  
 Errant, & geminas jungunt caligine ripas.  
 Ille ego clamatus sacris ululatibus amnis,  
 Qui molles thyrsos, Bacchæaque cornua puro 435  
 Fonte lavare feror, stipatus cædibus arctas  
 In freta quæro vias. non Strymonos impia tanto  
 Stagna cruore natant, non spumifer altius Ebrus  
 Gradivo bellante rubet. nec te admonet altrix  
 Unda, tuasque manus, jam pridem oblite parentum  
 Liber? an Eous melius pacatur Hydaspes? 441  
 At tu qui tumidus spoliis, & sanguine gaudes

Infantis pueri, non hoc ex amne potentem  
 Inachon, aut sævas victor revehere Mycenæ,  
 Ni mortalis ego, & tibi ductus ab æthere sanguis.  
 Sic ait infrendens, & sponte furentibus undis 446  
 Signa dedit. mittit gelidus montana Cithæron  
 Auxilia, antiquasque nives, & pabula brumæ  
 Ire jubet. frater tacitas Afopos eunti  
 Conciliat vires, & hiulcis flumina venis 450  
 Suggesta ipse cavæ scrutatur viscera terræ,  
 Stagnaque, torpentisque lacus, pigrasque paludes  
 Excutit, atque avidos tollens ad sidera vultus  
 Humentes nebulas exhaurit, & aëra ficcat.  
 Jamque super ripas utroque extantior ibat 455  
 Aggere, jam medium modo qui superaverat amnem  
 Hippomedon intactus aquis humerosque manusque,  
 Miratur crevisse vadum, seseque minorem.  
 Hinc atque hinc tumidi fluctus, animosaque surgit  
 Tempestas instar pelagi, cum Plejadas haurit, 460  
 Aut nigrum trepidis impingit Oriona nautis.  
 Non secus æquoreo jactat Theumesus amnis  
 Hippomedonta fallo, semperque umbone sinistro  
 Tollitur, & clypeum nigrante supervenit æstu

Spumeus adsultans, fractaque refunditur unda, 465  
 Et cumulo majore redit. nec mole liquenti  
 Contentus, carpit putres servantia ripas  
 Arbusta, annosaque trabes, ejectaque fundo  
 Saxa rotat. stat pugna impar, amnisque virique  
 Indignante deo; nec erim dat terga, nec ullis 470  
 Frangitur ille minis, venientesque obvius undas  
 Intrat, & objecta dispellit flumina parva.  
 Stant terra fugiente gradus, & poplite tenso  
 Lubrica saxa natant, genibusque obnixus, & hærens  
 Subruta fallaci servat vestigia limo. 375  
 Sic etiam increpitans: Unde hæc, Ismene, repente  
 Ira tibi? quove has traxisti gurgite vires  
 Imbelli famulate deo? solumque cruorem  
 Fæmineis experte choris, cum Bacchica mugit  
 Buxus, & insanæ maculant trieterida matres? 480  
 Dixerat. atque illi sese deus obtulit ultro  
 Turbidus imbre genas, & nube natantis arenæ.  
 Nec sævit dictis, trunca sed pectora quercu  
 Ter, quater oppositi, quantum ira deusque valebant,  
 Impulit assurgens. Tandem vestigia flexit, 485  
 Excussumque manu tegimen, conversaque lente

Terga refert. Instant undæ, sequiturque labantem  
 Amnis ovans; nec non faxis, & grandine ferri  
 Desuper infestant Tyrii, geminoque repellunt  
 Aggere. quid faciat bellis obsessus, & undis? 490  
 Nec fuga jam misero, nec magnæ copia mortis.  
 Stabat gramineæ producta crepidine ripæ  
 Undarum ac terræ dubio, sed amior undis  
 Fraxinus, ingentique vadum possederat umbra.  
 Hujus opem (nam qua terras invaderet?) unca 495  
 Arripuit dextra; nec pertulit illa trahentem:  
 Sed majore supra, quam stabat pondere victa  
 Solvitur, & qua stagna subit radice, quibusque  
 Arentem mordebat humum, demissa superne  
 Injecit trepido sese, ripamque, nec ultra 500  
 Passurum subite vallavit ponte ruinæ.  
 Huc undæ coeunt, & ineluctabile coenum  
 Vorticibusque cavis sedit, crescitque barathrum.  
 Jamque humeros, jam colla ducis sinuosa vorago  
 Circuit. Hic demum victus suprema fateri 505  
 Exclamat: Fluvione (pudet!) Mars inclyte merges  
 Hanc animam? segnesque lacus & stagna subibo  
 Ceu pecoris custos, subiti torrentis iniquis

Inter-

Interceptus aquis? adeone occumbere ferro 509  
 Non merui? Tandem precibus commota Tonantem  
 Juno subit: quo nam miseros, fator inclyte divum,  
 Inachidas, quonam usque premes? jam Pallas & odit  
 Tydea, jam rapto tacuerunt augure Delphi.  
 En meus Hippomedon, cui gentis origo Mycenæ  
 Argolicique lares, numenque ante omnia Juno, 515  
 (Sic ego fida meis?) pelagi crudelibus ibit  
 Præda feris? certe tumulos, supremaque victis  
 Busta dabas. ubi Cecropiæ post prælia flammæ?  
 Theseos ignis ubi est? Non spernit conjugis æquas  
 Ille preces: leviterque oculos ad mœnia Cadmi 520  
 Rettulit, & viso federunt flumina nutu.  
 Illius exangues humeri, & perfossa patefcunt  
 Pectora: ceu ventis alte cum elata refedit  
 Tempestas, surgunt scopuli, quæsitæque nautis  
 Terra, & ab infestis descendunt æquora saxis. 525  
 Quid ripas tenuisse juvat? premit undique nimbo  
 Telorum Phœniiffa cohors; nec tegmina membris  
 Ulla, omnisque patet leto. tunc vulnera manant,  
 Quique sub amne diu stupuit cruor, aëre nudo  
 Solvitur, & tenues venarum laxat hiatus, 530

Statius. T. I.

X

Incertique labant undarum frigore gressus.  
 Procumbit, Getico qualis procumbit in Hæmo  
 Seu Boreæ furiis, putri seu robore quercus  
 Cælo mixta comas, ingentemque æra laxat.  
 Illam nutantem nemus, & mons ipse tremiscit, 535  
 Qua tellure cadat, quas obruat ordine sylvas.  
 Non tamen aut enssem, galeamve audacia cuiquam  
 Tangere. vix credunt oculis, ingentiaque horrent  
 Funera, & astrictis accedunt cominus armis. 539  
 Tandem adiit Hypseus, capulumque in morte tenenti  
 Extrahit, & torvos laxavit casside vultus.  
 Itque per Aonios alte mucrone corusco  
 Suspensam ostentans galeam, & clamore superbit.  
 Hic ferus Hippomedon: hic formidabilis ultor  
 Tydeos infandi, debellatorque cruenti 545  
 Gurgitis. agnovit longe, pressitque dolorem  
 Magnanimus Capaneus, telumque immane lacerto  
 Hortatur librans: Ades ô mihi, dextera, tantum  
 Tu præsens bellis, & inevitabile numen,  
 Te voco, te solam superûm contemptor adoro. 550  
 Sic ait, & voti sese facit ipse potentem.  
 It tremebunda abies, clypeum per & ærea terga

Loricæ, tandemque animam sub pectore magno  
 Deprendit. ruit haud alio quam celsa fragore  
 Turris, ubi innumeros penitus quassata per ictus 555  
 Labitur, effractamque aperit victoribus urbem.  
 Cui super assistens, non inficiamur honorem  
 Mortis ait: refer huc oculos, ego vulneris auctor.  
 Lætus abi, multumque aliis jactantior umbris. 559  
 Tunc enssem, galeamque rapit, clypeumque revellit  
 Ipsi, exanimemque tenens super Hippomedonta,  
 Accipe, ait, simul hostiles dux magne, tuasque  
 Exuvias: veniet cineri decus, & suus ordo  
 Manibus, interea justos dum reddimus ignes,  
 Hoc ultor Capaneus operit tua membra sepulchro.  
 Sic anceps dura belli vice mutua Grajis 566  
 Sidoniisque simul nectebat vulnera Mavors.  
 Hic ferus Hippomedon, illic non segnior Hypseus  
 Fletur, & alterni præbent solatia luctus.  
 Tristibus interea somnum turbata figuris 570  
 Torva sagittiferi mater Tegeatis Ephebi,  
 Crine dato passim, plantisque ex more solutis,  
 Ante diem gelidas ibat Ladonis ad undas  
 Purgatura malam fluvio vivente soporem.

Namque per attonitas curarum pondere noctes 575  
 Sæpe & delapsas adytis, quas ipsa dicarat  
 Exuvias, seque ignotis errare sepulchris.  
 Extotrem nemoris, Dryadamque a plebe fugatam,  
 Sæpe novos nati bello rediisse triumphos,  
 Armaque, & alipedem notum, comitesque videbat,  
 Nusquam ipsum. nunc ex humeris fluxisse phare-  
 tras, 581  
 Effigiesque suas, simulacraque nota cremari.  
 Præcipuos sed enim illa metus portendere visa  
 Nox miseræ, totoque erexit pectore matrem.  
 Nota per Arcadias felici robore silvas 585  
 Quercus erat, Triviæ quam defacraverat ipsa  
 Electam turba nemorum, numenque colendo  
 Fecerat. Hic arcus, & fessâ reponere tela,  
 Armaque curva suum, & vacuorum terga leonum  
 Figere, & ingentes æquantia cornua silvas. 590  
 Vix ramis locus: agrestes adeo omnia cingunt  
 Exuviæ, & viridem ferri nitor impedit umbram.  
 Hanc ut forte jugis longo defessa redibat  
 Venatu, modo rapta ferox Erymanthidos ursæ  
 Ora ferens, multo proscissam vulnere cernit 595

Deposuisse comam, & rorantes sanguine ramos  
 Expirasse solo. quærenti Nympha cruentas  
 Mænadas, atque hostem dixit sævisse Lyæum.  
 Dum gemit, & planctu circumdat pectus inani,  
 Abrupere oculi noctem, mæstoque cubili 600  
 Exilit, & falsos quærit per lumina fetus.  
 Ergo ut in amne nefas merso ter crine piavit,  
 Verbaque sollicitas matrum solantia curas  
 Addidit, armatæ ruit ad delubra Dianæ,  
 Rore sub Eoo, notasque ex ordine silvas 605  
 Et quercum gavisa videt. Tunc limine divæ  
 Astitit, & tali nequicquam voce precatur:  
 Virgo potens nemorum, cujus non mollia signa  
 Militiamque trucem, sexum indignata frequento  
 More nihil Grajo. nec te gens aspera ritu 610  
 Colchis, Amazoniæve magis coluere catervæ  
 Si mihi non unquam thyasi, ludusve protervæ  
 Noctis & invisio quamvis temerata cubili,  
 Non tamen aut teretes thyrsos, aut mollia gessi  
 Pensa, sed in tetricis & post connubia lustris, 615  
 Sic quoque venatrix, animumque innupta remansi.  
 Nec mihi secretis culpam occultare sub antris

Cura, sed ostendi natum, posuique trementem  
 Ante tuos confessa pedes. nec degener ille  
 Sanguinis, inque meos reptavit protinus arcus, 620  
 Tela puer lachrymis & prima voce poposcit.  
 Hunc mihi (quid trepida noctes, somnusque mi-

nantur?)  
 Hunc, precor, audaci qui nunc ad praelia voto  
 Heu nimium tibi filius abit, da visere belli  
 Victorem, vel si ampla peto, da visere tantum. 625  
 Hic sudet, tuaque arma ferat. preme diva malorum  
 Signa: quid in nostris, nemoralis Delia, silvis  
 Mænades hostiles, Thebanaque numina regnant?  
 Hei mihi cur penitus (simque augur casta futuri)  
 Cur penitus, magnoque interpretor omine quercum?  
 Quod si vera sopor miseræ præfagia mittit, 631  
 Per te maternos, mitis Dictynna, labores,  
 Fratrumque decus, justis hunc fige sagittis  
 Infelicem uterum. miseræ sine funera matris  
 Audiatur prior. dixit, fletuque soluto, 635  
 Aspicit & niveæ faxum maduisse Dianæ.  
 Illam diva ferox etiamnum in limine sacro  
 Expositam, & gelidas verrentem crinibus aras

Linqvit, & in mediis frondentem Mænalon astris  
 Exuperat gressu, saltumque ad mœnia Cadmi. 640  
 Destinat, interior cœli qua semita lucet  
 Diis tantum, & cunctas juxta videt ardua terras.  
 Jamque fere medium Parnasi frondea præter  
 Colla tenebat iter, cum fratrem in nube corusca  
 Aspicit haud solitum visu. remeabat ab armis. 645  
 Mæstus Echionis, demersi funera lugens  
 Auguris. irrubuit cœli plaga sidere mixto,  
 Occursuque sacro pariter jubar arsit utrinque,  
 Et coire arcus, & respondere pharetra.  
 Ille prior: scio Labdacidas, germana, cohortes, 650  
 Et nimium fortes ausum petis Arcada pugnas.  
 Fida rogat genitrix; utinam indulgere precanti  
 Fata darent! en ipse mei (pudet) irritus arma  
 Cultoris, frondesque sacras, ad inania vidi  
 Tartara, & in memet versos descendere vultus. 655  
 Nec tenui currus, terræque abrupta coëgi,  
 Sævus ego, immeritusque coli. Lugentia cernis  
 Antra, soror, mutasque domos. hæc sola rependo  
 Dona pio comiti. nec tu peritura movere  
 Auxilia, & mæstos in vanum perge labores. 660

Finis adest juveni: non hoc mutabile fatum.  
 Nec te nunc dubiis fraterna oracula fallunt.  
 At decus extremum misero, confusa vicissim  
 Virgo refert, duræque licet solatia morti 664  
 Quærere, nec fugiet pœnas, quicumque nefandam  
 Infantis pueri scelerarit sanguine dextram  
 Impius, & nostris fas sit sœvire sagittis.  
 Sic effata movet gressus, libandaque fratri  
 Parcius ora tulit, Thebasque infesta petivit.  
 At pugna ereptis major crudescit utrimque 670  
 Regibus, alternosque ciet vindicta furores.  
 Hypseos hinc turmæ, desolatamque magistro  
 Agmen, at hinc gravius fremit Hippomedontis ad-  
 empti  
 Orba cohors: præbent obnixi pectora ferro:  
 Idem ardor rabidis externum haurire cruorem, 675  
 Ac fudisse suum: nec se vestigia mutant:  
 Stat cuneo defixa acies, hostique cruento  
 Dant animas, & terga negant. cum lapsa per auras  
 Vertice Dircei velox Latonia montis  
 Astitit. agnoscunt colles, notamque tremiscit 680  
 Sylva deam, sœvis ubi quondam exerta sagittis

Fœcundam lassæ Nioben consumpserat arcu.  
 Illum acies inter medias, jam cæde superbum  
 Nescius armorum, & primas tunc passus habenas  
 Venator raptabat equus, quem discolor ambit 685  
 Tigris, & auratis adverberat unguibus armos.  
 Colla sedent, nodis & castigata jubarum  
 Libertas, nemorisque notæ sub pectore primo  
 Jactantur, niveo lunata monilia dente.  
 Ipse bis Oebalio saturatam murice pallam, 690  
 Lucentesque auro tunicas (hoc neverat unum  
 Mater opus) tenui collectus in ilia vinclo  
 Cornipedis lævo clypeum demiserat armo,  
 Ense gravis nimio: tereti juvat aurea morsu  
 Fibula, pendentes circum latera aspera cinctus, 695  
 Vaginæque sonum, tremulumque audire pharetræ  
 Murmur, & a cono missas in terga catenas.  
 Interdum cristas hilaris jactare comantes,  
 Et pictum gemmis galeæ jubar. ast ubi pugna  
 Cassis anhela calet; resoluta vertice nudus 700  
 Exoritur. tunc duce comæ, radiisque micantes  
 Dulce nitent visus, &, quas dolet ipse morari,  
 Nondum mutata rosea lanugine mala.



Nec formæ sibi laude placet, multumque severis  
 Asperat ora minis, sed frontis servat honorem 705  
 Irâ decens. dat sponte locum Thebana juvenus  
 Natorum memores, intentaque tela retorquent.  
 Sed premit, & sævas miserantibus ingerit hastas.  
 Illum & Sidoniæ juga per Theumesia nymphæ  
 Bellantem, atque ipso sudore & pulvere gratum 710  
 Laudant, & tacito ducunt suspiria voto.  
 Talia cernenti mitis subit alta Dianæ  
 Corda dolor, fletuque genas violata: Quod, inquit,  
 Nunc tibi, quod leti quæram dea fida propinqui  
 Effugium? hæc ne ultro properasti ad prælia, sæve  
 Ac miserande puer? cruda heu festinaque Virtus 716  
 Suavit, & hortatrix animosi gloria leti.  
 Scilicet angustum jam dudum urgentibus annis  
 Mænalium tibi, parve, nemus, perque antra ferarum  
 Vix tutæ sine matre viæ, silvestria cuius 720  
 Nondum tela procax, arcumque implere valebas.  
 Et nunc illa meas ingentem plangit ad aras  
 Invidiam, surdasque fores, & limina lassat.  
 Tu dulces lituos, ululataque prælia gaudes  
 Felix, & miseræ tantum periture parenti. 725

Ne tamen extremo frustra morientis honori  
 Adfuerit, venit in medios caligine fulva  
 Septa globos, primumque leves furata sagittas  
 Audacis tergo pueri, cœlestibus implet  
 Coryton telis, quorum sine sanguine nullum 730  
 Effugit. Ambrosio tunc spargit membra liquore,  
 Spargit equum, ne quo temeretur vulnere corpus  
 Ante necem, cantusque sacros, & conscia miscet  
 Murmura, secretis quæ Colchidas ipsa sub antris  
 Nocte docet, monstratque feras quærentibus herbas.  
 Tunc vero exerto circumvolat igneus arcu, 736  
 Nec se mente regit, patriæ, matrisque, sui que  
 Immemor, & nimium cœlestibus utitur armis.  
 Ut leo, cui parvo mater Gætula, cruentos  
 Suggestit ipsa cibos, cum primum crescere sensit 740  
 Colla jubis, torvusque novos respexit ad unguis,  
 Indignatur ali, tandemque effusus apertos  
 Liber amat campos, & nescit in antra reverti.  
 Quos age Parrhasio sternis, puer improbe, cornu?  
 Prima Tanagræum turbavit arundo Choræbum 745  
 Extremo galez, primoque in margine parmæ  
 Angusta transmissa via: stat faucibus unda

Sanguinis, & sacri facies rubet igne veneni.  
 Sævius Eurition, cui luminis orbe sinistri  
 Aspera tergemina acies se condidit uncis. 750  
 Ille trahens oculo plenam labente sagittam  
 Ibat in auctorem. Sed divum fortia quid non  
 Tela queant? alio geminatum lumine vulnus  
 Explevit tenebras; sequitur tamen improbus hostem,  
 Qua meminit, fufum donec prolapsus in Idam 755  
 Decidit. Hic sævi miser inter funera belli  
 Palpitat, & mortem, sociosque, hostesque precatur.  
 Addit Abantiadas, insignem crinibus Argum,  
 Et male dilectum miseræ Cydona forori;  
 Illi perfossum telo patefecerat inguen, 760  
 Huic geminum obliqua trajecit arundine tempus.  
 Exstitit hac ferrum, velox hac penna remansit;  
 Fluxit utrimque cruor: nulli tela aspera mortis  
 Dant veniam. non forma Lamum, non infula Lyg-  
 dum,  
 Non pubescentes texerunt Aeolon anni. 765  
 Figitur ora Lamus, flet faucibus inguina Lygdus,  
 Perfossum telo niveam gemis Aeole frontem.  
 Te præceps Eubœa tulit, te candida Thisbe

Miserat, hunc virides non excipietis Amyclæ.  
 Nunquam cassa manus, nullum sine vulnere fugit 770  
 Missile. nec requies dextræ, sonitumque priori  
 Jungit arundo sequens. unum quis crederet arcum?  
 Aut unam sævire manum? modo dirigit ictus,  
 Nunc latere alterno dubius conamina mutat,  
 Nunc fugit instantes, & solo respicit arcu. 775  
 Et jam mirantes, indignantesque coibant  
 Labdacidæ, primusque Jovis de sanguine claro  
 Amphion, ignarus adhuc, quæ funera campis  
 Ille daret: Quonam usque moram lucrabere fati,  
 O multum meritos puer orbature parentes? 780  
 Quin etiam menti tumor, atque audacia gliscit,  
 Congressus dum nemo tuos, pugnamque minorem  
 Dignatur bellis, iramque relinqueris infra.  
 I, repete Arcadium, mixtusque æqualibus illic,  
 Dum ferus hic vero desævit pulvere Mavors, 785  
 Prælia lude domi. quod si te mœsta sepulchri  
 Fama movet, dabimus, leto moriere virorum.  
 Jam dudum hunc contra stimulis, gravioribus ardet  
 Trux Atalantiades, nec dum ille quieverat, inquit:  
 Sera etiam in Thebas, quarum hic exercitus arma 790

Profero. quisnam adeo puer, ut bellare recuset  
 Talibus: Arcadiæ stirpem, & fera femina gentis,  
 Non Thebana vides. non me sub nocte silenti  
 Thyas Echionio genitrix famulata Lyæo  
 Edidit, haud unquam deformes vertice mitras 795  
 Induimus, turpique manu jactavimus hastam.  
 Protinus astrictos didici reptare per amnes,  
 Horrendasque domos magnarum intrare ferarum,  
 Et quid plura loquar? ferrum mea semper, & arcus  
 Mater habet, vestri feriunt cava tympana patres. 800  
 Non tulit Amphion, vultumque, & in ora loquentis  
 Telum immane rotat, sed ferri lumine diro  
 Turbatus sonipes, sese dominumque retorfit  
 In latus, atque avidam transmisit devius hastam.  
 Acrior hoc juvenem stricto mucrone petebat 805  
 Amphion, cum se medio Latonia campo  
 Injicit ante oculos: omni stetit obvia vultu.  
 Hærebat juveni devinctus amore pudico  
 Mænalius Dorceus, cui bella, suumque timorem  
 Mater, & audaces pueri mandaverat annos. 810  
 Hujus tum vultu dea dissimulata profatur:  
 Hæcenus Ogygias satis infestasse catervas,

Parthenopæe, satis. miseræ jam parce parenti,  
 Parce deis quicumque favent: nec territus ille, 814  
 Hunc sine me (nec plura petam) fidissime Dorceu,  
 Sternere humi, qui tela meis gerit æmula telis,  
 Et similes cultus, & frena sonantia jactat.  
 Frena regam; cultus triviæ pendebitis alto  
 Limine, captivis matrem donabo pharetris.  
 Audiit, & mixto risit Latonia fletu. 820  
 Viderat hanc cœli jam dudum in parte remota  
 Gradivum complexa Venus, dumque anxia Thebas  
 Commemorat, Cadmumque viro, caræque nepotes  
 Harmoniæ, pressum tacito sub corde dolorem  
 Tempestiva movet. Nonne hanc, Gradive, pro-  
 tervam 825  
 Virginitate vides mediam se ferre virorum  
 Cœtibus? utque acies audax, & Martia signa  
 Temperet? en etiam donat, præbetque necandos  
 Tot nostra de gente viros. huic tradita Virtus,  
 Huic furor? agrestes superest tibi figere damas. 830  
 Defluit justis commotus in arma querelis  
 Bellipotens, cui sola vagum per inane ruenti  
 Ira comes, reliqui sudant ad bella Furores.

Nec mora, cum mœstam monitu Latoïda duro  
 Increpat assistens: Non hæc tibi prælia divûm 835  
 Dat pater, armiferum ni protinus improba campum  
 Deseris, huic æquam nosces nec Pallada dextræ.  
 Quid faciat contra? premit hinc Mavortia cuspis,  
 Hinc plenæ tibi, parve, colus, Jovis inde severi  
 Vultus: abit solo post hæc devicta pudore. 840  
 At pater Ogygias Mavors circumspicit alas,  
 Horrendumque Dryanta movet, cui sanguinis auctor  
 Turbidus Orion, comitesque odisse Dianæ.  
 Inde furit primum. hic turbatos arripit ense  
 Arcadas, exarmatque ducem. cadit agmine longo 845  
 Cyllenes populus, Tegeesque habitator opaca,  
 Aepitiique duces fugiunt, Pheneique phalanges.  
 Ipsum autem, & lassâ fudit prostrernere dextra,  
 Nec servat vires, etenim huc jam fessus, & illuc,  
 Mutabat turmas. urgent præfagia mille 850  
 Funeris, & nigræ præcedunt nubila mortis.  
 Jamque miser raros comites, verumque videbat  
 Dorcea, jam vires paulatim abscondere sentit,  
 Sentit & exhaustas humero levioire pharetras. 854  
 Jam minus atque minus fert arma, puerque videtur,  
 Et

Et sibi cum torva clypei metuendus obarsit  
 Luce Dryas: tremor ora repens, ac viscera torfit  
 Arcados, utque feri vectorem fulminis albus  
 Cum supra respexit Olor, cupit hiscere ripam  
 Strymonos, & trepidas in pectora contrahit alas, 860  
 Sic juvenem sævi conspecta mole Dryantis,  
 Jam non ira subit, sed leti nuncius horror.  
 Arma tamen, frustra superos Triviamque precatus,  
 Molitur pallens, & furdos expedit arcus.  
 Jamque instat telis, & utramque obliquus in ulnam  
 Cornua contingit mucrone, & pectora nervo. 866  
 Cum ducis Aonii magno cita turbine cuspis  
 Fertur in adversum, nervique obliqua sonori  
 Vincla fecat, pereunt ictus, manibusque remissis  
 Vana supinato ceciderunt spicula cornu. 870  
 Tunc miser & frenos turbatus, & arma remisit,  
 Vulneris impatiens, humeri qua tegmina dextræ  
 Intrarat, facilemque cutem subit altera cuspis,  
 Cornipedisque fugam succiso poplite sistit.  
 Tunc cadit ipse Dryas (mirum) nec vulneris us-  
 quam 875  
 Consciis, olim auctor teli, causeque patebant.  
 Stæsius. T. I. Y

At puer infusus fociis, in devia campi  
 Tollitur (heu simplex ætas.) moriensque jacentem  
 Flebat equum. cecidit laxata casside vultus,  
 Aegraque per trepidos expirat gratia visus, 880  
 Et prensis concussa comis, ter colla, quaterque  
 Stare negant, ipsisque nefas lachrymabile Thebis,  
 Ibat purpureus niveo de pectore sanguis.  
 Tandem hæc singultu verba incidente profatur:  
 Labimur, i, miseram, Dorceu, solare parentem.  
 Illa quidem, si vera ferunt præfagia curæ, 886  
 Aut somno jam triste nefas, aut omine vidit.  
 Tu tamen arte pia trepidam suspende, diuque  
 Decipito, neu tu subitus, neve arma tenenti  
 Veneris, & tandem cum jam cogere fateri, 890  
 Dic: merui, genitrix, pœnas, invita capeffens  
 Arma puer rapui, nec te retinente quievi:  
 Nec tibi sollicitæ saltē inter bella peperci.  
 Vivē igitur, potiusque animis irascere nostris.  
 Et jam pone metus. frustra de colle Lycæi 895  
 Anxia prospectas, si quis per nubila longe  
 Aut sonus, aut nostro sublatus ab agmine pulvis.  
 Frigidus in nuda jaceo tellure, nec usquam

Tu prope, quæ vultus, efflantiaque ora teneres  
 Hunc tamen, orba parens, crinem (dextraque se-  
 candum 900  
 Præbuit) hunc toto capies pro corpore crinem,  
 Comere quem frustra me dedignante solebas.  
 Huic dabis exequias: atque inter justa memento,  
 Ne quis inexpertis hebetet mea tela lacertis,  
 Dilectosque canes ullis agat amplius antris. 905  
 Hæc autem primis arma infelicia castris  
 Ure, vel ingrata munus suspende Dianæ.



P. PAPINII STATII

THEBAIDOS

LIBER X.

OBREVIT Hesperia Phœbum nox humida porta,  
 Imperiis properata Jovis; nec castra Pelasgum  
 Aut Tyrias miseratus opes, sed triste, tot extra  
 Agmina & immeritas ferro decrescere gentes.  
 Panditur immenso deformis sanguine campus. 5  
 Illic arma & equos, ibant quibus ante superbi,  
 Funeraque orba rogis, neglectaque membra relin-  
 quunt.

Tunc inhonora cohors laceris insignibus agras  
 Secernunt acies, portæque, ineuntibus arma  
 Angustæ populis, late cepere reverfos. 10  
 Par utrinque dolor, sed dant solatia Thebis  
 Quatuor errantes Danaum sine præfide turmæ.  
 Ceu mare per tumidum viduæ moderantibus alni,

Quas Deus, & casus, tempestatesque gubernant. 1  
 Inde animus Tyriis, non jam sua castra, sed ultro. 15  
 Hostilem servare fugam, ne forte Mycenas  
 Contenti rediisse petant. dat tessera signum  
 Excubiis, positæque vices. dux noctis operta  
 Sorte Meges, ultroque Lycus. jamque ordine jussu  
 Arma, dapes, ignemque ferunt. rex firmat euntes.  
 Victores Danaum (nec enim lux crastina longe, 21  
 Nec quæ pro timidis intercessere tenebræ  
 Semper erunt) augete animos, & digna secundiæ  
 Pectora ferte deis. jacet omnis gloria Lerna  
 Præcipuaque manus: subiit ultricia Tydeus 25  
 Tartara, mors subitam nigri stupet auguris umbram.  
 Ismenos raptis tumet Hippomedontis opimis,  
 Arcada belligeris pudet annumerare trophæis  
 In manibus merces. nusquam capita ardua belli  
 Monstratæque ducum septena per agmina crista. 30  
 Scilicet Adraști senium, fraterque juvena  
 Pejon, & insanis Capaneus metuendus in armis.  
 Ite age, & obsessis vigiles circumdate flammæ,  
 Nulli ex hoste metus, prædam adservatis, opesque  
 Jam vestras. Sic ille truces hortatibus implet 35

Labdacidas. juvat exhaustos iterare labores.  
 Sicut erat pulvis, sudorque, cruorque per artus  
 Mixtus adhuc, vertere gradum. vix obvia passi  
 Colloquia, amplexus etiam, dextrasque suorum  
 Excussere humeris. tunc frontem, aversaque terga  
 Partiti, laterumque sinus, vallum undique cingunt  
 Ignibus infestis. Rabidi sic agmine mixto  
 Sub noctem coiere Lupi, quos omnibus agris  
 Nil non ausa fames longo tenuavit hiatu;  
 Jam stabula ipsa premunt: torquet spes irrita fauces,  
 Balatusque tremens, pinguesque ab ovilibus aura:  
 Quod superest, duris adfrangunt postibus ungues,  
 Pectoraque, & siccos minuunt in limine dentes.  
 At procul Argolici supplex in margine templi  
 Cœtus, & ad patrias fusa Pelopeïdes aras  
 Sceptrifera Junonis opem, reditumque suorum  
 Exposcunt, pictasque fores, & frigida vultu  
 Saxa terunt, parvosque docent procumbere natos.  
 Condiderant jam vota diem: nox addita curas  
 Jungit, & aggestis vigilant altaria flammis.  
 Peplum etiam dono, cujus mirabile textum  
 Nulla manus sterilis, nec dissociata marito

Versarat calathis, castæ velamina divæ  
 Haud spernenda ferunt, variis ubi plurima floret  
 Purpura picta modis, mixtoque incenditur auro.  
 Ipsa illic magni thalamo desponsa Tonantis  
 Expers connubii, & timide positura sororem  
 Lumine demisso pueri Jovis oscula libat  
 Simplex, & nondum furtis offensa mariti.  
 Hoc tunc Argolicæ sanctum velamine matres  
 Induerant ebur, & lachrymis questuque rogabant.  
 Aspice sacrilegas Cadmeæ pellicis arces,  
 Siderei regina poli, tumulumque rebellem  
 Disjice, & in Thebas aliud (potes) excute fulmen.  
 Quid faciat? scit fata suis contraria Grajis,  
 Aversumque Jovem: sed nec periisse precatus  
 Tantaque dona velit. tempus tamen obvia magni  
 Fors dedit auxilii. videt alto ex æthere clausa  
 Mœnia, & insomni vallum statione teneri.  
 Horruit irarum stimulis, motaque verendum  
 Turbavit diadema coma. non savius arsit  
 Herculeæ cum matris onus, geminosque Tonantis  
 Concubitus vacuis indignaretur in astris.  
 Ergo intempesta somni dulcedine captos

Destinat Aonios leto præbere: suamque 80  
 Orbibus accingi solitis jubet Irin, & omne  
 Mandat opus. paret jussis dea clara, polumque  
 Linqvit, & in terras longo suspenditur arcu.  
 Stat super occidua nebulosa cubilia noctis,  
 Aethiopaſque alios, nulli penetrabilis astro 85  
 Lucus iners, ſubterque cavis grave rupibus antrum  
 It vacuum in montem, qua deſidis atria ſomni,  
 Securumque larem ſegnīs Natura locavit.  
 Limen opaca Quies, & pigra Oblivīa ſervant,  
 Et nunquam vigili torpens Ignavia vultu. 90  
 Otia veſtibulo, preſſiſque ſilentia pennīs  
 Muta ſedent, abiguntque truces a culmine ventos,  
 Et ramos errare vetant, & murmura demunt  
 Alitibus. non hic pelagi, licet omnia clament  
 Littora, non illic cæli fragor. ipſe profundis 95  
 Vallibus effugiens ſpeluncæ proximus amnis  
 Saxa inter, ſcopuloſque tacet, nigrantia circa  
 Armenta, omne ſolo recubat pecus, & nova marcent  
 Germina, terrarumque inclināt ſpiritus herbas.  
 Mille intus ſimulacra dei cælaverat ardens 100  
 Mulciber. hic hæret lateri redimita Voluptas.

Hic comes in requiem vergens labor. eſt ubi Baccho,  
 Eſt ubi Martigenæ ſocium pulvinar Amori  
 Obrinet, interius reſtrum in penetralibus altis  
 Et cum Morte jacet. nullique ea triſtis imago. 105  
 Ipſe autem, vacuus curis, humentia ſubter  
 Antra ſoporifero ſtipatus flore, tapetas  
 Incubat. exhalant veſtes, & corpore pigro  
 Strata calent, ſupraque torum niger efflat anhelos  
 Ore vapor: manus hæc fuſos a tempore lævo 110  
 Suſtentat crines: hæc cornu oblita remiſit.  
 Adſunt innumero circum vaga ſomnia vultu,  
 Vera ſimul falſis, permixtaque triſtia blandis.  
 Noctis opaca cohors, trabibusque, aut poſtibus  
 hærent,  
 Aut tellure jacent. tenuis, qui circuit aulam, 115  
 Invaliduſque nitor, primosque hortantia ſomnos  
 Languida ſucciduis expirant lumina flammis.  
 Huc ſe cæruleo libravit ab æthere virgo  
 Diſcolor. eſſulgent ſilvæ, tenebroſaque Tempe  
 Adriſere deæ, & zonis lucentibus iſta 120  
 Evigilat domus. ipſe autem nec lampade clara  
 Nec ſonitu, nec voce deæ percuſus, eodem



More jacet: donec radios Thaumantias omnes  
 Impulit, inque oculos penitus descendit inertes.  
 Tunc sic orsa loqui: nimborum fulva creatrix 125  
 Sidonios te Juno duces, mitissime divum  
 Somne, jubet populumque trucidis defigere Cadmi,  
 Qui nunc eventu belli tumefactus, Achæum  
 Pervigil adservat vallum, & tua jussa recusat.  
 Da precibus tantis, (rara est hoc posse facultas) 130  
 Placatumque Jovem dextra Junone merere.  
 Dixit, & increpitans languentia pectora dextra,  
 Ne pereant voces, iterumque, iterumque monebat.  
 Ille deæ jussis dubium, mixtumque sopori  
 Annuit. excedit gravior nigrantibus antris 135  
 Iris, & obtusum multo jubar excitat imbri.  
 Ipse quoque & volucrem gressum, & ventosa citavit  
 Tempora, & obscuri sinuatam frigore cæli  
 Implevit chlamydem, tacitoque per æthera cursu  
 Fertur, & Aoniis longe gravis imminet arvis. 140  
 Illius aura solo volucres, pecudesque, ferasque  
 Explicat, & penitus quacunq; supervolat orbem,  
 Languida de scopulis sidunt freta, pigrius hærent  
 Nubila, demittunt extrema cacumina sylvæ,

Pluraque laxato ceciderunt sidera cælo: 145  
 Primus adesse deum subita caligine sensit  
 Campus, & innumera voces, fremitusque virorum  
 Summisere sonum. cum vero humentibus alis  
 Incubuit, piceaque haud unquam densior umbra  
 Castra subit, errare oculi, resolutaque colla, 150  
 Et medio adfatu verba imperfecta relinqui.  
 Mox & fulgentes clypeos, & sæva remittunt  
 Pila manu, lassique cadunt in pectora vultus.  
 Et jam cuncta silent: ipsi jam stare recusant  
 Cornipedes. ipsos subitus cinis abstulit ignes. 155  
 At non & trepidis eadem sopor otia Grajis  
 Suadet, & a junctis arcet sua nubila castris  
 Noctivagi vis blanda dei, stant undique in armis  
 Fœdam indignantes noctem, vigilesque superbos.  
 Ecce repens, superis animum lymphantibus, horror  
 Thiodamanta subit, formidandoque tumultu 161  
 Pandere fata jubet: sive hanc Saturnia mentem,  
 Sive novum comitem bonus instigabat Apollo.  
 Proflit in medios visu, auditaque tremendus,  
 Impatiensque dei, fragili quem mente receptum 165  
 Non capit. exudant stimuli, nudusque per ora

Stat furor, & trepidas incerto sanguine reddit,  
 Exhaustaque genas: acies huc errat, & illuc,  
 Sertaque mixta comis sparfa cervice flagellat.  
 Sic Phryga terrificis genitrix Idæa cruentum 170  
 Elicit ex adytis, consumptaque brachia ferro  
 Scire vetat. quatit ille sacras in pectora pinus,  
 Sanguineisque rotat crines, & vulnera cursu  
 Exanimat: pavet omnis ager, resperfaque cultris  
 Arbor, & attoniti curram erexere leones. 175  
 Ventum ad concilii penetrabile, domumque verendam  
 Signorum, magnis ubi dudum cladibus ager  
 Rerum extrema movens, frustra consultat Adrastus,  
 Stant circum subiti proceres, ut quisque perempto  
 Proximus, & magnis loca desolata tuentur 180  
 Regibus, haud læti, seque huc crevisse dolentes.  
 Non secus amisso medium cum præside puppis  
 Fregit iter, subit ad vidui moderamina clavi,  
 Aut laterum custos, aut quem penes obvia ponto  
 Prora fuit, stupet ipsa ratis, tardeque sequuntur  
 Arma, nec accedit domino tutela minori. 186  
 Ergo alacer trepidos sic erigit augur Achivos:  
 Magna deum mandata, duces, monitusque verendos

Advehimus. non hæc nostro de pectore voces.  
 Ille canit, cui me famulari, & sumere vittas 190  
 Vestra fides, ipso non discordante, subegit.  
 Nox fecunda operum, pulchræque accommoda fraudi  
 Panditur augurio divum. vocat obvia virtus,  
 Et poscit Fortuna manus. stupet obruta somno  
 Aonidum legio. tempus nunc funera regum 195  
 Ulcisci, miserumque diem. rapite arma, morasque  
 Frangite portarum: fociis hoc subdere flammæ,  
 Hoc tumulare suos. equidem hoc & Marte diurno  
 Dum res infractæ, pulsique in terga redimus,  
 (Per tripodas juro, & rapti nova fata magistri) 200  
 Vidi, & me volucres circum plausere secundæ.  
 Sed nunc certa fides. modo me sub nocte silenti  
 Ipse, ipse adsurgens iterum tellure soluta,  
 Qualis erat (solos infecerat umbra jugales)  
 Amphiarus adit. vanæ nec monstra quietis, 205  
 Nec somno comperta loquor. Tune, inquit, inertes  
 Inachidas (redde hæc Parnassia ferta, meosque  
 Redde deos) tantam patiære amittere noctem,  
 Degener? hæc egomet cœli secreta, vagoque  
 Edocui lapsus? vade eja, ulciscere ferro 210

Nos saltem. Dixit, meque hæc ad limina visus  
 Cuspide sublata, totoque impellere curru.  
 Quare agite, utendum superis. non cominus hostes  
 Sternendi, bellum jacet, & favire potestas:  
 Ecqui aderunt? quos inganti se attollere fama 215  
 Non pigeat, dum fata sinunt? iterum ecce benignæ  
 Noctis aves. sequor, & comitum licet agmina  
 cessent,  
 Solus eo, solus. venit ille, & quassat habenas.  
 Talia vociferans, noctem exturbabat, euntque  
 Non secus accensi proceres, quam si omnibus idem  
 Corde deus. flagrant comitari & jungere casus. 221  
 Ter denos numero, turmarum robora, jussus  
 Ipse legit. circa fremit indignata juvenus  
 Cætera, cur maneant castris, ignavaque servant  
 Otia. pars sublime genus, pars facta suorum, 225  
 Pars sua. sortem alii clamant, sortem undique  
 poscunt.  
 Gaudet in adversis, animoque adfurgit Adrastus.  
 Vertice sic Pholoes volucrum nutritor equorum,  
 Cui fœtura gregem pecoroso vere novavit,  
 Letatur, cernens hos montis in ardua niti, 230

Hos innare vadis, certare parentibus illos:  
 Tunc vacuo sub corde movet, qui molle domandi  
 Ferre jugum, qui terga boni, quis in arma, tubaque  
 Natus, ad Eleas melior quis surgere palmas.  
 Talis erat turmæ ductor longævus Achivæ. 235  
 Nec deest cœptis: unde hæc tam fera repente  
 Numina? qui fractos superi rediistis ad Argos?  
 Estne hic infelix virtus? gentique superstes  
 Sanguis, & in miseris animorum femina durant? 239  
 Laudo equidem, egregii juvenes, pulchraque meorum  
 Seditioe fruor; sed fraudem, & operta paramus  
 Prælia, celandi motus: nunquam apta latenti  
 Turba dolo. servate animos: venit ultor in hostes  
 Ecce dies. tunc arma palam, tunc ibimus omnes.  
 His tandem virtus juvenum frenata quievit. 245  
 Non aliter moto quam si pater Aeolus antro  
 Portam iterum saxo premat imperiosus, & omne  
 Claudat iter, jam jam sperantibus æquora ventis.  
 Insuper Herculeum sibi jungit Agyllea vates  
 Astoraque. Hic aptus suadere, hic robora jactat 250  
 Non cessisse patri. comites tribus ordine deni  
 Horrendum Aoniis, & contra stantibus agmen.

Ipse, novi gradiens furta ad Mavortia belli,  
 Pōnit adoratas Phœbea insignia frondēs,  
 Longævique ducis gremio commendat honorem 255  
 Frontis, & oblatam Polynicis munere grato  
 Loricam, galeamque subit. ferus Actora magno  
 Ense gravat Capaneus, ipse haud dignatus in hostem  
 Ire dolo, superosque sequi. permutat Agylleus  
 Arma trucidis Nōmii. Quid enim fallentibus umbris  
 Arcus, & Herculeæ juvissent bella sagittæ? 261  
 Inde per abruptas castrorum ex aggere pinnas,  
 Ne gravis exclamet portæ mugitus ahenæ,  
 Præcipitant saltu. nec longum, & protinus ingens  
 Præda solo, ceu jam exanimēs, multoque peracti  
 Ense jacent. Ite, ô socii, quacunque voluptas 266  
 Cædis inexhaustæ, superisque faventibus, oro,  
 Sufficite, hortatur clara jam voce sacerdos:  
 Cernitis expositas turpi marcore cohortes.  
 Pro pudor! Argolicas hi ne ausi obsidere portas?  
 Hi fervare viros? Sic fatus & exiit ensē 271  
 Fulmineum, rapidaque manu morientia transit  
 Agmina. quis numeret cædes? aut nomine turbam  
 Exanimem signare queat? subit ordine nullo

Terga-

Tergaque, pectoraque, & galeis inclusa relinquit 275  
 Murmura, permiscetque vagos in sanguine Manes.  
 Hunc temere explicitum stratis, hunc sero remissis  
 Gressibus illapsum clypeo, & male tela tenentem:  
 Cætibus hos mediis vina inter, & arma jacentes.  
 Acclines clypeis alios, ut quemque ligatum 280  
 Infelix tellure sopor, supremaque nubes  
 Obruerat. nec numen abest, armataque Juno  
 Lunarem quatiens exerta lampada dextra  
 Pandit iter, firmatque animos, & corpora monstrat.  
 Sentit adesse deam tacitus, sed gaudia cælat 285  
 Thiodamas. jam tarda manus, jam debile ferrum,  
 Et caligantes nimis successibus iræ.  
 Caspia non aliter magnorum in strage juvencūm  
 Tigris, ubi immenso rabies placata cruore,  
 Lassavitque genas, & crasso fordida tabo 290  
 Confudit maculas, spectat sua facta, doletque  
 Defecisse famem, victus sic augur inerrat  
 Cædibus Aoniis. optet nunc brachia centum,  
 Centenasque in bella manus. jam tædet inanes  
 Exhaurire minas, hostemque adfurgere malit. 295  
 Parte alia segnes magno fatus Hercule vastat

Statius. T. I.

2

Sidonios, Actorque alia. sua quemque cruento  
 Limite turba subit. stagnant nigrantia tabo  
 Gramina, sanguineis nutant tentoria rivis.  
 Fumat humus, somnique & mortis anhelitus una 300  
 Volvitur, haud quisquam visus aut ora jacentum  
 Exexit: tali miseris deus aliger umbra  
 Incubat, & tantum morientia lumina solvit.  
 Traxerat infomnis cithara, ludoque suprema  
 Sidera, jam nullos visurus Alimenu ortus, 305  
 Sidonium Pæana canens: huic languida cervix  
 In lævum cogente deo, mediaque jacebant  
 Colla relicta lyra. ferrum per pectus Agyleus  
 Exigit, aptatamque cava testudine dextram  
 Percutit, & digitos inter sua fila trementes. 310  
 Proturbat mensas dirus liquor: undique manant  
 Sanguine permixti latices, & Bacchus in altos  
 Crateras, paterasque redit, ferus occupat Actor  
 Implicitum fratri Thamyrum. Tagus haurit Ethecli  
 Terga coronati. Danaus caput amputat Hebræi. 315  
 Nescius heu rapitur fati, hilarisque sub umbras  
 Vita fugit, mortisque feræ lucrata dolores.  
 Stratus humo gelida subter juga fida, rotasque

Palpetus Aonios gramen gentile metentes  
 Proflatu terrebat equos, madida ora redundant, 320  
 Accensusque mero sopor æstuat. Ecce jacentis  
 Inachus vates jugulum fodit: expulit ingens  
 Vina cruor, fractumque perit in sanguine murmur.  
 Fors illi præfaga quies, nigraque gravatus  
 Per somnum Thebas, & Thiodamanta videbat. 325  
 Quarta soporiferæ superabant tempora nocti,  
 Cum vacuæ nubes, & honor non omnibus astris,  
 Adflatusque fugit curru majore Bootes.  
 Jamque ipsum defecit opus, cum providus Actor  
 Thiodamanta vocat. Satis hæc inopina Pelasgis 330  
 Gaudia: vix ullos tanto reor agmine sævam  
 Effugisse necem, ni quos deformis in alto  
 Sanguine degeneres occultat vita. secundis  
 Pone modum. sunt & diris sua numina Thebis.  
 Forsitan & nobis modo quæ favere, recedunt. 335  
 Paruit, & madidas tollens ad sidera palmas:  
 Phœbe, tibi exuvias monstratæ præmia noctis,  
 Nondum ablutus aquis, (tibi enim hæc ego sacra  
 litavi)  
 Trado ferus miles tripodum, fidusque sacerdos.

Si non dedecui tua iussa, tulique prementem, 340  
 Sape veni: sape hanc dignare irrupere mentem.  
 Nunc tibi crudus honos, trunca arma, cruorque  
 virorum,  
 At patrias si quando domos, optataque Pæan,  
 Tempa, Lycie, dabis, tot ditia dona sacrat  
 Postibus, & totidem voti memor exige tauros. 345  
 Dixerat, & latis socios revocabat ab armis.  
 Venerat hos inter fato Calydonius Hopleus  
 Mænalique Dymas, dilecti regibus ambo,  
 Regum ambo comites, quorum post funera mæsti  
 Vitam indignantur. Prior Arcada concitat Hopleus:  
 Nullane post manes regis tibi cura perempti, 350  
 Care Dyma? teneant quem jam fortasse volucres  
 Thebanique canes. patriæ quid deinde feretis  
 Arcades? en reduces contra venit aspera mater,  
 Funus ubi? at nostro semper sub pectore Tydeus 355  
 Sævit inops tumuli, quamvis patientior artus  
 Ille, nec abruptis adeo lachrymabilis annis.  
 Ire tamen, sævumque libet nullo ordine passim  
 Scrutari campum, mediasque irrupere Thebas.  
 Excipit orsa Dymas: per ego hæc vaga sidera juro,

Per ducis errantes instar mihi numinis umbras, 360  
 Idem ardor misero. comitem circumspicit olim  
 Mens humilis luctu: sed nunc prior ibo, viamque  
 Inchoat, & mæsto conversus ad æthera vultu  
 Sic ait: Arcanæ moderatrix Cynthia noctis, 365  
 Si te tergemini perhibent variare figuris  
 Numen, & in silvas alio descendere vultu,  
 Ille comes nuper, nemorumque insignis alumnus,  
 Ille tuus, Diana, puer (nunc respice saltem)  
 Quæritur. Incendit pronis dea curribus alnum 370  
 Sidus, & admoto monstravit funera cornu.  
 Apparent campi, Thebæque, altusque Cithæron.  
 Sic ubi nocturnum tonitru malus æthera frangit  
 Juppiter, absiliunt nubes, & fulgure claro  
 Astra patent, subitusque oculis ostenditur orbis. 375  
 Accepit radios, & eadem percitus Hopleus  
 Tydea luce videt. longe dant signa per umbras  
 Mutua latantes, & amicum pondus uterque,  
 Ceu reduces vitæ, sævaque a morte remissos,  
 Subjecta cervice levant. nec verba, nec ausus 380  
 Flere diu: prope sæva dies, indexque minatur  
 Ortus, eunt taciti per mæsta silentia magnis

Passibus, exhaustasque dolent pallere tenebras.  
 Invida fata piis, & fors ingentibus ausis  
 Rara comes. jam castra vident, armisque propin-  
 quant, 385  
 Et decrescit onus: subiti cum pulveris umbra,  
 Et sonus a tergo. monitu ducis acer agebat  
 Amphion equites, noctem, vigilataque castra  
 Explorare datus, primusque per avia campi  
 Usque procul (nec dum totas lux solverat umbras) 390  
 Nescio quid visu dubium, incertumque moveri,  
 Corporaque ire videt subitus mox fraude reperta  
 Exclamat: cohibete gradum quicumque. Sed hostes  
 Esse patet. miseri pergunt anteire, timentque  
 Non sibi. nunc mortem trepidis minitatur, & hastam  
 Expulit, ac vanos alte levat eminus ictus, 396  
 Affectans errare manus. stetit illa Dymantis  
 Ante oculos, qui forte prior, gressumque repressit.  
 At non magnanimus curavit perdere jactus  
 Aepytus, & fixo transverberat Hoplea tergo, 400  
 Pendentisque etiam perstrinxit Tydeos armos.  
 Labitur, egregii nondum ducis immemor, Hopleus,  
 Expiratque tenens: felix, si corpus ademptum

Nesciat, ac sævas talis descendat ad umbras.  
 Viderat hoc retro conversus, & agmina sentit 405  
 Juncta Dymas, dubius precibusne subiret, an armis  
 Instantes. Arma ira dabat; fortuna precari,  
 Non audere jubet: neutri fiducia crepto.  
 Distulit ira preces. ponit miserabile corpus  
 Ante pedes: tergoque graves, quas forte gerebat 410  
 Tigridis exuvias in lævum torquet, & obstat  
 Exertum objectans mucronem, inque omnia tela  
 Versus, & ad cædem juxta, mortemque paratus;  
 Ut lea, quam sævo fœtam pressere cubili  
 Venantes Numidæ, natos erecta superstat 415  
 Mente sub incerta, torvum ac miserabile frendens:  
 Illa quidem turbare globos, & frangere morsu  
 Tela queat, sed prolis amor crudelia vincit  
 Pectora, & a media catulos circumspicit ira.  
 Et jam læva viro, quamvis sævire vetaret 420  
 Amphion, erepta manus, puerique trahuntur  
 Ora supina comis. ferus tunc denique supplex  
 Demisso mucrone rogat: Moderatus, oro,  
 Ducite; fulminei per vos cunabula Bacchi,  
 Inoamque fugam, vestrique Palæmonis annos. 425

Si cui forte domi natorum gaudia, si quis  
 Hic pater, angusti puero date pulveris haustus,  
 Exiguamque facem. rogat, en rogat ipse jacentis  
 Vultus: ego infandas potior satiare volucres.  
 Me præbete feris: ego bella audere coëgi. 430  
 Immo, ait Amphion, regem, si tanta cupido  
 Condere, quæ timidis belli mens, ede, Pelasgis,  
 Quid fracti, exanguesque parent. cuncta ocyus effer,  
 Et vita, tumuloque ducis donatus, abito.  
 Horruit, & toto præcordia protinus Arcas 435  
 Implevit capulo: summumne hoc cladibus, inquit,  
 Deerat, ut afflictos turparem ego proditor Argos?  
 Nil emimus tanti, nec sic velit ipse cremari.  
 Sic ait, & magno proficissum vulnere pectus  
 Injecit puero, supremaque murmura volvens: 440  
 Hoc tamen interea charo potiere sepulchro.  
 Tales optatis regum in complexibus ambo,  
 Par insigne animis Aetolus, & inclytus Arcas  
 Egregias efflant animas, letoque fruuntur.  
 Vos quoque sacрати, quamvis mea carmina surgant  
 Inferiore lyra, memores superabitis annos. 446  
 Forsitan & comites non aspernabitur umbræ

Euryalus, Phrygiique admittet gloria Nisi.  
 At ferus Amphion, regi qui facta reportent,  
 Edoceantque dolum, captivaque corpora reddant,  
 Mittit ovans. clausis ipse insultare Pelasgis. 451  
 Tendit, & abscisos fociorum ostendere vultus.  
 Interea reducem murorum e culmine Graji  
 Thiodamanta vident; nec jam erumpentia cælant  
 Gaudia, ut exertos enses, & cæde recenti 455  
 Arma rubere notant. novus absilit æthera magnus  
 Clamor, & e summo pendent cupida agmina vallo  
 Noscere quisque suos. Volucrum sic tibi recentum  
 Cum reducem longo prospexit in æthere matrem,  
 Ire cupit contra, summaque e margine nidi 460  
 Extat hians: jam jamque cadat, ni pectore toto  
 Obstet aperta parens, & amantibus increpet alis.  
 Dumque opus arcanum, & taciti compendia Martis  
 Enumerant, lætisque suos complexibus implent,  
 Hopleaque exquirunt, tardumque Dymanta que-  
 runtur. 465  
 Ecce & Dirceæ juxta dux concitus ala  
 Venerat Amphion. non longum cæde recenti  
 Lætatus, videt innumeris fervere catervis



Tellurem, atque una gentem expirare ruina.  
 Qui tremor illicita cœli de lampade tactos, 470  
 Hic fixit juvenem, pariterque horrore sub uno  
 Vox, acies, sanguisque perit, gemitusque parantem  
 Ipse ultro convertit equus. fugit ala retorto  
 Pulvere. nondum illi Thebarum claustra subibant,  
 Et jam Argiva cohors nocturno freta triumpho 475  
 Proflit in campos, per & arma, & membra jacentum  
 Tetraque congerie sola, semianimumque cruorem  
 Cornipedes, ipsique ruunt. gravis exerit artus  
 Ungula, sanguineus lavat imber, & impedit axes:  
 Dulce viris hac ire via, ceu tecta superbi 480  
 Sidonia, atque ipfas calcent in pulvere Thebas.  
 Hortatur Capaneus: Satis occultata, Pelasgi,  
 Delituit virtus: nunc nunc mihi vincere pulchrum  
 Teste die. mecum clamore, & pulvere aperto  
 Ite palam juvenes: sunt & mihi provida dextra 485  
 Omina, & horrendi stricto mucrone furores.  
 Sic ait. Ardentes alacer succendit Adrastus,  
 Argolicusque gener, sequitur jam tristior augur.  
 Jamque premunt muros, & adhuc nova funera narrat  
 Amphion, miseramque intrabant protinus urbem,

Ni Megareus specula citus exclamasset ab alta: 491  
 Claude vigil, fubeunt hostes: claude undique portas.  
 Est, ubi dat vires, nimius timor: ocyus omnis  
 Porta coit. solas dum tardius arctat Echion  
 Ogygias, audax animi Spartana juvenus 495  
 Irrupit, cœsique ruunt in limine primo,  
 Incola Taygeti Panopeus, rigidique natator  
 Oebalus Eurota, tuque ô spectate palæstris  
 Omnibus, & nuper Nemeæo in pulvere felix  
 Alcidama, primis quem cæstibus ipse ligarat 500  
 Tyndarides: nitidi moriens convexa magistri  
 Respicias, averso pariter deus occidit astro.  
 Te nemus Oebalium, te lubrica ripa Lacæne  
 Virginis, & falso gurges cantatus olore  
 Flebit, Amyclæis Triviæ lugebere nymphis, 505  
 Et quæ te leges, præceptaque fortia belli  
 Erudiit genitrix, nimium didicisse queretur.  
 Talis Echionio Mavors in limine sævit.  
 Tandem humeris obnixus Acron, & pectore toto  
 Pronus Alimenides ferratæ robora portæ 510  
 Torserunt. quanta pariter cervice gementes  
 Profringunt inarata diu Pangæa juvenci.

Par operis jactura lucro; quippe hoste retento  
 Excludere suos. cadit intra mœnia Grajus 514  
 Ormenus, & pronas tendentis Amynthoris ulnas  
 Fundentisque preces, penitus cervice recifa  
 Verba solo, vultusque cadunt, colloque decorus  
 Torquis in hostiles cecidit per vulnus arenas.  
 Solvitur interea vallum, primæque recusant  
 Stare moræ. jam se peditum junxere catervæ 520  
 Mœnibus, at patulas saltu transmittere fossas  
 Horror equis; hærent trepidi, atque immane pa-  
 ventes  
 Abruptum mirantur agi: nunc impetus ire  
 Margine ab extremo, nunc sponte in frena recedunt.  
 Hi præfixa solo vellunt munimina: at illi 525  
 Portarum objectus minuunt, & ferrea sudant  
 Claustra remoliri, trabibusque arctata sonoro  
 Pellunt saxa loco, pars ad fastigia missas  
 Exultant hæsisse faces: pars ima laceffunt,  
 Scrutanturque cavas cæca testudine turres. 530  
 At Tyrii, quæ sola salus, caput omne coronant  
 Murorum, nigraeque sudes, & lucida ferro  
 Spicula, & arsuras cœli per inania glandes,

Saxaque in adversos ipsis avulsa rotabant  
 Mœnibus. exundant sævo fastigia nimbo, 535  
 Armataeque vomunt stridentia tela fenestræ.  
 Qualiter aut Malean, aut alta Ceraunia supra  
 Cessantes in nube sedent, nigrisque leguntur  
 Collibus, & subitæ saliant in vela procellæ:  
 Talis Agenoreis Argivum exercitus armis 540  
 Obruitur. non ora virum, non pectora flebit  
 Imber atrox, rectosque tenent in mœnia vultus  
 Immemores leti, & tantum sua tela videntes.  
 Anthea falcato lustrantem mœnia curru  
 Desuper Ogygiæ pepulit gravis impetus hasta; 545  
 Lora excussa manu, retroque in terga volutus  
 Semianimos artus, ocreis retinentibus hæret:  
 Mirandum visu belli scelus, arma trahuntur,  
 Fumantesque rotæ tellurem, & tertius hastæ  
 Sulcus arant. longo sequitur vaga pulvere cervix,  
 Et resupinarum patet orbita longa comarum. 551  
 At tuba lustrificis pulsat clangoribus urbem,  
 Obseptasque fores sonitu perfringit amaro.  
 Divifere aditus, omnique in limine sævus  
 Signifer ante omnes sua damna, & gaudia portat. 555

Dira intus facies: vix Mavors ipse videndo  
 Gaudeat. incertis lymphatam horroribus urbem  
 Scindunt dissensu vario, luctusque, furorque  
 Et pavor, & cæcis fuga circumfusa tenebris.  
 Bellum intrasse putes: fervent discursibus arces, 560  
 Miscentur clamore viæ. ferrum undique, & ignes  
 Mente vident: favas mente accipere catenas.  
 Consumpsit ventura timor. jam tecta replerant,  
 Templaque, & ingrata vallantur planctibus aræ.  
 Una omnes, eademque subit formido per annos. 565  
 Poscunt fata senes, ardet, palletque juvenus,  
 Atria fœmineis trepidant ululata querelis.  
 Flent pueri, & flendi nequeunt cognoscere causas  
 Attoniti, & tantum matrum lamenta timentes.  
 Illas cogit amor, nec habent extrema pudorem. 570  
 Ipsæ tela viris, ipsæ iram, animosque ministrant,  
 Hortanturque, unaque ruunt, nec avita gementes  
 Limina, nec parvos cessant ostendere natos.  
 Sic ubi pumiceo pastor rapturus ab antro  
 Armatas erexit apes, fremit aspera nubes: 575  
 Inque vicem sese stridore hortantur, & omnes  
 Hostis in ora volant, mox deficientibus aliis

Amplexæ flavamque domum, captivæque plangunt  
 Mella, laboratasque premunt ad pectora ceras.  
 Nec non ancipitis pugnat sententia vulgi, 580  
 Discordesque ferit motus. hi reddere fratrem  
 Nec mussant, sed voce palam, claroque tumultu  
 Reddere regna jubent: periit reverentia regis  
 Sollicitis: veniat, pactumque hic computet annum,  
 Cadmeosque lares exul, patriasque salutet 585  
 Infelix tenebras. Cur autem ego sanguine fraudes,  
 Et perjura luam regalis crimina noxæ?  
 Inde alii. fera ista fides; jam vincere mavult.  
 Tiresian alii lachrymis & supplice cœtu  
 Orant, quodque unum rebus solamen in artibus, 590  
 Nosse futura rogant. Tenet ille inclusa, premitque  
 Fata deum. Quiane ante duci bene credita nostra  
 Consilia & monitus, cum perfida bella vetarem?  
 Te tamen, infelix, inquit, perituraque Thebe,  
 Si taceam, nequeo miser exaudire cadentem, 595  
 Argolicumque oculis haurire vacantibus ignem.  
 Vincamur, pietas: pone eja altaria, virgo,  
 Quæramus superos. Facit illa, acieque sagaci  
 Sanguineos flammæ apices, geminumque per aras

Ignem, & clara tamen media fastigia lucis 600  
 Orta docet. Tunc in speciem serpentis inanem  
 Ancipiti gyro volvi, frangique ruborem  
 Demonstrat dubio, patriasque illuminat umbras.  
 Ille coronatos jam dudum amplectitur ignes,  
 Fatidicum sobrens vultu flagrante vaporem: 605  
 Stant tristes horrore comæ, vittasque trementes  
 Cæsaries infana levat. Diducta putares  
 Lumina, consumptumque genis rediisse nitorem.  
 Tandem exundanti permittit verba furori:  
 Audite, ô fontes, extrema litamina divûm, 610  
 Labdacidæ. venit alma salus, sed limite duro.  
 Martius inferias, & sæva efflagitat anguis  
 Sacra, cadat generis quicumque novissimus extat  
 Viperei: datur hoc tantum victoria pacto.  
 Felix, qui tanta lucem mercede relinquet. 615  
 Stabat fatidici prope sæva altaria vatis  
 Mæstus adhuc, patriæ tantum communia lugens  
 Fata Creon; grandem subiti cum fulminis ictum,  
 Non secus ac torta trajectus cuspide pectus,  
 Accipit exanimis, sentitque Meneæcea posci. 620  
 Monstrat enim, suadetque timor. stupet anxius alto

Corda

Corda metu glaciante pater. Trinacria qualis  
 Ora repercussum Libyco mare sumit ab æstu.  
 Mox plenum Phœbo vatem & celerare jubentem  
 Nunc humilis genua amplectens, nunc ora canentis  
 Nequicquam reticere rogat. jam fama sacratam 626  
 Vocem amplexa volat, clamantque oracula Thebæ.  
 Nunc age, quis stimulos & pulchræ gaudia mortis  
 Addiderit juveni (neque enim hæc absentibus unquam  
 Mens homini transmissa deis) memor incipe Clio,  
 Secula te quoniam penes & digesta vetustas. 631  
 Diva Jovis folio juxta comes, unde per orbem  
 Rara dari, terrisque solet contingere virtus,  
 Seu pater omnipotens tribuit, sive ipsa capaces  
 Elegit penetrare viros, cœlestibus ut nunc 635  
 Desiluit gavisâ plagis. dant clara meanti  
 Astra locum, quosque ipsa polis adfixerat ignes.  
 Jamque premit terras: nec vultus ab æthere longe:  
 Sed placuit mutare genas: fit provida Manto,  
 Responsis ut plana fides, & fraude priores 640  
 Exiit vultus: abiit horrorque vigorque  
 Ex oculis, paulum decoris permanfit, honosque  
 Mollior, & posito vatum gestamina ferro

Statius. T. I.

A a

Subdita. descendunt vestes, torvisque ligatur 644  
 Vitta comis (nam laurus erat) tamen aspera produnt  
 Ora deam, nimique gradus. Sic Lydia conjux  
 Amphitryoniaden exutum horrentia terga  
 Perdere Sidonios humeris ridebat amictus,  
 Et turbare colus, & tympana rumpere dextra. 649  
 Sed neque te indecorem sacris, dignumque juberi  
 Talia, Dircaæ stantem pro turre, Menœceu,  
 Invenit. immensæ referato limine portæ  
 Sternebas Danaos: pariter Mavortius Hæmon.  
 Sed confanguinei quamvis, atque omnia fratres,  
 Tu prior. exanimis circumcumulantur acervi. 655  
 Omne fedet telum: nulli sine cadibus ictus.  
 Necdum aderat virtus. non mens, non dextra quiescit,  
 Non avida arma vacant, ipsa insanire videtur  
 Sphynx galeæ custos, visoque animata cruore  
 Emicat effigies, & sparsa oricalcha renident. 660  
 Cum dea pugnantis capulum, dextramque repressit:  
 Magnanime ô juvenis, quo non agnoverit ullum  
 Certius armifero Cadmi de semine Mavors,  
 Linque humiles pugnæ, non hæc tibi debita virtus:  
 Astra vocant, cæloque animam (plus concipe) mittes.

Jam dudum hoc hilares genitor bacchatur ad aras, 666  
 Hoc ignes, fibræque volunt, hoc urget Apollo.  
 Terrigenam cuncto patriæ pro sanguine poscunt.  
 Fama canit monitus. gaudet Cadmeia plebes  
 Certa tui, rape mente deos, rape nobile fatum. 670  
 I, precor, accelera, ne proximus occupet Hæmon.  
 Sic ait, & magna cunctantis pectora dextra  
 Permulsit tacite, seseque in corde reliquit.  
 Fulminis haud citius radiis adflata cupressus  
 Combibit infestas & stirpe & vertice flammæ, 675  
 Quam juvenis multo possessus numine pectus  
 Eredit sensus, letique invasit amorem.  
 Ut vero aversa gressumque, habitumque notavit,  
 Et subitam a terris in nubila crescere Manto,  
 Obstupuit. sequimur, divum quæcunque vocasti, 680  
 Nec tarde paremus, ait: jamjamque recedens,  
 Instantem vallo Pylium tamen Agrea fixit.  
 Armigeri festum excipiunt. tum vulgus euntem  
 Auctorem pacis, servatoremque, deumque 684  
 Conclamat gaudens, atque ignibus implet honestis.  
 Jamque iter ad muros cursu festinus anhelò  
 Obtinet, & miseros gaudet vitasse parentes.

Cum genitor (steteruntque ambo & vox hæsit  
utrinque,

Dejectæque genæ) tandem pater ante profatus:  
Quis novus inceptis rapuit te casus ab armis? 690  
Quæ bello graviora paras? dic nate precanti,  
Cur tibi torva acies? cur hic truculentus in ore  
Pallor? & ad patrios non stant tua lumina vultus?  
Audisti responsa. palam est. per ego oro tuosque  
Nate, meosque annos, miseræque per ubera matris,  
Ne vati, ne crede puer. superine profanum 696  
Dignantur stimulare senem? cui vultus inanis,  
Extinctique orbes, & pœna simillima diro  
Oedipodæ? quid si infidiis, & fraude dolosa  
Rex agit? extrema est cui nostra in forte timori 700  
Nobilitas, tuaque ante duces notissima virtus.  
Illius hæc forsân remur, quæ verba deorum  
Ille monet: ne frena animo permitte calenti:  
Da spacium, tenuemque moram: male cuncta mi-  
nistrat  
Impetus. hoc, oro, munus concede parenti. 705  
Sic tua maturis signentur tempora canis,  
Et sis ipse parens, & ad hunc, animose, timorem

Pervenias. ne perge meos orbare penates.  
Externi te nempe patres, alienaque tangunt  
Pignora? si pudor est, primum miserere tuorum. 710  
Hæc pietas, hic verus honos, ibi gloria tantum  
Ventosumque decus, titulique in morte latentes.  
Nec timidus te flecto parens: I, prælia misce,  
Per Danaas acies, mediosque per obvius enses,  
Non teneo. liceat misero tremebunda lavare 715  
Vulnera, & undantem lachrymis ficare cruorem,  
Teque iterum sævis, iterumque remittere bellis.  
Hoc malunt Thebæ. Sic colla, manusque tenebat  
Implicitus: sed nec lachrymæ, nec verba movebant  
Diis votum juvenem. quin & monstrantibus illis 720  
Fraude patrem tacita subit, avertitque timorem:  
Falleris heu, verosque metus, pater optime, nescis,  
Non me ulli monitus, nec vatum exorsa furentum  
Sollicitant, Manesque movent: sibi callidus ista  
Tiresias, natæque canat. non si ipse reclusis 725  
Cominus ex adytis in me insaniret Apollo.  
Sed gravis unanimi casus me fratris ad urbem  
Sponte refert. gemit Inachia mihi faucibus Hæmon  
Cuspide. vix illum medio de pulvere belli 729

Inter utrasque acies, jamjamque tenentibus Argis.  
 Sed moror. I, refove dubium, turbæque ferenti  
 Dic, pareant, leviterque vehant. ego vulnera doctum  
 Jungere, supremique fugam revocare cruoris  
 Eetiona petam. Sic imperfecta locutus  
 Effugit. illi atra mersum caligine pectus 735  
 Confudit sensus. pietas incerta vagatur,  
 Discordantque metus: impellunt credere Parcæ.  
 Turbidus interea ruptis venientia portis  
 Agmina belligeri Capaneus agit æquore campi.  
 Cornua nunc equitum, cuneos nunc ille pedestres,  
 Et proculcantes moderantum funera currus. 741  
 Idem altas turres saxi, & turbine crebro  
 Laxat: agit turmas idem, atque in sanguine fumat.  
 Nunc spargit torquens volucris nova vulnera plumbo,  
 Nunc jaculum excusso rotat in sublime lacerto, 745  
 Nullaque tectorum subit ad fastigia, quæ non  
 Deferat hasta virum, perfusaque cæde recurat.  
 Nec jam aut Oeniden, aut Hippomedonta peremptos,  
 Aut vatem Pelopea phalanx, aut Arcada credunt.  
 Quin socium coiisse animas, & corpore in uno 750  
 Stare omnes: ita cuncta replet. non ullius ætas,

Non cultus, non forma movet: pugnantibus idem,  
 Supplicibusque furit. non quisquam obsistere contra,  
 Non belli tentare vices. procul arma furentis,  
 Terribilesque jubas, & frontem cassidis horrent. 755  
 At pius electa murorum in parte Menœceus,  
 Jam facer aspectu solitoque augustior ore,  
 Ceu subito in terras supero demissus ab axe,  
 Constitit, exempta manifestus casside nosci,  
 Depexitque acies hominum, & clamore profundo  
 Convertit campum, jussitque silentia bello. 761  
 Armorum superi, tuque ô qui funere tanto  
 Indulges mihi, Phœbe, mori, date gaudia Thebis,  
 Quæ pepigi, & toto quæ sanguine prodigus emi.  
 Ferte retro bellum, captæque impingite Lernæ 765  
 Reliquias turpes, confixaque terga foventes  
 Inachus indecores pater aversetur alumnos.  
 At Tyriis templa, arva, domos, connubia, natos  
 Reddite morte mea. si vos placida hostia juvi,  
 Si non attonitis vatis consulta recepi 770  
 Auribus, & Thebis nondum credentibus hausi,  
 Hæc Amphioniis pro me persolvite terris,  
 Ac mihi deceptum, precor, exorate parentem.

Sic ait, insignemque animam mucrone corusco  
 Dedignantem artus pridem, mœstamque teneri 775  
 Arripit, atque uno quæsitam vulnere rumpit.  
 Sanguine tunc spargit turres, & mœnia lustrat,  
 Seque super medias acies, nondum ense remisso,  
 Jecit, & in sævos cadere est conatus Achivos.  
 Ast illum amplexæ Pietas, Virtusque ferebant 780  
 Leniter ad terras corpus. jam spiritus olim  
 Ante Jovem, & summis apicem sibi poscit in astris.  
 Jamque intra muros nullo sudore receptum  
 Gaudentes heroa ferunt. abscefferat ultro 784  
 Tantalidum venerata cohors. subit agmine longo  
 Colla inter juvenum, lætisque favoribus omni  
 Concinitur vulgo, Cadmum atque Amphiona supra  
 Conditor. Hi fertis, hi veris honore soluto  
 Accumulant artus, patriaque in fede reponunt  
 Corpus adoratum. repetunt mox bella peractis 790  
 Laudibus. Hic victa genitor lachrymabilis ira  
 Congemit, & tandem matri data flere potestas:  
 Lustralemne feris ego te, puer inclyte, Thebis,  
 Devotumque caput, vilis ceu mater alebam?  
 Quod molita nefas? cui tantum invisa deorum? 795

Non ego monstrifero coitu revoluta novavi  
 Pignora, nec nato pepereris funesta nepotes.  
 Quid refert? habet ecce suos Jocasta ducesque,  
 Regnantesque videt. nos sæva piacula bello  
 Demus, ut alternis (placet hoc tibi fulminis auctor)  
 Oedipodionii mutent diademata fratres. 801  
 Quid superos, hominesve queror? tu sæve Mœnceu,  
 Tu miseram ante omnes properasti extinguere ma-  
 trem.  
 Unde hic mortis amor? quæ sacra infania menti?  
 Quosve ego conceptus, aut quæ male pignora fudi  
 Tam diversa mihi? nimirum Martius anguis, 806  
 Quæque novis proavum tellus effloruit armis.  
 Hinc animi tristes, nimiusque in pectore Mavors,  
 Et de matre nihil. sponte en ultroque peremptus  
 Irrumpis mœstas fatis nolentibus umbras. 810  
 Ast egomet Danaos, Capaneaque tela verebar.  
 Hæc erat, hæc metuenda manus, ferrumque, quod  
 amens  
 Ipsa dedi. viden ut jugulo consumpserit ensem?  
 Altius haud quisquam Danaum mucrone subisset.  
 Diceret infelix etiamnum & cuncta repletet 815



Questibus. Abducunt comites, famulæque perosam  
 Solantes thalamoque tenent. sedet eruta multo  
 Ungue genas. non illa diem, non verba precantum  
 Respicit, aut visus flectit tellure relictos.  
 Jam vocis, jam mentis inops. Sic aspera tigris 820  
 Fœtibus abreptis Scythico deserta sub antro  
 Accubat, & tepidi lambit vestigia saxi.  
 Nusquam iræ: sedit rabies, feritasque, famesque  
 Oris, eunt præter secura armenta, gregesque.  
 Aspicit illa jacens. ubi enim, quibus ubera pascat,  
 Aut quos ingenti premat expectata rapina? 826  
 Hastenus arma, tubæ, ferrumque, & vulnera. sed nunc  
 Cominus astrigeros Capaneus tollendus in axes.  
 Non mihi jam solito vatium de more canendum:  
 Major ab Aoniis sumenda audacia lucis. 830  
 Mecum omnes audete deæ. sive ille profunda  
 Missus nocte furor, Capaneaue signa secuta  
 Arma Jovem contra Stygiæ rapuere sorores,  
 Seu virtus egressa modum, seu gloria præceps,  
 Seu magnæ data fama neci, seu læta malorum 835  
 Principia, & blandæ superum mortalibus iræ.  
 Jam sordent terrena viro, tædetque profundæ

Cædis, & exhaustis olim Grajumque, suisque  
 Missilibus, lassâ respexit in æthera dextra.  
 Ardua mox torvo metitur culmina visu, 840  
 Innumerosque gradus, gemina latus arbore clusus  
 Aërium sibi portat iter, longeque timendus  
 Multifidam quercum flagranti lumine vibrat.  
 Arma rubent una, clypeoque incenditur ignis.  
 Hac, ait, in Thebas, hac me jubet ardua virtus 845  
 Ire, Menæceo qua lubrica sanguine turris.  
 Experiar, quid sacra juvent, an falsus Apollo.  
 Dixit, & alterno captiva in mœnia gressu  
 Surgit ovans. quales mediis in nubibus æther  
 Vidit Aloidas, cum cresceret impia tellus 850  
 Despectura deos, nec adhuc immane veniret  
 Pelion, & trepidum jam tangeret Ossa Tonantem.  
 Tum vero attoniti fatorum in cardine summo,  
 Ceu suprema lues urbem, facibusque cruentis  
 Aequatura solo turres Bellona subiret, 855  
 Omnibus e tectis certatim ingentia saxa,  
 Roboraque, & gravidas fundæ balearis habenas,  
 (Nam jaculis, cœloque vagis spes unde sagittis?)  
 Verum avidi & tormenta rotant, & molibus urgent.

Ille nec ingestis, nec terga sequentibus unquam 860  
 Detrahitur telis, vacuoque sub aëre pendens  
 Plana velut terra certus vestigia figat,  
 Tendit, & ingenti subit occurrente ruina.  
 Amnis ut incumbens longævi robora pontis  
 Adfiduis oppugnat aquis. jam saxa fatiscunt, 865  
 Emotæque trabes: tanto violentior ille  
 (Sævit enim majore falo) quassatque, trahitque  
 Molem ægram, nexus donec celer alveus omnes  
 Abscidit, & cursu victor respirat aperto.  
 Utque petita diu celsus fastigia supra 870  
 Eminuit, trepidamque adfurgens desuper urbem  
 Vidit, & ingenti Thebas exterruit umbra,  
 Increpat attonitos: Humilesne Amphionis arces  
 Pro pudor, hi faciles, carmenque imbelles secuti,  
 Et, mentita diu Thebarum fabula, muri? 875  
 Et quidnam egregium prostrernere mœnia molli  
 Structa lyra? simul insultans, gressuque, manuque  
 Melibus obstantes cuneos, tabulataque sævus  
 Destruit. absiliunt pontes, tectique trementis  
 Saxea frena labant, disseptoque aggere rursus 880  
 Utitur, & truncas rupes in templa, domosque

Præcipitat, frangitque suis jam mœnibus urbem.  
 Jamque Jovem circa studiis diversa fremebant  
 Argolici, Tyriique dei. pater æquus utrisque  
 Aspicit ingentes ardentum cominus iras, 885  
 Seque obstare videt. gemit infervante noverca  
 Liber, & obliquo respectans lumine patrem:  
 Nunc ubi sæva manus, meaque heu cunabula flammæ,  
 Fulmen, io ubi fulmen? ait. gemit auctor Apollo,  
 Quas dedit ipse, domos. Lernam, Thebasque rependit  
 Mœstus, & intento dubitat Tirynthius arcu. 891  
 Maternos plangit volucer Danaëus Argos.  
 Flet Venus Harmoniæ populos: metuensque mariti  
 Stat procul, & tacita Gradivum respicit ira.  
 Increpat Aonios audax Tritonia divos. 895  
 Junonem tacitam furibunda silentia torquent.  
 Non tamen hæc turbant pacem Jovis. ecce quierunt  
 Jurgia, cum mediis Capaneus auditus in astris,  
 Nullane pro trepidis, clamabat, numina Thebis  
 Statis? ubi infandæ segnes telluris alumni, 900  
 Bacchus & Alcides? piget instigare minores.  
 Tu potius venias, (quis enim concurrere nobis  
 Dignior?) en cineres Semeleaque busta tenantur.

Nunc age, nunc totis in me connitere flammis  
 Juppiter. an pavidas tonitru turbare puellas 905  
 Fortior? & foci thalamos excindere Cadmi?  
 Ingemuit dictis superum dolor. ipse furem  
 Risit, & incussa sanctarum mole comarum,  
 Quænam spes hominum tumida post prælia Phlegræ?  
 Tune etiam feriendus? ait, premit undique lentum  
 Turba deum frendens, & tela ultricia poscit. 911  
 Nec jam audet fati turbata obistere conjux.  
 Ipsa dato nondum cælestis regia signo  
 Sponte tonat, coeunt ipsæ sine flamine nubes,  
 Accurruntque imbres. Stygias rupisse catenas 915  
 Japetum, aut victam supera ad convexa levare  
 Inarimen, Aetnamve putes. pudet ista timere  
 Cœlicolas. sed cum in media vertigine mundi  
 Stare virum, insanasque vident deposcere pugnas,  
 Mirantur taciti, & dubio pro fulmine pendent. 920  
 Cæperat Ogygiæ supra fastigia turris  
 Arcanum mugire polus, cælumque tenebris  
 Auferri: tenet ille tamen, quas non videt, arces.  
 Fulguraque attritis quoties micuere procellis,  
 His, ait, in Thebas, his jam decet ignibus uti, 925

Hinc renovare facem, lassamque accendere quercum.  
 Talia dicentem toto Jove fulmen adactum  
 Corripuit. primæ fugere in nubila cristæ,  
 Et clypei niger umbo cadit. jamque omnia lucent  
 Membra viri. cedunt acies, & terror utrinque 930  
 Quo ruat, ardenti feriat quas corpore turmas.  
 Intra se stridere facem, galeamque, comasque  
 Quærit, & urentem thoraca repellere dextra  
 Conatus, ferri cinerem sub pectore tractat.  
 Stat tamen, extremumque in aëra versus anhelat,  
 Pectoraque invisus obicit fumantia muris, 936  
 Ne caderet. Sed membra virum terrena relinquunt,  
 Exiitque animus. Paulum si tardius artus  
 Cessissent, potuit fulmen meruisse secundum.



P. PAPINII STATII  
THEBAIDOS  
LIBER XI.

POSTQVAM magnanimus furias virtutis iniquæ  
 Consumpsit Capaneus, expiravitque receptum  
 Fulmen, & ad terras longe comitata cadentem  
 Signavit muros ultricis semita flammæ:  
 Componit dextra victor concussa plagarum 5  
 Juppiter, & vultu cælumque, diemque reducit.  
 Gratantur superi, Phlegræ ceu fessus anhelet  
 Prælia, & Encelado fumantem impresserit Aetnam.  
 Ille jacet laceræ complexus fragmina turris,  
 Torvus adhuc visu, memorandaque facta relinquens  
 Gentibus, atque ipsi non illaudata Tonanti. 11  
 Quantus Apollinæ temerator matris Averno  
 Tenditur; ipsæ horrent, si quando pectore ab alto  
 Emergunt volucres, immensaque membra jacentis  
 Spectant,

Spectant, dum miseræ crescunt in pabula fibræ. 15  
 Sic gravat injectus terras, hostiliaque urit  
 Arva, & anhelantem cælesti sulfure campum.  
 Respirant Thebæ, templisque jacentia surgunt  
 Agmina. jam finis votis, finisque supremis  
 Planctibus, & natos ausæ deponere matres. 20  
 At vaga palantes campo fuga volvit Achivos.  
 Nec jam aut hostes turmæ, aut ferrum mortale  
 timetur,  
 Omnibus ante oculos iræ Jovis, omnibus ardent  
 Arma metu, galeæque tonant, visusque paventes  
 Ipse sequi, & profugis opponere Juppiter ignes. 25  
 Instat Agenoreus miles, cælique tumultu  
 Utitur. indomitos ut cum Massylla per arva  
 Armenti reges magno leo fregit hiatu,  
 Et contentus abit: rauci tunc cominus ursi,  
 Tunc avidi venere lupi, rabieque remissa 30  
 Lambunt degeneres alienæ vulnera prædæ.  
 Hinc premit Eurymedon, cui rusticus horror in  
 armis,  
 Rustica tela manu, patriumque agitare tumultum.  
 Pan illi genitor: tener hinc conatibus annos 34  
 Statius. T. I. B b

Egreditur, juvenemque patrem puer æquat Alatrus:  
 Fœlices ambo: sed fortunatior ille,  
 Quem genuisse juvat: nec jam dignoscere promptum,  
 Quæ magis arma sonent, quo plus eat hasta lacerto.  
 Arctatur denso fugientum examine vallum. 39  
 Quas volvis, Gradive, vices? modo mœnia Cadmi  
 Scandebant, sua nunc defendunt tecta Pelasgi.  
 Ceu redeunt nubes, ceu circumstantibus austris  
 Alternus procumbit ager, ceu gurgite cano  
 Nunc reteggit bibulas, nunc obruit æstus arenas.  
 Procumbit late pubes Tirynthia, alumni 45  
 Exuvias imitata dei. trux mœret ab alto  
 Amphitryoniades Nemeæa in sanguine terga,  
 Et similes ramos, similesque videre pharetras.  
 Stabat in Argolicæ ferrato margine turris  
 Egregius lituo dextri Mavortis Enipeus 50  
 Hortator, sed tunc miseris dabat utile signum,  
 Suadebatque fugam, & tutos in castra receptus:  
 Cum subitum obliquo descendit ab aëre vulnus,  
 Urgentisque sonum læva manus aure retenta est,  
 Sicut erat: fugit in vacuas jam spiritus auras, 55  
 Jam gelida ora tacent, cœcumen tuba sola peregit.

Jamque potens scelerum, geminæque exercita gentis  
 Sanguine, Tisiphone fraterna cludere quærit  
 Bella tuba. nec se tanta in certamina retur  
 Sufficere, inferna comitem ni sede Megæram, 60  
 Et confanguineos in prælia fuscitet angues.  
 Ergo procul vacua confedit valle, solumque  
 Ense fodit Stygio, terræque immurmurat absens  
 Nomen, & Elysiis signum indubitabile regnis,  
 Crinalem attollit longo stridore carasten. 65  
 Cæruleæ dux ille comæ, quo protinus omnis  
 Horruit audito tellus, pontusque, polusque,  
 Et pater Aetnæos iterum prospexit ad ignes.  
 Accipit illa sonum, stabat tunc forte parenti  
 Proxima, dum cœtu Capaneus laudatur ab omni 70  
 Ditis, & insignem Stygiis fovet annibus umbram.  
 Protinus abrupta terrarum mole sub astris  
 Constitit, exultant Manes, quantumque profundæ  
 Rarefcunt tenebræ, tantum de luce recessit.  
 Excipit atra soror, dextræque innexa profatur: 75  
 Hac germana tenus Stygii metuenda parentis  
 Imperia, & iustos potui tolerare furores,  
 Sola super terras, hostilique obvia mundo,

Dum vos Elyfium & faciles compefcitis umbras.  
 Nec pretium deforme moræ, caſſique labores. 80  
 Hoc quodcunque madent campi, quod ſanguine  
 fumant  
 Stagna, quod innumero Lethæa examine gaudet  
 Ripa, meæ vires, mea læta inſignia. Sed quid  
 Hæc ego? Mars habeat, vulgataque jaſtet Enyo.  
 Vidiftis (Stygiis certe manifeſtus in umbris) 85  
 Sanguine fœdatum rictus, atroque madentem  
 Ora ducem tabo: miſerum infatiabilis edit  
 Me tradente caput. modo nempe horrendus ab aſtris  
 Deſcendit vos uſque fragor. mea ſacra premebat  
 Tempeſtas, ego mixta viri furialibus armis 90  
 Bella deum, & magnas ridebam fulminis iras.  
 Sed jam (effabor enim) longo ſudore fatiſcunt  
 Corda, ſoror, tardæque manus. hebet infera cœlo  
 Taxus, & inſuetos angues nimia aſtra ſoporant.  
 Tu, cui totus adhuc furor, exultantque recentes 95  
 Cocyti de fonte comæ, da jungere vires.  
 Non ſolitas acies, nec Martia bella paramus,  
 Sed fratrum (licet alma fides, pietasque repugnent,  
 Vincentur) fratrum ſtringendi cominus enſes.

Grande opus. ipſæ odiis, ipſæ diſcordibus armis 100  
 Aptemur. quid lenta venis? agetum elige, cujus  
 Signa feras: ambo faciles, noſtrique, ſed anceps  
 Vulgus, & adfatus matris, blandamque precatu  
 Antigonen timeo, paulum ne noſtra retardet  
 Conſilia. ipſe etiam, qui nos laſſare precando 105  
 Suetus, & ultrices oculorum expoſcere diras,  
 Jam pater eſt. cœtu fertur jam ſolus ab omni  
 Flere ſibi. Atque adeo moror ipſa irrumpere Thebas,  
 Adſuetumque larem, tibi pareat impius exul,  
 Argolicumque impelle neſas, neu mitis Adraſtus 110  
 Prævaleat, plebeſque, cave, Lernæa moretur.  
 Vade, & in alternas inimica revertere pugnas.  
 Talia partita diverſum abiere ſorores.  
 Ut Notus & Boreas, gemino de cardine mundi,  
 Hic nive Rhiphæa, Libycis hic paſtus arenis, 115  
 Bella cient. clamant amnes, freta, nubila, ſilvæ;  
 Jamque patent ſtrages. plangunt ſua damna coloni,  
 Et tamen oppreſſos miſerantur in æquore nautas.  
 Illas ut ſummo vidit pater altus Olympo  
 Inceſtare diem, trepidumque Hyperionis orbem 120  
 Suffundi maculis, torvo ſic inchoat ore:

Vidimus armiferos, quo fas erat usque, furores,  
 Cœlicolæ, licitasque acies, etsi impia bella  
 Unus init, aususque mea procumbere dextra.  
 Nunc par infandum, miserisque incognita terris 125  
 Pugna subest. auferte oculos. absentibus aufint  
 Ista deis, lateantque Jovem. sat funera mensæ  
 Tantaleæ, & fontes vidisse Lycaonis aras,  
 Et festina polo ducentes astra Mycenæ.  
 Nunc etiam turbanda dies. mala nubila tellus 130  
 Accipe, secedantque poli, stat parcere mundo,  
 Cœlitibusque meis. saltem ne virginis almæ  
 Sidera, Ledæi videant neu talia fratres.  
 Sic pater omnipotens, visusque nocentibus arvis  
 Abstulit, & dulci terræ caruere sereno. 135  
 Jamque per Argolicas Erebo fata virgo cohortes  
 Vestigat Polynicis iter, portisque sub ipsis  
 Invenit, incertum leto tot iniqua fugane  
 Exeat, & dubios turbabant omina sensus.  
 Viderat, obscura vallum dum nocte pererrat 140  
 Aeger consilii, curisque novissima volvens,  
 Conjugis Argiæ lacera cum lampade mœstam  
 Effigiem. (Sunt monstra deûm, sic ire parabat,

Has latura viro tedas erat) Ergo roganti, 144  
 Quæ via, quisve dolor, cur mœsta insignia? tantum  
 Fleverat; atque manu timidos averterat ignes.  
 Scit mentem vidisse nefas. etenim unde Mycenis  
 Adforet, & vallum conjux inopina subiret?  
 Sed fati monitus, vicinaque funera sentit,  
 Ac sentire timet. cum vero Acherontis operti 150  
 Diva ter admoto tetegit thoraca flagello,  
 Ardet inops animi, nec tam confidere regno,  
 Quam scelus, & cædem, & perfossi in sanguine fratris  
 Expirare cupit, subitusque adfatur Adrastum.  
 Sera quidem, extremus socium, gentisque superstes  
 Argolicæ, consulta, pater, jam rebus in arctis 154  
 Aggredior: tunc tempus erat, cum sanguis Achivum  
 Integer, ire ultro, primamque capeffere pugnam,  
 Non plebis Danaæ florem, regumque verendas  
 Objectare animas, ut lamentabile tantis 160  
 Urbibus induerem capiti decus: aspera quando  
 Præcepit virtus; nunc saltem exolvere fas sit,  
 Quæ merui. Scis namque, focer, licet alta recondas  
 Vulnera, & affictum generi vereare pudorem:  
 Ille ego sum, qui te pacem & pia jura regentem 165

Infelix (utinamque aliis datis urbibus hospes)  
 Extorrem patria, regnoque. sed exige tandem  
 Supplicia. fratrem suprema in bella (quid horres?  
 Decretum est, fixumque) voco. desiste morari: 169  
 Nec poteris. non si atra parens, miseræque sorores  
 In media arma cadant: non si ipse ad bella ruenti  
 Obstet, & extinctos galeæ pater ingerat orbes,  
 Deficiam. An ne bibam superest quodcunque cruoris  
 Inachii? & vestris etiamnum mortibus utar?  
 Vidi egomet propter ruptos telluris hiatus, 175  
 Nec subii: vidi exanimum, fecique nocentem  
 Tydea: me Tegee regem indefessa reposcit,  
 Orbaque Parrhasiis ululat mihi mater in antris.  
 Ipse nec Ismeni ripas, dum stagna cruentat  
 Hippomedon, Tyrias potui nec scandere turres, 180  
 Dum tonat, & tecum, Capaneu, miscere furores?  
 Quis tantus pro luce timor? sed digna rependam.  
 Conveniant ubicunque nurus, matresque Pelasgæ,  
 Longævique patres, quorum tot gaudia carpsi,  
 Orbavique domos. fratri konkurro: quid ultra est?  
 Spectent, & votis victorem Etheoclea poscant. 186  
 Jamque vale conjux, dulcesque valete Mycenæ.

At tu care focer (nec enim omnis culpa malorum  
 Me penes, & superi mecum, Parcæque nocentes)  
 Sis lenis cineri, meque hæc post prælia raptum 190  
 Alitibus, fratricque tegas, urnaque reportes.  
 Hoc tantum, & natæ melius connubia jungas.  
 Ibant in lachrymas; veluti cum vere reverso  
 Bistonæ tepuere nives, summittitur ingens  
 Hæmus, & angustos Rhodope descendit in amnes.  
 Cæperat & leni senior mulcere furentem 196  
 Alloquio. scidit orsa novo terrore cruenta  
 Eumenis, alipedemque citum, fataliaque arma,  
 Protinus Inachii vultus expressa Perinthis  
 Obtulit, ac fidas excludit casside voces. 200  
 Ac super hæc: Abrumpe moras: celeremus, & illum  
 Adventare ferunt portis. Sic omnia vicit,  
 Correptumque injecit equo. volat æquore aperto  
 Pallidus, instantemque deæ circumspicit umbram.  
 Sacra Jovi merito Tyrius pro fulmine ductor 205  
 Nequicquam Danaos ratus exarmasse ferebat.  
 Nec pater ætherius, divumque has ullus ad aras,  
 Sed mala Tisiphone trepidis inserta ministris  
 Astat, & inferno prævertit vota Tonanti. 209



Summe deum, tibi namque meæ primordia Thebæ  
 (Liveat infandum licet Argos, & aspera Juno)  
 Debent, Sidonios ex quo per littora raptor  
 Turbasti thyafos, dignatus virgine nostra  
 Terga premi, & placidas falsum mugire per undas!  
 Nec te vana fides, iterum Cadmeia adeptum 215  
 Connubia, & Tyrios nimium irrupisse penates.  
 Tandem, inquam, foceros, dilectaque mœnia gratus  
 Respicias, adfertorque tonas, ceu regia cœli  
 Attentata tui; sic te pro turribus altis  
 Vidimus urgentem nubes, lateque benignum 220  
 Fulmen, & auditos proavis agnovimus ignes:  
 Accipe nunc pecudes, & magni thuris acervos,  
 Votivumque marem. dignas sed pendere grates  
 Haud mortale opus est. certent tibi reddere Bacchus  
 Noster, & Alcides. illis hæc mœnia ferva. 225  
 Dixerat, ast illi niger ignis in ora genasque  
 Profiluit, raptumque comis diadema cremavit.  
 Tunc ferus ante ictum spumis delubra cruentat  
 Taurus, & obstantum mediis e cœtibus exit  
 Turbidus, infano feriens altaria cornu. 230  
 Diffugiunt famuli, & regem solatur aruspex.

Ipse instaurari sacrum male fortis, agique  
 Imperat, & magnos ficto premit ore timores.  
 Qualis ubi implicitum Tirynthius ossibus ignem  
 Sensit, & Oeteas membris accedere vestes, 235  
 Vota incepta tamen, libataque thura ferebat  
 Durus adhuc, patiensque mali, mox grande coactus  
 Ingemuit, victorque furit per viscera Nessus.  
 Nuntius exanimi suspensus pectora cursu  
 Aepyus ad regem portæ statione relicta 240  
 Tendit, & hæc trepido vix intellectus anhelat:  
 Rumpe pios cultus, intempestivaque, rector,  
 Sacra deum. frater muris circum omnibus instat,  
 Portarumque moras frenis adsultat, & hastis,  
 Nomine te crebro, te solum in prælia poscens. 245  
 Flent mœsti retro comites, & uterque loquenti  
 Adgemit, & pulsus exercitus obstrepit armis.  
 Ille vocat? Nunc tempus erat, fator optime divum.  
 Quid meruit Capaneus? turbatus inhorruit altis  
 Rex odiis, mediaque tamen gavifus in ira est. 250  
 Sic ubi regnator post exulis otia tauri,  
 Mugitum hostilem summa tulit aure juvencus,  
 Agnovitque minas, magna stat fervidus ira

Ante gregem, spumisque animos ardentibus effert,  
Nunc pede torvus humum, nunc cornibus aëra

findens. 255

Horret ager, trepidæque expectant prælia valles.

Non defunt regi comites: Sine, mœnia pulset

Irritus. ille autem fractis huc audeat usque

Viribus? hic miseris furor est instare periclo,

Nec librare metus, & tuta odisse. resiste 260

Hoc fretus folio. nos propulfabimus hostem.

Hos bellare jube. sic proxima turba, sed ardens

Ecce aderat luctu, dicturusque omnia belli

Libertate Creon. urit fera corda Meneceus:

Nulla patri requies: illum quæritque, tenetque. 265

Illum sanguineos proflantem pectore rivos

Aspicit, & sæva semper de turre cadentem.

Ut dubium, & pugnas cunctantem Etheoclea vidit:

Ibis ait, neque te ulterius, fratrumque ducamque

Pessime, funeribus patriæ, lachrymisque potitum,

Eumenidum bellicque reum, patiemur inulti. 271

Stat tua non æquis luimus perjuriam divis.

Urbem armis, opibusque gravem, & modo civibus

arctam,

Ceu cælo dimissa lues, inimicave tellus

Hausisti, vacuumque tamen sublimis obumbras? 215

Deest servitio plebes. hos ignis egentes

Fert humus, hos pelago patrius jam detulit amnis.

Hi quærent artus, illi ardua vulnera curant.

Redde agedum miseris fratres, natosque, patresque,

Redde arvis, domibusque viros. Ubi maximus Hy-

pseus, 280

Finitimusque Dryas? ubi Phocidos arma sonoræ,

Euboicique duces? illos tamen æqua duelli

Fors tulit ad Manes. at tu (pudet) hostia regni,

Hostia nate jaces, ceu mutus & e grege sanguis.

Hei mihi primitiis armorum, & rite nefasto 285

Libatus, jussusque mori, & cunctabitur ultra

Iste? nec adverso nunc saltem Marte vocatus

Stabit? an in pugnas alium jubet ire prophanus

Tiresias? iterumque meos oracula nescit 289

In gemitus? quid enim misero super unicus Hæmon?

Ille jube subeat, tuque hinc spectator ab alta

Turre sede. quid sæva fremis, fabulamque cohortem

Respectas? hi te ire volunt, hi pendere pœnas:

Ipsa etiam genitrix, ipsæque odore sorores. 294

In te ardens frater ferrum, mortemque minatur,  
 Sævaque portarum convellit claustra, nec audis?  
 Sic pater infrendens, miseraque exæstuat ira.  
 Ille sub hæc: Non fallis, ait, nec te inclyta nati  
 Fata movent: canere illa patrem, & jactare decebat  
 Sed spes sub lachrymis, spes atque occulta cupido 300  
 His latet; infano prætendis funera voto,  
 Meque premis frustra, vacuæ ceu proximus aulæ.  
 Non ita Sidoniam fortuna reliquerit urbem,  
 In te ut sceptrâ cadant, tanto indignissime nato.  
 Nec mihi difficilis præsens vindicta. sed arma 305  
 Arma prius famuli. coëant in prælia fratres,  
 Vult gemitus lenire Creon: lucrare furorem:  
 Victori mihi cuncta lues. Sic jurgia paulum  
 Distulit, atque ensem, quem jam dabat ira, repressit.  
 Ictus ut incerto pastoris vulnere serpens 310  
 Erigitur gyro, longumque e corpore toto  
 Virus in ora legit; paulum si devius hostis  
 Torfit iter, cecidere minæ, tumefactaque frustra  
 Colla sedent, irasque sui bibit ipse veneni.  
 At genitrix primam funestæ fortis ut amens 315  
 Expavit famam, (nec tarde credidit) ibat

Sciffa comas, vultuque, & pectore nuda cruento,  
 Non sexus, decorisve memor. Pentheïa qualis  
 Mater ad infani scandebat culmina montis,  
 Promissum sævo caput allatura Lyæo. 320  
 Non comites, non ferre ipsæ vestigia natæ  
 Aequa valent: tantum miseræ dolor ultimus addit  
 Robur, & exangues crudescunt luctibus anni.  
 Jamque decus galeæ, jam spicula sæva ligabat 324  
 Ductor, & ad lituos hilarem, trepidumque tubarum  
 Prospiciebat equum: subito cum apparuit ingens  
 Mater, & ipse metu famulumque expalluit omnis  
 Cætus, & oblatam retro dedit armiger hastam.  
 Quis furor? unde iterum regni integrata resurgit  
 Eumenis? ipsi etiam post omnia, cominus ipsi 330  
 Stabitis? usque adeo geminas duxisse cohortes,  
 Et facinus mandasse parum est? quo deinde redibit  
 Victor? in hos ne sinus? ô diri conjugis olim  
 Felices tenebræ! datis improba lumina pœnas.  
 Hæc spectanda dies? quo, sæve, minantia flectis 335  
 Ora? quid alternos vultus, pallorque ruborque  
 Mutat? & obnixa frangunt mala murmura dentes?  
 Me miseram, vinctes! prius hæc tamen arma necesse est

Experiare domi. stabo ipsa in limine portæ  
 Auspicium infelix, scelerumque immanis imago. 340  
 Hæc tibi canicies, hæc sunt calcanda, nefande,  
 Ubera, perque uterum sonipes hic matris agendus.  
 Parce: quid oppositam capulo, parmaque repellis?  
 Non ego te contra Stygiis feralia sanxi  
 Vota deis. cæco nec Erinnyas ore rogavi. 345  
 Exaudi miseram: genitrix te, sæve, precatur,  
 Non pater. adde moram sceleri, & metire, quod  
 audes.  
 Sed pulsat muros germanus, & impia contra  
 Bella ciet? non mater enim, non obstat eunti  
 Ulla foror. te cuncta rogant, hic plangimus omnes.  
 Ast ibi vix unus pugnas dissuadet Adrastus, 351  
 Aut fortasse jubet. tu limina avita, deosque  
 Linqvis, & a nostris in fratrem amplexibus exis?  
 At parte ex alia tacitos obstante tumultu  
 Antigone furata gradus (nec casta retardat 355  
 Virginitas) volat Ogygii fastigia muri  
 Exuperare furens. senior comes hæret eunti  
 Actor, & hic summas non duraturus ad arces.  
 Utque procul visis paulum dubitavit in armis,

Agno-

Agnovitque (nefas!) jaculis, & voce superba 360  
 Tecta incessentem, magno prius omnia planctu  
 Implet, & e muris ceu descensura profatur:  
 Comprime tela manu, paulumque hanc aspice turrim,  
 Frater, & horrentes refer in mea lumina cristas.  
 Agnoscis ne hostes? sic annua pacta, fidemque 365  
 Poscimus? hi questus? hæc est bona causa modesti  
 Exulis? Argolicos per te, germane, penates  
 (Nam Tyriis jam nullus honos) per siquid in illa  
 Dulce domo, summitte animos. en utraque gentis  
 Turba rogant, ambæque acies. rogat illa suorum  
 Antigone devota malis, suspectaque regi, 371  
 Et tantum tua, dure, foror. saltem ora, trucesque  
 Solve genas. liceat vultus fortasse supremum  
 Noscere dilectos: &, ad hæc lamenta, videre,  
 Anne fleas. illum gemitu jam supplice mater 375  
 Frangit, & exsertum dimittere dicitur enssem.  
 Tu mihi fortis adhuc? mihi, quæ tua nocte, dieque  
 Exilia, erroresque fleo? jam jamque tumentem  
 Placavit tibi, sæve, patrem. quid crimine solvis  
 Germanum? nempe ille fidem & stata fœdera rupit,  
 Ille nocens, sævusque suis; tamen ecce vocatus 381

Staius. T. I.

C c

Non venit. His paulum furor clangescere dictis  
 Cœperat, obstreperet quamquam atque obstaret  
 Erinnys.

Jam summissa manus, lente jam flectit habenas, 384  
 Jam tacet. erumpunt gemitus, lachrymasque fatetur  
 Cassis. hebet iræ, pariterque & abire nocentem,  
 Et venisse pudet. subito cum matre repulsa  
 Eumenis ejecit fractis Etheoclea portis  
 Clamantem: Venio, solumque, quod ante vocasti,  
 Invideo. Ne incesse moras, gravis arma tenebat 390  
 Mater. Io patria, ô regum incertissima tellus,  
 Nunc certe victoris eris. Nec mitior ille,  
 Tandem, inquit, scis, sæve, fidem? & descendis  
 in æquum?

O mihi nunc primum longo post tempore frater,  
 Congredere: hæ leges, hæ fœdera sola supersunt.  
 Sic hostile tuens fratrem: namque uritur alto 396  
 Corde, quod innumeri comites, quod regia cassis,  
 Instratusque ostro sonipes, quod fulva metallo  
 Parma micet: quamquam haud armis inhonorus &  
 ipse,  
 Nec palla vulgare nitens: opus ipsa novarat 400

Mæoniis Argia modis, & pollice docto  
 Stamina purpureæ sociaverat aurea telæ.  
 Jamque in pulvereum furiis hortantibus æquor  
 Profiliunt: sua quemque comes, stimulatque, regitque.  
 Frena tenent ipsæ, phalerasque, & lucida comunt 405  
 Arma manu, mixtisque júbas serpentibus augent.  
 Stat confanguineum campo scelus: unius ingens  
 Bellum uteri, coëuntque pares sub casside vultus.  
 Signa tacent, siluere tubæ: stupefactaque Martis  
 Cornua. ter nigris avidus regnator ab oris 410  
 Intonuit, terque ima soli concussit, & ipsi  
 Armorum fugere dei. nusquam inclyta Virtus,  
 Restinxit Bellona faces, longeque paventes  
 Mars rapuit currus, & Gorgone cruda virago  
 Abstitit, inque vicem Stygiæ rubuere sorores. 415  
 Prominet excelsis vulgus miserabile tectis.  
 Cuncta madent lachrymis, & ab omni plangitur arce.  
 Hinc questi vixisse senes, hinc pectore nudo  
 Stant matres, parvosque vetant attendere natos.  
 Ipse quoque Ogygios monstra ad gentilia manes 420  
 Tartareus rector porta jubet ire reclusa.  
 Montibus insidunt patriis, tristisque corona

Infecere diem, & vinci sua crimina gaudent.  
 Illos ut stimulis ire in discrimen apertis  
 Audiit, & sceleri nullum jam obstare pudorem, 425  
 Advolat, & medias immittit Adraustus habenas.  
 Ipse quidem regnis multum & venerabilis ævo;  
 Sed quid apud tales, quis nec sua pignora curæ?  
 Alternos tamen ille rogat: Spectabimus ergo  
 Inachidæ, Tyriique nefas? ubi jura, deique? 430  
 Bella ubi? ne perstare animis. te deprecor hostis,  
 (Quamquam, hæc ira sinat, nec tu mihi sanguine  
 longe)  
 Te, gener, & jubeo. sceptri si tanta cupido est,  
 Exuo regales habitus: I Lernan, & Argos  
 Solus habe. Non verba magis suadentia frangunt 435  
 Accensos, sumptisque semel conatibus obstant,  
 Quam Scythæ curvatis erectus fluctibus unquam  
 Pontus, Cyaneos vetuit concurrere montes.  
 Ut periisse preces, geminosque ad prælia fufos  
 Pulvere cornipedes, explorarique furentum 440  
 In digitis amenta videt, fugit, omnia linquens  
 Castra, viros, generum, Thebas, ac fata monentem  
 Conversumque jugo propellit Ariona. qualis

Demissus curru lævæ post præmia fortis  
 Umbrarum custos, mundique novissimus hæres 445  
 Palluit, amisso veniens in Tartara cælo.  
 Non tamen indulfit pugna, cunctataque primo  
 Substitit in scelere, & paulum fortuna morata est.  
 Bis cassæ periere viæ: bis cominus actos  
 Avertit bonus error equos, puræque nefandi 450  
 Sanguinis. obliquis ceciderunt ictibus hasta.  
 Tendunt frena manu, & sævis calcaribus urgent  
 Immeritos. movet & geminas miserabile divum  
 Prodigium turmas, alternaque murmura volvunt  
 Mussantes, iterare aciem, procurrere sæpe 455  
 Impetus, & totum miseris opponere bellum.  
 Jam dudum terris, cætuque offensa deorum  
 Averfa cæli Pietas in parte sedebat,  
 Non habitu, quo nota prius, non ore sereno,  
 Sed vittis exuta comam, fraterna que bella, 460  
 Ceu soror infelix pignantum, aut anxia mater,  
 Dessebat: sævumque Jovem, Parcasque nocentes  
 Vociferans, seseque polis, & luce relicta  
 Descensuram Erebo, & Stygios jam malle penates.  
 Quid me, ait, ut sævis animantum, ac sæpe deorum

Obstaturam animis, princeps natura, creabas? 466  
 Nil jam ego per populos, nusquam reverentia nostri.  
 O furor, ô homines, diræque Prometheos artes!  
 Quam bene post Pyrrham tellus, pontusque vacabant?  
 En mortale genus! Dixit, speculataque tempus, 470  
 Auxilium tentemus, ait, licet irrita coner.  
 Desiluitque polo: niveus sub nubibus altis  
 Quamquam mæsta deæ sequitur vestigia limes.  
 Vix steterat campo, subita mansuescere pace  
 Agmina, sentiri que nefas. tunc ora madescunt, 475  
 Pectoraque, & tacitus subrepfit fratribus horror.  
 Arma etiam simulata gerens, cultusque viriles  
 Nunc his, nunc illis: Agite, ite, obsistite, clamat,  
 Quis nati fratresque domi, quis pignora tanta.  
 His quoque (nonne palam est, ultro miserescere  
 divos?) 480  
 Tela cadunt: cunctantur equi: fors ipsa repugnat.  
 Nonnihil impulerat dubios, ni torva notasset  
 Tisiphone fraudes, cælestique ocyor igne  
 Adforet increpitans. Quid belli obverteris ausis,  
 Numen iners, paci que datum? cede improba: noster  
 Hic campus, nosterque dies. nunc fera nocentes 486

Defendis Thebas: ubi tunc, cum bella cieret  
 Bacchus? & armatas furiarent orgia matres?  
 Aut ubi segnis eras, dum Martius impia serpens  
 Stagna bibit? dam Cadmus arat? dum victa cadit  
 Sphynx? 490  
 Dum rogat Oedipoden genitor? dum lampade nostra  
 In thalamos Iocasta venit? Sic urget, & ultro  
 Vitantem aspectus, etiam, pudibundaque longe  
 Ora reducentem, premit affidentibus Hydris,  
 Intentatque faces: dejectam in lumina pallam 495  
 Diva trahit, magnoque fugit questura Tonanti.  
 Tunc vero accensæ stimulis majoribus iræ:  
 Arma placent, versæque volunt spectare cohortes.  
 Instaurant crudele nefas. rex impius aptat  
 Tela, & funestæ casum prior occupat hæc. 500  
 Illa viam medium clypei conata per orbem  
 Non perfert ictus, atque alto vincitur auro.  
 Tunc exul subit, & clare funesta precatur:  
 Dii, quos effosso non irritus ore rogavit  
 Oedipodes, firmate nefas, non improba posco 505  
 Vota: piabo manus, & eodem pectora ferro  
 Rescindam, dum me moriens hic sceptrâ tenentem

Linqat, & hunc secum portet minor umbra dolorem.  
 Hasta subit velox equitis femur inter, equique  
 Ilia, letum utrique volens: sed plaga sedentis 510  
 Laxato vitata genu; tamen irrita voti-  
 Cuspis, in obliquis invenit vulnera costis.  
 It præceps sonipes strictæ contemptor habentæ,  
 Arvaque sanguineo scribit rutilantia gyro.  
 Exultat, fratris credens hunc esse cruorem. 515  
 Credit & ipse metu. totis jamque exul habenis  
 Indulget, cæcusque avidos illidit in ægrum  
 Cornipedem cursus. miscentur frena, manusque,  
 Telaque, & ad terram turbatis gressibus ambo  
 Præcipitant; ut nocte rates, quas nubilus Auster 520  
 Implicuit, frangunt tonfas, mutantque rudentes,  
 Luctatæque diu tenebris, hyemique, sibi que,  
 Sicut erant, imo pariter sedere profundo.  
 Hæc pugnae facies. coeunt sine more, sine arte,  
 Tantum animis, iraque, atque ignescentia cernunt  
 Per galeas odia, & vultus rimantur acerbo 526  
 Lumine. nil adeo mediæ telluris, & enses  
 Impliciti, nexæque manus, alternaque sævi  
 Murmura, ceu lituos rapiunt, aut signa tubarum.

Fulmineos veluti præceps cum cominus egit 530  
 Ira sues, strictusque erexit pectora fetis:  
 Igne tremunt oculi, lunataque dentibus uncis  
 Ora sonant: spectat pugnas de rupe propinqua  
 Venator pallens, canibusque silentia suadet.  
 Sic avidi incurrunt: nec dum letalia miscent 535  
 Vulnera, sed coeptus sanguis, facinusque peractum.  
 Nec jam opus est furiis. tantum mirantur, & adstant  
 Laudantes, hominumque dolent plus posse furores.  
 Fratris uterque furens cupit adfectatque cruorem,  
 Et nescit manare suum. Tandem irruit exul, 540  
 Hortatusque manum, cui fortior ira, nefasque  
 Justius, alte enses germani in corpore pressit,  
 Qua male jam plumis imus tegit inguina thorax.  
 Ille dolens nondum: sed ferri frigore primo  
 Territus, in clypeum turbatos colligit artus, 545  
 Mox intellecto magis ac magis æger anhelat  
 Vulnere, nec parcat cedenti: atque increpat hosti:  
 Quo retrahis, germane, gradus? O languida somno,  
 Et regnis effæta quies! longaque sub umbra  
 Imperia! exilio, rebusque exercita egenis 550  
 Membra vides. disce arma pati, nec fidere latis.



Sic pugnant miseri. restabat lassa nefando  
 Vita duci, summusque cruor, poterantque parumper  
 Stare gradus: sed sponte ruit, fraudemque supremam  
 In media jam morte parat. Clamore Cithæron 555  
 Erigitur, fraterque ratus vicisse, levavit  
 Ad cælum palmas. Bene habet. non irrita vovi,  
 Cerno graves oculos, atque ora natantia leto:  
 Huc aliquis propere sceptrum, atque insigne comarum  
 Dum videt. Hæc dicens gressus admovit, & arma  
 Ceu templis decus & patriæ laturus ovanti, 560  
 Arma etiam spoliare cupit. nondum ille peractis  
 Manibus, ultrices animam servabat in iras.  
 Utque superstantem, pronumque in pectore sensit,  
 Erigit occulte ferrum, vitæque labantis 565  
 Reliquias tenues odio supplevit, & enses  
 Jam lætus fratris non frater corde reliquit.  
 Ille autem, Vivisne? & adhuc manet ira superstes,  
 Perfide, nec sedes unquam meriture quietas?  
 I mecum ad Manes: illic quoque pacta reposcam,  
 Si modo Agenorei stat Gnosia iudicis urna, 571  
 Qua reges punire datur. nec plura locutus,  
 Concidit, & totis fratrem gravis obruit armis.

Ite truces animæ, funestaque Tartara leto  
 Polluite, & cunctas Erebi consumite pœnas. 575  
 Vosque malis hominum, Stygiæ, jam parcite, divæ.  
 Omnibus in terris scelus hoc, omnique sub ævo  
 Viderit una dies, monstrumque infame futuris  
 Excidat, & soli memorent hæc prælia reges.  
 At genitor sceleris comperto fine, profundis 580  
 Erepsit tenebris, sævoque e limine profert  
 Mortem imperfectam. veteri stat fordida tabo  
 Utraque canicies, & durus sanguine crinis  
 Obnubit furiale caput. procul ora, genæque  
 Intus, & effossæ squallent vestigia lucis. 585  
 Virgo autem impositæ sustentat pondera lævæ,  
 Dextra fedet baculo. qualis si puppe relicta  
 Exofus pigri manes fulcator Averni  
 Exeat ad superos, solemque & pallida turbet  
 Astra, nec ipse diu fortis, patiensque superni 590  
 Aëris. interea longum cessante magistro  
 Crescat opus, totisque expectent secula ripis.  
 Talis inquit campum, comitique extrema gementi,  
 Duc, ait, ad natos, patremque recentibus oro  
 Injice funeribus. Cunctatur nescia virgo, 595

Quid paret, impediunt iter, implicitosque morantur  
 Arma, viri, currus, altaque in strage seniles  
 Deficiunt gressus, & dux miseranda laborat.  
 Ut quæsitæ diu monstravit corpora clamor  
 Virginis, insternit totos frigentibus artus. 600  
 Nec vox ulla seni jacet, immugitque cruentis  
 Vulneribus, nec verba diu tentata sequuntur.  
 Dum tractat galeas, atque ora latentia quærit,  
 Tandem muta furens genitor suspiria solvit, 604  
 Tarda meam, pietas, longo post tempore mentem  
 Percutis? est ne sub hoc hominis clementia corde?  
 Vincis me miserum, vincis, natura, parentem.  
 En habeo gemitus, lachrymæque per arida serpunt  
 Vulnera, & in molles sequitur manus impia planctus.  
 Accipite infandæ justa exequialia mortis, 610  
 Crudeles, nimiumque mei. nec noscere natos,  
 Alloquiumque aptare licet. dic, virgo, precanti,  
 Quem teneo? quo nunc vestras ego sævus honore  
 Prosequar inferias? ô si fodienda redirent  
 Lumina, & in vultus sævire ex more potestas. 615  
 Heu dolor, heu justo magis exaudita parentis  
 Vota, malæque preces. Quisnam fuit ille deorum,

Qui stetit orantem juxta, præceptaque verba  
 Dictavit fati? furor illa, & movit Erinnyes,  
 Et pater, & genitrix, & regna, oculique cadentes;  
 Nil ego. per Ditem juro dulcesque tenebras, 521  
 Immeritamque ducem, subeam sic tartara digna  
 Morte, nec irata fugiat me Læius umbra.  
 Hei mihi, quos nexus fratrum, quæ vulnera tracto?  
 Solvite quæso manus, infestaque vincula tandem 625  
 Dividite, & medium nunc saltem admittite patrem.  
 Talia dequestus, paulatim sumpserat iras  
 Mortis, & occulte telum, ni nata vetaret,  
 Quærebat, sed casta manu subtraxerat enses  
 Antigone, furit inde senex. Ubi noxia tela? 630  
 Heu furis, num totum abiit in corpora ferrum?  
 Dicentem comes ægra levat, mutumque dolorem  
 Ipsa premit, sævum gaudens planxisse parentem.  
 Olim autem inceptæ clamore exterrita pugne  
 Regina extulerat notum penetralibus enses, 635  
 Ensem sceptriferi spoliū lachrymabile Læi.  
 Multaque cum Superis & diro quæstæ cubili,  
 Et nati furiis, & primi conjugis umbris,  
 Luctata est dextra, & prono vix pectore ferrum

Intravit tandem, & venas prorupit aniles 640  
 Vulnus, & infelix lustratur sanguine lectus.  
 Illius exili stridentem in pectore plagam  
 Ismene, collapsa super, lachrymisque, comisque  
 Siccebat plangens. qualis Marathonide silva  
 Flebilis Erigone, cæsi prope funera patris 645  
 Questibus absumptis tristem jam solvere nodum  
 Cæperat, & fortes ramos moritura legebat.  
 At jam læta ducum spes eluisse duorum  
 Res Amphionias alio, sceptrumque maligna  
 Transtulerat Fortuna manu, Cadmique tenebat 650  
 Jura Creon. Miser heu bellorum terminus! illi  
 Pugnant fratres. hunc & Mavortia clamant  
 Semina, & impensus patriæ paulo ante Menæceus  
 Conciliat populis. scandit fatale tyrannus  
 Flebilis Aoniæ folium. pro blanda potestas, 655  
 Et sceptri male-suadus amor! nunquamne priorum  
 Hærebunt documenta novis? juvat ecce nefasto  
 Stare loco, regimenque manu tractare cruentum.  
 Quid melior Fortuna potest? jam flectere patrem  
 Incipit, atque datis abolere Menæcea regnis. 660  
 Primum adeo sævis imbutus amoribus aulæ,

Indicium specimenque sui, jubet igne supremo  
 Arceri Danaos, nudoque sub axe relinqui  
 Infelix bellum, & tristes sine sedibus umbras.  
 Mox reducem Ogygiæ congressus limine portæ 665  
 Oedipoden timuit paulum, seseque minorem  
 Confessus tacite, promptamque coercuit iram.  
 Mox redit in regem cæcumque audentibus hostem  
 Increpitans. procul, inquit, abi victoribus omen  
 Invisum, & furias averte, ac mœnia lustra 670  
 Discessu Thebana tuo. spes longa peracta est.  
 Vade, jacent nati. quæ jam tibi vota supersunt?  
 Horruit instinctu rabido, steteruntque trementes,  
 Ceu visu præsentem, genæ, seniumque recessit.  
 Tunc natam, baculumque manu dimisit, & iræ 675  
 Innixus, tumido vocem de pectore rumpit:  
 Jamæ vacat sævire, Creon? modo perfida regna  
 Fortunæque locum nostræ miserande subisti,  
 Et tibi jam fas est regum calcare ruinas?  
 Jam tumultis victos, socios jam mœnibus arces? 680  
 Macte, potes digne Thebarum sceptrum tueri.  
 Hæc tua prima dies, sed cur nova contrahis amens  
 Jura? quid anguste tantos metiris honores?

Exilium intendis? timida inclementia regum  
 Ista. feros avidus quin protinus imbuis enses? 685  
 Crede: licet veniat cupidus parere fatelles,  
 Intrepidusque fecet non evitantia colla.  
 Incipe: an expectas, ut pronus supplice dextra  
 Sternar? & immitis domini vestigia quæram?  
 Finge autem tentare, fines? mihine ulla minaris 690  
 Supplicia? aut ullos reris superesse timores?  
 Linquere tecta jubes? cælum, terrasque reliqui  
 Sponte, atque ultricem crudelis in ora retorfi  
 Non ullo cogente manum. quid tale jubere  
 Rex inimice potes? fugio, excedoque nefandis 695  
 Sedibus. an refert, quo funera longa, measque  
 Transportem tenebras? ne non gens cuncta precanti  
 Concedat, patriæ quantum miser incubo terræ?  
 Sed dulces Thebæ: nimirum hic clarior ortus,  
 Et meliora meos permulcent sidera vultus. 700  
 Hic genitrix, natiq. habeas Thebana, regasque  
 Mœnia, quo Cadmus, quo Læius omine rexit,  
 Quoque ego. sic thalamos, sic pignora fida capeffas.  
 Nec tibi sit virtus fortunam evadere dextra:  
 Sed lucem deprensus ames. Satis omina sanxi, 705

Duc

Duc age nata procul. quid te autem luctibus addo?  
 Da, rex magne, ducem. Timuit miseranda relinqui  
 Antigone, mutatque preces: felicia per te  
 Regna, verende Creon, sanctasque Menteceos umbras:  
 Da veniam adflicto, dictisque ignosce superbis. 710  
 Hunc morem fandi longæ fecere querelæ.  
 Nec foli ferus iste tibi, sic fata, deosque  
 Alloquitur. durus luctu, facilisque nec ipsi  
 Sæpe mihi pridem indomito sub pectore fervet  
 Libertas misera, & sævæ spes anxia mortis. 715  
 Et nunc ecce tuas irritat callidus iras,  
 Suppliciumque cupit. Sed tu majoribus, oro,  
 Imperii potiare bonis, altusque jacentes  
 Prætereas, & magna ducum vereare priorum  
 Funera. Et hic quondam folio sublimis, & armis 720  
 Septus, opem miseris, jura & poscentibus æquus,  
 Supplicibusque dabat: cui nunc ex agmine tanto  
 Una comes, nec dum exul erat. felicibus hic ne  
 Obstet? in hunc odiis & regni viribus exis?  
 Hunc abigis testis? an ne prope limina clarum 725  
 Ingemat, & votis intempestivus oberret?  
 Pone metum, procul usque tua summotus ab aula

Statius. T. I.

D d

Flebit. ego erectum subigam, & servire docebo.  
 Cœtibus abducam, solaque in sede recondam.  
 Exul erit: nam quæ migranti externa patebunt 730  
 Mœnia? vis Argos eat, hostilesque Mycenæ  
 Squallidus irreptet? vicique ad limen Adraſti  
 Aonias narret clades? tenuemque precetur  
 Rex Thebanus opem? miseræ quid crimina gentis  
 Pandere, quid casus juvat ostentare pudendos? 735  
 Conde precor quodcunque sumus, nec longa pre-  
 camur  
 Dona, Creon, miserere senis, mœstique parentis.  
 Hic precor, hic manes indulge ponere: certe  
 Thebanos sepelire licet. Sic orat, humique  
 Volvitur. abducit genitor, sævumque minatur 740  
 Indignans veniam; qualis leo rupe sub alta,  
 Quem viridem quondam silvæ montesque tremebant:  
 Jam piger, & longo jacet exarmatus ab ævo,  
 Magna tamen facies, & non adeunda senectus:  
 Et si demissas veniat mugitus ad aures, 745  
 Erigitur, meminitque sui, viresque peractas  
 Ingemit, & campis alios regnare leones.  
 Flectitur adfatu, sed non tamen omnia rector

Supplicis indulget lachrymis, partemque recidit 749  
 Muneris. Haud, inquit, patriis prohibebere longe  
 Finibus, occurſu dum non pia templa, domosque  
 Commacules. habeant te iustra, tuusque Cithæron:  
 Atque hæc ecce tuis tellus habitabilis umbris,  
 Qua bellum, geminæque jacent in sanguine gentes.  
 Sic ait, & ficto comitum, vulgique gementis 755  
 Assensu, limen tumidus regale petebat.  
 Interea pulsi vallum exitiale Pelasgi  
 Destituunt furto. nulli sua signa, suusque  
 Ductor: eunt taciti passim, & pro funere pulchro  
 Dedecorem amplexi vitam reditusque pudendos. 760  
 Nox favet, & grata profugos amplectitur umbra.

P. PAPINII STATII  
THEBAIDOS  
LIBER XII.

**N**ONDUM cuncta polo vigil inclinare astra  
Ortus, & instantem cornu tenuiore videbat  
Luna diem: trepidas subito Tithonia nubes  
Discutit, ac reduci magnum parat æthera Phœbo.  
Agmina jam raris Dirceæ penetibus errant, 5  
Noctis quæsta moras. quamvis tunc otia tandem,  
Et primus post bella sopor: tamen ægra quietem  
Pax fugat, & sævi meminit victoria belli.  
Vix primo proferre gradum, & munimina valli  
Solvere, vix totas referare audacia portas. 10  
Stant veteres ante ora metus, campique vacantis  
Horror: ut adfiduo jactatis æquore tellus  
Prima labat, sic attoniti nil cominus ire  
Mirantur, fufasque putant adsurgere turmas.

Sic ubi prospicæ scandentem limina turris 15  
Idaliæ volucres fulvum aspexere draconem,  
Intus agunt natos, & fœta cubilia vallant  
Unguibus, imbellesque citant ad prælia pennas:  
Mox ruerit licet ille retro, tamen æra nudum  
Candida turba timet, tandemque ingressa volatus 20  
Horret, & a mediis etiamnum respicit astris.  
Itur in exanguem populum, bellique jacentis  
Reliquias, qua quemque dolor, luctusque cruenti  
Exegere duces. hi tela, hi corpora, at illi  
Cæforum tantum ora vident, alienaque juxta 25  
Pectora. pars currus deflent, viduisque loquuntur,  
Hoc solum quia restat, equis: pars oscula figunt  
Vulneribus magnis, & de virtute queruntur.  
Frigida digeritur strages: patuere recisæ  
Cum capulis, hastisque manus, mediisque sagittæ 30  
Luminibus stantes. multis vestigia cædis  
Nulla, ruunt planctu pendente & ubique parato.  
At circum informes truncos miserabile surgit  
Certamen, qui iusta ferant, qui funera ducant.  
Sæpe etiam hostiles (lusit Fortuna parumper) 35  
Decepti flere viros, nec certa facultas

Noscere, quem miseri vitent, calcantve cruorem.  
 At quibus est illæsa domus, vacuque dolores,  
 Aut deserta vagi Danaum tentoria lustrant,  
 Immittuntque faces, aut (quæ post bella voluptas) 40  
 Quærunt dispersi, jaceat quo pulvere Tydeus,  
 An rapti pateat specus auguris, aut ubi divum  
 Hostis, an ætheriæ vivant per membra favillæ.  
 Jam lachrymis exempta dies, nec serus abegit  
 Vesper. amant miseri lamenta, malisque fruuntur.  
 Nec subiere domus, sed circum funera pernox  
 Turba fedet, vicibusque datis alterna gementes  
 Igne feras, planctuque fugant. nec dulcibus astris  
 Victa, nec adfido coierunt lumina fletu.  
 Tertius auroram pulsabat Lucifer, & jam 50  
 Montibus orbatis lucorum gloria, magnæ  
 Theumesi venere trabes, & amica Cithæron  
 Silva rogis. ardent excisæ viscera gentis  
 Molibus extructis. supremo munere gaudent  
 Ogygii manes: queritur miserabile Grajum 55  
 Nuda cohors, vetitumque gemens circumvolat ignem.  
 Accipit & sævi manes Etheoclis iniquos  
 Haudquaquam regalis honos, Argivus haberi

Frater jussus adhuc, atque exule pellitur umbra.  
 At non plebejo fumare Menceæ busto 60  
 Rex genitor, Thebæque finunt. nec robora vilem  
 Struxerunt de morte rogam: sed bellicus agger  
 Curribus, & clypeis, Grajorumque omnibus armis  
 Sternitur. hostiles super ipse ut victor acervos,  
 Pacifera lauro crinem, vittisque decorus 65  
 Accubat. haud aliter quam cum poscentibus astris  
 Lætus in accensa jacuit Tirynthius Oeta.  
 Spirantes super inferias captiva Pelasgum  
 Corpora, frenatosque pater, folatia, fortes  
 Bellorum, mactabat equos: his arduus ignis 70  
 Palpirat, & gemitus tandem erupere paterni:  
 O nisi magnanimus tantæ te laudis inisset  
 Ardor, Echionios mecum venerande penates,  
 Atque ultra recture puer: venientia qui nunc  
 Gaudia & ingratum regni mihi munus acerbas. 75  
 Tu superum convexa licet, cætusque perenni  
 (Credo equidem) Virtute colas: mihi flebile semper  
 Numen eris. ponant aras, excelsaque Thebæ  
 Tempa dicent: uni fas sit lugere parenti.  
 Et nunc heu quæ digna tibi solennia, quasve 80

Largiar exequias? nec si fatale, potestas,  
 Argos & impulsas cineri miscere Mycenæ,  
 Meque super, cui vita (nefas!) & sanguine nati  
 Partus honos. eademne dies, eadem impia bella  
 Te, puer, & diros misere in Tartara fratres? 85  
 Et nunc Oedipodi par est Fortuna doloris,  
 Ac mihi: quam similes gemimus, bone Juppiter,  
 umbras?

Accipe, nate, tui nova libamenta triumphi,  
 Accipe, & hoc regimen dextræ, frontisque superbæ  
 Vincula, quæ patri nimium gestanda dedisti. 90  
 Regem te, regem, tristes Etheocleos umbræ  
 Aspiciant. Simul hæc dicens, crinemque, manumque  
 Destruit, accensaque iterat violentius ira:  
 Sævum agedum, immitemque vocent, nunc funera  
 Lernæ

Tecum ardere veto. longos utinam addere sensus 95  
 Corporibus, cæloque animas, Ereboque nocentes  
 Pellere fas, ipsumque feras, ipsum unca volucrum  
 Ora sequi, atque artus regum monstrare nefandos.  
 Hei mihi, quod positos humus alma, diesque resolvit.  
 Quare iterum repetens, iterumque edico, suprema

Ne quis ope, aut flammis ausit juvisse Pelasgos, 101  
 Aut nece facta luet, numeroque explebit adempta  
 Corpora: per superos, magnumque Meneceæ juro.  
 Dixit, & abreptum comites in testâ ferebant.  
 Flebilis interea vacuis comitatus ab Argis 105  
 (Fama trahit miseras) orbæ, viduæque ruebant  
 Inachides, ceu capta manus: sua vulnera cuique,  
 Par habitus cunctis, dejecti in pectora crines,  
 Accinctique sinus. manant lacera ora cruentis  
 Unguibus, & molles planctu crevere lacerti. 110  
 Prima per attonitas nigræ regina catervæ  
 Tristibus illabens famulis, iterumque resurgens  
 Quærit inops Argia vias. non regia cordi,  
 Non pater: una fides, unum Polynicis amati  
 Nomen in ore sedet. Dirçen, infausta que Cadmi 115  
 Mœnia, posthabitis velit incoluisse Mycenis.  
 Proxima Lernæo Calydonidas agmine mixtas  
 Tydeos exequiis trahit haud cessura forori  
 Deiphile. scelus illa quidem, morsusque profanos  
 Audierat miseranda viri; sed cuncta jacenti 120  
 Infelix ignoscit amor. post aspera visu,  
 Ac descendenda tamen, digno plangore Nealce



Hippomedonta ciens. vatis mox impia conjux  
 Heu vacuos positura rogos. Postrema gementum  
 Agmina Mænalæ ducit comes orba Dianæ, 125  
 Et gravis Euadne: dolet hæc, queriturque labores  
 Audacis pueri: magni memor illa mariti  
 It torvum lachrymans, summisque irascitur astris.  
 Illas & lucis Hecate speculata Lycæis  
 Prosequitur gemitu, duplexque ad littus euntes 130  
 Planxit ab Isthmiaco genitrix Thebana sepulchro.  
 Noctivagumque gregem, quamvis sibi luget, Eleusin  
 Flevit, & arcanos errantibus extulit ignes.  
 Ipsa per averfos ducit Saturnia colles,  
 Occultatque vias, ne plebs congressa suorum 135  
 Ire vetet, pereatque ingentis gloria cæpti.  
 Nec non functa ducum refovendi corpora curam  
 Iris habet: putresque arcanis roribus artus  
 Ambrosiæque rigat succis, ut longius obfent 139  
 Expectentque rogos, flammæ neve ante fatiscant.  
 Squallidus ecce genas, & hianti vulnere pallens  
 Ornitus (hic focio desertus ab agmine, tardat  
 Plaga recens) timidus secreta per avia furto  
 Debile carpit iter, fractæque innititur hastæ.

Isque ubi mota novo stupuit loca sola tumultu, 145  
 Fœmineumque gregem, quæ jam super agmina Lernæ  
 Sola videt (non ille viam causasque requirit,  
 Quippe patent) mæsto sed sic prior occupat ore:  
 Quo miseræ, quo fertis iter? funusne peremptis  
 Speratis, cineremque viris? stat pervigil illic 150  
 Umbrarum custos, inhumataque corpora regi  
 Adnumerat. nusquam lachrymæ, procul usque fugati  
 Accessus hominum. solis avibusque, ferisque  
 Ire licet. vestrisne Creon dabit æquus honorem  
 Luctibus? immites citius Busiridos aras, 155  
 Odrysiique famem stabuli, Siculosque licebit  
 Exorare deos. rapiet fortasse precantes,  
 (Si mens nota mihi) nec conjugalia supra  
 Funera, sed caris longe mactabit ab umbris.  
 Quin fugitis, dum tuta via est, Lernamque reversæ 160  
 Nomina (quod superest) vacuis datis orba sepulchris,  
 Absentesque animas ad inania busta vocatis?  
 Aut vos Cecropiam (prope namque & Thesea  
 fama est  
 Thermodontiaci lætum remeare triumpho)  
 Imploratis opem? bello cogendus & armis 165

In mores hominemque Creon. Sic fatus, at illis  
 Horruerant lachrymæ, stupuitque immanis eundi  
 Impetus, atque uno vultus pallore notati.  
 Non secus adflavit molles si quando juvenas  
 Tigridis Hircanæ jejunum murmur, & ipse 170  
 Audit turbatur ager, timor omnibus ingens,  
 Quæ placeat, quos illa fames descendat in armos,  
 Continuo discors vario sententia motu  
 Scinditur: his Thebas, tumidumque ambire Creonta,  
 His placet Aetææ si quid clementia gentis 175  
 Annuat. extremum curarum, ac turpe reverti.  
 At non fœmineæ subitum virtutis honorem  
 Colligit Argia, sexuque immane relicto  
 Tractat opus. placet egregii spes dura pericli  
 Cominus infandi leges accedere regni. 180  
 Quo Rhodopes non ulla nurus, nec alumna nivosi  
 Phasidis, innuptis vallata cohortibus iret.  
 Tunc movet arte dolum, quo semet ab agmine fido  
 Segreget, immitesque deos, regemque cruentum  
 Contemptrix animæ, & magno temeraria luctu 185  
 Provocet. hortantur pietas, ignesque pudici.  
 Ipse etiam ante oculos omni manifestus in actu

Nunc hospes miseræ, primas nunc sponfus ad aras,  
 Nunc mitis conjux. nunc jam sub casside torva  
 Mœstus in amplexu, multumque a limine summo 190  
 Respiciens. sed nulla animo obversatur imago  
 Crebrior, Aonii quam quæ de sanguine campi  
 Nuda venit, poscitque rogos. his anxia mentem  
 Aegrescit curis, & qui castissimus ardor,  
 Funus amat. Tunc ad comites conversa Pelasgas: 195  
 Vos, ait, Aetæas acies, Marathonique arma  
 Elicite, aspiretque pio fortuna labori.  
 Me finite Ogygias, tantæ quæ sola ruinæ  
 Causa fui, penetrare domus, & fulmina regni  
 Prima pati. nec surda feræ pulsabimus urbis 200  
 Limina, sunt illic foceri mihi, suntque sorores  
 Conjugis, & Thebas haud ignoranda subibo.  
 Ne tantum revocate gradus. illo impetus ingens,  
 Auguriumque animi. Nec plura: unumque Mœcetem  
 (Olim hic virginei custos, monitorque pudoris) 205  
 Eligit, & quanquam rudis, atque ignara locorum,  
 Præcipites gressus, qua venerat Ornitus, affert.  
 Atque ubi visa procul, socias liquisse malorum,  
 Anne, ait, hostiles ego te labente per agros;

Heu dolor, expectem, quænam sententia lenti 210  
 Theseos? an bello proceres, an dexter aruspex  
 Annuat? interea funus decrefcit: & uncis  
 Alitibus non hos potius fupponimus artus?  
 Et nunc me duram, fi quis tibi fenfus, ad umbras  
 Me tardam quereris Stygiis, fidiffime, divis. 215  
 Heu fi nudus adhuc, heu fi jam forte fepultus,  
 Nostrum utrumque nefas. adeo vis nulla dolenti,  
 Mors nufquam, favusque Creon. hortaris enntem,  
 Ornite. Sic dicens magno Megareia præceps  
 Arva rapit paffu, demonstrat proxima quisquis 220  
 Obvius, horrefcitque habitus, miferamque veretur.  
 Vadit atrox vifu, nec corde, nec aure pavescens,  
 Et nimis confifa malis, propiorque timeri.  
 Nocte velut Phrygia cum lamentata refultant  
 Dindyma, pinigeri rapitur Simoëntis ad amnem 225  
 Dux vefana chori, cujus dea fanguine lecto  
 Ipfâ dedit ferrum, & vittata fronte notavit.  
 Jam pater Hesperio flagrantem gurgite currum  
 Abdiderat Titan, aliis rediturus ab undis,  
 Cum tamen illa gravem luctu fallente laborem 230  
 Nefcit abiffe diem, nec caligantibus arvis

Terretur, nec frangit iter, per & invia faxa,  
 Lapfurasque trabes, nemorumque arcana fereno  
 Nigra die, cæcisque incifa novalia foffis;  
 Per fluvios fecura vadi, fomnosque ferarum 235  
 Præter, & horrendis infeffa cubilia monftris.  
 Tantum animi, luctusque valent. Pudet ire Me-  
 nœtem  
 Tardius, invalidæque gradum miratur alumnæ.  
 Quas non illa domos, pecorumque, hominumque  
 modesto  
 Pulfavit gemitu? quoties amiffus eunti 240  
 Limes, & errantem comites folatia flammæ  
 Defituunt, gelidæque facem vicere tenebræ?  
 Jamque fupinantur felfis, lateque fatifcunt  
 Penthei devexa jugi, cum pectore anhelò  
 Jam prope deficiens, fic inchoat orfa Menœtes: 245  
 Haud procul (exacti fi fpes non blanda laboris)  
 Ogygias Argia domos, & egena fepulchri  
 Bufta jacere reor. grave cominus æftuat aër  
 Sordidus, & magnæ redeunt per inane volucres.  
 Hæc illa eft crudelis humus: nec mœnia longe. 250  
 Cernis, ut ingentes murorum porrigat umbras

Campus, & e speculis moriens intermicet ignis?  
 Mœnia sunt juxta, modo nox magis ipsa tacebat,  
 Solaque nigrantes laxabant astra tenebras.  
 Horrui Argia, dextramque ad mœnia tendens: 255  
 Urbs optata prius, nunc tecta hostilia Thebæ,  
 Et tamen illæfas si reddis conjugis umbras,  
 Sic quoque dulce solum: cernis, quo prædita cultu,  
 Qua stipata manu, juxta tua mœnia primum  
 Oedipodis magni venio nurus? improba non sunt 260  
 Vota. rogos hospes, planctumque, & funera posco.  
 Illum, oro, extorrem regni, belloque fugatum,  
 Illum, quem folio non es dignata paterno,  
 Redde mihi. tuque, oro, veni, si Manibus ulla  
 Effigies, errantque animæ post membra solutæ, 265  
 Tu mihi pande vias, tuaque ipse ad funera deduc,  
 Si merui. Dixit, tectumque aggressa propinquæ  
 Pastorale casæ, reficit spiramina fessi  
 Ignis, & horrendos irrumpit turbida campos.  
 Qualis ab Aetnæis accensa lampade faxis 270  
 Orbâ Ceres magnæ variabat imagine flammæ,  
 Ausonium, Siculumque latus vestigia nigri  
 Raptoris, vastosque legens in pulvere sulcos.

Illius

Illius insanis ululatus ipse remugit  
 Enceladus, ruptoque vias illuminat igni. 275  
 Persephonen amnes, silvæ, freta, nubila clamant:  
 Persephonen tantum Stygii tacet aula mariti.  
 Admonet attonitam fidus meminisse Creontis  
 Altor, & occultam summittere lampada furto.  
 Regina Argolicas modo formidata per urbes 280  
 Votum immane procis, spesque angustissima gentis,  
 Nocte sub infesta, nullo duce, & hoste propinquo,  
 Sola per offensus armorum, & lubrica tabo  
 Gramina, non tenebras, non circumfusa tremiscens  
 Concilia umbrarum, atque animas sua membra ge-  
 mentes. 285  
 Sæpe gradu cæco ferrum, calcataque tela  
 Dissimulat, solusque labor vitare jacentes,  
 Dum funus putat omne suum, visuque sagaci  
 Rimatur positos, & corpora prona supinat  
 Incumbens, queriturque parum lucentibus astris. 290  
 Forte soporiferas cœli secreta per umbras  
 Juno, sinu magni semet furata mariti,  
 Theseos ad muros, ut Pallada flecteret, ibat,  
 Supplicibusque piis faciles aperiret Athenas:

Statius. T. I.

E •

Atque ubi per campos errore fatiscere vano 295  
 Immeritam Argian supero respexit ab axe,  
 Indoluit visu: & lunaribus obvia bigis  
 Advertit currum, placidaque ita voce locuta est:  
 Da mihi poscenti munus breve, Cynthia, si quis  
 Est Junonis honos. certe Jovis improba jussu 300  
 Ternoctem Herculeam; veteres sed mitto querelas:  
 En locus officio. cultrix placidissima nostri  
 Inachis Argia cernis qua nocte vagetur,  
 Nec reperire virum densis queat ægra tenebris?  
 Et tibi nimbosum languet jubar. exere quæso 305  
 Cornua, & adsueto propior premat orbita terras.  
 Hunc quoque, qui curru madidas tibi pronus habenas  
 Ducit, in Aonios vigiles demitte Soporem.  
 Vix ea, cum scissis magnum dea nubibus orbem  
 Protulit: expavere umbræ, fulgorque recisus 310  
 Sideribus, vix ipsa tulit Saturnia flammæ.  
 Primum per campos infuso lumine, pallam  
 Conjugis ipsa suos noscit miseranda labores,  
 Quanquam texta latent, suffusaque sanguine mæret  
 Purpura. dumque deos vocat, & de funere caro 315  
 Hoc superesse putat, videt ipsum in pulvere pæne

Calcarum. fugere animus, visusque, sonusque,  
 Inclusitque dolor lachrymas. tunc corpore toto  
 Sternitur in vultus, animamque per oscula querit  
 Absentem, pressumque comis ac veste cruorem 320  
 Servatura legit. Mox tandem voce reversa  
 Hunc ego te, conjux, ad debita regna profectum  
 Ductorem belli, generumque potentis Adraasti  
 Aspicio? talisque tuis occurro triumphis?  
 Huc attolle genas, defectaque lumina. venit 325  
 Ad Thebas Argia tuas. age mœnibus induc,  
 Et patrios ostende lares, & mutua redde  
 Hospitia. heu quid ago? projectus cespite nudo  
 Hoc patriæ telluris habes? quæ jurgia? certe  
 Imperium non frater habet. nullasne tuorum 330  
 Movisti lachrymas? ubi mater? ubi inclyta fama  
 Antigone? mihi nempe jaces: mihi victus es uni.  
 Dicebam, quo tendis iter? quid sceptrâ negata  
 Poscis? habes Argos: foceri regnabis in aula:  
 Hic tibi longus honos, hic indivisa potestas. 335  
 Quid queror? ipsa dedi bellum, mœstumque rogavi  
 Ipsa patrem, ut talem nunc te complexa tenerem.

Sed bene habet, superi: gratum est, Fortuna: per  
 acta est  
 Spes longinqua via: totos invenimus artus.  
 Hei mihi, sed quanto descendit vulnus hiatu! 340  
 Hoc frater? qua parte, precor, jacet ille nefandus  
 Predator? vincam volucres, sit adire potestas,  
 Excludamque feras. an habet funestus & ignes?  
 Sed nec te flammis inopem tua terra videbit:  
 Ardebis, lachrymasque feres, quas ferre negatum  
 Regibus, æternumque tuo famulata sepulchro 346  
 Durabit deserta fides, testisque dolorum  
 Natus erit, parvoque torum Polynice fovebo.  
 Ecce alios gemitus, aliamque ad busta ferobat  
 Antigone miseranda facem, vix nata petitos 350  
 Mœnibus egressus. Illam nam tempore in omni  
 Attendunt vigiles, & rex jubet ipse timeri,  
 Contractæque vices, & crebrior excubat ignis.  
 Ergo deis, fratrique moras excusat, & amens,  
 Ut paulum immisso cessit statio horrida fomno, 355  
 Erumpit muris. fremitu quo territat agros  
 Virginis ira læa rabies, cui libera tandem  
 Et primus sine matre furor. nec longa morata est,

Quippe trucem campum, & positus quo pulvere  
 frater  
 Noverat, atque illam contra videt ire Menetes 360  
 Cui vacat, & caræ gemitus compescit alumna.  
 Cum tamen erectas extremus virginis aures  
 Accessit sonus: utque atra sub veste, comisque  
 Squallentem, & crasso fœdatam sanguine vultus  
 Astrorum radiis, & utraque a lampade vidit: 365  
 Cujus, ait, manes, aut quem temeraria quæris  
 Nocte mea? nihil illa diu, sed in ora mariti  
 Dejicit, inque suos pariter velamina vultus,  
 Capta metu subito, paulumque oblita doloris.  
 Hoc magis increpitans suspecta silentia, perstat 370  
 Antigone, comitemque premens ipsamque, sed ambo  
 Deficiunt, fixique silent. tandem ora retexit  
 Argia, corpusque tamen complexa, profatur:  
 Siquid in hoc veteri bellorum sanguine mecum  
 Quæsitura venis, si tu quoque dura Creontis 375  
 Iussa times, possum, tibi me confisa, fateri.  
 Si misera es (certe lachrymas, lamentaque cerno)  
 Junge age, junge fidem: proles ego regis Adraſti.  
 Hei mihi, num quis adest cari Polynicis ad ignes,

Et si regna vetant? stupuit Cadmeia virgo 380  
 Intremuitque simul, dicentemque occupat ultro:  
 Mene igitur sociam (pro fors ignara!) malorum,  
 Mene timos? mea membra tenes, mea funera plangis,  
 Cedo. tene pudet heu pietas ignava fororis! 384  
 Hæc prior. hic pariter lapsa, junctoque per ipsam  
 Amplexu, miscent avidæ lachrymasque, comasque,  
 Partitæque artus redeunt alterna gementes  
 Ad vultum, & cara vicibus cervice fruuntur.  
 Dumque modo hæc fratrem memorat, nunc illa ma-  
 ritum,  
 Mutuaque exorsa Thebas, Argosque renarrant, 390  
 Longius Argia miseros reminiscitur actus:  
 Per tibi furtivi sacrum commune doloris,  
 Per socios Manes, & conscia sidera juro;  
 Non hic amissos, quanquam vagus exul honores,  
 Non gentile solum, caræ non pectora matris, 395  
 Te cupiens unam, noctesque, diesque, locutus  
 Antigonen. ego cura minor, facilisque relinqui.  
 Tu tamen excelsa sublimis forsitan arce,  
 Ante nefas Grajis dantem vexilla manipulis  
 Vidisti, teque ille acie respexit ab ipsa 400

Ense salutatam, & nutantis vertice coni:  
 Nos procul: extremas sed quis deus egit in iras?  
 Nil vestra valere preces? tibine iste negavit  
 Oranti? Causas ac tristia reddere facta 404  
 Coeperat Antigone: fidus comes admonet ambas:  
 Eja agite inceptum potius. jam sidera pallent  
 Vicino turbata die, perferte laborem,  
 Tempus erit lachrymis: accenso flebitis igne.  
 Haud procul Ismeni monstrabant murmura ripas,  
 Qui turbatus adhuc & sanguine decolor ibat.  
 Huc laceros artus socio conamine portant  
 Invalida; jungitque comes non fortior ulnas,  
 Sic Hyperionium tepido Phaëtonta sorores  
 Fumantem lavere Pado, vix dum ille sepulchro  
 Conditus, & flentes stant circum flumina silvæ. 415  
 Ut sanies purgata vado, membrisque reversus  
 Mortis honos, ignem miseræ post ultima quærunt  
 Oscula: sed gelidæ circum exanimesque favillæ  
 Putribus in foveis, atque omnia busta quiescunt.  
 Stabat adhuc seu forte rogas, seu numine divum,  
 Cui torrere datum favos Etheocleos artus, 421  
 Sive locum monstris iterum fortuna parabat,

Seu discessuros servaverat Eumenis ignes.  
 Hic tenuem nigris etiamnum advivere lucem  
 Roboribus pariter cupida videre, simulque 425  
 Flebile gavisæ, nec adhuc, quæ busta, repertum,  
 Sed placidus, quicumque, rogant, mitisque supremi  
 Admittat cineris confortem, & misceat umbras.  
 Ecce iterum fratres. primos ut contigit artus  
 Ignis edax, tremuere rogi, & novus advena bustis  
 Pellitur, exundant diviso vertice flammæ, 431  
 Alternosque apices abrupta luce coruscant.  
 Pallidus Eumenidum veluti commiserit ignes  
 Orcus, uterque minax globus, & conatur uterque  
 Longius. ipsæ etiam commoto pondere paulum 435  
 Secessere trabes, conclamat territa virgo:  
 Occidimus, functasque manu stimulavimus iras.  
 Frater erat. Quis enim accessus ferus hospitis umbræ  
 Pelleret? en clypei fragmen, semustaque nosco  
 Cingula, frater erat. cernisne ut flamma recedat, 440  
 Concurratque tamen? vivunt odia improba, vivunt.  
 Nil actum bello. miseri, sic dum arma movetis,  
 Vicit nempe Creon. nusquam jam regna, quis ardor?  
 Cui furitis? sedate minas. tuque exul ubique 444

Semper inops æqui, jam cede. hoc nupta precatur,  
 Hoc foror, aut sævos mediæ veniemus in ignes.  
 Vix ea, cum subitus campos tremor, altaque testæ  
 Impulit, adjuvitque rogi discordis hiatus,  
 Et vigilum turbata quies, quibus ipse malorum  
 Fingebat simulacra sepior. ruit ilicet, omnem 450  
 Prospectum lustrans armata indagine miles.  
 Illos instantes senior timet unus. at ipsæ  
 Ante rogam, sævique palam sprevisse Creontis  
 Imperia, & furtum claro plangore fatentur  
 Securæ, quippe omne vident fluxisse cadaver. 455  
 Ambigitur sæva de morte, animosaque leti  
 Spes furit. Hæc fratris rapuisse, hæc conjugis artus  
 Contendunt, vicibusque probant. ego corpus, ego  
 ignes,  
 Me pietas, me duxit amor. deposcere sæva  
 Supplicia, & dextras juvat insertare catenis. 460  
 Nusquam illa alternis modo quæ reverentia verbis,  
 Iram, odiumque putes. tantus discordat utrinque  
 Clamor, & ad regem, qui deprendere, trahuntur.  
 At procul Actæis dextra jam Pallade muris  
 Juno Phoroneas inducit prævia matres, 465



Attonitas, non ipsa minus, cœtumque gementem  
 Conciliat populis, & flentibus addit honorem.  
 Ipsa manu ramosque oleæ, vittasque precantes  
 Tradit, & obtenta summittere lumina palla,  
 Et præferre docet vacuas sine manibus urnas. 470  
 Omnis & Aëtiæ effusa penatibus ætas  
 Tecta, viasque replent. unde hoc examen? & una  
 Tot miseræ? nec dum causas novere malorum,  
 Jamque gemunt. dea consiliis se miscet utrisque  
 Cuncta docens, qua gente satæ, quæ funera plangant,  
 Quidve petant. variis nec non adfatibus ipsæ 476  
 Ogygias leges, immanfuetumque Creonta  
 Multum & ubique fremunt. Geticæ non plura que-  
 runtur  
 Hospitibus tectis trunco fermone volucres,  
 Cum duplices thalamos, & iniquum Terea clamant.  
 Urbe fuit media nulli concessa potentum 481  
 Ara deum, mitis posuit Clementia sedem:  
 Et miseri fecere sacram. sine supplice nunquam  
 Illa novo: nulla damnavit vota repulsa.  
 Auditi, quicumque rogant, noctesque, diesque 485  
 Ire datum, & solis numen placare querelis,

Parca superstitio: non thurea flamma, nec altus  
 Accipitur sanguis, lachrymis altaria fudant,  
 Mœstarumque super libamina ferta comarum  
 Pendent, & vestes mutata sorte relicta. 490  
 Mite nemus circa, cultuque insigne verendo  
 Vittata laurus, & supplicis arbor olivæ.  
 Nulla autem effigies, nulli commissa metallo  
 Forma deæ, mentes habitare & pectora gaudet.  
 Semper habet trepidos, semper locus horret egenis  
 Cœtibus, ignotæ tantum fœlicibus aræ. 496  
 Fama est defensos acie, post busta paterni  
 Numinis, Herculeos sedem fundasse nepotes.  
 Fama minor factis: ipsos nam credere dignum  
 Cœlicolas, tellus quibus hospita semper Athenæ, 500  
 Ceu leges, hominemque novum, ritusque sacrorum,  
 Seminaque in vacuas hinc descendunt terras  
 Sic sacrasse loco commune animantibus ægris  
 Confugium, unde procul starent, iræque, minæque,  
 Regnaque, & a justis Fortuna recederet aris. 505  
 Jam tunc innumeræ norant altaria gentes.  
 Huc victi bellis, patriaque e sede fugati,  
 Regnorumque inopes, scelerumque errore nocentes

Conveniunt, pacemque rogant. mox hospita sedes  
 Vicit, & Oedipodæ furias, & funus Olynthi 510  
 Texit, & a misero matrem summovit Oreste.  
 Hunc vulgo monstrante locum, manus anxia Lerna  
 Deveniunt: cedit miserorum turba priorum.  
 Vix ibi sedatis requierunt pectora curis.  
 Ceu patrio, super alta, grues Aquilone fugatæ 515  
 Cum videre Pharon; tunc æthera latius implent,  
 Tunc hilari clangore sonant: juvat orbe sereno  
 Contempnisse nives, & frigora solvere Nilo.  
 Jamque domos patrias, Scythicæ post aspera gentis  
 Prælia, laurigero subeuntem Thesea curru 520  
 Lætifici plausus, missusque ad sidera vulgi  
 Clamor, & emeritis hilaris tuba nuntiat armis.  
 Ante duces spolia, & duri Mavortis imago  
 Virginei currus, cumulataque fercula cristis,  
 Et tristes ducuntur equi, truncæque bipennes, 525  
 Quis nemora, & solidam Mæotida cedere fuerat,  
 Corytique leves portantur, & ignea gemmis  
 Cingula, & informes dominarum sanguine peltæ.  
 Ipsæ autem nondum trepidæ, sexumque fatentur,  
 Nec vulgare gemunt, aspernanturque precari, 530

Et tantum innuptæ quærunt delubra Minervæ.  
 Primus amor niveis victorem cernere vestum  
 Quadrijugis, nec non populos in semet agebat  
 Hippolyte, jam blanda genas, patiensque mariti  
 Fœderis. Hanc patriæ ritus fregisse severos 535  
 Atthides obliquæ secum mirantur operto  
 Murmure: quod nitidi crines, quod pectora palla  
 Tota latent, magnis quod barbara semet Athenis  
 Misceat, atque hosti veniat paritura marito.  
 Paulum & ab infessis mœstæ Pelopeides aris 540  
 Promovere gradum, feriemque & dona triumphis  
 Mirantur, victique animo rediere mariti.  
 Atque ubi tardavit currus, & ab axe superbo  
 Explorat causas victor, poscitque benigna  
 Aure preces, ausa ante alias Capaneia conjux: 545  
 Belliger Aegide, subitæ cui maxima laudis  
 Semina de nostris aperit Fortuna ruinis.  
 Non externa genus, dira nec conscia noxa,  
 Turba sumus: domus Argos erat, regesque mariti,  
 Non utinam & fortes, quid enim septena movere  
 Castra, & Agenoreos opus emendare penates?  
 Nec querimur cæcos: hæc bellica jura, vicesque

Armorum. sed non Siculis exorta sub antris  
 Monstra, nec Ossæ bello cecidere bimembres.  
 Mittò genus, clarosque patres; hominum, inclyte  
 Theseu, 555  
 Sanguis erant, homines, eademque in sidera, eosdem  
 Sortitus animarum, alimentaue vestra creati,  
 Quos vetat igne Creon, Stygiæque a limine portæ,  
 Ceu fator Eumenidum, aut Lethæi portitor amnis,  
 Summovet, ac dubio cœlique, Eræbique sub axe 560  
 Detinet. heu princeps natura! ubi numina? ubi ille  
 Fulminis injusti jaculator? ubi estis Athenæ?  
 Septima jam surgens trepidis aurora jacentes  
 Averfatur equis. radios declinat, & horret  
 Stelligeri jubar omne poli. jam cominus ipsæ 565  
 Pabula dira feræ, campumque odere volucres  
 Spirantem tabo, & cœlum, ventosque gravantem.  
 Quantum etenim superesse rear? nuda ossa, pu-  
 tremque  
 Urere permittat faniem. properate, verendi  
 Cecropidæ: vos ista decet vindicta, priusquam 570  
 Emathii, Thracæque volent, quæque extat ubique  
 Gens arfura rogis, manesque habitura supremos.

Nam quis erit sævire modus? bellavimus: esto,  
 Sed cecidere odia, & tristes mors obruit iras.  
 Tu quoque, ut egregios fama cognovimus actus, 575  
 Non trucibus monstris Sinin, infandumque dedisti  
 Cercyona, & sævum velles Scyrona crematum,  
 Credo & Amazoniis Tanain fumasse sepulchris,  
 Unde hæc arma refers. sed & hunc dignare trium-  
 phum.  
 Da terris unum, cœloque Ereboque laborem. 580  
 Si patrium Marathona metu, si tecta levasti  
 Cressia, nec fudit vanos anus hospita fletus.  
 Sic tibi non ullæ socia sine Pallade pugnæ,  
 Nec facer invideat paribus Tiryntius actis.  
 Semper & in curru, semper te mater ovantem 585  
 Cernat, & invictæ nil tale precentur Athenæ.  
 Dixerat: excipiunt cunctæ, tenduntque precantes  
 Cum clamore manus. rubuit Neptunius heros  
 Permotus lachrymis. justa mox concitus ira  
 Exclamat: quænam ista novos induxit Erinnyes 590  
 Regnorum mores? non hæc ego pectora liqui  
 Grajorum abscedens, Scythiam, pontumque nivalem  
 Cum peterem. novus unde furor? victimas putasti

Theſea, dire Creon? adſum, nec fanguine feſſum  
 Crede: ſtitit meritos etiamnum hæc haſta cruores. 595  
 Nulla mora eſt. verte hunc adeo, fidiffime Phegeu,  
 Cornipedem, & Tyrias invecus protinus arces  
 Aut Danais edice rogos, aut prælia Thebis.  
 Sic ait, oblitus bellique, viæque laborum,  
 Hortaturque ſuos, viresque inſtaurat anhelas. 600  
 Ut modo connubiis taurus, ſaltuque recepto,  
 Cum poſuit pugnas; alio ſi forte remugit  
 Bellatore nemus, quamquam ora & colla cruento  
 Imbre madent, novus arma parat, campumque la-  
 ceſſens  
 Diſſimulat gemitus, & vulnera pulvere cælat. 605  
 Ipſa metus Libycos, ſervatricemque Meduſam  
 Pectoris, incuſſa movit Tritonia parma:  
 Protinus erecti toto ſimul agmine, Thebas  
 Reſpexere angues. nec dum Atticus ire parabat  
 Miles, & infelix expavit claſſica Dirce. 610  
 Continuo in pugnas haud ſolum accenſa juvenus,  
 Qui modo Caucaſei comites rediere triumphî;  
 Omnis ad arma rudes ager extimulavit alumnos.  
 Conveniunt, ultroque ducis vexilla ſequuntur,

Qui

Qui gelidum Braurona viri, qui rura laceſſunt 615  
 Munichia, & trepidis ſtabilem Pyræa nautis,  
 Et nondum Eoo clarum Marathona triumpho.  
 Mittit in arma manus, genialibus hospita divis  
 Icarii, Celeique domus, virideſque Melænæ,  
 Dives & Egaleos nemorum, Parnæſque benignus 620  
 Vitibus, & pingui melior Lycabeſſos oliva.  
 Venit atrox Ileus, & olentis arator Hymetti,  
 Quæque rudes thyrfos ederis veſtiſtis Acharnæ.  
 Linquntur Eois longe ſpeculabile proris  
 Senion, unde vagi caſurum in nomina ponti 625  
 Creſſia decepit falſo ratis Aegea velo.  
 Hos Salamis populos, illos Cerealis Eleuſin  
 Horrida ſuſpenſis ad prælia miſit aratris.  
 Et quos Calliroe novies errantibus undis  
 Implicat, & raptæ qui conſcius Orythiæ 630  
 Celavit Geticos ripis liſſos amores.  
 Ipſe quoque in pugnas vacuatur collis ubi ingens  
 Lis Superùm, dubiis donec nova ſurgeret arbor  
 Rupibus, & longa refugum mare frangeret umbra.  
 Iſſet & Arctoas Cadmea ad mcenia ducens 635  
 Hippolyte turmas, retinet jam certa tumentis

Statius. T. I.

F f

Spes uteri, conjuxque rogat dimittere curas  
 Martis, & emeritas thalamo sacrare pharetras.  
 Hos ubi velle acies, & dulci gliscere ferro  
 Dux videt, utque piis raptim dent oscula natis 640  
 Amplexusque breves, curru sic fatur ab alto:  
 Terrarum leges & mundi fœdera mecum  
 Defensura manus, dignas infumite mentes  
 Cœptibus. Hac omnem divumque, hominumque fa-

vorem

Naturamque ducem, cœtusque silentis Averni 645  
 Stare palam est: illic Pœnarum exercita Thebis  
 Agmina, & anguicomæ ducent vexilla sorores.  
 Ite alacres, tantæque, precor, confidite causæ.  
 Dixit, & emissa præceps iter inchoat hasta.

Qualis Hyperboreos ubi nubilus instat axes 650

Juppiter, & prima tremefecit sidera bruma;  
 Rumpitur Aeolia, & longam indignata quietem  
 Tollit hyems animos, ventosaque sibilat Arctos.  
 Tunc montes undæque fremunt, tunc prælia cæsis  
 Nubibus, & tonitrus insanaque fulmina gaudent 655  
 Ista gemit tellus: virides gravis ungula campos  
 Mutat, & innumeris peditumque, equitumque ca-

tervis

Expirat protritrus ager, nec pulvere crasso  
 Armorum lux victa perit, sed in æthera longum  
 Frangitur, & mediis ardent in nubibus hasta. 660  
 Noctem adeo, placidasque operi junxere tenebras.

Certamenque immane viris, quo concita tendant  
 Agmina, quis visas proclamet ab aggere Thebas,  
 Cujus in Ogygio stet princeps lancea muro.  
 At procul ingenti Neptunius agmina Theseus 665  
 Angustat clypeo, propriæque exordia laudis,  
 Centum urbes umbone gerit, centenaque Cretæ  
 Mœnia: seque ipsum monstrosi ambagibus antri  
 Hispida torquentem luctantis colla juveni,  
 Alternasque manus circum, & nodosa ligantem 670  
 Brachia, & abducto vitantem cornua vultu.  
 Terror habet populos, cum septus imagine torva  
 Ingreditur pugnas, bis Thesea, bisque cruentas  
 Cæde videre manus. veteres reminiscitur actus  
 Ipse tuens fociumque gregem, metuendaque quon-

dam

675

Limina, & absumpto pallentem Gnoſſida filo.  
 Sævus at interea ferro post terga revinctas  
 Antigenen, viduamque, Creon, Adrastida leto  
 Admovet. ambæ hilares, & mortis amore superbæ  
 Enſibus intentant jugulos, regemque cruentum 680  
 Destituunt: cum dicta ferens Theseia Phegeus  
 Astitit. ille quidem ramis infantis olivæ  
 Pacificus, sed bella ciet, bellumque minatur,  
 Grande fremens, nimiumque memor mandantis; &

ipsum

684

Jam prope, jam medios operire cohortibus agros  
 Ingeminans. stetit ambiguo Thebanus in æstu

Ff 2

Curarum, nutantque minæ, & prior ira tepescit.  
 Tunc firmat sese, fictumque, ac triste renidens:  
 Parvane prostratis, inquit, documenta Mycenis 689  
 Sanximus? en iterum, qui mœnia nostra laceffant.  
 Accipimus, veniant: sed ne post bella querantur,  
 Lex eadem victis. Dixit: sed pulvere crasso  
 Caligare diem, & Tyrios juga perdere montes  
 Aspicit. armari populos tamen, armaque ferri  
 Ipse jubet pallens, mediæque in sedibus aulae 695  
 Eumenidas subitas, flentemque Menecea cernit  
 Turbidus, impositosque rogis gaudere Pelasgos.  
 Quis fuit ille dies? tanto cum sanguine Thebis  
 Pax inventa perit? Patriis modo fixa revellunt  
 Arma deis, clypeisque obducunt pectora fractis, 700  
 Et galeas humiles, & adhuc sordentia tabo  
 Spicula: non pharetris quisquam, non ense decorus,  
 Non spectandus equo. cessit fiducia valli:  
 Murorum patet omne latus, munimina portæ  
 Exposcunt: prior hostis habet. fastigia defunt: 705  
 Dejecit Capaneus. exanguis & ægra juvenus,  
 Jam nec conjugibus, suprema nec oscula natis  
 Jungit, & attoniti nil optavere parentes.  
 Atticus at contra, jubar ut clarescere ruptis  
 Nubibus, & solem primis aspexit in armis, 710  
 Desilit in campum, qui subter mœnia nudos  
 Adservat manes: dirisque vaporibus ægrum  
 Aëra pulverea penitus sub casside ducens

Ingemit, & justas belli flammatur in iras.  
 Hunc saltem miseris ductor Thebanus honorem 715  
 Largitur Danaïs, quod non supet ipsa jacentum  
 Corpora belligeras acies, Martemque secundum  
 Miscuit. At lacera ne quid de strage nefandus  
 Perderet, eligitur sævos potura cruores  
 Terra rudis. jamque alternas in prælia gentes 720  
 Dissimilis Bellona ciet. non clamor utrinque,  
 Non utrinque tubæ. stat debilis altera pubes  
 Summissos enses nequicquam, amentaque dextris  
 Laxa tenens. cedunt tellure, armisque reductis  
 Ostentant veteres etiamnum in sanguine plagas. 725  
 Jam nec Cecropiis idem ductoribus ardor,  
 Languescuntque minæ, & virtus secura residit.  
 Ventorum velut ira minor, nisi silva furentes  
 Impedit, insanique tacent sine littore fluctus.  
 Ut vero æquoreus quercum Marathonida Theseus  
 Extulit, erectæ cujus crudelis in hostes 731  
 Umbra cadit, campumque truem lux cuspidis implet:  
 Ceu pater Edonos Hæmi de vertice Mavors  
 Impulerit currus, rapido mortemque, fugamque  
 Axe vehens, sic exanimis in terga reducit 735  
 Pallor Agenoridas. tædet fugientibus uti  
 Thesea, nec facilem dignatur dextra cruorem.  
 Cætera plebejo desævit sanguine virtus.  
 Sic juvat exanimis projectaque præda canesque,  
 Degeneresque lupos, magnos alit ira leones. 740

Attamen Olenium, Thamirumque, hunc tela pharetra  
 Promentem, hunc saxi tollentem pondera saxi  
 Dejicit, & triplici confisos robore gentis  
 Alceidas fratres, totidem quos eminus hastis  
 Continuat: ferrum consumpsit pectore Phileus, 745  
 Ore momordit Helops, humero transmisit Iapix.  
 Jamque & quadrijugo cellum petit Hæmona curru,  
 Horrendumque manu telum rotat. ille paventes  
 Obliquavit equos; longo perlata tenore  
 Transiit hasta duos. sitiebat vulnera nec non 750  
 Tertia, sed medio cuspis temone retenta est.  
 Sed solum votis, solum clamore fremendo  
 Omaibus in turmis, optatque vocatque Creonta.  
 Atque hunc diversa bellorum in fronte maniplos  
 Hortantem dictis, frustra que extrema minantem 755  
 Conspicit: abscedunt comites, & Thesea jussi  
 Linquebant, fretique deis, atque ipsius armis.  
 Ille tenet, revocatque suos. utque æqua notavit  
 Hinc atque hinc odia, extrema se colligit ira;  
 Jam letale furens, atque audax morte futura: 760  
 Non cum peltiferis, ait, hæc tibi pugna puellis,  
 Virgineas nec crede manus. hic cruda virorum  
 Prælia, nos magnum qui Tydea, quique furentem  
 Hippomedonta neci, Capanea que misimus umbris  
 Pectora. quæ bellum præceps amentia suavit, 765  
 Improbe? nonne vides, quos ulciscare, jacentes?  
 Sic ait, & frustra periturum missile summo

Adfixit clypeo. risit, vocesque, manumque  
 Horridus Aegides, ferrataque arbore magnos  
 Molitur jactus, nec non prius ore superbo 770  
 Intonat. Argolici, quibus hæc datur hostia, Manes,  
 Pandite Tartareum Chaos, ultricesque parate  
 Eumenidas, venit ecce Creon. Sic farus, & auras  
 Dissipat hasta tremens. tunc qua subtemine duro  
 Multiplicem tenues iterant thoraca catenæ, 775  
 Incidit. emicuit per mille foramina sanguis  
 Impius. ille oculis extremo errore solutis  
 Labitur. assistit Theseus gravis, armaque tollens:  
 Jamne dare extinctis justos, ait, hostibus ignes?  
 Jam victos operire placet? vade atra dature 780  
 Supplicia, extremique tamen secure sepulchri.  
 Accedunt utrinque pio vexilla tumultu,  
 Permissentque manus. medio jam fœdera bello,  
 Jamque hospes Theseus. orant succedere muris,  
 Dignari que domos. nec tecta hostilia victor 785  
 Aspernatus, init. gaudent matresque, nurusque  
 Ogygiæ: qualis thyrso bellante subactus  
 Mollia laudabat jam marcidus Orgia Ganges.  
 Ecce per adversas Dirçai verticis umbras  
 Fœmineus quatit astra fragor, matresque Pelasgæ  
 Decurrunt. quales Bacchea ad bella vocata: 791  
 Thyades amentes, magnum quas poscere credas,  
 Aut fecisse nefas. gaudent lamenta, novæque  
 Exultant lachrymæ: rapit huc, rapit impetus illuc,

Theſea magnanimum quærant prius, anne Creonta,  
Anne ſuos: vidui ducunt ad corpora luſtus. 796

Non ego, centena ſi quis mea peſtora laxet  
Voce deus, tot buſta ſimul, vulgique, ducumque  
Tot pariter gemitus, dignis conatibus æquem.

Turbine quo ſeſe caris inſtraverit audax 800

Ignibus Evadne, fulmenque in peſtore magno

Quæſerit. quo more jacens ſuper oſcula ſævi

Corporis, infelix excuſet Tydea conjux.

Ut ſavos narret vigilas Argia forori.

Arcada quo planctu genitrix Erymanthia clamet, 805

Arcada conſumpto ſervantem ſanguine vultus,

Arcada, quem geminæ pariter flere cohortes.

Vix novus iſta furor, venienſque impleſſet Apollo.

Et mea jam longo meruit ratis æquore portum.

Durabiſne procul, dominoque legere ſuperſtes, 810

O mihi biſſenos multum vigilata per annos

Thebai? jam certe præſens tibi fama benignum

Stravit iter, cœpitque novam monſtrare futuris.

Jam te magnanimus dignatur noſcere Cæſar,

Itala jam ſtudio diſcit, memoratque juvenus. 715

Vive, precor, nec tu divinam Aeneïda tenta,

Sed longe ſequere, & veſtigia ſemper adora.

Mox tibi, ſi quis adhuc prætendit nubila livor,

Occidet, & meriti poſt me referentur honores.

THEBAIDOS FINIS.